


〔重刊訂正本〕

中國醫學大成

錢若利題



【二二五】

83472

〔重刊訂正本〕

# 中國醫學大成

三

上海科學技術出版社

\*C0159051\*



中國醫學大成（全套共五十冊）

上海科學技術出版社出版

（上海瑞金二路四五〇號）

新華書店上海發行所發行

上海市印刷十廠印刷

開本七八七×一〇九二

三十二開

精裝

總字數二二,七九〇,〇〇〇

總印張八六二

一九九〇年六月第一版 一九九〇年六月第一次印刷

正體類要

〔明〕薛己 著

外科證治全生集

〔清〕王洪緒 纂著

外科選要

〔清〕唐芹洲 輯著

外科醫鏡

〔清〕張貞菴 著輯

癰科全書

〔清〕梁柘軒 著

痰癰法門

〔清〕李子毅 著

原 編 曹炳章

總審定 裘沛然

總審閱 蕭敏材 朱邦賢 沈麗君



## 重刊訂正《中國醫學大成》序

《中國醫學大成》一書，我鄉先輩四明曹炳章先生所輯集，爲發揚中醫學，保存古醫籍，以饗同道並惠後學作也。曹氏纂集是書時，正值西學東漸，國內淺見倖進之徒，競尚浮華，大肆鞭撻我國文化固有之精英，如民族醫學，悉在消滅之列，中醫學不絕如縷。而先生乃在此時從事中醫叢書巨著之編輯，姑不論其學術價值，獨其保存民族文化精粹之苦心孤詣令人可敬，其卓識遠見，又何其可欽也。

楊志一在原書序中有說：『大凡學術之成立，歷久而不敗者，必有其真實之價值在。』善哉言乎！中華民族立國數千年而得以生存繁衍，如無優秀之文化及可貴之醫學，則亦何逃於優勝劣敗之例。尤

其在科學迅猛發展之今日，百技更新，而古老之中醫藥學日益引起國內外有識之士之重視。各類中醫藥研究所之建立，亦爲保護人民健康之需要，順應世界醫學發展之潮流而設。凡此種種，夫豈偶然。

惟中醫學歷史悠久，濫觴於炎黃，昌盛於漢唐，歷代醫家多有創見，其學術經驗載於文獻者浩如煙海，遺佚者可弗論，僅就先生纂集之時，存書尙達萬種，學者既不能盡讀，又無力購置，且諸書精粗雜糅，版本文字舛誤殊多，使學習中醫者常興望洋之嘆。先生乃爲之博採精選，上自先秦，下迄近代，凡理論、方藥、臨床各科咸備，別爲十三類，書計三百六十五種，分醫經、藥物、診斷、方劑、通治、外感病、內科、外科、婦科、兒科、針灸、醫案及外集雜著各類。其中傷科、眼科及五官病歸入外科，推拿、手術歸入針灸，醫論、醫話、醫史歸入雜著。所收各書，皆中醫要籍，大都內

容精粹，切合實用，版本亦從精選，並加句斷。各書之首，皆列著作校刊略歷及內容提要，以便讀者入門粗知梗之助。

中醫學歷來叢書頗少，是書搜羅廣而選擇精，洵爲前所未有之巨著。惜全書印刊未半而抗戰軍興，烽煙迷漫，醫籍出版被迫中輟。而已印行之一百三十六種，今亦散佚不全。上海科學技術出版社爲應學者需求，重爲付梓，並影印以存原貌。書中明顯錯訛者，由我院及中醫文獻研究所等有關單位專業人員校勘改正，使之益臻完善。

夫文以載道，中醫學爲我國醫學之重要財富，文獻則是寶庫中之重要內容。故有志斯道者，務求先通中醫之理論法則、方藥效用和臨床處置，使對中醫學有全面之理解，更須驗之臨床，以汲取其理論精華與豐富經驗。學問之事，原恃艱苦以求而非獵取可得。昔張仲景勤求古訓，博採衆方；孫思邈青衿之歲，高尚是典，白首之

年，未嘗釋卷；葉香岩以不讀破萬卷，不敢輕言醫。茲三人者，皆由勤奮好學而成一代高醫，故學習中醫宜下一番札實工夫。在此基礎上運用現代科學技術研究和整理中醫學，才有闡明和提高希望。中西醫結合，亦將另具特色。以務實精神，走中醫現代化循序而進之道路，勇於繼承，敢於創新，使傳統醫學有所發現與創造。苟能如此，不僅爲祖國爭光，並將爲人類造福。

本叢書一百三十六種，分爲五十冊；每冊後並皆附有全部書目。它的出版，爲中醫和愛好中醫者提供珍貴之醫學文獻，讀者勤習而深研之，必能奠定中醫學根柢，大有助於中醫事業之繼承與發展。

裘沛然

一九八八年六月作於  
上海中醫學院

〔明〕薛己著

正體類要

中國醫學大成



## 正體類要提要

明薛己撰。己字新甫。又號立齋。明嘉靖時蘇州人。明薛氏作正體科。清金鑑作正骨科。卽今之所謂傷科是也。明時不設專科。故無專書。有之自薛氏始。傷科接骨入臼。妙在手法。其技必有師承。然脈理亦當互參。肢體損於外。則氣血傷於內。營衛有所不貫。藏府由之不和。若純任手法。而不求之脈理。審其虛實。亦不能全其功。立齋薛先生以癰疽專家。諸科無所不治。嘗病正體家言獨有未備。間取諸家治驗彙而集之。爲正體類要二卷。極變析微。可謂詳且備矣。但處方立論。決死定生。固不出諸科外也。



正體類要提要

# 序

世恆言。醫有十三科。科自專門。各守師說。少能相通者。其大較然也。然諸科方論。作者相繼。纂輯不遺。而正體科獨無其書。豈非接復之功。妙在手法。而按揣之勞。率鄙爲粗工。而莫之講歟。昔我毅皇帝因馬逸傷。諸尙藥以非世業。莫能治。獨吾蘇徐通政鎮侍藥奏效。聖體如初。而徐亦由此遭際。擢官至九列。子孫世以其術仕醫垣。此其所繫。豈小小者而可以弗講也。且肢體損于外。則氣血傷于內。營衛有所不貫。藏府由之不和。豈可純任手法。而不求之脈理。審其虛實。以施補瀉哉。太史公有言。人之所病。病疾多。醫之所病。病道少。吾以爲患在不能貫而通之耳。秦越人過琅琊。卽爲帶下醫。過洛陽。卽爲耳目痺醫。入咸陽。卽爲小兒醫。此雖隨俗爲變。豈非其道固無所不貫哉。立齋薛先生以癰疽承家。而諸科無所不治。嘗

病正體家言獨有未備。間取身所治驗。總而集之。爲正體類要若干卷。極變析微。可謂詳且盡矣。而處方立論。決生定死。固不出諸科之外也。然則學者又豈病道之少乎。先生嘗著外科樞要。余旣爲之序以刻矣。將復刻是書。備一家言。余嘆其用心之勤。乃復爲綴數語於卷首。使後世知先生之術。固無所不通。而未嘗不出于一也。學者其勿以專門自諉哉。先生名己。字新甫。官位出處。詳外科樞要序中。茲不更列。

前進士禮部主事陸師道著

# 正體類要目錄

## 卷上

正體主治大法	一
撲傷之症治驗	九
血脫煩躁	〇
血虛發躁	〇
氣虛血熱	一
瘀血泛注	二
瘀血作痛	二

肝火作痛	一三
肝火忿怒	一四
肝火脇脹	一四
肝膽虛症	一五
血虛腹痛	一五
氣虛不潰	一六
寒凝不潰	一六

正體類要 目錄

脾虛不斂	一七
血虛筋攣	一七
腎虛氣逆	一八
濕熱乘肝	一八
肝經鬱火	一九
痛傷胃嘔	一九
藥傷胃嘔	二〇
氣血不損	二〇
行氣之非	二一
下血之非	二一
寒藥之非	二二

二

不斂之非	二三
不補之非	二三
破傷風表症	二四
破傷風裏症	二四
膿內炊類破傷風	二五
膿潰類破傷風	二五
內虛變痊	二六
墜跌金傷治驗	二七
瘀血腹痛	二七
脾傷腹痛	二八
血虛脇脹	二八

血虛煩躁	二九
亡血出汗	二九
亡血昏憤	三〇
濕痰作痛	三一
肝火作痛	三二
血虛作痛	三二
骨傷作痛	三二
氣虛血滯	三三
氣虛不潰	三三
氣虛壅腫	三四
瘀血腫痛	三五

筋傷壅腫	三六
肺火衄血	三七
肝火出血	三七
胃火作嘔	三八
陰虛作喘	三九
陰虛發熱	三九
氣血虛熱	四〇
血不歸經	四〇
氣無所附	四一
氣血俱虛	四一
陽氣脫陷	四二



正體類要目錄

膽經血少……………四二

腎經虛怯……………四三

痛傷胃嘔……………四三

氣遏肉死……………四四

涼藥遏經……………四五

卷下

方藥……………一

四君子湯……………一

小柴胡湯……………二

神效葱熨法……………二

四

湯火所傷治驗……………四六

火毒刑肺金……………四六

火毒燉作……………四七

火毒行於下焦……………四八

火毒乘血分……………四八

八珍湯……………二

犀角地黄湯……………三

十味參蘇飲……………三

二味參蘇飲……………四

四物湯	四
桃仁承氣湯	四
加味承氣湯	四
獨參湯	五
歸脾湯	五
潤腸丸	五
當歸補血湯	六
聖愈湯	六
十全大補湯	七
參附湯	七
清胃散	八

清燥湯	八
生脈散	九
二妙散	九
四斤丸	一〇
補中益氣湯	一〇
四生散	一一
竹葉黃耆湯	一一
竹葉石膏湯	一二
人參平肺飲	一二
滋腎丸	一二
六味地黃丸	一三

清心蓮子飲	一三
七味白朮散	一四
黑丸子	一四
白丸子	一五
六君子湯	一五
迴陽玉龍膏	一五
復原活血湯	一六
復原通氣散	一六
神效太乙膏	一七
乳香定痛散	一七
猪蹄湯	一八

神效當歸膏	一八
托裏散	一九
加味芎歸湯	二〇
當歸導滯散	二〇
花蕊石散	二〇
經驗方	二一
消毒定痛散	二一
藥蛆方	二一
洗藥	二一
黑龍散	二二
洪寶丹	二二

出血不止方	二三
沒藥降聖丹	二三
萬金膏	二四
接骨散	二五
本事接骨方	二五
沒藥丸	二六
羌活防風湯	二六
防風湯	二七
蜈蚣散	二七
羌活湯	二七
地榆防風湯	二八

大芎黃湯	二八
白朮防風湯	二九
白朮湯	二九
謙甫硃砂丸	二九
左龍丸	三〇
江鰮丸	三〇
養血當歸地黃湯	三一
廣利方	三一
白丸子	三一
本事玉真散	三一

正體類要目錄

# 正體類要

明 吳郡 薛 己立齋著

鄞縣 曹炳章校訂

## 卷上

### 正體主治大法

一、脇肋脹痛。若大便通和。喘咳吐痰者。肝火侮肺也。用小柴胡湯。加青皮、山梔清之。若胸腹脹痛。大便不通。喘咳吐血者。瘀血停滯也。用當歸導滯散通之。內經云。肝藏血。脾統血。蓋肝屬木。生火侮土。肝火既熾。肝血必傷。脾氣必虛。宜先清肝養血。則瘀血不致凝滯。肌肉不致遍潰。次壯脾健胃。則瘀肉易潰。新肉易生。若行剋



伐。則虛者益虛。滯者益滯。禍不旋踵矣。

一、肚腹作痛。或大便不通。按之痛甚。瘀血在內也。用加味承氣湯下之。既下而痛不止。按之仍痛。瘀血未盡也。用加味四物湯補而行之。若腹痛按之不痛。血氣傷也。用四物湯加參、芪、白朮補而和之。若下而胸脇反痛。肝血傷也。用四君、芎、歸補之。既下而發熱。陰血傷也。用四物、參、朮補之。既下而惡寒。陽氣傷也。用十全大補湯補之。既下而惡寒發熱。氣血俱傷也。用八珍湯補之。既下而欲嘔。胃氣傷也。用六君、當歸補之。既下而泄瀉。脾腎傷也。用六君、肉果、破故紙補之。若下後手足俱冷。昏憤出汗。陽氣虛寒也。急用參附湯。吐瀉手足俱冷。指甲青者。脾腎虛寒之甚也。急用大劑參附湯。口噤手撒遺尿。痰盛唇青體冷者。虛極之壞症也。急投大劑參附湯。多有得生者。

一、肌肉間作痛。營衛之氣滯也。用復元通氣散。筋骨作痛。肝腎之氣傷也。用六味

地黃丸。內傷下血作痛。脾胃之氣虛也。用補中益氣湯。外傷出血作痛。脾肺之氣虛也。用八珍湯。大凡下血不止。脾胃之氣脫也。吐瀉不食。脾胃之氣敗也。苟預爲調補脾胃。則無此患矣。

一、作痛。若痛至四五日不減。或至一二日方痛。欲作膿也。用托裏散。若以指按下復起。膿已成也。刺去其膿。痛自止。若頭痛時作時止。氣血虛也。痛而兼眩。屬痰也。當生肝血。補脾氣。

一、青腫不消。用補中益氣湯以補氣。腫黯不消。用加味逍遙散以散血。若焮腫脹痛。瘀血作膿也。以八珍湯加白芷托之。若膿潰而反痛。氣血虛也。以十全大補湯補之。若骨節接而復脫。肝腎虛也。用地黃丸。腫不消。青不退。氣血虛也。內用八珍湯。外用葱熨法。則瘀血自散。腫痛自消。若行血破血。則脾胃愈虛。運氣愈滯。若敷貼涼藥。則瘀血益凝。內腐益深。致難收拾。

一、發熱。若出血過多。或潰膿之後。脈洪大而虛。重按全無。此陰虛發熱也。用當歸補血湯。脈沉微。按之軟弱。此陰盛發躁也。用四君、薑、附。若發熱煩躁。肉潤筋惕。亡血也。用聖愈湯。如汗不止。血脫也。用獨參湯。其血脫脈實。汗後脈躁者。難治。細小者易治。外臺祕要云。陰盛發躁。欲坐井中。用附子四逆湯。加葱白。王太僕先生云。凡熱來復去。晝見夜伏。夜見晝伏。不時而動者。名曰無火。此無根之虛火也。一作嘔。若因痛甚。或因尅伐而傷胃者。用四君、當歸、半夏、生薑。或因忿怒而肝傷者。用小柴胡湯加山梔、茯苓。若因痰火盛。用二陳、薑炒黃連、山梔。若因胃氣虛。用補中益氣湯、生薑、半夏。若出血過多。或因潰後。用六君子湯加當歸。一、喘咳。若出血過多。面黑胸脹。或胸膈痛而發喘者。乃氣虛血乘於肺也。急用二味參蘇飲。若咳血衄血者。乃氣逆血蘊於肺也。急用十味參蘇飲。加山梔、芩、連、蘇木。



一、作渴。若因出血過多。用四物參朮。如不應。用人參、黃芪以補氣。當歸、熟地以養血。若因潰後。用八珍湯。若胃熱傷津液。用竹葉黃芪湯。胃虛津液不足。用補中益氣湯。胃火熾盛。竹葉石膏湯。若煩熱作渴。小便淋瀝。乃腎經虛熱。非地黃丸不能救。

一、出血。若患處或諸竅出者。肝火熾盛。血熱錯經而妄行也。用加味逍遙散。清熱養血。若中氣虛弱。血無所附而妄行。用加味四君子湯。補益中氣。或元氣內脫。不能攝血。用獨參湯加炮薑以回陽。如不應。急加附子。或血蘊於內而嘔血。用四物加柴胡、黃芩。凡傷損、勞碌、怒氣、肚腹脹悶。誤服大黃等藥。傷陽絡則爲吐血、衄血、便血、尿血。傷陰絡則爲血積、血塊、肌肉青黯。此臟腑虧損。經隧失職。急補脾肺。亦有生者。但患者不悟此理。不用此法。惜哉。

一、手足傷損。若元氣虛弱。或不戒房勞。或妄行政伐。致死肉上延。或腐而不痛。黑

而不脫者。當大補元氣。庶可保生。若手足節斷去者。無妨。骨斷筋連。不急剪去。若侵及好肉。則不治。若預爲調補脾氣。則無此患。大凡膿瘡肉爛者。卽針之。而投托裏散。或口噤遺尿。而似破傷風者。急用十全大補湯。加附子。多有生者。

一、腐肉不潰。或惡寒而不潰。用補中益氣湯。發熱而不潰。用八珍湯。若因尅伐而不潰者。用六君子湯。加當歸。其外皮黑。堅硬不潰者。內火蒸炙也。內服八珍湯。外塗當歸膏。其死肉不能潰。或新肉不能生。而致死者。皆失於不預補脾胃也。

一、新肉不生。若患處天白。脾氣虛也。用六君芎歸。患處緋赤。陰血虛也。用四物、參朮。若惡寒發熱。氣血虛也。用十全大補湯。膿稀白而不生者。脾肺氣虛也。用補中益氣湯。膿稀赤而不生者。心脾血虛也。用東垣聖愈湯。寒熱而不生。肝火動也。用加味逍遙散。晡熱而不生。肝血虛也。用八珍、牡丹皮。食少體倦而不生。脾胃氣虛也。用六君子湯。膿穢而不生者。陰虛邪火也。用六味地黃丸。四肢困倦。精神短少。

而不生者。元氣內傷也。用補中益氣湯。如夏月用調中益氣湯。作瀉用清暑益氣湯。秋令作瀉。用清燥湯。

一、傷重昏憤者。急灌以獨參湯。雖內瘀血。切不可下。急用花蕊石散內化之。恐因瀉而亡陰也。若元氣虛甚者。尤不可下。亦用以前散化之。凡瘀血在內。大小便不通。用大黃朴硝。血凝而不下者。急用木香、肉桂末三二錢。以熱酒調灌服。血下乃生。如怯弱之人。用硝黃須加肉桂、木香同煎。假其熱以行其寒也。

一、大便秘結。若大腸血虛火熾者。用四物湯送潤腸丸。或以豬膽汁導之。若腎虛火燥者。用六味地黃丸。腸胃氣虛。用補中益氣湯。

一、傷損症用黑羊皮者。蓋羊性熱能補氣也。若杖瘡傷甚。內肉已壞。欲其潰者。貼之成膿固速。苟內非補劑壯其根本。毒氣不無內侵。外非砭刺泄其瘀穢。良肉不無傷壞。若受刑輕。外皮破傷者。但宜當歸膏敷貼。更服四物、芩、連、柴胡、山梔、白朮。



茯苓。又丁痂不結。傷肉不潰。死血自散。腫痛自消。若概行罨貼。則醞釀瘀毒矣。

一、跳躍搥胸閃挫。舉重勞役恚怒。而胸腹痛悶。喜手摸者。肝火傷脾也。用四君、柴胡、山梔。畏手摸者。肝經血滯也。用四物、柴胡、山梔、桃仁、紅花。若胸脇作痛。發熱晡熱。肝經血傷也。用加味逍遙散。若胸脇作痛。飲食少思。肝脾氣傷也。用四君、芍、歸、柴、梔、丹皮。若胸腹脹滿。飲食少思。肝脾氣滯也。用六君加柴胡、芍、歸。若胸腹不利。食少無寐。脾氣鬱結也。用加味歸脾湯。若痰氣不利。脾肺氣滯也。用二陳、白朮、芍、歸、梔子、青皮。若咬牙發搐。肝旺脾虛也。用小柴胡湯、川芎、山梔、天麻、鉤藤、鉤。或用風藥。則肝血益傷。肝火益甚。或飲糖酒。則腎水益虛。肝火愈熾。若用大黃等藥。內傷陰絡。反致下血。少壯者必爲痼疾。老弱者多致不起。

一、破傷風。河間云。風症善行數變。入臟甚速。死生在反掌之間。宜急分表裏虛實而治之。邪在表者。則筋脈拘急。時或寒熱。筋惕搐搦。脈浮弦。用羌活防風湯散之。

在半表半裏者。則頭微汗。身無汗。用羌活湯和之。傳入裏者。舌強口噤。項背反張。筋惕搐搦。痰涎壅盛。胸腹滿悶。便溺閉赤。時或汗出。脈洪數而弦。以大芎黃湯導之。既下而汗仍出。表虛也。以白朮防風湯補之。不時灌以粥飲爲善。前云乃氣虛未損之法也。若膿血太泄。陽隨陰散。氣血俱虛。而類前症者。悉宜大補脾胃。切忌祛風之藥。

一、發瘧。仲景云。諸瘧項強。皆屬於瘧。又云。太陽病發汗太多致瘧。風病下之則瘧。復發汗則拘急。瘡家發汗則瘧。是汗下重亡津液所致。有汗而不惡寒曰柔瘧。以風能散氣也。宜白朮湯加桂心。黃芪。無汗而惡寒曰剛瘧。以寒能澀血也。宜葛根湯。皆氣血內傷。筋無所營而變。非風也。杖瘡及勞傷氣血而變者。當補氣血。未應用獨參湯。手足冷加桂附。緩則不救。

### 撲傷之症治驗

### 血脫煩躁

有一患者。兩脇脹悶。欲效不效。口覺血腥。徧身臀腿脹痛。倦怠不食。煩渴脈大。此血脫煩躁也。與童便酒及砒患處。出死血糜肉甚多。忽發熱煩躁汗出。投以獨參湯三劑少止。又用補氣血清肝火之藥數劑。飲食稍進。後用獨參湯間服。諸症悉退。飲食頓加。但不能多寐。以歸脾湯加山梔、竹茹。四劑而熟睡。因勞心遂煩渴自汗。脈大無力。以當歸補血湯二劑而安。又以十全大補去川芎。加麥門、五味、牡丹、地骨、麻黃根、炒浮麥。數劑而汗止。死肉且潰。又二十餘劑而新肉生。

### 血虛發躁

有一患者。煩躁面赤。口乾作渴。脈洪大。按之如無。余曰。此血虛發躁也。遂以當歸



補血湯。二劑即止。後日晡發熱。更以四物加柴胡、牡丹、地骨、黃柏、知母治之。熱退而瘡斂。東垣云。發熱惡寒。大渴不止。其脈大而無力者。非白虎湯症。此血虛發躁也。宜用當歸補血湯治之。裴先生云。肌熱躁熱。目赤面紅。其脈洪大而虛。此血虛也。若誤服白虎湯。輕則危。重則斃。

### 氣虛血熱

有一患者。頭額出汗。熱渴氣短。煩躁骨痛。瘀肉不潰。遂割去之。出鮮血。服芩連之藥益甚。其脈洪大而微。此氣血俱虛。邪火熾盛所致。以四物加參、芪、朮、炙草。少用柴胡、炒芩。二劑頭汗頓止。又加麥門、五味、肉桂。二劑諸症悉退。後用參、芪、歸、朮、炒芍、熟地、麥門、五味。十餘劑瘀血潰而膿水稠矣。但新肉不生。以前藥倍用白朮而斂。

## 瘀血泛注

有一患者。瘀血流注腰脊。兩足俱黑。隨飲童便酒。砭出瘀血糜肉。投以小柴胡湯。去半夏。加山梔、芩、連、骨碎補。以清肝火。用八珍、茯苓。以壯脾胃。死肉潰而新肉生。後瘡復潰。得靜調治。年餘而痊。

有一患者。瘀血攻注陰囊。潰而成漏。膿水清稀。所服皆寒涼之劑。診其肝脈短瀋。餘脈浮而無力。此肝木受肺金剋制。又元氣虛。不能收斂。遂用壯脾胃生氣血之方。元氣少復。後終歿於金旺之日。

## 瘀血作痛

有一患者。腫痛發熱。作渴汗出。余曰。此陰血受傷也。先砭去惡穢。以通壅塞。後用

四物、柴胡、黃芩、山梔、丹皮、骨碎補。以清肝火而愈。

有一患者。傷處揉散。惟腫痛不消。余曰。此瘀血在內。宜急砭之。不從。余以蘿蔔自然汁調山梔末敷之。破處以當歸膏貼之。更服活血之劑而瘥。數年之後。但遇天陰。仍作癢痛。始知不砭之失。

有一患者。臀腿黑腫。而皮不破。但脹痛重墜。皆以爲內無瘀血。惟敷涼藥。可以止痛。余診其尺脈濇而結。此因體肥肉厚。瘀血蓄深。刺去卽愈。否則內潰。有爛筋傷骨之患。余入針四寸。漂黑血數升。腫痛遂止。是日發熱惡寒。煩渴頭痛。此氣血俱虛而然也。以十全大補之劑。遂瘥。

## 肝火作痛

有一患者。瘀血內脹。熾痛發熱。口乾作渴。飲食不甘。四肢倦怠。余曰。此肝火熾盛。

脾土受制。故患前症。喜其稟實年壯。第用降火清肝活血之劑而愈。

## 肝火忿怒

有一患者。患處脹痛。悲哀忿怒。此厥陽之火。爲七情激之而然耳。遂砭去瘀血。以小柴胡湯加山梔、黃連、桔梗而安。後用生肝血養脾氣之藥。瘡潰而斂。

## 肝火脇脹

有一患者。患處脹痛。發熱欲嘔。兩脇熱脹。肝脈洪大。余曰。肝火之症也。但令飲童便。并小柴胡湯。加黃連、山梔、歸梢、紅花。諸症果退。此症若左關脈浮而無力。以手按其腹。反不脹者。此血虛而肝脹也。當以四物、參苓、青皮、甘草之類治之。若左關脈洪而有力。胸脇脹痛者。按之亦痛。此怒氣傷肝之症也。以小柴胡、芎、歸、青皮、芍



藥、桔梗、枳殼主之。蓋此症不必論其受責之輕重。問其患處去血之曾否。但被人扭按甚重。努力恚怒。以傷其氣血。瘀血歸肝。多致前症。甚則胸脇脹滿。氣逆不通。或血溢口鼻。卒至不救。

### 肝膽虛症

有一患者。愈後口苦。腰脇脹痛。服補腎行氣等藥不愈。余按其肝脈浮而無力。此屬肝膽氣血虛而然耳。用參、芪、芍、歸、地黃、白朮、麥門、五味。治之而愈。

### 血虛腹痛

有一患者。杖後服四物、紅花、桃仁、大黃等劑。以逐瘀血。腹反痛。更服一劑。痛益甚。按其腹不痛。余曰。此血虛也。故喜按而不痛。宜溫補之劑。遂以歸身、白朮、參、芪、炙

草。二劑痛即止。

### 氣虛不潰

有一患者。瘀血已去。飲食少思。死肉不潰。又用托裏之藥。膿稍潰而清。此血氣虛也。非大補不可。彼不從。余強用大補之劑。飲食進而死肉潰。但少寐。以歸脾湯加山梔。二劑而寐。因勞心煩躁作渴。脈浮洪大。以當歸補血湯。二劑而安。

### 寒凝不潰

有一患者。受刑太重。外皮傷破。瘀血如注。內肉糜爛黯腫。上徹胸背。下至足指。昏憤不食。隨以黑羊皮熱貼患處。灌以童便酒薄粥。更以清肝活血調氣健脾之劑。神思稍蘇。始言遍身強痛。又用大劑養血補氣之藥。腫消食進。時仲冬。瘀血凝結。

不能潰膿。又用大補之劑。壯其陽氣。其膿方熟。遂砭去。洞見其骨。塗以當歸膏。及服前藥百餘劑。肌肉漸生。

### 脾虛不斂

有一患者。潰而不斂。以內有熱毒。欲用寒涼之藥。余曰。此血氣俱虛。而不能斂耳。非歸朮參芪之類。培養脾土。則肌肉何由而生。豈可復用寒涼剋伐之藥。重損氣血耶。遂用前藥。治之而愈。

### 血虛筋攣

有一患者。腹脹嘔吐眩暈。用柴胡、黃芩、山梔、紫蘇、杏仁、枳殼、桔梗、川芎、當歸、赤芍、紅花、桃仁。四劑而定。後又出血過多。昏憤目黑。用十全大補等藥而蘇。時肌肉潰

爛。膿水淋漓。筋攣骨痛。予切其脈浮而濇。沉而弱。此因氣血耗損。不能養筋。筋虛不能束骨。遂用養氣血之藥。治之而愈。

### 腎虛氣逆

有一患者。杖瘡愈後。失於調理。頭目不清。服祛風化痰等藥。反眩暈。服牛黃清心丸。又肚腹疼痛。杖痕腫癢。發熱作渴。飲食不思。痰氣上升。以爲杖瘡餘毒復作。診左尺脈洪大。按之如無。予曰。此腎經不足。不能攝氣歸源。遂用人參、黃芪、茯苓、陳皮、當歸、川芎、熟地、山藥、山茱萸、五味、麥門、炙草。服之而尋愈。後因勞。熱渴頭痛。倦怠少食。用補中益氣湯。加麥門、五味而痊。

### 濕熱乘肝



有一患者。愈後腿作痛。余意膿血過多。瘡雖愈。肝經血氣尙未充實。而濕熱乘虛也。遂以八珍加牛膝、木瓜、蒼朮、黃柏、防己、炙草。以祛濕熱。養陰血。痛漸止。乃去防己、黃柏。服之遂瘳。

## 肝經鬱火

有一患者。瘀血失砭。脹痛煩渴。縱飲涼童便。渴脹頓止。以蘿蔔細搗塗之。瘀血漸散。已而患處作癢。仍塗之癢止。後口乾作渴。小腹引陰莖作痛。小便如淋。時出白津。此肝經鬱火也。遂以小柴胡湯加大黃、黃連、山梔飲之。諸症悉退。再用養血等藥而安。夫小腹引陰莖作痛等症。往往誤認爲寒症。投以熱劑。則諸竅出血。或二便不通。以及危殆。輕亦損其目矣。

## 痛傷胃嘔

有一患者。痛甚發熱。嘔吐少食。胸膈痞滿。用行氣破血之劑益甚。口乾作渴。大便不調。患處色黯。余曰。此痛傷胃氣所致。遂以四君當歸、炒芩、軟柴、藿香。二劑諸症漸愈。又用大補之劑。潰之而瘳。

藥傷胃嘔

有一患者。發熱熉痛。服寒涼藥。更加口乾作渴。肚腹亦痛。自以為瘀血。欲下之。余按其肚腹不痛。脈微細而遲。飲食惡寒。此涼藥傷胃而然也。急用六君加芍藥、當歸、炮附子各一錢。服之前症益甚。反加譫語面赤。余意其藥力未至耳。前藥再加附子五分。服之即睡。覺來諸病頓退而安。

氣血不損



有一患者。瘀血雖去。飲食形氣如故。但熱渴熾痛。膈痞有痰。以小柴胡湯加天花粉、貝母、桔梗、山梔。二劑少愈。又加生地、歸尾、黃芩、柴胡、山梔、花粉而愈。余治百餘人。其杖後血氣不虛者。惟此一人耳。治者審之。

### 行氣之非

有一患者。服行氣之劑。胸痞氣促。食少體倦。色黯膿清。此形氣俱虛之症也。先用六君、桔梗二劑。胸膈氣和。後用補中益氣去升麻。加茯苓、半夏、五味、麥門治之。元氣漸復而愈。若用前劑。戕賊元氣。多致不救。

### 下血之非

有一患者。去其患處瘀血。用四物、柴胡、紅花治之。熾痛頓止。但寒熱口乾。飲食少。

思用四物、白朮、茯苓、柴胡、黃芩、花粉四劑。寒熱即退。用六君、芎歸、藿香。而飲食進。腐肉雖潰。膿水清稀。以前藥倍用參、芪、歸、朮、茯苓。二十餘劑。腐肉俱潰。膿水漸稠。誤服下藥一鍾。連瀉四次。患處色黯。喜其脈不洪數。乃以十全大補倍加肉桂、麥門、五味。數劑。肉色紅活。新肉漸生。喜在壯年。易於調理。又月餘而愈。否則不救。凡杖瘡跌撲之症。患處如有瘀血。止宜砭去。服壯元氣之劑。蓋其氣血已損。切不可再用行氣下血之藥。復損脾胃。則運氣愈難。營達於下而反爲敗症。怯弱者多致夭枉。

### 寒藥之非

有一患者。腫痛敷寒涼之藥。欲內消瘀血。反致臀腿俱冷。瘀血併胸腹痞悶。余急去所敷之藥。以熱童便酒洗患處。服六君、木香、當歸。敷回陽膏。臀腿漸溫。又以前

藥去木香。加川芎、藿香、肉桂。四劑。瘀血解。乃刺之。更以壯脾胃。養氣血得痊。蓋氣血得溫則行。得寒則凝。寒極生熱。變化爲膿。腐潰深大。血氣既敗。肌肉無由而生。欲望其生難矣。

### 不砭之非

有一患者。發熱煩躁。用四物、黃芩、紅花、軟柴、山梔、花粉。煩熱已清。瘀血深蓄。欲針出之。不從。忽牙關緊急。患處作痛。始針去膿血。卽安。用托裏養血。新肉漸長。忽患處瘙癢。此風熱也。用祛風消毒之劑而痊。

### 不補之非

有一患者。臀腿脹痛。發熱煩躁。刺去死血。脹痛少寬。熱躁愈甚。此血脫邪火旺而

然也。急用獨參湯補之。少愈。又以健脾胃養氣血藥治之。腐肉漸潰遂愈。大抵此症宜預調補。以顧收斂。切不可伐其氣血。不行補益。以至不能收斂矣。

### 破傷風表症

有一患者。仲夏誤傷手。腰背反張。牙關緊急。脈浮而散。此表症也。遂用羌活防風湯。一劑即解。此症若在秋冬腠理緻密之時。須用麻黃之類以發汗。此乃暴傷。氣血不損之治法也。

### 破傷風裏症

有一患者。杖處略破而患此。脈洪大而實。此裏症也。用大芩黃湯一劑。大便微行一次。悉退。若投表藥。必死。宜急分表裏虛實而治之。庶無誤矣。



## 膿內焮類破傷風

有一患者。寒熱口乾。用四物、參芪、白朮、軟柴、炒芩、麥門、五味。四劑少退。余欲砭去瘀血。不從。後怔忡不寐。飲食少思。牙關牽緊。頭目疼痛。惡寒發熱。此膿內焮也。遂砭去之。即安。以八珍、棗仁、麥門、五味。二十劑。前症漸愈。又用前藥。及獨參湯。瘀肉漸潰。後因勞又少寐盜汗。以歸脾湯、麥門、五味、遠志而痊。後牙關脹悶。面目焮赤。又似破傷風。仍以爲虛。用八珍等藥亦安。

## 膿潰類破傷風

有一患者。腹脹喘促。作渴寒熱。臀腿糜爛。與死血相和。如皮囊盛糊。用童便煎四物、桃仁、紅花、柴胡、黃芩、麥門、花粉。服之頓退。彼用黑羊皮貼之。益甚。後砭去膿血。



甚多。氣息奄奄。唇口微動。牙關緊急。患處色黯。或欲用破傷風藥。余曰。此氣血虛而癰瘰也。用參、芪、芎、歸、白朮。并獨參湯、人乳汁。元氣復而諸症愈。乃用十全大補湯調理而安。此症若膿瘰內炊者。宜針之。若潰後口噤遺尿。而類破傷風等症者。乃氣血虛極也。急用大補之劑。若素多痰患風症者。宜清痰降火。若因怒而見風症者。宜清肝降火。若人不慎房勞。而忽患前症。此由腎水不足。心火熾甚。宜滋陰補氣血為主。若誤作風症治之。即死。

內虛癰瘰

瘰當作瘰

有一患者。內潰。針出膿三五碗。遂用大補之劑。翌日熱甚。汗出足冷。口噤。腰背反張。衆欲投發散之劑。余曰。此氣血虛極而癰瘰也。若認作風治。則誤矣。用十全大補等藥而愈。此症多因傷寒汗下過度。與產婦潰瘍。氣血虧損所致。但當調補氣

血爲善。若服尅伐之劑。多致不救。

有一患者。兩月餘矣。瘡口未完。因怒發瘡。瘡口出血。此怒動肝火而爲患耳。用柴胡、芩、連、山梔、防風、桔梗、天麻、鉤藤、鈎、甘草。治之頓愈。劉宗厚先生云。瘡有屬風火之熱內作者。有因七情怒氣而作者。亦有濕熱內盛。痰涎壅遏經絡而作者。惟宜補虛降火。敦土平木。清痰去濕。

### 墜跌金傷治驗

#### 瘀血腹痛

有一患者。仲秋夜歸墜馬。腹內作痛。飲酒數盃。翌早大便自下。瘀血卽安。此元氣充實。挾酒勢而行散也。

一男子跌傷。腹痛作渴。食梨子二枚。益甚。大便不通。血欲逆上。用當歸承氣湯。加

桃仁。瘀血下而瘥。此因元氣不足。瘀血得寒而凝聚也。故產婦金瘡者。不宜食此。一男子孟秋墜梯。腹停瘀血。用大黃等藥。其血不下。反加胸膈脹痛。喘促短氣。余用肉桂、木香末各二錢。熱酒調服。卽下黑血。及前所服之藥而蘇。此因寒藥凝滯而不行。故用辛溫之劑散之。

### 脾傷腹痛

陳侍御墜馬。腿痛作嘔。服下藥一劑。胸腹脹痛。按之卽止。惟倦怠少氣。診其脈微細而濇。余曰。非瘀血也。乃痛傷氣血。復因藥損脾氣而然耳。投養脾胃生氣血之藥而愈。

### 血虛脇脹

李進士季夏傷手。出血不止。發熱作渴。兩脇作脹。按之即止。此血虛也。用八珍。加軟柴胡、天花粉治之頓愈。更用養氣血之藥。調理而痊。

### 血虛煩躁

吳給事墜馬傷首。出血過多。發熱煩躁。肉瞤筋惕。或欲投破傷風藥。余曰。此血虛火動所致。當峻補其血爲善。遂用聖愈湯。二劑即安。又養氣血而瘡瘡。

### 亡血出汗

張進士季秋墜馬。亡血過多。出汗煩躁。翌日其汗自止。熱躁益甚。口噤手顫。此陰血虛。陽火乘之而汗出。爲寒氣收斂腠理。故汗不得出。火不得泄。怫鬱內甚。而益增他症也。余用四物。加柴胡、黃芩、山梔。四劑少止。又用四物、參耆、軟柴胡、五味、麥



門治之而痊。

亡血昏憤二條

一婦人孟冬傷足。亡血頭汗。內熱作渴。短氣煩躁。不時昏憤。其脈洪大。按之微弱。此陰血虛於下。孤陽炎於上。故發厥而頭出汗也。以四物合小柴胡湯。一劑汗即止。以四物、去川芎、加參、耆、麥門、五味、炙草。少用肉桂。四劑諸症悉去。又三十餘劑。血氣復而愈。

一男子孟夏折腿。出血過多。其初眩暈眼花。後則昏憤。此陰血傷損。陽火熾甚。制金不能平木。木旺生風所致。急灌童便。更用人參、當歸各五錢。荆芥、川芎、柴胡、芍藥、白朮各二錢。山梔、黃芩、桔梗各一錢。甘草五分。服之隨爽。又用四物、參、耆各三錢。生地、柴胡各一錢。四劑煩躁悉去。



溼痰作痛三條

大宗伯沈立齋。孟冬閃腰作痛。胸間痰氣不利。以枳殼、青皮、柴胡、升麻、木香、茴香、當歸、川芎、赤芍、神麴、紅花。四劑而瘥。但水食不甘。微有潮熱。以參耆、白朮、陳皮、白芍各一錢。歸身二錢。川芎八分。軟柴胡、地骨、炙草各五分。十餘劑而康。

劉尙寶體肥臂閃作痛。服透骨丹。反致肢節俱痛。下體益甚。以二陳、南星、羌活、防風、牛膝、木瓜、蒼麻、黃芩、黃柏治之。身痛遂安。以前藥再加歸尾、赤芍、桔梗。治之而瘥。

鄭吏部素有濕痰。孟冬墜馬。服辛熱破血之藥。遍身作痛。發熱口乾。脈大而滑。此熱劑激動痰火爲患耳。治以清燥湯。去人參、當歸、黃耆。加黃芩、山梔、半夏、黃柏。熱痛頓去。患處少愈。更用二陳、羌活、桔梗、蒼朮、黃柏、薑製生地、當歸。遂瘥。

## 肝火作痛

楊司天骨已入臼。患處仍痛。服藥不應。肝脈洪大而急。余曰。此肝火盛而作痛也。用小柴胡湯。加山梔、黃連。二劑痛止。用四物、山梔、黃柏、知母。調理而康。

## 血虛作痛

一婦人磕臂出血。骨痛熱渴。煩悶頭暈。日晡益甚。此陰虛內熱之症。用八珍加丹皮、麥門、五味、骨碎補、肉桂、及地黃丸。治之悉愈。却去桂。加牛膝、續斷。二十餘劑而瘡愈。

## 骨傷作痛 二條

一小兒足傷作痛。肉色不變。傷在骨也。頻用炒葱熨之。五更用和血定痛丸。日間用健脾胃生氣血之劑。數日後服地黃丸。三月餘而瘥。一小兒臂骨出臼接入。腫痛發熱。服流氣等藥益甚。飲食少思。余以葱熨之。其痛即止。以六君、黃芪、柴胡、桔梗、續斷、骨碎補治之。飲食進而腫痛消。又用補中益氣。加麥門、五味治之。氣血和而熱退愈矣。

### 氣虛血滯

戴給事墜馬。腿腫痛而色黯。食少倦怠。此元氣虛弱。不能運散瘀血而然耳。遂用補中益氣。去升麻柴胡。加木瓜、茯苓、芍藥、白朮。治之而痊。

### 氣虛不潰

少宗伯劉五清。膝傷一塊。微痛。少食。用六君子湯。倍加當歸黃耆。其痛漸止。月餘。瘀血內涸而不潰。公以爲痊。余曰。此陽氣虛極。須用調補。不從。至來春頭暈。痰涎壅塞。服清氣化痰。病勢愈盛。脈洪大而微細。欲以參、耆、歸、朮、附子之類補之。不信。至秋初。因怒昏憤而厥。

氣虛壅腫 三條

一婦人閃臂腕。腫大已三月。手臂日細。肌瘦惡寒。食少短氣。脈息微細。屬形病俱虛也。遂投補中益氣。加肉桂引諸藥以行至臂。再加貝母、香附以解久病之鬱。間服和血定痛丸。以葱熨之。腫消二三。因怒患處仍脹。胸膈兩脇微痛。以前湯更加木香、山梔、半夏、桔梗服之。少可。復因驚不寐。少食盜汗。以歸脾湯加五味、麥門。二十餘劑而安。腫消三四。手臂漸肥。但經水過期而少。此心脾之血。尙未充足而然。



也。乃用八珍加五味、麥門、丹皮、遠志、香附、貝母、桔梗、四十餘劑。諸症悉愈。後因怒發熱譫語。經水如湧。此怒動肝火。以小柴胡湯加生地黃二錢。一劑遂止。以四物加柴胡調理而康。

州守陳克明子。閃右臂。腕腫痛。肉色不變。久服流氣等藥。加寒熱少食。舌乾作渴。余曰。傷損等症。腫不消。色不變。此血氣虛而不能愈。當助脾胃。壯氣血為主。遂從余法治之。不二月。形氣漸充。腫熱漸消。半載諸症悉退。體臂如常。

一小兒閃腿。腕壅腫。形氣怯弱。余欲治以補氣血為主。佐以行散之劑。不信。乃內服流氣飲。外敷寒涼藥。加寒熱體倦。余曰。惡寒發熱。脈息洪大。氣血虛極也。治之無功。後內潰瀝盡氣血而亡。

## 瘀血腫痛 二條



一男子閃傷右腿。壅腫作痛。余謂急砭去滯血。以補元氣。庶無後患。不信。乃外敷大黃等藥。內服流氣飲。後湧出穢膿數碗許。其膿不止。乃復請治。視其腿細而脈大。作渴發熱。辭不治。後果歿。

窗友王汝道。環跳穴處閃傷。瘀血腫痛。發熱作渴。遂砭去瘀血。知其下焦素有虛火。用八珍加黃柏、知母、牛膝、骨碎補。四劑頓止。用十全大補湯。少加黃柏、知母、麥門、五味。三十餘劑而斂。

### 筋傷壅腫

李考功子十四歲。脚腕閃傷。腫而色天。日出清膿少許。肝脈微瀦。此肝經受傷。氣血虛而不能潰。難治之症也。急止尅伐之劑。不信。乃雜用流氣等藥。後果出爛筋而死。

## 肺火衄血

張地官墜馬傷腿。服草烏等藥。致衄血咳嗽。臂痛目黃。口渴齒痛。小便短少。此因燥劑傷肺。與大腸而致。余用生地、芩、連、黃柏、知母、山梔、山藥、甘草。以潤肺之燥。而生腎水。小便頓長。諸症並止。以山藥、五味、麥門、參、耆、芎、歸、黃柏、黃芩、知母、炙草。以滋陰血。養元氣而瘡斂。

## 肝火出血 三條

俞進士折腿。骨已接。三月尚發熱出汗不止。正體醫治不應。左關脈洪數。此肝火熾甚。血得熱而妄行也。遂投小柴胡湯。加山梔、芍藥、生地、防風。血止熱退。又用八珍、五味、麥門治之。瘡口卽愈。

田宗伯姪。仲秋因怒跌仆。遍身作痛。發熱衄血。肝脈弦洪。余曰。久衄脈弦洪。乃肝火盛而制金也。至春則肝木茂盛而自焚。或戕賊脾土。非易治之症。當滋腎水以生肝木。益脾土以生肺金。乃雜用瀉肝火等藥。歿於仲春之月。

一婦人因怒仆地。傷面出血。痰盛昏憤。牙關緊急。余曰。此怒動肝火。氣逆拂鬱。神明昏冒而卒倒也。兩手脈洪大而無倫次。以小柴胡湯。加黃連、山梔、芎、歸、橘紅、茯苓、薑汁。治之而甦。

胃火作嘔

一膏粱之人。跌腿青腫作痛。服辛熱之藥。反發熱作喘。患處益痛。口乾唇揭。余曰。膏粱之人。內多積熱。更服辛熱之劑。益其胃火而使然也。頻飲童便。以清胃散。加山梔、黃芩、甘草。治之頓止。患處以葱熨之。腫即消散。

## 陰虛作喘

舉人杜克弘墜馬。服下血藥。反作喘。日晡益甚。此血虛所致耳。非瘀血爲患。遂以四物。加參、耆、五味、麥門治之。其喘頓止。又用補中益氣。加五味、麥門而愈。此症果係瘀血蒸熏於肺而喘。只宜活血行血。亦不可下。若面黑胸脹。或膈痛作喘。當用人參一兩。蘇木二兩。作一劑。水煎急服。緩則不治。產婦多有此疾。

## 陰虛發熱

楊進士傷手指。焮痛發熱。服寒涼之藥。致飲食頓減。患處不潰。余用托裏養血之藥。食進瘡潰。後因勞。每日晡發熱。此陰虛而內熱也。以四物、軟柴胡、地骨皮乃退。更用養血氣之藥而瘡斂。



## 氣血虛熱

一男子墜馬。腹有瘀血。服藥下之。致發熱盜汗自汗。脈浮濇。余以爲重劑過傷氣血所致。投以十全大補湯益甚。時或譫語。此藥力未及而然也。以前藥加炮附子五分。服之卽睡。覺來頓安。再劑而痊。

## 血不歸經二條

大尹劉國信。金瘡出血。發熱煩躁。屬陰虛爲患。用聖愈湯治之。虛火息而血歸經矣。

梁閣老姪。金瘡腫痛。出血不止。寒熱口乾。此氣虛血無所附。而血不歸經也。用補中益氣。五味、麥門主之。陽氣復而愈。



## 氣無所附

舉人余時正。金瘡燉痛。出血不止。惡寒發熱。用敗毒等藥愈甚。此亡血過多。氣無所附而然耳。遂以四物、黃柏、知母、軟柴胡、玄參、五味、麥門治之即愈。

## 氣血俱虛

余北仕時。有留都賈學士子。年十六。患流注。已二載。公陞北宗伯。邀余治。診其脈。洪大而數。膿清作渴。食少盜汗。朝寒暮熱。余曰。此氣血俱虛也。先以固氣血爲主。午前以四君、芎、歸、炙草。午後以四物、參、耆、麥門、五味。兩月。諸症遂可一二。有一醫用滲利之劑。保其必生。治之三月。氣血極虛。而形體骨立。復懇治。余被命南下。後果歿。

## 陽氣脫陷

梁閣老姪跌傷腿。外敷大黃等藥。內服破血之劑。遂致內潰。余針出穢膿三碗許。虛證悉具。用大補之劑兩月餘。少能步履。因勞心。手撒眼閉。汗出如水。或欲用祛風之劑。余曰。此氣血尙未充足而然也。急以艾炒熱。頻熨肚臍。并氣海穴處。以人參四兩。炮附子五錢煎灌。良久臂少動。又灌一劑。眼開能言。但氣不能接續。乃以人參耆歸朮四味共一斤。附子五錢。水煎徐徐服之。元氣漸復。飲食已進。乃去附子。服之而瘡愈。

## 膽經血少

一女子年十七。閃右臂。微腫作痛。寅申時發熱。余決其膽經血虛火盛。經水果先

期而至。先以四物合小柴胡湯。四劑熱退。更以加味四物湯加香附、地骨皮、山梔、各五分。芩、連、炙草、各三分。二十餘劑。其腫亦消。乃去黃連、山梔。又五十餘劑。經水調而元氣充矣。

### 腎經虛怯二條

儒者王清之跌腰作痛。用定痛等藥不愈。氣血日衰。面耳黧色。余曰。腰爲腎之府。雖曰閃傷。實腎經虛弱所致。遂用杜仲、補骨脂、五味、山茱、萆薢、山藥、空心服。又以六君、當歸、白朮、神麴各二錢。食遠服。不月而瘥。一三歲兒閃腰作痛。服流氣等藥。半載不愈。余曰。此稟腎氣不足。不治之症也。後果歿。

### 痛傷胃嘔

一婦人傷指。手背俱腫。微嘔少食。彼以爲毒氣內攻。診其脈沉細。此痛傷胃氣所致也。遂刺出膿碗許。先以六君、藿香、當歸、而食進。繼以八珍、黃耆、白芷、桔梗。月餘而瘡愈。

氣遏肉死 二條

一男子修傷足指。色黑不痛而欲脫。余曰。此因陽氣虛。不能運達於患處也。急去之。速服補劑以壯元氣。否則死肉延足。必不救矣。不信。果黑爛上脛而死。大抵手足氣血罕到之地。或生瘡。或傷損。若戕其元氣。邪氣愈盛。潰爛延上必死。不潰而色黯者亦死。若骨斷筋皮尙連者。急剪去之。

一女年數歲。嚴寒上京。兩足受凍不仁。用湯泡漬。至春。十指俱爛。牽連未落。余用托裏之劑助其陽氣。自潰脫。得保其生。此因寒邪遏絕。運氣不至。又加熱湯泡漬。



故死而不痛也。余嘗見人之嚴寒而出。凍傷其耳。不知痛癢。若以手觸之。其耳卽落。當以煖處良久。或熱手熨之。無恙。若以火烘湯泡。其耳卽死。至春必潰脫落矣。北方寒氣損人若此。可不察之。

### 涼藥遏經三條

雲間曹子容。爲室人中風。灌藥。誤咬去指半節。焮痛寒熱。外敷大黃等藥。內服清熱敗毒。患處不痛不潰。膿清寒熱愈甚。余曰。此因涼藥遏絕隧道而然也。遂敷玉龍膏以散寒氣。更服六君子湯。以壯脾胃。數日後。患處微痛。腫處漸消。此陽氣運達患處也。果出稠膿。不數日半指潰脫。更服托裏藥而斂。

上舍王天爵傷足。焮腫內熱作渴。外敷內服。皆寒涼敗毒。患處益腫而不潰。且惡寒少食。欲作嘔吐。余曰。此氣血俱虛。又因寒藥凝結隧道。損傷胃氣。以致前症耳。



遂用香砂、六君子、芎歸、炮薑。外症悉退。惟體倦晡熱。飲食不甘。以補中益氣湯。加地骨皮、五味、麥門。治之而愈。

州守王廷用傷指。即用帛裹之。瘀血內潰。焮腫至手。余謂宜解患處。以出瘀血。更用推陳致新之劑。不信。乃敷涼藥。痛雖少止。次日復作。又敷之。數日後手心背俱潰。出瘀穢膿水。尙服敗毒之劑。氣血益虛。色黯膿清。飲食少思。仍請余治。投以壯脾胃生氣血之劑。由是膿水漸稠而愈。

### 湯火所傷治驗

#### 火毒刑肺金

一男子孟冬火傷臂作痛。喘嗽發熱。此火毒刑肺金之症。用人參平肺散治之。喘嗽乃止。因勞又惡寒發熱。此氣血虛也。以八珍湯加桔梗、白芷治之而退。再加薄

桂三分。以助藥勢。溫氣血。壞肉潰之而愈。若初起焮赤作痛。用神效當歸膏敷之。輕者自愈。重者自腐。生肌神效。或用側柏葉末。蠟油調敷亦效。若發熱作渴。小便赤色。其脈洪數而實者。用四物、茯苓、木通、生甘草、炒黃連。脈雖洪數而虛者。用八珍。若患處不潰而色黯者。四君、芍、歸、黃耆之類。若肉死已潰而不生肌者。用四君、黃耆、當歸、炮薑。若愈後而惡寒。陽氣未復也。急用十全大補。切不可用寒涼。反傷脾胃。

## 火毒焮作

一男子因醉。被湯傷腿。潰爛發熱。作渴飲水。脈洪數而有力。此火毒爲患。用生地、當歸、芩、連、木通、葛根、甘草。十餘劑。諸症漸退。却用參耆、白朮、芍、歸、炙草、芍藥、白芷、木瓜。新肉將完。因勞忽寒熱。此氣血虛而然也。仍用參耆之藥。加五味子、酸棗仁。

而安。又月餘而瘡痊。

### 火毒行於下焦

一男子火傷。兩臂焮痛。大小便不利。此火毒傳於下焦。用生地黃、當歸、芍藥、黃連、木通、山梔、赤茯苓、甘草。一劑二便清利。其痛亦止。乃以四物、參、耆、白芷、甘草而壞肉去。又數劑而新肉生。

### 火毒乘血分

一婦人湯傷胸大潰。兩月不斂。脈洪大而無力。口乾發熱。日晡益甚。此陰血虛。火毒乘之而爲患耳。用四物湯加柴胡、丹皮。熱退身涼。更用逍遙散加陳皮以養陰血。壯脾胃。腐肉去而新肉生。

# 正體類要

明 吳郡 薛己立齋著

鄞縣 曹炳章校訂

## 卷下

### 方藥

四君子湯 治脾胃虛弱。或因尅伐。腫痛不散。或潰而不斂。或飲食少思。或欲作嘔。大便不實等症。

人參

白朮

茯苓各二錢

甘草炙一錢

右作一劑。薑棗水煎服。



小柴胡湯 治一切撲傷等症。因肝膽經火盛作痛。出血自汗。寒熱往來。日晡發熱。或潮熱身熱。咳嗽發熱。脇下作痛。兩脇痞滿。

柴胡二錢

黃芩五錢

半夏一錢

人參一錢

甘草三分

右薑水煎服。

神效葱熨法 治跌撲傷損。用葱白細切杵爛。炒熱敷患處。如冷易之。腫痛即止。其效如神。

八珍湯 治傷損等症。失血過多。或因尅伐。血氣耗損。惡寒發熱。煩躁作渴等症。

人參

白朮

白茯苓

當歸

川芎

白芍藥

熟地黃各一錢

甘草五分

右薑棗水煎服。

犀角地黄湯 治火盛血熱妄行。或吐衄不止。大便下血。如因怒而致。加山梔、柴胡。

犀角 鎊末

生地黃

白芍藥

黃芩

牡丹皮

黃連 各一錢

右水煎熟。傾於鍾內。入犀末服之。

十味參蘇飲 治氣逆血蘊上焦。發熱氣促。或咳血衄血。或痰嗽不止。加黃芩、山梔。即加味參蘇飲。

人參

紫蘇

半夏

茯苓

陳皮

桔梗

前胡

葛根

枳殼

各一錢

甘草

炙五分

右薑水煎服。

二味參蘇飲 治出血過多。瘀血入肺。面黑喘促。

人參一兩 蘇木二兩

右水煎服。

四物湯 治一切血虛。日晡發熱。煩躁不安者。皆宜服之。

當歸

熟地黃錢各三

芍藥二錢

川芎錢五分

右水煎服。加白朮、茯苓、柴胡、丹皮。即加味四物湯。

桃仁承氣湯加當歸即當歸承氣湯

治傷損血滯於內作痛。或發熱發狂等症。

桃仁

芒硝

甘草錢各一

大黃二錢

右水煎服。大黃更量虛實。

加味承氣湯 治瘀血內停。胸腹脹痛。或大便不通等症。

大黃

朴硝錢各二

枳實一錢

厚朴一錢

甘草五分

當歸

紅花各一錢

用酒水各一鍾。煎至一鍾服。仍量虛實加減。病急不用甘草。

獨參湯 治一切失血。與瘡瘍潰後。氣血俱虛。惡寒發熱。作渴煩躁者。宜用此藥。

補氣。蓋血生於氣。陽生陰長之理也。用人參二兩。棗十枚。水煎服。

歸脾湯 治跌撲等症。氣血傷損。或思慮傷脾。血虛火動。寤而不寐。或心脾作痛。

怠惰嗜臥。怔忡驚悸。自汗盜汗。大便不調。或血上下妄行。其功甚捷。

白朮

當歸

白茯苓

黃耆炙

龍眼肉

遠志

酸棗仁各一錢炒

木香五分

甘草炙三分

人參一錢

右薑棗水煎服。加柴胡、山梔。即加味歸脾湯。

潤腸丸 治跌撲等症。或脾胃伏火。大腸乾燥。或風熱血結等症。



麻子仁一兩

桃仁皮尖一兩去

羌活

當歸尾

大黃煨

皂角刺

秦艽各五錢

右爲末。煉蜜丸。桐子大。猪膽汁丸尤妙。每服三五十丸。食前白滾湯送下。凡怯弱人。先用猪膽導之。不通。宜補氣血。

當歸補血湯

治杖瘡金瘡等症。血氣損傷。肌熱大渴引飲。目赤面紅。晝夜不息。

其脈洪大而虛。重按全無。此病多得於飢渴勞役者。若誤服白虎湯。必死。

黃耆一兩

當歸酒製二錢

右水煎服。

聖愈湯 治杖瘡、金瘡、癰疽、膿血出多、熱躁不安、或晡熱作渴等症。

熟地黃酒洗

生地黃酒洗

人參各一錢

川芎

當歸酒洗

黃芩各五分

右水煎服。

十全大補湯 治杖瘡。氣血俱虛。腫痛不消。腐而不潰。潰而不斂。或惡寒發熱。自汗盜汗。飲食少思。肢體倦怠。若怯弱之人。患處青腫。而肉不壞者。服之自愈。若有瘀血。砭刺早者。服之自消。或潰而膿水清稀。肌肉不生。或口乾作渴。而欲飲湯者。尤宜服之。

白茯苓

人參

當歸

白朮

黃耆

川芎

白芍藥炒

熟地黃各一錢

肉桂五分

甘草炙一錢

右薑棗水煎服。

參附湯 治金瘡杖瘡。失血過多。或膿瘀大泄。陽隨陰走。上氣喘急。自汗盜汗。氣短頭暈等症。

人參四錢

附子三錢炮  
去皮臍

右水煎服。陽氣脫陷者。倍用之。

清胃散

治血傷火盛。或胃經濕熱。唇口腫痛。牙齦潰爛。或發熱惡寒等症。

升麻一錢

生地黃五分

牡丹皮五分

黃連五分

當歸酒洗五分

右水煎服。如痛未止。黃芩、石膏、大黃之類。皆可量加。

清燥湯

治跌撲瘡瘍。血氣傷損。或潰後氣血虛怯。濕熱乘之。遍身酸軟。或秋夏溼熱太甚。肺金受傷。絕寒水生化之源。腎無所養。小便赤澀。大便不調。或腰腿痿軟。口乾作渴。體重麻木。或頭目眩暈。飲食少思。或自汗體倦。胸滿氣促。或氣高而喘。身熱而煩。

黃耆一錢  
五分

蒼朮一錢

白朮

陳皮

澤瀉各五分

五味子九粒

白茯苓

人參

升麻各五分

麥門冬

當歸身

生地黃

神麴炒

猪苓

酒栢各五分

柴胡

黃連

炙甘草各三分

右薑水煎服。濕痰壅盛。參、耆、歸、地之類。可暫減之。

生脈散 治金瘡杖瘡等症。發熱體倦氣短。或汗多作渴。或潰後睡臥不寧。陽氣

下陷。發熱煩躁。若六七月間。濕熱大行。火土合病。令人脾胃虛弱。身重氣短。或

金為火制。絕寒水化源。肢體痿軟。脚欹眼黑。並宜服。

人參五錢

五味子一錢

麥門冬一錢

右水煎服。

二妙散 治下焦濕熱腫痛。或流注遊走。遍身疼痛。



蒼朮

黃柏各等分

右爲末。每服三二錢。酒調服。作丸亦可。

四斤丸 治肝腎精血不足。筋無所養。攣縮不能步履。或邪淫於內。筋骨痿軟。

肉蓯蓉酒浸

牛膝酒洗

天麻

乾木瓜

鹿茸炙

熟地黃

兔絲子酒浸

五味子各等分

右爲末。用地黃膏丸。桐子大。每服五七十丸。空心溫酒送下。

補中益氣湯 治跌撲等症。損傷元氣。或過服尅伐。惡寒發熱。肢體倦怠。血氣虛弱。不能生肌收斂。或兼飲食勞倦。頭痛身熱。煩躁作渴。脈洪大弦虛。或微細軟弱。自汗倦怠。飲食少思。

黃耆炙

人參

白朮

甘草炙各一分

當歸一錢

陳皮五分

柴胡

升麻各三分

右薑棗水煎服。

四生散 治腎臟風毒。遍身瘙癢。或膿水淋漓。耳鳴目癢。或鼻赤齒浮。口舌生瘡。婦人血風瘡更效。

白附子

獨活

黃耆

蒺藜各等分

右爲末。每服二錢。用腰子一枚。劈開入藥。濕紙包裹煨熟。細嚼。鹽湯下。酒服亦可。

竹葉黃耆湯 治氣血虛。胃火盛而作渴者。

淡竹葉二錢

黃耆

生地黃

當歸

麥門冬

川芎

甘草

黃芩炒

芍藥

人參

石膏煨各一錢

右水煎服。

竹葉石膏湯 治胃火盛而作渴者。

淡竹葉

石膏

桔梗

木通

薄荷

甘草

右薑水煎服。

人參平肺飲 治心火尅肺。咳嗽喘嘔。痰涎壅盛。咽喉不利等症。

人參

陳皮

甘草

地骨皮

茯苓

知母

五味子

青皮

天門冬

桑白皮

右水煎服。

滋腎丸 治腎經陰虛。發熱作渴。足熱腿膝無力等症。凡不渴而小便閉者。最宜用之。

肉桂三錢 知母酒炒 黃柏酒炒各二兩

右爲末。水丸桐子大。每服七八十丸。空心白滾湯下。

六味地黃丸加肉桂五味各一兩各加減八味丸 治傷損之症。因腎肺二經虛弱。發熱作渴。頭暈

眼花。咽燥唇裂。齒不堅固。腰腿痿軟。小便頻赤。自汗盜汗。便血諸血。失瘕。水泛。爲痰之聖藥。血虛發熱之神劑。若損重傷骨。不能言如瘕者。用此水煎服之。亦效。

熟地黃膏八兩杵自製 山萸肉 乾山藥各四兩 牡丹皮

白茯苓 澤瀉各三兩

右爲末。和地黃丸。桐子大。每服七八十丸。空心食前滾湯下。

清心蓮子飲 治發熱口渴。白濁。夜安靜而晝發熱等症。

黃芩一錢 麥門冬 地骨皮 車前子炒



甘草各一分錢

石蓮肉

茯苓

黃耆炙

柴胡

人參各一錢

右水煎服。

七味白朮散 治脾胃虛弱。津液短少。口乾作渴。或中風虛熱。口舌生瘡。不喜飲冷。最宜服之。

人參

白朮

木香

白茯苓

甘草炙

藿香各五分

乾葛一錢

右水煎服。

黑丸子一名和血定痛丸

治跌撲墮。筋骨疼痛。或瘀血壅腫。或風寒肢體作痛。若流

注膝風初結。服之自消。若潰而膿清發熱。與補氣血藥兼服自斂。

百草霜

白芍藥各一兩

赤小豆六一兩

川烏三錢

白 欽 六錢

白 芨

當 歸 各八錢

南 星 三錢

牛 膝 六錢

骨 碎 補 八錢

右各另爲末。酒糊丸。桐子大。每服三十丸。鹽湯溫酒送下。孕婦不可服。

白丸子 治一切風痰壅盛。手足頑麻。或牙關緊急。口眼歪斜。半身不遂等症。

半 夏 七兩

南 星 二兩

川 烏 五錢 生用 去皮臍

右爲末。用生薑汁調糊丸。桐子大。每服一二十丸。薑湯送下。

六君子湯 治金瘡杖瘡等症。因元氣虛弱。腫痛不消。或不潰斂。或服尅伐傷脾。或不想飲食。宜服之以壯營氣。此方卽四君子湯。加陳皮、白朮。更加香附、藿香、砂仁。名香砂六君子。

迴陽玉龍膏 治跌撲所傷。爲敷涼藥。或人元氣虛寒。腫不消散。或不潰斂。及癰腫堅硬。肉色不變。久而不潰。潰而不斂。或筋攣骨痛。一切冷症並效。

草烏二錢

南星煨一兩

軍薑炒一兩

白芷一兩

肉桂五錢

赤芍藥炒一兩

右爲末。葱湯調塗。熱酒亦可。

復原活血湯 治跌撲等症。瘀血停凝。脇腹作痛。甚者大便不通。

柴胡

當歸

紅花錢各二

川山甲炮五分

大黃酒炒一錢

桃仁枚二十

甘草五分

瓜蒌根一錢

右酒水各半煎服。

復原通氣散 治打撲傷損作痛。及乳癰便毒初起。或氣滯作痛。

木香

茴香炒

青皮去白

川山甲酥炙

陳皮

白芷

甘草

漏蘆

貝母各等分

右爲末。每服一二錢。溫酒調下。

愚按。前方治打撲閃錯。或惱怒氣滯血凝作痛之良劑。經云。形傷作痛。氣傷作腫。又云。先腫而後痛者。形傷氣也。先痛而後腫者。氣傷形也。若人元氣素弱。或因叫號。血氣損傷。或過服尅伐之劑。或外敷寒涼之藥。血氣凝結者。當審前大  
法。用溫補氣血爲善。

神效太乙膏 治癰疽發背。杖瘡。及一切瘡疽潰爛。

玄參

白芷

當歸

肉桂

赤芍藥

大黃

生地黄各一兩

右用麻油二斤。入銅鍋內。煎至藥黑。濾去渣。徐入淨黃丹十二兩。再煎。滴水中  
捻。軟硬得中。卽成膏矣。

乳香定痛散 治杖瘡金瘡。及一切瘡瘍。潰爛疼痛。



乳香

沒

藥錢各五

滑石

寒水石各一兩

冰片一錢

右爲末。搽患處。痛卽止。甚效。

猪蹄湯 治一切癰疽。杖瘡潰爛。消腫毒。去惡肉。

白芷

當歸

羌活

赤芍藥

露蜂房蜂兒多者佳

生甘草各五錢

右用猪蹄一隻。水五碗。煮熟。取清湯。入前藥。煎數沸。去粗。溫洗。隨用膏藥貼之。神效。當歸膏 治杖撲湯火瘡毒。不問已潰未潰。肉雖傷而未壞者。用之自愈。肉已死而用之自潰。新肉易生。搽至肉色漸白。其毒始盡。生肌最速。如棍杖者。外皮不破。內肉糜爛。其外皮因內焮乾縮。堅硬不潰。爬連好肉作痛。故俗云丁癰皮。致膿瘀無從而泄。內愈脹痛。腐潰益深。往往不待其潰。就行割去。而瘡口開。

張。難以潰斂。怯弱之人。多成破傷風症。每致不救。若杖瘡內有瘀血者。即用有鋒芒磁片於患處砭去。塗以此藥。則丁痂自結。死肉自潰。膿穢自出。所潰亦淺。生肌之際。亦不結痂。又免皴揭之痛。殊有神效。蓋當歸、地黃、麻油、二蠟。主生肌止痛。補血續筋。與新肉相宜。此方余已刊行。治者亦多用之。

當歸一兩 麻油六兩 黃蠟一兩 生地黃一兩

右先將當歸、地黃入油煎黑。去粗入蠟溶化。候冷攪勻。即成膏矣。白蠟尤妙。

托裏散 治金瘡杖瘡。及一切瘡毒。因氣血虛不能成膿。或膿成不能潰斂。膿水清稀。久而不瘥。

人參多用之 黃耆一錢 鹽水拌炒 白朮炒 陳皮各七分

當歸身一錢 芍藥酒炒 熟地黃 白茯苓各一錢

右水煎服。

加味芎歸湯 治跌撲墜。皮膚不破。瘀血入胃作嘔。

芎 藭

當 歸

百 合水暖

白芍藥

荊芥穗錢各二

右酒水煎服。

當歸導滯散 治跌撲瘀血在內。胸腹脹滿。或大便不通。或喘咳吐血。

大 黃

當 歸各等分

右爲末。每服三錢。溫酒下。氣虛須加桂。

花蕊石散 治打撲傷損。腹中瘀血脹痛欲死。服之血化爲水。其功不能盡述。

硫 黃四兩明色者

花蕊石一兩

右爲末和勻。先用紙筋和鹽泥固濟。瓦罐一箇。候乾入藥。再用泥封口。安在磚上。虛書八卦五行。用炭三十斤煅之。罐冷取出。每服一錢。童便調下。

愚按、前方若被傷熾盛。元氣虧損。內有瘀血。不勝疎導者。用前藥一服。其血內化。又不動臟腑。甚妙甚妙。

經驗方 治跌撲瘀血作痛。或筋骨疼痛。

黃柏一兩 半 夏五錢

右爲末。用薑汁調塗患處。以紙貼之。如乾。薑汁潤之。周日易之。

消毒定痛散 治跌撲腫痛。

無名異炒

木耳炒

大黃炒各

右爲末。蜜水調塗。如內有瘀血。砭去敷之。若腐處。更用當歸膏敷之。尤好。

藥蛆方 治杖瘡潰爛生蛆。用皂礬煨過爲末。乾摻其內。蛆卽死。如未應。佐以柴

胡梔子散。以清肝火。

洗藥 凡傷重者。用此淋洗。然後傅藥。



荊芥

土當歸

生葱切斷

一方用生薑。

右煎湯溫洗。或止用葱一味煎洗亦可。

黑龍散 治跌撲傷損。筋骨碎斷。先用前湯淋洗。以紙攤貼。若骨折。更以薄木片夾貼。以小繩束三日。再如前法。勿去夾板。恐搖動患處。至骨堅牢。方宜去。若被刀箭蟲傷成瘡。並用薑汁和水調貼。口以風流散填塗。

土當歸 二兩

丁香皮 六兩

百草霜 散血 六兩

川山甲 六兩 炒黃 或煉存性

枇杷葉 半兩 去毛

一云山枇杷根

右焙為細末。薑汁水調。或研地黃汁調亦好。

洪寶丹 一名濟陰丹

治傷損燉痛。并接斷。

天花粉 三兩

薑黃

白芷

赤芍藥 各一兩

右為末。茶湯調搽患處。

金瘡出血不止方 治金傷出血不止。用牛膽、石灰摻之即止。以臘月牛膽入風化石灰。懸當風候乾用。

又方 金瘡出血不止。以五倍子生爲末。乾貼。如不止。屬血熱。宜用犀角地黃湯之類。大凡金瘡出血不止。若素怯弱者。當補氣。若素有熱。當補血。若因怒氣。當平肝。若煩熱作渴昏憤。當補脾氣。若筋攣搐搦。當養肝血。不應用地黃丸。以滋腎水。

又方 皮破筋斷者。以白膠香塗之。或以金沸草汁頻塗。自然相續。  
沒藥降聖丹 治傷損。筋骨疼痛。或不能屈伸。肩背拘急。身體倦怠。四肢無力。

沒藥 藥別研 當歸 酒洗 白芍藥 生地黄

骨碎補 毛去 川烏 去皮 川芎 各半 自然銅 火煨醋淬末

水飛過 焙一兩

右爲細末。每一兩作四丸。以生薑自然汁與煉蜜爲丸。每服一丸。搥碎。用水酒各半鍾。入蘇木少許。煎至八分。去蘇木。空心服。  
愚按。脾主肉。肝主筋。若因肝脾二經氣血虛弱。或血虛有熱而不愈者。當求其本而治之。

萬金膏 治癰疽。及墜撲傷損。或筋骨疼痛。

龍骨	鱉甲	苦參	烏賊魚骨
黃柏	黃芩	黃連	猪牙皂角
白芨	白欽	厚朴	木鱉子仁
草烏	川芎	當歸	白芷 <small>各一兩</small>
沒藥 <small>另研</small>	乳香 <small>另研各半兩</small>	槐枝	柳枝 <small>各二十四寸長</small>
黃丹 <small>一斤半炒過淨</small>	清油 <small>四斤</small>		

右除乳沒黃丹外。諸藥入油內煎至黑色去之。稱淨油。每斤入丹半斤。不住手攪令黑色。滴水中不粘手。下乳沒再攪。如硬入油些少。以不粘手爲度。

接骨散 治骨折碎。或骨出髓。先整端正。却服此藥。

如飛禽六畜所傷。亦能治。

鵬砂五錢

水粉

當歸各一錢

右爲末。每服二錢。煎蘇木湯調服。後但飲蘇木湯。立效。

本事接骨方 治打折傷損。

接骨木半兩即煎也

乳香半兩

赤芍藥

當歸

川芎

自然銅各一兩

右爲末。用黃蠟四兩。溶入前末。攪勻。衆手丸。龍眼大。如打傷筋骨。及閃痛不堪忍者。用一丸。熱酒浸開熱呷。痛便止。若大段傷損。先整骨。用川烏、草烏等分爲



末。生薑汁調貼之。挾定服藥。無不效者。

愚按、前三方俱效驗者。備錄之。以便修用。

沒藥丸 治打撲。筋骨疼痛。或氣逆血暈。或瘀血內停。肚腹作痛。或胸膈脹悶。

沒藥

乳香

川芎

川椒

芍藥

當歸

紅花

桃仁

血竭各一兩

自然銅煨四錢

右爲末。用黃蠟四兩熔化。入前末。速攪勻。丸彈子大。每服一九。酒化服。

愚按、接骨散、沒藥丸。元氣無虧者宜用。若腎氣素怯。或高年腎氣虛弱者。必用

地黃丸。補中益氣湯。以固其本爲善。

羌活防風湯 治破傷風。邪初在表者。急服此藥以解之。稍遲則邪入於裏。與藥

不相合矣。

羌活

防風

甘草

川芎

藁本

當歸

芍藥各四兩

地榆

細辛各二兩

右每服五錢。水煎。

防風湯 治破傷風。表症未傳入裏。急宜服之。

防風

羌活

獨活

川芎各等分

右每服五錢。水煎。調蜈蚣散服。大效。

蜈蚣散

蜈蚣一對

鱉三錢

右爲細末。用防風湯調下。

羌活湯 治破傷風。在半表半裏。急服此湯。稍緩。邪入於裏。不宜用。

羌活

菊花

麻黃

川芎

石膏

防風

前胡

黃芩

細辛

甘草

白茯苓

枳殼

蔓荊子

各一兩

薄荷

白芷

各五錢

右每服五錢。水煎。

地榆防風散 治風在半表裏。頭微汗。身無汗。不可發汗。兼治表裏。

地榆

防風

地丁草

馬齒莧

各等分

右爲細末。每服三錢。米湯調服。

大芎黃湯 治風在裏。宜疎導。急服此湯。

川芎

羌活

黃芩

大黃

各一兩

右五七錢。水煎溫服。臟腑通和爲度。

白朮防風湯 治服表藥過多自汗者。

白朮

黃耆各一兩

防風二兩

右每服五七錢。水煎服。臟腑和而自汗者可服。若臟腑祕。小便赤者。宜用大芎黃湯下之。

白朮湯 治破傷風。汗不止。筋攣搐搦。

白朮

葛根

升麻

黃芩

芍藥各二兩

甘草五分

右每服五錢。水煎無時服。

謙甫硃砂丸 治破傷風。目瞪口噤不語。手足搐搦。項筋強直。不能轉側。目不識人。

硃砂研

半夏洗

川烏各一兩

雄黃五錢



鳳凰臺三錢

麝香一匙

右爲末。棗肉丸。桐子大。每服一九。或二九。冷水下。以吐爲度。如不吐。加一九。或吐不住。煎葱白湯止之。汗出爲效。

左龍丸 治直視在裏者。

左盤龍野鴿糞也

白殭蠶

鰾五錢各

雄黃一錢

右爲末。燒飯丸。桐子大。每服十五丸。溫酒下。如裏症不已。當用前藥末一半。加巴豆霜半錢。燒飯丸。桐子大。每服加入一九。如此漸加。以利爲度。利後服和解藥。

江鰾丸 治破傷風。傳入裏症。驚而發搐。臟腑祕澀。

江鰾半兩

野鴿糞半兩

雄黃一錢

白殭蠶半兩

蜈蚣一對

天麻一兩

右爲末。作三分。二分燒飯丸。桐子大。硃砂爲衣。一分入巴豆霜一錢。亦用燒飯丸。每服硃砂者二十丸。入巴豆者一丸。漸加至利爲度。後止服前丸。

養血當歸地黃湯

當歸

地黃

芍藥

川芎

藁本

防風

白芷各一兩

細辛五錢

右依前煎服。

廣利方 治破傷風發熱。

瓜蒌子九錢

滑石三錢

南星

蒼朮

赤芍藥

陳皮

炒柏

黃連

黃芩

白芷

甘草各五分

右薑水煎服。

右二方。用竹瀝、瓜蒌實輩治破傷風。熱痰脈洪者。前方用南星、半夏、草烏、川烏輩。則治破傷風。寒痰脈無力者。

白丸子 治一切風痰壅盛。手足頑麻。或牙關緊急。口眼歪斜。半身不遂等症。

半 夏七兩

南 星二兩

川 烏五錢 去皮

右爲末。用生薑汁調糊丸。桐子大。每服一二十丸。薑湯下。

本事玉真散 治破傷風。及打撲傷損。項強口噤。欲死。南星有防風製其毒不麻人

天南星七兩

防 風等分

右爲末。先以熱童子小便洗淨瘡口。拭乾。摻之。良久。渾身作癢。瘡口出赤水是效。又以溫酒調下一錢。如牙關緊急。腰背反張。用藥二錢。童子小便調服。至死心頭微溫者。急灌之。亦可救。累效累驗。

又方 治打撲傷損。腫痛傷風者。

天南星

半夏

地龍各等

右爲末。用生薑薄荷汁調搽患處。

# 正體類要終

正體類要 卷下 方藥



正體類要卷下方藥

〔清〕

王洪緒

纂著

外科證治全生集

中國醫學大成

馬評  
陶批  
外科全生集提要

清王洪緒著。洪緒字維德。別號林屋散人。又號定定子。吳縣人。乾隆五年書成。吳仲英序馬評全生集。嘗曰。王氏全生集一書。近時業瘍科者。奉爲枕秘。設遇症卽錄方照服。旣不憑脈。亦不辨症。貽誤匪淺。集中所載陽和湯。犀黃丸。子龍丸。法非不善。而論證究失一偏。白陷者。概認作疽。用陽和湯。不別寒熱真假。不知陽和湯爲溫散血中寒邪。果係陰寒凝結。服之或可消散。如有伏熱鬱熱之症。皮色亦白。投之是速其潰也。至已潰之症。麻黃尤所必忌。又如乳岩起於肝鬱。鬱久化火。掣痛。薑桂必不宜服。肺癰乃金受火刑。肺喜清肅。倘肺有伏熱。犀黃丸多潰氣之品。詎非轉劫真陰乎。子龍丸行水驅痰之劑。祇可施之壯實。如虛羸之質。則吐瀉作而生氣損矣。先生之論類如是。皆有獨到之處。是書經馬公培之眉評增方。潘霽命弟器之爲之區分門類。增損字句。陶公階臣加以評批。益臻完善。治外科者當以此爲善本。

## 潘序

余閱外科書夥矣。而求其剖析陰陽。辨理寒熱。簡明切要者。莫如此書。靈樞癰疽之篇。條緒繁多。淺學難於尋識。金匱祇列瘡癰腸癰兩種。大意以深淺分陰陽。而其旨未暢。後人鑽研未由。遂歧涂徑。王氏獨紹絕學。啓發靈扁。振墜扶危。厥功鉅已。嘉定王氏校刊本。鄂中再刻之。其論證互見。未便繙閱。家弟器之。治此有年。曾爲區分門類。頗有增損字句。世稱善本。嗣長洲蔣氏刻於蘇城。伯寅弟翻雕於京師。鄂中尙無此本。余旣刊各種醫書成。卽急爲付梓。以廣流傳。吳縣潘霽。

外科金生集 潘序



## 黃序

是編乃林屋山人出其家傳枕中秘。不爲自私自利之謀。而亟亟焉以濟人爲急務。嘔出心肝。盡情昭揭。以陰陽辨癰疽之別。以赤白明陰陽之著。實能補古方書所未逮。其詞簡。其法易。雖不明醫者。亦開卷瞭然於心目也。往歲余患骨槽風。醫家投散風清火之品。幾至危殆。得是編如法治之。乃瘥。余頗信之。厥後凡親友間遇有病癰癰痰核流注背疽。及一切陰發重症。各告以照方施治。無不立效。余益信之。乃者胡氏外孫女左股痛。足不着地。年餘矣。旣覺所苦處漫腫堅硬。而皮色如故。是編所謂貼骨疽無疑也。亦照方投以煎劑丸散。不百日而潰且斂矣。余惟信之深。而尤欲人共信之。獨惜坊本率多亥豕之誤。方謀訂正重刊。廣爲流佈。外孫女欣然解囊金。授余而請之。適王君荆門。曾有勘定本極精審。遂付剞劂氏。凡人有所樂爲。皆根諸心。而其心之一於公者。世不概見。林屋山人是編之著。可謂公之至矣。今復以王君善校本行世。俾觀是編者。人人知醫。豈不一大快事乎哉。外孫女年未及笄。聰慧知書。余嘉其信道之篤。好善之誠。因識刊刻顛末。略書數

語於簡端。道光辛丑六月子仁氏黃鉉序。  
林屋山人憫人之混稱癰疽。不知癰之與疽。治法大相懸殊。此辨晰癰是癰。疽是疽。於古方書未備而獨得之祕授者。一一出方濟世。不使後人以訛傳訛。千古竟同長夜。非謂是書一出。諸方書可盡廢也。凡與世醫治法。無有異同者不載。古方書具在。可徧觀而博取焉。惟讀者好學深思。心知其意爾。子仁氏九月朔又識。

## 王序

余自幼聞癰疽有不可治之症。名曰陰發。五六歲時。舅氏子京先生。以骨槽風亡。問之長老云。久則成癆瘵也。甲午歲。子仁丈患骨槽風。始甚劇。後案外科症治全生法。治輒愈。余取其書觀之。乃知陽爲癰。陰爲疽。骨槽風亦陰疽類。非由瘵發。由發後服涼藥。延久成瘵耳。世人知陰發之名。而不達陰發之治。良可慨也。適秦君立甫元其家藏別本。余因據以參校。互有得失。其字之顯譌者改正之。間有改而意仍未明及疑者。有疑而未改者。如大癰潰後。治法兩本。並云體虛年老者。投參耆草皆多也。夫托毒忌多。上已詳之。而此忽云多。蓋承上痛息毒散腫退色轉紅活而言。卽體虛年老者。亦必至是而後可用多。斷斷不可早用。今改云體虛年老者。始投參耆草。更用多。勿仍誤謂虛者初起卽當用多也。瘰癧治法第四條云。卽在手下之脚骨。別本云。卽在手下突出之骨。脚骨足跗外高骨也。突出之骨。掌後銳骨也。患繫喉間。手爲近。故從別本。然足陽明脈。亦循喉嚨下。循脰外廉下。足跗拔疔散六和散兩方。並有瓜蝎。而他方或作瓜蝎。或作血蝎。考方書有作瓜兒血。



蝎者。知此蝎爲竭誤。第如雄黃之名腰黃。後集中之。瓜竭則無文。本補亦無瓜竭之名。今並改血竭。輕粉無毒。而於黃連則云解輕粉毒。文歧出。考本草亦云無毒。而注云有毒黃連解。今改無爲有。庶免眩惑。牛膝治莖痛。莖別本或改脛。按莖中痛。水道中痛也。第曰莖似非莖中矣。而本草主治列莖中痛。此其脫中字乎。癰疽方訣。歸苓花粉節煎。或麻黃青蒿甘草皆有用節者。此其甘草節乎。鎖喉方藥訣。甘草各一錢。別本作二錢。本草當歸全者活血。而是書云定血。此俱未敢臆斷。表弟時清甫於吳門買是書。卽立甫所藏本。清甫又於書肆舊書中見是書。與吳門所買本異。欲買之以示余。則卽子仁先生藏本也。重刻者不外此二本。輾轉淆訛。益不足據矣。原本刻於乾隆五年。子仁先生藏本則重刻於嘉慶五年。立甫藏本不知其刻於何年。是書流傳已百餘年。而瘍醫都若未見何哉。胡氏孤女所患久治不效。案是書法治乃效。旣效欲刻余所校本。以廣其傳。爰更取二本。嚴勘付梓。而序其始末。并識其疑。以質世之精於醫者。道光二十有一年辛丑七月朔日王浩荆門氏譔。

## 馬評湯序

周禮天官。瘍醫掌腫瘍、潰瘍、金瘍、折瘍之祝。藥劑殺之。齊注云。劑謂刮去膿血。殺謂以藥食其惡肉。又曰。凡療瘍以五毒攻之。注云。今醫方有五毒之藥。合黃、堇、置石、膽、丹砂、雄黃、礬石。其中燒之三日三夜。其烟上著。以雞羽掃取之。以注創。惡肉破骨則盡出。又曰。以五氣養之。以五藥療之。以五味節之。注云。既劑殺而攻盡其宿肉。乃養之也。五氣當作五穀字之誤。是上古瘍藥攻補兼施。無專用攻擊之塙證。予嘗慨醫藏一目綜今存者。幾與釋道埒。惟瘍醫之書。其見著錄。惟宋李迅集驗背疽方。寶漢卿瘡瘍經驗全書。元齊德之外科精義爲近古。而國朝王氏洪緒撰全生集。說尤完美。蓋是書務審病因。而辨章陰陽強弱。不失累黍。故世推爲善本。武進馬培之先生。關籌道樞。營壘瑤錄。三世學醫。趾美彌篤。由是譽滿江南。一時叩門求藥者。踵武相接。候色諛眉。莫不膏肓洞達。已而被詔入都。聲望益奮。廓其聞見。所療輒應。如春臺登而上池飲也。其明年既告歸家。擿林阿。貞頤暇日。宏覽秘笈。思有述造。用詔末學。以王氏重用陽劑。發言過激。非古人和緩之意。



奮以己意。攘剔瑕瑜。別白湯劑。條件斟正。列於眉間。凡一月書成。以歸武林吳氏。付剞劂行世。夫陰疽流注。呼吸死生。俗醫剽竊一二禁方。妄施鍼石。固足殺人。卽高明之士。競競守王氏一家言。亢厲自高。而於受病之本。因發病之形色。及夫陰陽向背。用藥節宣。禁忌之所宜。概置不講。其爲伐天和而殘民命。亦挺刃之異耳。今得先生斯評。庶業醫者得所圭臬。不致索塗擿埴。其爲功甚鉅。而先生所以自壽以壽人者。亦詎可量哉。刻旣成。用述緣起如此。光緒九年季春之月。蕭山湯紀尙拜敘。

## 馬評吳序

光緒丙子秋。兒子庚生病胃脹痛。百治不瘳。耳孟河馬培之先生醫聲。挈兒子就河莊求治。日坐先生旁。見其就診者。日數百輩。其以瘍毒來證者。去尋丈外。即聽聲。譏色洞達微結。訝其先燭之奇。間詰之。因謂予瘡瘍之發。患實內蘊。病情神色。未有不達於面目者。故可望形而得之。其用藥非精熟靈素。按脈辨證。平章陰陽。無以應手輒效。如兢兢守一二古方。漫然施治。不莽莽乎。且外症實難於內科。非得真傳口訣。未易券獲。至於看法治法手法。亦非筆墨所能宣。刀針有當用。有不當用。有不能不用之別。如謂一概禁之。非正治也。如癰疽毒初聚。用針以泄氣。可冀消散。毒已成。針之易收口。若令自潰。必至膿腐穿破。瘡口卷斂。難以收功。古書固不可廢。而辨症尤爲首務。議論所及。又謂王氏全生集一書。近時業瘍科者。奉爲枕秘。設遇症。即錄方照服。既不憑脈。亦不辨症。貽誤匪淺。集中所載陽和湯。犀黃丸。子龍丸。法非不善。而論症究失一偏。白陷者。概認作疽。用陽和湯。不知假寒真熱。假熱真寒。區別攸分。陽和湯爲溫散血中寒邪。果係陰寒凝結。服之或可消。

散。如伏熱鬱熱之症。皮色白者。誤投之。是速其潰也。至已潰之症。麻黃尤所必忌。乳岩起於肝鬱。鬱久化火。掣痛。薑桂必不宜服。肺癰乃金受火剋。肺喜清肅。倘肺有伏熱。犀黃丸多潰氣之品。詎非轉劫真陰乎。子龍丸行水驅痰之劑。祇可施之壯實。如虛羸之質。則吐瀉作而生氣損矣。先生之論類如是。皆發前人所未發。而其要首貴審脈而已。爰亟覓舊本。首請詳註。重刻行世。以不負先生壽世之苦心。工既竣。因質述其平日之說。以告世之讀是書者。先生尚有驗方新編。亦按部擇驗過之方。增減重訂。成集待刊云。

光緒九年仲春上浣仁和吳恆仲英



# 自序

明劉誠意伯言。藥不對症。枉死者多。余曾祖若谷公。秘集云。癰疽無一死症。而諸書所載。患生何處。病屬何經。故治乳巖。而用羚羊犀角。治橫痃。而用生地。防己。治瘰癧惡核。而用夏枯。連翹。概不論陰虛陽實。惟多用引經之藥。以致乳巖橫痃。患成不救。瘰癧惡核。潰久轉怯。竟不知爲引經之藥所誤。反譏咎於白疽。本不可救。不亦謬歟。夫紅癰乃陽實之症。氣血熱而毒滯。白疽乃陰虛之症。氣血寒而毒凝。二者俱以開腠裏爲要。腠裏開。紅癰解毒卽消。白疽解寒立愈。若憑經而不辨症。藥雖對經。其實背症也。世之患陰疽而致斃者頗多。苟其陰陽別治。何至有死症乎。余曾祖留心此道。以臨危救活之方。初起立消之藥。一一筆之於書。爲傳家珍寶。余幼讀之。與世間諸書迥別。歷症四十餘年。臨危者救之。初起者消之。痛癢者止之。潰爛者斂之。百治百驗。憑經治症。天下皆然。分別陰陽。惟予一家。是以將祖遺祕術。及予臨症。將藥到病愈之方。並精製藥石之法。盡登是集。以待世之留心救人者。依方修合。依法法製。依症用藥。庶免枉死。使天下後世。知癰疽果無死症。



外科全生集 自序

二

云爾。時乾隆五年。歲在庚申仲春朔日。洞庭西山王維德洪緒氏書。

## 凡例

一、癰與疽之治。截然兩途。世人以癰疽連呼並治。夫癰疽二字之連呼。卽夫妻二字之連呼也。若以癰藥治疽。猶以安胎之藥。服其夫矣。是集以癰疽分別兩途。皆識症執方之法。如照法。法製。照症用藥。救人之功。余不敢分。害人之罪。余當獨認。情愿萬劫披毛。甘受屠家誅戮。

一、輯是集。專論陰虛陽實。認定紅白兩色。是癰是疽。治卽全愈。所載諸方。皆藥到病愈。切勿增減。并勿因貴重之藥減輕。逐症治法。開卷一目了然。不必投師。人人可精此道。

一、諸書惟馮氏錦囊內附陰疽論。與余家遺秘相符。獨無消疽之方。惟以溫補兼托爲法。且疽初起。卽如平塌。安可用托。托則成患。余家之法。以消爲貴。以托爲畏。卽流注癰癰惡核。倘有潰者。仍不敢托。托則潰者雖斂。增出者又如何耶。故以消爲貴也。

一、外科之虛實發現在外治之法。集中詳細。不必諳脈。儘可救人。故痘症之險悶

順逆。眼科之心肝脾肺腎。皆現於外。故亦不診脈也。好學者察患色。則知症。照症治。無不痊。

一、醫可寄生死。閱坊刻外科。妄稱正宗。載云。症現七惡。卽死。又載以桐油燒紅衣。鍼入痰塊半寸。用降藥爲條。插入鍼孔。七日塊自開裂。再以條插七日。其核自落。又稱毒在皮裏肉內。刀割深要寸許。方能洩毒。殊不知毒在皮裏膜外。或應開刀。尙忌深過三分。恐傷內膜。若深入寸許。傷透內腑。病人何能堪此極刑。七惡之現。頃刻矣。世之宗其法治。盡屬創徒。此集惟疔用刺。其外概不輕用刀。鍼。并禁升降痛爛二藥。

一、徧身所患。止有紅白兩色。紅者癰。白者疽。癰疽卽其名也。有謂無名腫毒者。因未識其陰陽也。

一、是書無論背項腰腹。色白者言疽。以疽藥愈之。紅腫者言癰。以癰藥愈之。坊刻書稱以某藥與服不應。再易某藥。豈非以人試藥乎。倘患生要緊穴道。安可遭醫幾試。望高明詳之。

一、世無爛久之癰。惟疽初起失消。或遭降灸鍼割。以致年久不斂。治之方藥。集中

詳細。

一、此集有行到之處。好學者自然依此治法。初起者消。久潰者斂。余恐此集遲到。醫未經目。人未見習。以致多誤。是以任坊翻刻。速遍海內。使醫有生人之治。而無枉死之人。余願遂矣。

一、載癰疽、咽喉、疔毒、結毒、諸瘡、痔漏等症。皆藥到病愈之方。其雜症及臨症後所附諸病諸方。亦一服即效者。附梓集中。內無以人試藥之誤。望有力者。照方合就。對病施送。或止取藥本。或鈔方傳人。註明法製。

一、是書所有之藥。法製極詳。不可忽略。宜細心照法精製。藥純效速。

一、傷寒症有轉經傳變。故有醫不執方之說。至如外科雜症。全賴識症執方。余年七十有二。治病經歷四十餘年。用藥從無一錯。故敢輯是集。以公諸世。因名症治全生。



外科全生集 凡例

四

## 重訂凡例

一、是集流行已久。縉紳之家。幾於家置一編。每遇外症。照方抄服。幸而獲效。羣以爲神。卽或致誤。不尤方之刺繆。而各症之無治。庚生侍先生臨症數年。每見發背乳岩等症。誤服陽和湯。犀黃丸而敗者。不可勝算。心甚憫焉。特覓善本。請先生評正刊刻。庶讀是書者。知所採焉。

一、不能以紅白二色分陰陽也。是集大旨。以分陰陽爲主。而其分之之法。則不辨脈息。不分虛實。惟以色之紅白爲定。不知陽中有陰。陰中有陽。有真熱。有假熱。有真寒。有假寒。若一概以色之紅白爲分。何能無誤。

一、外科不能不明脈理。無論癰疽瘡瘍。症雖現於外。病必由於內。卽幾微之疔毒。癰疥。亦必內有火毒濕熱。而後外發。其未發之先。脈必先見洪數弦滑等象。更有外症雖輕。而本原大虧者。有內病與外症交發者。若非細辨脈理。何以別虛實寒熱。標本先後乎。乃曰不諳脈理。儘可救人。真如夢囈。

一、外科不能不讀靈樞素問。肺癰肺疽肺痿。細辨脈象自知。金匱云。問曰。寸口脈

數。其人欬。口中反有濁唾涎沫者何。師曰。爲肺痿之病。若口中辟辟燥。欬卽胸中隱隱痛。脈反滑數。此爲肺癰。欬唾膿血。脈數虛者爲肺痿。數實者爲肺癰。是肺癰之候。察脈便知。有何難覺。而曰諸患易識。肺癰難覺耶。惟其不諳脈理。不讀靈素。以致如是。

一、是集傳流已久。輾轉淆訛。貽誤匪淺。爰覓道光中裘氏本。重加訂正。其分兩一切。悉仍其舊。惟加評語。以便採擇。

一、是集所選方藥。半係瘍科必不可少之方。其未加評語諸方。均平妥可用。惟藥性泡製諸法。太覺簡略。當照本草備要。雷公泡製爲是。

林屋山人言。外科不諳脈理。可以救人。吳庚生駁之甚是。蓋外科雖較內科稍易。如不知脈。僅辨外面形色。以紅白爲寒熱。何以分其真假寒熱。虛實陰陽耶。然脈學欲知其精細。毫無錯謬者。不但外科中少有其人。卽求諸內科中亦不常有。如不識脈理人。可用予所作簡便醫學寒暑表。測其寒熱。亦可竟分明也。階臣記。

馬評  
陶批  
外科全生集目錄

卷一

癰疽總論	一
部位論名	四
爛潰不斂	五
患孔毒根	五
翻花起肛	六
毒氣攻心	七
陰症門	
陰疽論	七
陰疽治法	八
流注	八

甲疽	一〇
井泉疽	一〇
療癰	一
小腸疽	三
鶴膝風	三
橫痃	四
乳巖	四
貼骨疽	五
骨槽風	五
惡核痰核	六
石疽	六
善癰頭	七



鵝掌風	一七
鵝爪瘋	一八
凍瘡	一八
陰疽用膏議	一八
陽症門	
癰癤	一八
牙癰	一九
發頤遮腮	一九
子癰	二〇
囊脫	二〇
赤遊螳螂子	二一
疔毒	二一
紅絲疔	二二
刀鐮疔	二二

走黃	二二
楊梅結毒	二三
諸瘡	二四
癰疥繡毬瘋	二四
膿疥門雜	二四
膿窠坐板溼毒猴猴疳	二五
惡瘡極瘡	二五
蠟梨瘡	二五
不癢惡瘡	二五
頭面肥瘡	二五
賺瘡	二六
爛腿	二六
漆瘡	二七
患瘡日久	二七

瘡癤	二七
火珠	二七
流火	二七
諸癰	二八
蛙髮癰	二八
陰頑惡癰	二八
痔漏 <small>七</small>	二八
外痔	二九
內痔	二九
痔漏成管	三〇
石癰	三〇
大癰潰後議	三〇
有陰有陽症門	
肺癰肺疽	三一

發背	三二
脫骨疽	三三
天蛇頭	三三
耳後銳毒	三四
驢眼	三四
牛屎臉	三五
懸癰	三五
乳癰 <small>又名妒乳</small>	三五
魚肚癰	三六
痘毒	三六
咽喉口舌門	
喉痺 <small>附捲痰法</small>	三八
乳蛾	三九
喉癰	三九

喉珠	四〇
鎖喉	四〇
纏喉風	四〇
喉閉 <small>附針少商穴</small>	四一
牙疳	四二
走馬牙疳	四三
牙蝕	四三
風火蟲牙	四三
舌上出血	四三
小兒口疳	四三
舌腫	四四
口疳時發	四四
舌硬生衣	四四
熱痛喉症	四四

附視咽喉七症訣	四四
附製喉鎗法	四五
雜症門	
湯火燙	四五
狗咬	四五
跌打骨斷	四六
閃頸促腰	四六
骨鯁	四六
天絲入目	四六
塵屑入目	四七
赤眼淹纏	四七
孩童目疾	四七
痘後目疾	四七
鼻衄	四七

卷二

大麻瘋	四八
乳懸	四八

臨症治法	一
------	---

附家秘內科經驗速效方

調經種子方	一一
求嗣得孕說	一一
手足不仁骨節麻木	一二
手足骨節疼痛	一二
痛風	一三
箭風	一三
雷頭風	一三
偏正頭風	一三

胃脘痛	一三
痞癖	一三
三日大瘧	一四
黃疸 <small>附酒溼症</small>	一四
紅白痢	一五
癡癲症 <small>附頭風</small>	一六
吐血 <small>附酒吐血</small>	一六
痰中有血	一七
咳嗽	一七
冷哮	一八
胃寒嘔吐黃水	一八
翻胃初起	一八
腸紅	一九
水瀉	一九



小便閉……………一九

大便燥結……………一九

尿血頭裂……………一九

白濁……………一九

夢遺……………二〇

烏痧脹……………二〇

小兒病症……………二〇

疳膨食積……………二〇

小兒蟲症……………二一

小兒夜啼……………二一

急慢驚風……………二一

啞驚……………二二

卷二

諸藥法製及藥性……………一

卷四

煎劑類

陽和湯……………一

二陳湯……………二

千金內托湯……………二

敗毒湯……………二

奪命湯……………三

四仁湯……………三

瀉熱湯……………三

桂薑湯……………三

枸橘湯……………四

龍膽瀉肝湯……………四

清暑湯……………五

紫銀茶	五
六味地黃湯	五
十全大補湯	五
加味四物湯	六
加味保元湯	六
蘇前湯	七
赤荊湯	七
銀荷湯	七
雙砂湯	八
金烏湯	八
丸散類	
陽和丸	八
犀黃丸	九
醒消丸	九

小金丹	九
五通丸	一〇
三黃丸	一一
子龍丸	一一
梅花點舌丹	一一
飛龍丹 <small>即蟾酥丸</small>	一二
代刀散	一二
嶸峒丸	一二
護心散	一三
角刺粥	一三
白芷散	一四
洞天救苦丹	一四
大棗丸	一四
神仙棗	一四

紅棗丸	一五
愈瘡棗	一五
雪梅丸	一五
聖靈丹	一五
回疔散	一六
杜痔丸	一六
雙驚丸	一六
退管散	一七
敷藥類	
一筆消	一七
拔疔線	一七
平安餅	一八
雄腦散	一八
合掌散	一八

二美散	一八
五美散	一九
金銀散	一九
掃雪散	一九
金霜散	二〇
癰酒	二〇
蜈蚣油	二〇
結子油	二〇
錦線油	二一
紅油	二一
刻歡丸	二一
香清餅	二二
水金散	二二
五寶散	二二

推車散	二二
山蓮散	二三
象皮散	二三
六和散	二三
紫金錠	二三
勝金散	二四
五音錠	二四
觀音救苦丹	二四
拔毒散	二五
消管方	二五
枯痔藥	二五
槐梅膏	二六
鮮角膏	二六
四妙膏	二六

麝蘇膏	二六
紫藥	二七
敷香	二七
吹藥類	
壁錢散	二八
珍珠散	二八
赤霜散	二八
馬蹄散	二八
南星散	二九
固齒散	二九
取齒丹	二九
四黃散	二九
二冬散	三〇
犀黃散	三〇



燈心散……………三〇

聾耳散……………三一

膏藥類

陽和解凝膏……………三一

洞天鮮草膏……………三一

白玉夾紙膏……………三二

化核膏……………三二

白花膏……………三三

紫微膏……………三三

咬頭膏……………三三

烏金膏……………三四

新增馬氏試驗秘方

白金丸……………一

喉科祕藥……………一

西洋十藥散……………三

寶鯽膏……………四

回生丹……………四

大麻風湯藥方……………五

丸藥方……………五

楓子膏方……………六

馬評  
陶批  
外科全生集

卷一

癰疽總論

癰疽二毒。由於心生。蓋心主血而行氣。氣血凝而發毒。毒借部位而名。治論循經則誤。症之根盤踞徑寸而紅腫者。謂癰。癰發六腑。若其形止數分。乃為小癰。按之陷而不即高。雖溫而頂不甚熱者。膿尚未成。按之隨指而起。既軟而頂熱甚者。膿已滿足。無膿宜消散。有膿勿久留。醒消一品。立能消腫止疼。為療癰之聖藥。白陷者。謂疽。疽發五臟。故疽根深而癰毒淺。根紅散漫者。氣虛不能拘血緊附也。紅活

清 清 清  
洞庭 孟河 會稽

鄞縣

陶祥忻階臣批  
曹赤電炳章校



評纂

光潤者。氣血拘毒出外也。外紅裏黑者。毒滯於內也。紫黯不明者。氣血不充。不能化毒成膿也。膿色濃厚者。氣血旺也。膿色清淡者。氣血衰也。未出膿前。腠裏之間。癰有火毒之滯。疽有寒痰之凝。既出膿後。癰有熱毒未盡。宜託。疽有寒凝未解。宜溫。既患寒疽。酷暑仍宜溫暖。如生熱毒。嚴冬尤喜寒涼。然陰虛陽實之治。迥別。閱古方書。總覺未詳。因暢其旨。備覽焉。諸疽白陷者。乃氣血虛寒凝滯所致。其初起毒陷陰分。非陽和通腠。何能解其寒凝。已潰而陰血乾枯。非滋陰溫暢。何能厚其膿漿。蓋氣以成形。血以華色。故諸疽平塌。不能逐毒者。陽和一轉。則陰分凝結之毒。自能化解。血虛不能化毒者。尤宜溫補排膿。故當潰膿。毒氣未盡之時。通其腠裏之功。仍不可緩。一容一縱。毒即逗留。一解一逐。毒即消散。開腠而不兼溫補。氣血虛寒。何以成膿。猶無米之炊也。滋補而不兼開腠。僅可補其虛弱。則寒凝之毒。何能覓路行消。且毒盛者。反受其助。猶車粟以助盜糧矣。滋補不兼溫暖。則血凝氣滯。孰作釀膿之具。猶之造酒不暖。何以成漿。造飯無火。何以得熟。世人但知一概清火以解毒。殊不知毒即是寒。解寒而毒自化。清火而毒愈凝。然毒之化。必由膿。膿之來。必由氣血。氣血之化。必由溫也。豈可涼乎。况清涼之劑。僅可施於紅腫。



癰癤。若遇陰寒險穴之疽。溫補尙虞不及。安可妄行清解。反傷胃氣。甚至陽和不振。難潰難消。毒攻內腑。可不畏歟。蓋脾胃有關生死。故首貴止痛。次宜健脾。痛止則惡氣自化。脾健則肌肉自生。陽和轉盛。紅潤肌生。惟仗調和補養氣血之劑。若夫性寒之藥。始終咸當禁服。

馬曰。數分之癰。亦須看生在何處。若在險要穴上。亦不可小視。誰謂數分之癰無害耶。

又曰。白陷者。乃是痰症發於肉裏。由於氣滯而成。若堅凝附於筋骨者。乃血分受病。必初起紅硬有頭。方謂之疽。然亦須辨陰陽。

又曰。有陰虛陽旺之輩。毒火結於榮分。瘡堅平色紫。按之烙手者。必泄其火毒。陰充血和。方能起發。豈可謂之寒疽。治以溫煖乎。投之則陰愈乾。而火愈熾。診視之時。全在察脈觀色觀形。切宜慎之。

又曰。毒概指爲寒左矣。須知陽中有陰。陰中有陽。有真寒假熱。有真熱假寒。如執色白之說。則有色白按之烙手。脈洪數者。其將作疽治歟。泥色紅之說。其有色紅按之不熱。脈不洪數者。其將作癰治歟。若不諳脈理。何能無誤耶。



陶曰。中國之瘡毒。西國則稱之爲發炎。有內炎外炎之名。外炎卽癰疽。內炎卽肺癰腸癰等類。用蜚數條。放在腫處。吮去其毒。又曰。如癰生在險要穴上。用廣東所產金殼櫛。水研搽。可移於不致命處一二寸。但此藥有毒。不可入口。又驗方新編癰毒雜治門內。有移山過海散。趕毒散。皆能移開瘡於不致命處。又曰。徐靈胎亦云。紅亦有非癰。白亦有非疽者。

### 部位論名

但論部位而名癰疽。雖未分辨虛實。然諸名色。後學亦應知之。卽如毒生頭頂。而有善瘡髮疽之名。頸項有落頭對口腦疽之號。鴨蛋因毒夾於腋中。魚肚緣患生於腿肚。失榮獨在項間。夾疽雙生喉側。脚骨號夾棍之瘡。潰爛肌膚。則爲驢眼。足心爲湧泉之穴。毒匿脚皮。則成牛楸。腹癰指正。箭袋云偏。臭田螺。大母指之爛名。扁擔怪。肩穴中之癰毒。鬢前疽。耳後發。腿曰腿癰。下稱跨馬。白謂冬瓜。手發背。脚丫疽。偷糞老鼠。又號懸癰。漏稱海底。指說蛇頭。甲謂甲疽。膝蓋腫云鶴膝。腎子疼。

曰子癰。馬刀癰生於臉上。骨槽風患於牙牀。井泉疽患登心口。貼骨疽毒踞環跳。臀積毒則曰臀疽。臂上癰乃云臂毒。諸名由部位以推。治法憑白紅而別。初起未潰。當觀現在之形。已潰爛久。須問始生之色。初發色紅。仍施癰藥。初生色白。當用疽丹。各症治法。逐列於後。使學者辨症而精治焉。

馬曰。初起屬陽。潰久血氣衰。變爲陰寒者。斷不可仍施癰藥。

### 爛潰不斂

如久潰腐爛不堪。以洞天救苦丹三服。每服三錢。陳酒送服。醉蓋取汗。隔兩日又送一服。再隔兩日再送一服。所隔之兩日。每日以醒消九三錢。陳酒送服。服後毒水流盡。七日後再服醒消兩次。接服大棗丸。每日早晚各進五錢。雖危險者。亦可奏效。

馬曰。丹方治梅毒濕毒。諸瘡爛潰。一片有數十孔。流臭水者。可服。如癰疽潰爛。雖有數十孔。爛成一片。則不可用。

### 患孔毒根

爛孔有惡肉凸起。名曰毒根。往往有用降藥爛去者。此乃毆之速斃也。獨不知弱體豈可增痛。况爛去仍又長出。安可再爛。余所製平安餅。專貼毒根。外以陽和解凝膏貼掩。一日一易。輕者二三日。重者六七日。不癢不痛。毒根自落。貼餅時。日服托毒散。俟毒根落後。當服保元四物二湯收功。

馬曰。此症乃瘡中有火所致。不若用銅綠煨研極細。陳去火毒。摻之。上用膏蓋。可以平也。

### 翻花起肛

潰久不斂。必至翻花起肛。堅硬。取老蟾破腹連肚雜。以蟾身刺數孔。貼患口上。輕者日易一次。重者日易兩次。貼蟾之日。日服醒消丸三錢。陳酒送服。止其疼痛。三日後毒盡。再服醒消丸。消其翻花。軟其硬肛。如大患初潰者。亦如前法。毒從蟾孔而出。倘肛硬陷深。取活牛蒡草根枝葉。或取紫花地丁草。煨者。搗爛塗入肛內。拔毒平肛。功效不凡。

馬曰。此症用蟾破貼頗效。



## 毒氣攻心

凡受降藥之毒。定致神昏嘔吐。此係毒氣攻心。急用護心散。以生甘草一兩。煎濃汁。稠調。令病者時刻呷嚥。嚥至大半。自然止嘔。神氣清爽。接服醒消。以平其勢。馬曰。瘡毒攻心。亦令神昏嘔吐。至于降藥之毒。須用人中黃、貫仲、綠豆解之。最佳。

## 陰症門

### 陰疽論

陰毒之症。皮色皆同。然有腫有不腫。有痛有不痛。有堅硬難移。有柔軟如綿。不可不爲之辨。夫腫而不堅。痛而難忍。流注也。腫而堅硬微痛。貼骨、鶴膝、橫痃、骨槽等類是也。不腫而痛。骨骹麻木。手足不仁。風濕也。堅硬如核。初起不痛。乳巖、瘰癧也。不痛而堅。如金石。形如升斗。石疽也。此等症候。盡屬陰虛。無論平塌大小。毒發五臟。皆曰陰疽。如其



初起疼痛者易消。重按不痛而堅者。毒根深固。消之難速。治之之法。方有一定。學者覽之瞭然。

馬曰。柔軟如綿。乃氣與痰滯。治宜流氣。氣行痰即行。流注一名氣毒。又名串痰。又曰乳岩。失榮馬刀。乃七情致傷之症。治宜解鬱疎肝。不可照陰疽例治。

陰疽治法

初起之形。闊大平塌。根盤散漫。不腫不痛。色不明亮。此疽中最險之症。倘誤服寒涼。其色變如隔宿猪肝。毒攻內腑。神昏即死。夫色之不明而散漫者。乃氣血兩虛也。患之不痛而平塌者。毒痰凝結也。治之之法。非麻黃不能開其腠裏。非肉桂炮薑不能解其寒凝。此三味雖酷暑不可缺一也。腠裏一開。寒凝一解。氣血乃行。毒亦隨之消矣。學者照方依治。自無不愈。倘有加減。定難奏效。

馬曰。治法極是。

又曰。麻黃未潰可用。已潰之後。斷不可重開其腠理。

流注

此症色白腫痛。毒發陰分。蓋因痰塞清道。氣血虛寒凝結。一曰寒痰。一曰氣毒。其

初起皮色不異。惟腫惟疼。體雖發熱。內未成膿。以二陳湯加陽和丸同煎。數服全消。消後接服小金丹七丸。杜其續發。如皮色稍變。極痛難忍。須服陽和湯以止其痛。消其未成膿之餘地。使其已成膿者。漸至不痛而潰。此乃以大疽變小之法。如患頂軟。即爲穿之。膿多白色。以陽和膏日貼。但此症潰後。定增毒痰流走。患生不一。故初潰之後。五日內。仍服小金丹十丸。以杜後患。接用犀黃丸。陽和湯。每日早晚輪服。使毒痰消盡。不補亦可收功。

倘孩子不能服煎劑者。初起以小金丹化服。至消乃止。成膿者。亦服小金丹。消其餘硬之地。使患不痛。即爲穿之。俟其毒盡。用保元湯者。草宜生忌炙。加入肉桂五分。日服收功。

如孕婦患之。當問胎懷月數。倘將滿六個月。犀黃丸有麝香。不可服。當以陽和湯愈之。愈後再服三四劑。以代小金丹。杜其流走。

馬曰。此症濕痰凝滯者。固當溫散。其有勤勞之輩。不受外寒。內傷脾土。脾氣滯而不行。濕痰因之停滯。治當流氣行痰。可望消散。

又曰。流注生於夏令。太陰司天在泉之歲最多。曝日躬耕。夜天露臥。暑爲寒束。

氣道不行。隨處結腫。初起宜從汗解。萬靈丹最妙。數服後不應。再進陽和。若壯熱煩渴引飲。全是暑熱內蘊。小金、陽和豈可沾脣。  
馬曰。陽和湯。孕歸忌服。卽小金丹亦非所宜。

甲疽

凡指甲邊生一赤肉突出。時常發者。甲疽也。用四妙膏以封患口。日易三度。毒消口斂。

井泉疽

疽生心口。又名慢心銳毒。初起心口內有塊。漸大發高。毒陷卽死。此醫皆縮手之症。諸書亦無治法。惟余家祕集載以本人兩手十指。以線量其長短。共積於線。在喉管正中處。雙環至背脊之中。看兩線頭盡處爲中穴。又以本人中指之中一節。用柴心量準若干。於中穴之左右兩旁各遠若干。各以墨記。分立三穴。如人。每穴用艾三大壯。一齊火灸。灸畢全愈。

馬曰。井疽乃心火妄動。而生慢心毒。卽胃脘癰。方書俱有治法。  
又曰。井疽初起。亦非死症。不過易於成漏。後難收口耳。



# 瘰癧

患生項間。初起一小塊。不覺疼癢。在皮裏膜外。漸大如桃核。旁增不一。皮色不異。以子龍丸每服三分。淡薑湯送服。每日三次。至消乃止。倘小孩不善服丸。每取小金丹一丸。陳酒沖服。蓋暖取汗。服至消而止。數年內忌食香橙。食則復患。凡瘰癧有潰爛。間有成膿未潰者。亦有未成膿者。須服犀黃丸。止其已潰之痛。鬆其成膿未潰之脹。消其未成膿之核。已成膿者。用咬頭膏穿之。日服溫補祛痰通腠活血壯氣之劑。外貼陽和解凝膏而愈。

凡瘰癧爛延肩胸脇下。極不堪者。用荊芥根煎湯洗患處。以雄腦散麻油調搗。內服洞天救苦丹三服。犀黃丸六服。服完九日後。皮色變白。孔內紅活。接服大棗丸。肌肉漸長。用生肌散日敷收功。

凡瘰癧爛至咽喉。如飲熱湯。外覺熱痛者。乃危險至極。遲則爛穿咽喉。不救。急取柴心一根。量本人中指。量其三節。共若干長短。男左女右。再就其手下腕骨正中骨頂之處。即以所量中指之柴心。定準一直量上盡頭。乃肘髁穴也。以墨記定。取艾圓連灸三壯。膏掩。可保咽喉不穿。凡瘰癧大忌開刀。





馬曰。瘰癧皆不足之症。有陰虛肝火凝結者。有脾虛痰氣凝結者。有風痰風濕相結者。子龍丸乃化痰泄水之峻劑。祇可施於壯實之人。但有一二核堅硬者可服。亦不宜多投。致傷血氣。

馬曰。不得日進溫補。當養陰兼以清肝。潰久不斂。用歸芍、六君。治之最宜。

馬曰。瘰癧非毒。不得以洞天救苦丹治之。

收功之法。前已列明。敷藥有訣。陳左。未成膿者。灸則可消。爛潰者可斂。赤貧人。用之有訣。瘰癧爛潰。不堪言。爛至胸腰連耳肩。荊芥根煎溫復洗。瘡中紫塊。莫針穿。犀黃大棗丸神效。日服日洗。日敷。瘡樟腦腰黃等細粉。麻油調掃肉新鮮。

### 小腸疽

患在小腹之內。按之如掌。堅硬而熱微痛。小便頻數。汗出憎寒。腹色如故。或現微腫。以犀黃丸愈之。

馬曰。此症以散瘀利濕爲主。當服煎劑。不得已一犀黃丸括之。

### 鶴膝風

初起膝蓋骨內作痛。如風氣一樣。久則日腫日粗。而大腿日細者是也。因形似鶴膝故名。專治之法。取新鮮白芷。用酒煎至成膏。收貯磁瓶。每日取膏二錢。陳酒送服。再取二三錢塗患。至消乃止。否則用陽和湯日服。外以白芥子爲粉。白酒釀調塗亦消。

馬曰。鶴膝乃三陰不足。有外受風寒脾濕。下注而成者。有肝腎陰虧。濕熱下注而成者。陽和湯不宜。卽白芷、白芥子等品。有熱者亦不可用。

橫疔

生於小腹兩旁。大腿界中。形如腰子。皮色不異。硬如結核。按之微痛者是也。日取角刺粥。時飲三四日全消。或以子龍丸。每服三分。淡薑湯日送三次。全愈乃止。大忌開刀。開則刀口無膿。惟出白膩漿。三百日內必死。自潰者亦然。

馬曰。橫疔之症。乃敗精濕痰凝結而成。角刺及子龍丸似非宜用。

乳巖

初起乳中生一小塊。不痛不癢。症與癰癤惡核相若。是陰寒結痰。此因哀哭憂愁。患難驚恐所致。其初起以犀黃丸。每服三錢。酒送十服全愈。或以陽和湯。加土貝五錢煎服。數日可消。倘誤以膏貼藥敷。定主日漸腫大。內作一抽之痛。已覺遲治。若皮色變異。難以挽回。勉以陽和湯日服。或以犀黃丸日服。或二藥每日早晚輪服。服至自潰。用大蟾六隻。每日早晚取蟾破腹連雜。以蟾身刺孔。貼於患口。連貼三日。內服千金托裏散。三日後接服犀黃丸。十人之中。可救三四。潰後不痛而癢極者。斷難挽回。大忌開刀。開則翻花最慘。萬無一活。男女皆有此症。

馬曰。乳巖乃心肝二經。氣火鬱結。七情內傷之病。非陰寒結痰。陽和湯斷不可



服。服之是速其潰也。潰則百無一生。惟逍遙散最爲穩妥。且犀黃丸內有乳香、沒藥、麝香。辛苦溫燥。更當忌投。

### 貼骨疽

患在環跳穴。又名縮脚疽。皮色不異。腫硬作痛者是。外用白芥子搗粉。白酒釀調塗。或以大戟、甘遂二末。白蜜調敷。內服陽和湯。每日一劑。四五服可消。消後找服子龍丸。或小金丹。以杜患根。大忌開刀。開則定成縮脚損疾。  
馬曰。貼骨疽用陽和湯。是正理可法也。

### 骨槽風

患在腮內牙根之間。不腫不紅。痛連臉骨。形同貼骨疽者是。倘以癰治。則害之矣。初起最易誤認牙疼。多服生地、石膏。以致成患。爛至牙根。延及咽喉。不救。當用二陳湯加陽和丸煎服。或陽和湯消之。倘遇潰者。以陽和湯、犀黃丸。每日早晚輪服。如有多骨。以推車散吹入。隔一夜。其骨不痛。自行退出。吹至次日。無骨退出。以生肌散吹入。內服保元湯加肉桂、歸芎、耆草。宜生收功而止。  
馬曰。骨槽風生於牙關開合處。名頰車穴。如堅硬貼骨。按之不熱。可服陽和湯。



惡核痰核

大者惡核。小者痰核。與石疽初起相同。然其寒凝甚結。毒根最深。極難軟熟。未潰之前。忌貼涼膏。忌投涼藥。惟內服陽和湯。犀黃丸可消。亦有以大田螺搗爛。敷塗消之者。大忌開刀。開則翻花起肛。用大蟾破腹。刺數孔。連雜蓋患。拔毒軟肛。內服溫補托毒消痰之劑。犀黃丸儘可收功。如孕婦。丸內有麝香忌之。

馬曰。惡核難潰。斂。即服藥亦難取效。大忌開刀。洵是至言。

石疽

初起如惡核。漸大如拳。急以陽和湯。犀黃丸。每日輪服可消。如遲至大如升斗。仍如石硬不痛。又曰。久患現紅筋則不治。再久患生斑片。自潰在即之證也。潰即放血。三日內斃。如現青筋者可治。內服陽和湯。外以活商陸根搗爛。加食鹽少許。敷塗數日作癢。半月皺皮。日敷日軟。而有膿袋下。以銀鍼穿之。當服千金托裏散。加熟地。同生耆各一兩。代水煎藥。服十劑。後以陽和解凝膏。滿貼患上。空出穿鍼之眼。使其血活。若皮膜中似成膿。銜用布綁緊。使皮膜相連。內服大補保元等湯。參耆忌炙。服至收功。如其毒氣未盡。忌投補劑。

馬曰。現青筋者。亦不可治。商陸根雖能潰堅。用之皮膚。入鹽更痛。徒傷其肌。徒增其痛。未必能消。祇有服補養氣血之劑。以解陰凝。庶可保延歲月。

### 善癩頭

孩子頭髮內。患白色腫塊。初起伊母認是跌腫。至高大作疼。方始延醫。醫以頭爲首陽。惟用寒涼解毒。是以潰者內膿復癩。增出者不一。殊不知此患色白。其膿不紅。乃陰寒虛弱之症。用小金丹治之。初起三服而消。潰後七丸而愈。外貼陽和解凝膏。大人患之。名曰髮疽。以陽和愈之。

馬曰。此症初起。當服疏風清痰熱之劑。陽和湯似不宜用。又曰。善癩頭係風熱痰交結而生。大人亦有之。陽和湯不可用也。

### 鵝掌風

患於手足掌指皮上。硬而癢燥烈者是。用紅油於有瘋之處。日以火烘油。擦二三次。至愈而止。

用蘇油一兩。紅砒一錢。敲細如糝。入油煎至砒枯煙絕爲度。去砒留油。有瘋之處。日以火烘油擦二三次。至愈止。

鵝爪瘋

卽油灰指甲。日取白鳳仙花。搗塗指甲。上下包好。日易一次。塗至灰甲換好而止。

凍瘡

以陽和解凝膏貼。一夜可愈。潰者貼三張收功。

陰疽用膏議

凡患一應色白大小等疽。忌用洞天膏貼。嫩膏敷。用則寒凝愈結。最忌用千槌膏、鯽魚膏貼。蓋此二膏內皆有巴豆、草麻。貼則被其提拔助成。每見橫痃乳巖。貼至致命。孕婦貼則墮胎。凡諸疽潰後。宜貼陽和解凝膏。

陽症門

癰癤

凡患色紅腫疼痛。根盤寸餘者是癰。毒發三四日。尙未作膿。以嫩膏圍外。內以醒消丸。熱陳酒送服三錢。卽止其痛。夜間得睡。次日患皮起皺。再服全消。如過四五日。患將作膿。亦以醒消丸與服。消其四圍腫硬。痛息毒散。患啞。此以大變小之法。



有膿之患。頂取咬頭膏貼。加以代刀散三錢。酒服穿之。或刀點分許穿之。以洞天膏貼。不幾日收功。如患盤數寸者。或患居背心腦後腰腹肚腋陰囊等險之穴。用五通丸。醒消丸。早晚以敗毒湯輪送一次。皮皺痛息。再服至愈。倘潰即用托毒散。醒消丸。亦早晚輪服。如患盤不滿一寸。亦紅腫者是癰。蟾酥丸。梅花點舌丹。皆可消腫止痛。

馬曰。此治法極是。

又曰。腰腹肚腋等處癰癤。五通、醒消二丸最佳。

### 牙癰

牙根肉紅腫痛甚者是。刺出毒血。取珍珠散吹之。內服龍膽瀉肝湯而愈。倘牙骨及腮內疼痛。不腫不紅。痛連臉骨者。是骨槽風也。倘以癰治。則害之矣。故治病貴在識症。

馬曰。牙癰乃胃火風熱交攻。膿出即愈。至腮頰之腫。不退外潰。則成穿腮漏。

### 發頤遮腮

患生於腮。有雙有單。一曰遮腮。一曰發頤。當宜別治。腮內酸痛是遮腮。取嫩膏敷



上。次日全愈。倘病仍兩腮發腫。不酸痛者是發頤。宜服表風散毒之劑。當用白芷、天麻、防風、荊芥各一錢。陳酒煎半碗。送服醒消丸三錢而愈。

馬曰。遮腮以疏風清胃爲主。如病後發頤。起耳根之下。腫連腮項。乃少陽邪熱結聚。須兼顧本症。天麻、白芷、防風、醒消。均非所宜。蓋此症發於溫熱病中。未能發汗解肌。熱病最易傷陰。故不得以辛溫治之。

### 子癰

腎子作痛。而不昇上。外現紅色者是也。遲則成患。潰爛致命。其未成膿者。用枸橘湯一服即愈。

馬曰。子癰與囊癰有別。子癰則辜丸硬痛。辜丸不腫而囊腫者爲囊癰。枸橘等品正治子癰之法。

### 囊脫

陰囊生毒爛破。腎子落出。外用紫蘇湯日洗。取紫蘇葉梗爲末。日敷。用青荷葉包裹。內服瀉熱湯。

馬曰。瀉熱湯治囊脫。頗效。可用。

### 赤遊螳螂子

初生小孩。因胎中受毒。腿上患色紅腫成片。身熱。名曰赤遊。遊者遊走也。遊走遍身而死。取哺退雞蛋內臭水。拂上一二次全愈。或小孩口內生疳。或腮內生一紅塊。名曰螳螂子。亦皆胎毒也。用生地五錢。生軍一錢。陳酒浸透。取出共搗爛塗足心。男左女右。用絹縛好。乾即易。愈乃止。嫩膏塗遊亦效。口疳用生香附。半夏等分爲末。蛋白調作如餅。貼男左女右湧泉穴。週時愈。湧泉穴即胸心馬曰。方內用蛋中臭水。一時難覓。不如以芭蕉根搗汁掃之。可退螳螂子。不可刀割。

### 疔毒

其患甚險。其害最速。生面目耳鼻之間。顯而易見。生肩足衣遮之處。隱而難知。早覺者晨醫夕愈。遲知者枉死甚多。即明鎗易睹。暗箭難防之意。故婦女而患暗疔。直至發覺。認誤傷寒。致毒攻心。走黃不救。黃即毒也。如頭面脣鼻肩臂手足等處。生一泡。或紫紅。或黃黑者。疔也。初起刺擠惡血。見好血而止。取拔疔散插入。以膏掩之。次日疔毒化膿而愈。凡屬疔毒。宜服奪命湯。

紅絲疔

手小臂。足小腿。生如紅線一條者是也。要在紅絲兩頭始末刺破。毒隨血出而愈。遲則毒入腸胃不救。

馬曰。紅絲疔非刺去惡血不可。然須細看。必有紅絲上延。方可用砭。否則恐是刀鎌疔。誤砭立見危殆。不可不知。

馬曰。奪命湯去細辛可服。

刀鎌疔

患形闊如韭菜。長有寸餘。肉色紫黑者是也。忌行鍼刺。以生礬三錢。葱白七根。共搗爛作七塊。葱湯逐塊送下。蓋暖取汗。無汗再服葱湯催之。汗出爲度。取爛雞屎塗患立愈。遲則毒歸心腑致命。

馬曰。忌行鍼刺極是。方亦平妥可用。

陶曰。疔瘡走黃。用芭蕉根搗敷之立愈。

走黃

疔毒發腫神昏。謂之走黃。如在將昏之際。急取回疔散二錢。開水送服。少刻大痛。



痛則許救。毒化黃水。痛止命活。

### 楊梅結毒

楊梅瘡。又謂棉花廣豆廣瘡。因形而名。然其感毒無二。以化毒爲貴。熏罨爲忌。罨定復發難治。初發以三黃丸。每日五鼓取四錢。熱陳酒送服。醉蓋取汗。或以瀉肝湯。每日早晚輪服。昔書所載昇藥爲丸。雄黃爲衣。粥飲送服。或點藥條一根。口含冷水之法。後學萬不可因此不費藥資。致傷人命。自召天誅。

如有因服昇藥。并藥條熏罨復發。在五日之前。日服三黃丸。再取紫銀茶時飲。如潰。以渣煎湯。患處日洗兩度。接服聖靈丹。可祛毒盡。色轉紅活。用洞天膏貼收功。卽如下疳蠟燭卸等毒。總不離此前治諸法。倘疼痛難忍。以聖靈丹五分。數服奏功。如潰爛。俟毒退痛止。色轉紅活。當以藥撒生肌。如陽物硬而不痿。白精流出。此乃妒精。用破故紙。韭菜子各一兩爲末。每服六錢。水一碗。煎半碗服。如見愈。宜以藥剩。倘毒重服聖靈丹。無不全愈。

馬曰。此卽江湖術士之隱藥。萬不可用。

馬曰。昇藥用水銀鍊成。誤服毒收入骨。須用青鉛、川椒。方能解之。



諸瘡

瘡疥之生。獨由於濕。故南方卑下之地。患者最多。昔書皆言濕熱所致。方中皆用生地涼血。未見醫愈一人。且以熏罨爲法。熏雖瘡愈。然毒歸腹。定成瘡癥。凡患諸瘡。宜戒沐浴。浴則濕氣愈重。難以速痊。痊後再戒月餘。庶免復發。忌食雞羊蝦蟹。一應發毒新鮮等物。并戒房事。欲愈諸瘡者。非得良方。未易痊也。按其名類。有膿窠、癩疥、繡毬瘋、猴猴疔、涇風頑癬、蛙髮癬、小兒疳、肥瘡、蠟梨、火珠、賺瘡、爛腿、漆瘡。馬曰。諸瘡癩癬。用藥水洗。亦可見功。惟熏則不宜。又曰。有熱者。生地又在所必用。濕重者。當用二妙爲妥。

癩疥繡毬瘋

遇此二症。用合掌散一錢。可敷數次全愈。臨用以右手中指羅門。黏滿香油。再在包內黏藥。塗入左手心。合掌數摩。俟藥止有氣。而不見形。將兩掌擦瘡。每日早晚擦二次。三日掃光。再擦三四日不發。

馬曰。此治癩疥之主方。用之得宜。效如影響。惟腎囊上不可用。

膿疥門雜

照前法以二美散蘸入手心。合掌摩擦。每日二次。愈後再擦三四日。

膿窠坐板濕毒猴獮疔

此等症。以五美散和嫩膏調敷外。以棉紙掩綁。不可動揭。五日後揭下。再敷一二次全愈。如濕毒癢極。先以金銀散敷上。次以前膏加敷。

馬曰。與合掌散同。

惡瘡極癢

用金銀散醋調敷止癢。如破爛。爛孔癢極者。白蜜調敷。

蠟梨瘡

用掃雪散香油調膩。剃頭後。煎滾灰湯溫洗。洗後以藥敷。敷後不必再洗。日以藥敷。至愈乃止。

不癢惡瘡

以猪苦膽和金霜散調敷。

頭面肥瘡

用結子油。每日早晚拂瘡兩度。五六日愈。戒食猪肉蝦蟹等發毒之物。及煎炒熬

油。食則延開難愈。

賺瘡

生於小腿。男人謂之爛腿。女人謂之裙風。氣滯血凝。經年累月。臭爛人憎。初起或由搔破。或生小瘡。化大。或因經熱湯之氣所致。或食毒物而成。當以老蟾破腹。蟾身刺數孔。以肚雜代包。填入孔內。蟾身覆蓋孔外。每日煎葱椒湯。俟溫早晚各洗一次。以蟾易貼。內服醒消丸。亦早晚二服。三日後取地丁、大力、鮮草、搗爛填孔外。蓋烏金膏。仍以醒消丸日服。如皮中滲出清水。嫩膏加五美散敷。如內發癢。白花膏貼。如內有硬塊如石。以生商陸搗爛塗。如孔內常有血出。先以參三七末撒內。次用牛蒡葉根搗填。俟患口收小。不用草填。日以五寶散撒上。仍以烏金膏貼之。收功。倘年老體虛。酌投補劑。

爛腿

用烏金膏照患孔大小。剪如膏藥一方。鍼刺二三十眼。取光面貼孔。日煎紫花地丁湯洗孔。并洗膏二次。三日內毒水流盡。色變紅活。以水飛伏龍散撒上。仍用前膏貼外。戒多立行走房事食毒物。凡婦人須待月信之後貼起。



漆瘡

取杉木屑煎湯溫洗。接以蟹黃、滑石二末。白蜜調敷。

患瘡日久

此由體虛毒重。敷藥按症酌用。內服神仙棗。四五日可愈。

瘡癥

以紅棗丸四兩。用紅棗湯送服。服完全愈。

如遇瘡癥危甚。不及服藥。當覓大蟹四五隻。約每重斤餘者。令其白湯煮食。飲酒蓋睡。不兩時。身上發瘡。更狠於前。而癥全消。仍以瘡治。或服紅棗丸。或服愈瘡棗。

火珠

用生蘿蔔搗爛。好醋浸敷。遲治妨命。

流火

患生小腿。紅腫熱痛。不潰不爛。世之醫家。惟以刀鎌血出。或以鱖魚血塗。總無全愈之日。時常發作。復鎌復塗而已。治法當以礬灰化於缸水內。次日水面上定結



一層如薄冰者取起。以桐油對調膩厚。每日拂上三次。三四日全愈。後不復發。醫時忌食猪肉。

諸癬

用癬酒拂治。先將癬三日一剃一拂。至愈乃止。

蛙髮癬

取生木鱉片浸數日。入鍋煮透。取湯洗。洗後取蜈蚣油搽頭。至愈方止。或取草烏切片炙脆研粉。醋調日塗三次。數日愈。

馬曰。先令剃頭湯洗。

陰頑惡癬

以鮮角膏加醋煎至稠膩。磁瓶貯之。遇此症。先行剃之。剃後以膏塗之。日剃日敷。俟毒水流盡。再敷數次全愈。

痔漏

痔漏卽腸癖。凡人九竅中有小肉突起。卽如大澤中有小山突出也。不獨於肛門一處言痔。故有鼻眼牙痔等名。痔分五種。狀亦不一。曰牡。曰牝。曰脈。曰腸。曰氣。未

破謂之痔。已破謂之漏。

- 一、肛門邊生出數瘡。腫而突出。膿潰即散者。牝痔。
- 一、肛門邊露肉如珠。狀如鼠奶。滴血流膿者。牡痔。
- 一、腸口顆顆發癰。且痛且癢。血出淋漓者。脈痔。
- 一、肛門內結核有血。發寒熱。登溷即脫肛者。腸痔。
- 一、肛門腫痛。遇怒即發。怒息即安者。氣痔。
- 一、酒醉即腫痛流血者。酒痔。色痔相同。
- 一、每大便有血注不止者。血痔。

### 外痔

以槐梅膏塗之。痛息。日塗兩次。至愈乃止。內服杜痔丸。每早晚各服五錢。

### 內痔

候登廁翻出肛外。用溫水洗淨側臥。其痔盡出。勿使收入。亦有痔自翻出。大如茶杯。形如一菌。糞從菌心而出。痛極難忍。上面如盆。四邊高。中心陷下。如菌根。糞後用杜枸杞根搗爛。煎汁熱熏溫洗。洗淨以洞天膏攤如茶碗大。中剪一孔。以一邊

剪開通孔。烘熔圈於菌根。貼於四邊。圍護好肉。誠恐上藥。藥汁滴於好肉耳。每取枯痔藥一二分。入杯津調。筆蘸拂菌之外面四旁。日夜各拂一次。菌之中心通連肛門。大忌拂藥。倘有流入。大痛難當。拂一兩日。毒水流出。菌形漸縮而軟。再拂一兩日。漸硬而黑。菌邊日有脫下。用藥一錢。內再增硃砂一分。仍用津調。日夜照拂。俟菌縮小黑硬。再拂。拂至菌根自落全愈。

痔漏成管

以退管散五錢。黑糖拌。空心陳酒送下。管自退出乃止。或用雙驚丸亦可。

石節

夏秋頭面生紅癰。初起取洞天膏貼。週時全消。潰者貼之亦愈。用清暑散煎。俟溫服。即無熱毒之患。

大癰潰後議

凡大癰潰後。世人每投炙耆、炙草。或用半炙半生。殊不知托裏散內用人參者。並非以參補虛。不過以參助耆。添其托毒之力。却無補毒之害。而炙耆止補氣。不能托毒。炙草止補中。不能解毒。倘毒氣未盡。誤投炙耆、炙草。或用保元十全等湯。致



毒反得補助。毒攻內腑。余之治法。凡遇初潰大癰。止其痛。痛息則毒散。其腫亦退。色轉紅活。即可無須用參。耆補托。如須用耆草。亦皆用生。不用炙也。惟體虛年老。者投參而耆草則皆炙也。如體旺家貧者。無參亦易收功。馬曰。此論極是。何世之瘍科。於潰膿以後。每用參耆炙草。以爲托裏。補住火邪。致瘡難愈。甚則毒攻內腑。危殆不救。能取此爲法。必無貽誤。

## 有陰有陽症門

### 肺癰肺疽

諸患易識。獨肺中患毒難覺。有兩脚骨疼痛者。有脚骨不痛。而舌下生一粒如細豆者。再心口之上。內作微痛。及咳嗽口乾咽燥。此皆肺中生毒之證也。即用甘桔各三錢煎服。服下如覺稍安。肺之患毒無疑矣。以犀黃丸十服。服完全愈。此是預識預治。百無一死之法。世人但知脚痛醫脚。咳嗽醫嗽。舌下一粒。便以刀刺。且此一粒。患未成膿。定然色淡。患愈亦消。患篤其色紫黑。如用刀刺立害。諸書皆載云。口吐臭痰。胸中發腥作痛者。肺癰也。又稱症有三不治。時吐臭痰。久如硬米飯者。



不治。嘔膿不止者不治。白面變赤者不治。惟嘔而膿自出者易治。治之之藥。惟地黃、保生、歸脾等湯。輪服而已。並無預知早治之法。直至吐臭痰發腥。始知肺癰。猶小舟飄入大洋也。此等立論。安可爲後學津梁。余每見此症吐膿。其色皆白。故稱肺疽。用犀黃丸。治無不效。有赤貧者患之。以陳芥菜瀝。每晨取半杯。滾豆腐漿沖服。服則胸中一塊。塞上塞下。塞至數次。方能吐出。連吐惡膿。日服至愈。凡患此症者。終身戒食鴨蛋、白鯊、紅蘿蔔、石首魚、着甲魚。食則復發難生。

馬曰。肺疽肺癰。均由咳嗽而起。或外感風寒。鬱久化熱。或心肝之火上炎。肺葉脹舉。而成癰膿。故胸痛咳嗽吐膿吐血。火刑金之候。豈可以乳沒辛苦溫之品。助其熱。傷其肺。麝香走竄。盜泄真氣。本草均稱諸瘡癰疽潰後勿服。何況嬌臟受病乎。

發背

此乃癰疽中大患。緣其患位。對心對肺對臍耳。偏曰搭手。因手可搭而名。紅腫痛甚者。應稱背癰。治法詳於陽症門癰癰內。如色白腫痛者。當以流注法治。如平塌不痛者。當以陰疽法治。此皆陰發背也。如誤服寒劑。誤敷涼藥。誤貼涼膏。定然毒

攻內腑不救。

馬曰平塌不痛之症頗多。不得均謂之陰疽。凡疽初起。必有頭。

### 脫骨疽

凡手足之無名指。患色白而痛甚者。脫骨疽也。諸書載云。急剪去指。可保其命。遲則腫延手足之背。救無術矣。殊不知此疽也。大人以陽和湯。小孩以小金丹。最狠者以犀黃丸。皆可以消之。色紅者。以熱癰蛇頭等法治之。

馬曰。此症無論手足。皆是火毒濕熱結成。又有溫疫病中。邪陷下焦而成者。陽和湯斷不可投。

又曰。脫疽無色白者。必現紅紫之象。或痛或不痛。或麻木而冷。十指各有主經。何經受毒。發於何指。亦有漫延四指者。然多生足指。少毒。手指均是火毒內蘊所致。小金亦非所宜。

陶曰。脫骨疽發於腳趾。漸上至膝。色黑。痛不可忍。逐節脫落而死。亦有發於手者。方用土蜂窠研細醋調。應手而愈。真神方也。

### 天蛇頭

患生指上。形似蛇頭故名。紅腫者。取白蘿蔔一段。挖孔入雄黃三分。蒸半熟套指。或取烏梅仁。嚼爛塗指。及嫩膏塗之。皆消。如患色白。小金丹服愈。  
馬曰。天蛇頭。卽是疔瘡。非服小金丹之症。如色白者。是僵節蛙。方可服小金丹。不可不審也。

耳後銳毒

患發耳後。又名耳後發。宜別陽實陰虛。治無一錯。患色白者。以陽和丸。與二陳湯同煎服。或以小金丹服消。如色紅者。醒消丸服消。諸書不拘紅白。概以元參、牛蒡、連翹、蠶尾、赤芍、銀花等七味以治。卽色紅者。尙服不消。况色白者。能不遭其害乎。  
馬曰。耳後銳毒。初起必有紅根白頭。肝肺二經邪火蘊結。又屬少陽三焦部位。是經多氣少血。陽和斷不可服。若至潰後。氣血兩虛。邪從內陷。參耆肉桂。又當少少用之。托裏補虛。  
又曰。初起以疎風化痰爲宜。蓋銳毒。卽耳後發。與腦疽同。

驢眼

患生脚骨。俗呼夾棍疽。未潰色白以疽治。紅腫以癰治。如潰爛日久。形如驢眼者。



莫以臙瘡治。當問初起紅白。以疽癰別治。

馬曰。是症當以癰治爲正。

### 牛棟臉

脚底皮內生一泡。痛難步履。略去老皮。以生草烏酒磨塗上。速愈。如患生脚底之心。名湧泉疽。當別紅白色治。

馬曰。當作濕熱治。色紅者熱甚。色白者濕重。

### 懸癰

患生肛門前。陰根後。兩相交界之處。初起細粒。漸如蓮子大。數日後如桃李大。俗呼偷糞老鼠。潰經走洩。卽成漏生管。漏久成怯。怯症人患此。乃催命鬼也。諸漏可醫。獨此難治。治則漏管愈大。致成海底漏不救。在於未成膿時。用生甘草製軍各三錢。酒煎空心服。一劑卽愈。如成膿。以醒消丸愈之。倘患色白者。小金丹愈之。馬曰。此漏亦有治法。不雜內症者可治。如見咳嗽發熱。則不治矣。又曰。熟軍醒消。小金諸方。見陰虛咳嗽者。不可投。

### 乳癰

又名乳妬



婦人被兒鼻風吹入乳孔。以致閉結。內生一塊。紅腫作痛。大謂癰。小謂癰。又未產謂內吹。已產謂外吹。以紫河車草。浙貝各三錢。爲末。黃鱉拌陳酒服。醉蓋取汗。或用白芷散五錢。酒送一服。全消。如潰以醒消丸。酒送一服。以止其痛。外貼洞天膏自愈。倘內吹忌服醒消。如患色白者。應以流注法治。倘潰爛不堪。以洞天救苦丹服七日後。接以大棗丸。服至收功。

馬曰。乳癰係肝胃氣火鬱結。與乳汁壅滯而生。其紅腫者。用草河車。浙貝。尙屬合宜。至色白者。以流注法治。治之。則大謬矣。蓋流注由痰滯所致。與乳癰全然各別。不得以治流注之治。移治乳癰也。

### 魚肚癰

患生腿肚。此乃肉緊筋橫。在一身用力之處。最痛難忍。外以紫藥紮上。內以五通醒消二丸。每日早晚輪服。初起立消。以藥咬穿。庶不傷筋。而無縮脚之損。色白者應以疽治。紫藥忌用。孕婦亦然。

馬曰。此乃濕熱及瘀血凝結而成。卽色白者。亦不可以治疽之法治之。

### 痘毒

色白者。因出痘服多涼藥。血寒氣滯。乘虛發毒。往往醫家誤爲痘後火毒。未盡治之。致流走患生不一。久則生管成漏。漏久內生多骨。害人不少。凡遇此症。應以流注法治。以小金丹消之。有貧家痘後。不服清火之劑。結成痘毒。其色紅亮者。當以癰法治之。

馬曰。痘乃先天火毒。漿不足者。痘後必發毒。每生於關節移動之處。最爲險惡。潰亦難斂。必生多骨。卽骨出收口。筋節俱強。不能自如。初起均宜消散。爲是皮白者。當和血化毒。用川芎、當歸、二陳、殭蠶、忍冬藤、貝母等治之。外用生黃豆嚼爛塗之。可消。

## 咽喉口舌門

咽喉之地。最爲急症。頃刻而痛難忍者。係寒。婉轉而痛方騰者。係熱。猶之雷電之燄。因陰生。燎原之火。由漸著。內經云。驟起非火。煖發非寒。虛寒實熱。識透者獲濟。是在明達之士。知所區別。乃隨所施而無誤耳。

馬曰。喉痛之症。色白。不紅不腫者。寒也。紅而腫者。火也。然色白者。亦有因風。白

而微腫者。痰與氣也。內經之驟起非火。緩起非寒。非指喉痛而言。若云初起實係寒生。未必盡然。或有伏熱在內。如服肉桂。豈不助暴爲虐。疑似之間。莫若先以薑湯試之。最爲穩當。

陶曰。先生言或有伏熱在內。如服肉桂。豈不助瘧是矣。但以薑湯試之。其法亦未盡善。蓋薑亦熱物也。如不識脈之人。何不用西醫寒暑表。測其寒熱。況予有醫學簡便寒暑表。其法較泰西所作尤爲靈捷。作表及用法。其說頗長。已載予著有益齋雜記內。

喉痹

痹者不仁也。本無毫恙。頃刻而起。此係虛寒陰火。最爲危急之症。其見證痰在喉中作響。響如打鼾。舌色白而不腫。諸書皆稱肺絕不救。蓋緣誤服寒涼。以致死耳。當以桂薑湯緩緩嚥下。可以立愈。或以生川附切片。塗以白蜜。火炙透黑。收貯。臨用取如細糲一粒。口含嚥津。亦立刻全愈。先以鵝毛黏以桐油。入喉捲之。痰出服藥。

馬曰。痹者閉塞之謂。非不仁之謂。痹症湯飲猶可通。若閉則水漿不能入矣。用



臥龍丹吹之。取嚏可鬆。  
陶曰。又皂角末。或半夏末。吹入鼻中。皆可取嚏。如無藥物。卽以細紙捻子在鼻中攪之。亦可取嚏。凡咽喉初覺壅塞。卽用此法。取嚏數次。亦可散熱毒。此通竅法也。

### 乳蛾

其形圓如筋頭。生於咽喉關上者輕。生於關下者重。或左有右無曰單。或左右皆有曰雙。雙者輕。單者重。以土牛膝絞汁。含口漫嚥。如無鮮者。用天名精丸化服亦可。

馬曰。土牛膝汁含嚥。乃是吐法。

### 喉癰

體虛多鬱者患之。喉中不閉不腫。氣出如常。微微疼癢。飲食不遂者是。此係虛火。淹纏難愈。忌刺畏補。當用雪梅丸嚥含。每日一丸。十日可愈。

馬曰。書云實火可瀉。虛火可補。畏補之說。顯悖經旨。忌刺之言。的確不磨。又曰。此症乃水虧虛火傷肺。膽礬雄黃不可用。



喉珠

係腦門生一紅線如髮。懸一黑泡。大如櫻珠。掛至咽門。如用刀點卽死。取土牛膝活根搗汁。以好醋二三滴和勻。滴入鼻中三四次。絲斷珠破。吐出瘀血立愈。

鎖喉

喉內無蛾形。痰聲不響。而喉欲閉者是。治詳煎劑門。

陶曰。葉天士謂鎖喉風。乃杜撰之名。此病有閉有脫。脫者氣道閉塞。關竅不通而死。脫者大汗大吐大瀉。虛脫而死。閉證當以開通關竅爲急。脫證以補虛收斂爲要。

又曰。葉云。凡遇咽喉閉證。不能開口。難以進藥。以及手足冰冷。面色青白。並無痰聲。脈伏倒地。先用紫金丹。以淡薑湯磨灌。後用二陳加菖蒲、鬱金、枳殼、香附等類。治之可愈。又曰。脫證宜用大劑參、附。佐以龍骨、牡蠣、五味、黃耆之類。

纏喉風

喉內熱結。喉外腫繞。且癢且麻者是。治詳煎劑門。

馬曰。凡屬喉風。有痰者稍輕。無痰者重。不可不知。如有道路無人店之處。藥未備在者。遇有喉症。取針刺其兩指少商穴。無藥亦愈。

喉閉

倘喉內之痰。塞滿口舌。舌有痰護。此痰不出牙齒。作響如鼾。惟喉痹誤服涼藥。有此症也。如再遲治。痰塞鼻內。氣無出入。即死。急取鵝毛蘸桐油捲痰。痰出亦以桂薑湯愈之。

病者二三日。前覺氣急短促。手足厥冷。忽痰壅氣閉。命懸頃刻者是。急服蘇子。前胡等藥。如於道路無人店之處。藥未備者。遇有喉閉。急取一針。針其兩指少商穴。無藥亦愈。

馬曰。喉閉乃嚥喉閉塞。水漿不入。或有痰。或無痰。有痰須桐油探吐。以白金丸三五錢。泡湯含之。內吹秘藥。無痰者。亦以白金丸含之。吹秘藥。



少商穴大指內側之端去  
爪甲角如韭葉許左右同

牙疳

凡患牙疳。牙根紅腫。及口喉之症。以紫毫喉鎗點之。以珍珠散吹之。  
馬曰。診珠散吹牙疳甚妙。

走馬牙疳

此患最易延腫穿腮。不堪危險。急以赤霜散吹之。效速如神。久爛之孔。生肌亦速。或用馬蹄散吹患處立愈。

馬曰。赤霜散妥善可治。

牙蝕

此症每因患骨槽風所致。透骨穿腮。亦屬危險。用南星散拂患處。數日愈。

風火蟲牙

用刻歡丸一粒。噙於痛處。丸化即愈。

馬曰。治風火蟲牙神效。

舌上出血

用水金散吹擦即止。

馬曰。衄血尿血皆效。

小兒口疳

用香清餅貼男左女右湧泉穴。一週時愈。



馬曰。此托藥也。可用。惟不可破割。

舌腫

用四黃散。擦之即愈。

馬曰。實火可用。

口疳時發

用二冬散。含之即愈。

馬曰。虛火用此方神應。虛火之見症。色淡不鮮。與實火有別。

舌硬生衣

先用鍼刺出舌尖黑紫血。以犀黃散擦之。須臾舌軟。

馬曰。舌硬是痰火上升。當服煎劑以降之。徒恃擦擦無益。

熱痛喉症

用壁錢散。吹之最效。

馬曰。是方以治痰火喉痛頗效。

附視咽喉七症訣

咽喉症有七。形若筋頭蛾。無蛾喉欲閉。鎖喉症亦異。纏喉熱結內。麻癢腫繞外。日前氣短促。厥冷喉閉礙。喉痹鼾痰響。肺絕須治快。喉癰因虛鬱。微作癢疼態。不腫又不閉。淹纏最作怪。喉懸一粒珠。刀點命項害。藥從鼻裏吹。珠破病即退。

#### 附製喉鎗法

以純紫毫細長筆。筆根用絲線紮固。濃磨京墨蘸飽之。俟筆晒乾。再蘸一二次。乾透極硬。用以代刀點喉患。雖被刺而不致傷損。即病家亦視而無恐矣。

### 雜症門

#### 湯火燙

地榆磨細如麵。香油浸敷。破損者。敷後加以乾末撒上。如潰爛不斂者。取伏龍肝。入炭火燒紅。水飛晒乾。研爲細末。人乳調敷。或用綿線油拂上。立刻止痛。多則二次全愈。功靈效速。乃湯火燙之聖藥也。

#### 狗咬

先用尿淨。以番木鱉切片。瓦上炙炭。存性研末。撒上二三日。可以收功。如腐爛成

膿。有胸痞之象者。當服護心散。治法宜主清火化毒。

馬曰。最妙用萬年青。卽千年蓮。連根搗汁服。卽用渣敷咬處。雖瘋狗咬傷。眼紅腹內作痛者。服之無不其應如響。

跌打骨斷

用綠礬。許煎湯。粗草紙浸透。裹於傷處。再以燈心繩火於紙上熏之。紙溫卽將紙易。再熏。可以立刻照常。或於斷骨骺上傷處。用竹片綁七日全愈。或用黎洞丸。內服外敷亦效。

馬曰。方亦靈驗。然起死回生。不如同生丹多多矣。

閃頸促腰

用硼砂研粉。以骨鑽蘸津沾粉點兩目。淚出稍鬆。連點三次。立時全愈。

骨鯁

用燈心灰。吹三四次。骨化而愈。或用雙砂湯。連連服下。卽化爲涎。

馬曰。古方可用。

天絲入目

捉肥虱二十餘個。二指撚熟。鍼破虱腹。令人仰臥。將虱血滴入眼內。少刻天絲隨血而出。

#### 塵屑入目

吐津於石瓶上。以人指甲磨濃。骨鑽蘸津點入眼內。不一刻一抹而出。

#### 赤眼淹纏

用金烏湯食下。隔兩日。再服一次。全愈。

馬曰。赤眼乃肝肺之熱。杜仲酒釀似不宜用。

#### 孩童目疾

黃連、柴胡各一錢。研末。人乳調和。塗於湧泉穴。男左女右可愈。

#### 痘後目疾

痘後初開眼內有星翳。取梧州臘脂泡水。以紙鋪水面上。新筆於紙上蘸水。一日拂三次。三日愈。遲治帶疾。

#### 鼻衄

以水金散煎服。外用龍骨末。吹入立止。



大麻瘋（爛潰不堪者初起未爛治法同效）

用粗如酒盃之蛇一條。竹刀破腹去雜。切寸段。取瓦放於炭火上。以蛇段豎放瓦上。跌倒者係無毒之段。棄之不用。不倒者有毒。用炙存性。磨粉拌入飯內。覓通身白毛鴨一隻與食。次日鴨毛盡脫。以鴨殺之。石鍋內煮爛。勻作四五日食。凡吃鴨第一頓。其腫者更腫。第二三頓收小。吃完愈。

馬曰。麻瘋忌蛇忌酒。此方萬不可用。另附方。

乳懸

此乃怪症也。世間亦偶有之。產後兩乳伸長。形細如雞腸。垂過小腹。痛難刻忍。急用川芎、當歸各一斤。先各取四兩。切片水煎時服。以所餘斤半切大塊。產婦面前放一桌。下放火爐。將芎歸入爐慢燒。令婦伏於桌上。口鼻及乳吸烟。如藥盡未痊。再如前法煎服熏吸。便可縮上。倘不能復舊。取草麻子一粒。冷水磨塗頭頂。見縮復舊。即時洗去乃愈。愈後倘日後再產。必復發不救。

故膏藥不可以草麻煎入。倘貼孕婦下身瘡癰。即小產。產後尚不覺膏。故再貼致命。可見巴豆、草麻之害如此。

馬曰。此是古方。平妥可用。如不應。再加黃耆八兩。煎服卽效。  
陶曰。用纏足婦女臭裹布紮縛其乳。亦收上矣。

外科金生集 卷一 雜症門

馬評  
陶批  
外科全生集

清	清	清
鄞縣	會稽	洞庭
曹赤電炳章校	陶祥忻階臣批	王維德洪緒纂
	馬文植培之評	
	孟河	

卷二

諺云。千學不如一見。是以從師習道。必經師率而視症。以冀見廣識多。使遇症無疑。余故以四十餘年之臨症。摘其一二奇險危篤者。或用測度推原之治。悉錄於左。以備學者目之。可免師率視症云爾。

臨症治法

閩門龔姓腰患一疽。根盤圍闊二尺餘。前連腹。後接背。不紅不腫。不痛不軟。按之



如木。初延余治。以肉桂、炮薑書於方首。別後另延蘇城內外三四名家。衆視余方。皆曰酷暑安可用此熱劑。以余爲非。議用攻托清涼。連治五日。病者神昏無胃。復延余治。患仍不痛。色如隔宿猪肝。言語不清。飲食不進。余曰。能過今晚再商。是夜卽斃。然其至死不痛。不久伊戚亦患此症。延余治。以陽和湯服下。次日覺鬆。又服疽消小半。纔以犀黃丸與陽和湯逐日早晚輪服。第五日全愈。後有發背相若者。照治而愈。

一壯年新婚百日。妻往母家。滿月方回。日值酷暑。未免慾畢貪涼多扇。五鼓時喉痛氣逆。寒熱交作。余問之。則曰三日前喉間略有微痛。今早五鼓脹腫痛甚。視其小舌腫如胖人拇指。知係心腎虛實之火。并慾後經風。風火兩閉之恙。若用發表。虛上加虛。若投寒劑。風火被壅。卽用前胡、蘇子、連翹、元參、赤芍、浙貝、甘桔、八味煎服立愈。

一鄰友。余家飲酒。二鼓而別。次早伊僕云。陽物腫脹。痛難小便。遣來索藥。度其酒歸行房。妻以前用未洗之絹抹之。此絹必經毒蟲咬過。卽用仙人對坐草以解蛇毒。割人藤以解蜈蚣毒。二草搗爛取汁。調雄黃末塗上。立刻止痛消腫。下午全愈。

無錫村婦。年三旬。五月望日。下午腹饑。正取麵食。將舉筋。忽喉疼難食。彼地一醫以射干、赤芍、翹芩、花粉、牛蒡等煎服。服卽痰昇滿口。響若鼾聲。痰不出齒。口有痰護。余問始知驟起。况服涼藥增險。此陰寒無疑也。但痰塞一口。萬難進藥。卽取鵝羽蘸桐油釐許。入喉一捲。痰隨羽出。吐有升許。以肉桂、炮薑、生甘草各五分。入碗內。以滾水沖浸。以碗仍頓湯中。用匙取藥與嚥一口。病者卽稱好了。連呷三四口。人起說飢。問余要飯喫可否。余曰。與粥最宜。

南濠一匠。半夜請治喉症。問之不能回說。旁人云。昨喫夜飯。好好唱歌作樂。睡着忽喉痛而醒。余以炙附如細糲一粒。放其舌上。嚥津數口全愈。

一婦小腿經燙。被醫者用冰片研入雪水敷之。不一刻。腿腫如斗。痛極難忍。請余治。婦曰。只求止痛。死亦甘心。余曰。幸在小腿下身硬地。倘燙腰腹。用此一罨。火毒入腹。難以挽回。以地榆研細。調油拂上。半刻痛止。令伊自拂。一二次全愈。一使女炭火燙足背。爛一孔。以伏龍散乳調敷。不三日而愈。又鄰家一孩。爐上滾湯澆腹。因痛自手扒破腹皮。油拂上一次痛息。以地榆末乾撒於破處。次日肌生。未破者全愈。



宜興馮悠也。右足背連小腿轉灣處。初起不過燙毒而成爛腿。三十餘年。四起硬。肛。小腿足腫如斗。爛孔可容大拳。有時出血。有時常流臭漿。滿室難聞。自以布包如磚一塊。以填孔內。否則空痛。時年七十有四。雍正六年。延余治。以老蟾破腹。蟾身刺數孔。以肚雜代包。填入孔內。蟾身覆蓋蓋孔外。每日煎葱椒湯。俟溫早晚各洗一次。以蟾易貼。內服醒消丸。亦早晚二服。三日後。取地丁、大力、鮮草搗爛填孔外。蓋烏金膏。仍以醒消丸日服。其肛口外四起硬塊。內有皮中滲出清水者。以嫩膏加五美散敷。內有發癢者。以白花膏貼。內有塊硬如石者。以生商陸搗爛塗。因孔內常有血出。先以參三七末撒內。次用地丁、牛旁葉根搗填。如此二十餘日。腿始退腫癢息。而其硬塊及硬肛皆平。皮色退黑。內肉鮮紅。患口收小平淺。可以不用草填。日以五寶散撒上。仍貼烏金膏。因老翁精神不衰。飲食不減。始終不補。收功。宜興徐玉梧子。週歲半。太陽一毒。背上心膈對處二毒。頸後口對處一毒。腰腹二毒。兩腿五毒。共患十一毒。皆皮色無異。其大腿二腿。已經伊處醫者開刀。聞余至。請治。以小金丹令日服二次。第五日消其九毒。消後又以小金丹日服一次。因孩小。令其添一乳母。十日後。二孔皆紅潤。以保元湯。草皆生。加肉桂三分煎杯許。

另水煎參六分。和服。半月後。以耆草易炙服。愈。一月收功。  
常熟趙太元長君。患橫痃。被醫家開刀。延余治。余問開刀幾月矣。彼云已有半月也。余曰。此患破則難治。還有九月之壽。卽辭別。別後三百日。伊戚在蘇來云。已死月餘。

興邑路姓七歲童。項門止寸許。並患三疽。潰久不斂。孔如碁大。淺而無膿。乾而色灰。人倦無神。因服涼劑過多。飲食不進。延余治。余曰。色似香灰。乃氣血兩喪。無膿乾枯。精神已絕。兼值不食。難以延久。何能治之。次日而夭。

楓鎮閔姓。年十上。頸患瘰癧。爛成片。延爛耳腋及腰。如手掌大者數處。瘦弱成怯。初以洞天救苦丹與服。毒水大流。十日後以陽和湯醒消丸。每日早晚各服一次。十日項能舒轉。飲食日增。外貼陽和膏。內服大棗丸。嗣後仍以前膏貼之。始終用荊芥湯洗。以山蓮散敷。九十日收功。因未服子龍。小金二丸。其毒根未除。後腋生惡核。仍以子龍丸消之。杜患。

山塘姚姓嫗。年二十九。小產月餘。左肩手搭處。先發一毒。週有尺五。患後半月。背脊添出一毒。自上至下。計長一尺三寸。上闊下尖。皆白陷。十日後始請余治。其勢



甚篤。連服陽和湯三劑。人能坐起。五劑自能大小便。十二劑其續發者全消。先發之搭手。餘地皆消。止剩患頂有膿者。如碁子大。膿足不痛而穿。四日收功。後言背上如負一板。舒轉不快。以小金丹十丸。每日二丸。服畢。肌膚不板。神色復元。程姓母年七十。膝下患一陰毒流注。潰經數月。患下及旁。又起硬腫二塊。與舊患相連。延一醫。以新發之毒。誤爲舊患旁腫。不識流注。竟以托毒之劑與服。服二劑。致新發者被托發痛。始延余治。余以陽和湯與服三劑。新發之二毒皆消。接服小金丹十丸。後進滋陰溫補。以杏仁散敷。半月膿厚。令服保元湯加肉桂。十餘劑愈。王姓媳。頸內瘰癧數個。兩腋惡核三個。又大腿患一毒。不作疼癢。百餘日後。日漸發大。形幾如斗。按之如石皮。現青筋。常作抽痛。經治數人。皆稱曰瘤。余曰。瘤係軟者。世無石硬之瘤。乃石疽也。問可治否。答曰。初起時皆可消。日久發大。上現筋紋。雖按之如石。其根下已成膿矣。如偶作一抽之痛。乃是有膿之證。上現青筋者。其內已作黃漿可治。如上現小塊。高低如石巖者不治。三百日後。庄發大痛。不潰而死。如現紅筋者。其內已痛。血枯不治。倘生斑點。卽自潰之證。潰卽放血。三日內斃。今患所現青筋。醫至患軟爲半功。潰後膿變濃厚。可冀收功也。外以活商陸搗塗。

內服陽和湯。十日則止一抽之痛。十三劑裏外作癢。十六劑頂軟。十八劑通患全軟。其頸項之癰塊。兩腋之惡核。盡行消散。一無形跡。止剩石疽未平。內膿袋下。令服參一錢。因在筋絡之處。先以銀鍼刺穿。後以刀闊其口。以紙釘塞入孔內。次日兩次流水斗許。大劑滋補托裏。刪去人參。倍增生耆。連進十劑。相安已極。適有伊戚。亦行外科道者。令其耆草換炙。服不三日。四外發腫。內作疼痛。復延余治。余令以照前方服。又服二十餘劑。外以陽和膏。隨其根盤貼滿。獨留患孔。加以布細綁。人問何以既用膏貼。又加布綁。答曰。凡屬陰疽。外皮活。內膜生。故開刀傷膜。膜爛則死。所出之膿。在皮裏膜外。僅似空銜。又不能以生肌藥放入。故內服溫補滋陰活血之劑。外貼活血溫暖膏藥。加之以細。使其皮膜相連。易於膿盡。且又易於連接生肌。綁後數日。內膿濃厚。加參服兩月收功。

宜興一舟子。陰囊形大如斗。被走方者穿之。不數日爛。見腎子如鵝蛋大。旁有一筋六七寸長。形若雞腸雙環。隨腎子落出。臭氣難聞。令以紫蘇煎湯洗淨其筋上爛腐。問其腎子小便小肚痛否。彼曰。皆不痛。余曰。此三處作痛難治。今不痛者可治。日以紫蘇湯洗。洗後以蘇梗爲末撒上。用青荷葉包之。內服黃連、歸尾、黃芩、甘



草木通等藥十劑。五日後腎子收上。爛孔收小。此非患毒。乃是損傷。口既收小。肌色紅白。內服地黃湯。外敷生肌散而愈。

福建客。滿身廣豆。又患橫痃。余想橫痃乃陰虛之症。藥宜溫補。廣豆係火毒之症。藥宜涼解。二症相背。既利於毒。必害於疽。務使二症皆宜之藥。非犀黃丸。外無他法。令其每日空心時。酒送三錢。十服二症全愈。後一人毒重者。倍服而愈。

婦項痰核三處。年久生管。延治以拔管藥插入。日易半月愈兩。惟有一管淺如一。不意伊夫遠歸。兩日管深如舊。余曰。此刻治定無功效。容日商治。伊母問余。余曰。俟令壻出外。半月亦可收功。數日後。接女歸。延治而愈。又壯年臂有二管。問伊可有暗疾。曰有夢遺。余以六味刪去澤瀉。增線膠。龍骨。芡實。蓮鬚爲丸。鹿含草煎湯。晨夕各送三錢。服完二管皆痊。

一婦兩乳皆患乳巖。兩載如桂圓大。從未延醫。因子死悲哭發威。形大如盃。以五通犀黃丸。每日早晚輪服。九日全消。又男子乳亦患。因鄰送鯽魚膏貼上。兩日發大如拳。色紅始來。令其揭下。與服陽和四劑。倘色轉白可救。色若仍紅無救矣。四日患色仍紅。哀懇求治。以犀黃丸。陽和湯輪服。服至十六日。四餘皆消。獨患頂潰。

用蟾拔毒三日。半月收功。

洞庭秦卜年。項腋惡核十二處。服連翹、昆布等藥病重。又被刺破。爛經三載。始來就醫。以陽和、犀黃丸輪服。半月十中愈八。喜甚。帶藥而回。路見涼粉買食。至家又食冷水激麵。次日二便皆閉。第五日死。此病者自不惜命。故記以爲病者之戒。南濠客葉姓。耳下並患惡核。一被鍼穿。生管一大如盃。以陽和、小金輪服。未潰者全消。彼問管可易愈否。余曰。消管甚易。管消即斂。倘將斂一經走洩。管即復生。愈期難訂。彼係真誠。果即斂。

洞庭錢永泰子。患痘毒。醫用清火解毒之劑。以一醫毒增六七。再醫毒生二十。醫至第二年。孔皆有管。日流臭漿。右足縮不能行。坐臥三載。始來就治。以陽和、小金、犀黃等丸與服。內用化管藥。半月愈半。一月管化。有多骨者亦出。彼欲領子回家。纔以生肌散并調和氣血之丸與同。任子率性。欲食即與。不洗即止。不敷即停。日以酸橙、石榴等果消閒。嚴冬復臭難聞。余曰。臭則爛。香則生肌。寒疽未斂。日食酸瀉。領回三月。患管復舊。乃父母害之也。婦乳患一白疽。寒熱痛甚。余以陽和丸同二陳湯煎服。得睡痛息。連進三服全愈。



又婦患者相若。伊弟亦習外科。以夏枯、花粉、連翹、橘葉等藥。連服五劑。號痛不絕。延治。余視向白色變微紅。難以全消。即書肉桂、炮薑、麻黃。加二陳湯。令伊煎服。當晚痛止能睡。明日皺皮縮小。服下果然。連進數劑。患項不痛而潰。貼陽和解凝膏收功。

木瀆鎮談姓婦。背患如碗。初起色白。近已轉紅。痛甚。時值三伏。余以陽和湯書畢。旁人云。此暑天緣何用麻黃發表。桂薑之熱劑。余曰。此陰症也。彼云。患色轉紅。陰已變陽。余因其說。恐患家疑懼。立令等候煎服。服不逾時。痛息。接服四劑。患消七分。其有膿之三分。不痛而潰。五日收功。一童十一歲。手足臂腿及指頭面遍身浮腫。數日後。日增沉重。以致氣喘不能眠。偶有遠客。令覓黃皮柑子一隻。同酒釀二觔。煎至將乾。去柑內核。取連酒釀食之。二次全愈。

馬曰。以上方案。瑕瑜互見。已於各症內聲明。茲不贅述。

附家秘內科經驗速效方

以上外科之治法。并諸方藥。業已和盤托出。悉載前集。所有家秘內科雜症。亦藥到病愈。萬無一失。盡錄於左。以添病者速愈之益爾。

### 調經種子湯

歸身

川芎

吳茱萸錢各一

熟地

製香附半錢

白芍

茯苓

丹皮各八分

元胡索

陳皮各七分

若經水先期者。色必紫。加條芩八分。過期者。色必淡。加官桂、乾薑、熟艾各五分。不論先期落後。每服加生薑三片。水一碗半。煎八分。俟經水至日。空心服起。以渣再煎。臨臥服。一日一劑。服至經止。兩三日交媾即孕。經期準而不孕者。以續斷、沙參、杜仲、當歸、益母草各二分。川芎一錢。砂仁炒研五分。製香附二錢。橘紅一錢。種子紅花三分。至期服四劑。下期再服而孕。凡通經不受胎者。取丹參晒乾磨粉。日以二錢。熱陳酒送下。兩月內即孕。

### 求嗣得孕說

昔褚澄言。男精洩於先。而女精後至。則陰裏陽主男孕。如女精洩於先。而男精後

至。則陽裏陰主女孕。又言月信初盡。其濁氣未清。而交媾卽女。務待經止兩足日。則女體虛而濁氣盡。再男人保養月餘。陽勝於陰。定成男孕。又論子宮左右。如男精洩於婦人之左生男。右則生女。此男清女濁。男左女右。陽壯陰衰之至論也。凡疾風暴雨。或醉飽。或服藥石。而受胎者多夭。必俟天氣清明。日暖風和。明星亮月。而受胎者多富貴。倘時令不正。或迷霧氣怒。而受胎者多愚蠢貧賤。或雷電之後。而受胎者。定生怪物。求嗣者慎諸。

手足不仁骨節麻木

甲尾片、番木鱉。各精製淨末二兩。川附末一兩。和勻。每服七分。用好陳酒。五鼓送下。醉蓋取汗。服後痛處更痛。麻處更麻。頭眩背汗昏沉。四五刻卽定。定卽全愈。如服後不覺痛麻。必要服至知覺方止。

手足骨節疼痛

用熟地四兩搗爛。浸入滴花燒酒二斤。隔湯頓熱。以竹箸攪勻。俟冷隨量日飲至愈。飲時取所浸熟地過酒。

馬曰。此方虛人可服。如風濕入絡者。不可用。



痛風

遍身疼痛。以當歸、桂枝、元胡索、天麻各等分爲末。均五服。酒送下可愈。

箭風

用元胡索、桂心、當歸、五靈脂、木香、白芷、防風各一錢。酒煎。食遠服。連服三日。可以止痛。

雷頭風

此諸藥不愈之症也。惟以山羊屎炒炭研粉。酒送二錢甚效。

偏正頭風

白芷三錢。天麻一錢。防風一錢。荆芥錢半。煎服卽愈。

胃脘痛

取鮮蒲公英。瓦上炙枯黑。存性研末。每取五分。滴花燒酒調團口含。再以燒酒送嚥。痛息。接服五日全愈。戒食生冷。或用紅坊內好紅花四分。棗頭十枚。入水二碗。煎至棗熟。去花以湯棗食。連服二十日。永遠除根。

痞癖



凡患痞癰之處。肌膚定無毫毛。須看準以筆圈記。用蜜陀僧六兩。阿魏五錢。羌活一兩。水紅花子。麝香各三錢。以香油一斤煎成膏。退火攤貼患處。新起者一膏而消。年久者兩張而愈。再以水紅花子三錢研末。火酒二斤浸。隨量時刻飲之。至愈而止。

馬曰。必藜蘆之輩。胃強體實者。方可用。婦女更當察脈辨症。不可嘗試。

### 三日大瘡

患日前。用陽和解凝膏。布攤貼背。用常山、雲苓、官桂、甘草、檳榔各三錢。小黑豆四十九粒。酒水各二碗。慢火煎剩兩碗。當晚以一碗先服。蓋暖而睡。留一碗。次日瘡前兩時頓熱服。蓋暖臥待瘡至。即至亦輕。亦有當日而愈者。愈後忌房事。戒食生冷。勞碌風霜。忌食鷄羊牛各蛋白扁豆。自慎半月。永截不發。小瘡減半。

馬曰。常山雖治瘡有功。然究竟太覺峻利。頃附一方。甚爲神應。可法也。常山四兩。陳酒五斤。鷄蛋七枚。砂罐內煮熱。瘡至時。兩手握蛋。冷則易換。至熱退汗出而止。久瘡用之神效莫測。然而初起亦不可用。

### 黃疸

凡患黃疸者。眼白黃。小溲赤。遍體軟。取黃豆生嚼。不惡心者是。用蒼耳子、薄荷、木通、絲苗、陳各三錢。須原陳酒一觔。煎一碗。沖炒砂仁末三錢服。如小便赤如血者。加川連一錢同煎。

馬曰。方亦平妥。不若香鯽膏。更爲神應。

### 濕症用酒辨

右方屢用愈人。或有議之者。謂癰瘰黃疸。皆濕症。應忌酒。殊不知酒雖濕物。今令其做緝濕捕。善識濕穴。領藥戰濕。非酒不可。或又謂經滴水而不效者。何也。答曰。酒被水解。捕猶賊阻也。

### 紅白痢

凡痢不拘紅白。忌用川連。服則倒胃。如腹痛而痢者。不用別劑。止用車前子炒研二錢。檳榔、川朴、查炭、陳皮、滑石、甘草各一錢。紅麴炒三錢。澤瀉、枳實各一錢。燈心一撮。以上十一味同煎。另以木香六分酒磨。以所煎藥湯加陳酒沖服。可以立愈。倘或增減。定然不效。如發不作痛。惟痢膿血。兼流黃漿。此係平素愛食冷茶水酒滑腸等物。致成積濕。

休息痢之症。凡患者忌食水果、水酒、生冷、海參、海蜇等。性寒之物。須用活鱔魚去腸雜。切段放瓦上。炙炭研粉。每服三錢。黃糖拌。熱陳酒送下。數服全愈。不拘老幼。滑腸久痢者神效。

馬曰。恐有內痔須辨。

癡癲症

附羊頭風

凡患癡癲或羊頭風等症。緣心竅中痰迷所致。取橄欖十觔敲損。入沙鍋煮數滾。去核。入石臼搗爛。仍入原湯煎膩。出汁。易水再煎。煎至無味。去渣。以汁共歸一鍋。煎濃成膏。用白明礬八錢。研粉入膏攪和。每日早晚各取膏三錢。開水送服。或初起輕者。取橄欖咬損一頭。蘸礬末入口嚼嚥。橄欖之味更美。至愈乃止。

馬曰。此方不特能治癡癲。即小兒驚風後。手足有時抽搐。神呆目定。均可服之。

吐血

凡吐血多者。覓三兩外重大全當歸一隻。切細。取好陳酒一觔。慢火煎至一滿碗。頓於鍋中。以溫為妙。候將要吐。尚未吐。口中有血含住。取藥一口。連血嚥下。即此一劑而愈。後不再發。



馬曰。不嗽者可服。

吐血用酒辨

每有醫家議云。吐血尙要戒酒。豈可酒煮當歸而服。服則血噴不止。如之奈何。殊不知當歸二字之解。當者當其時。歸者引血歸經也。全用定主引血歸經。此方乃余家世傳。活人多多。從無一誤。

痰中有血

取活雄鴨一百隻。每日清晨空腹時。以一隻殺血碗內。趁熱嚥下。忌加鹽。百日而食百鴨之血。不可隔斷。食完全愈。

馬曰。日殺一生。亦太暴殄。且亦未必即愈。或用同龍湯。頗有效驗。

咳嗽

吧咀杏仁一兩。泡去皮尖。內有雙仁者棄之。買新播鉢新研槌。將杏仁搗爛如泥。分爲三服。每服內加冰糖三錢。共入蓋碗。另用泉水煎滾。沖入。蓋片刻俟溫。連仁末服下。早晚各一次。三服而愈。如以杏仁同煎無效。

馬曰。此方治燥痰久咳有驗。



冷哮

江西白豆豉一兩。白砒一錢。皆爲末。用飯三錢研爛。入末爲丸。如萊菔子大。每取七粒。白湯送下。童子服可除根。有年者經寒卽發。服可把定不哮。馬曰。此方治冷哮極驗。然不得多服。

胃寒嘔吐黃水

用生薑一觔。搗取汁碗許。入廣膠、乳香末、沒藥末各五錢。同煎膠化。離火取藥。攤作三四大膏。令貼胃脘痛處。以絹綁縛三個時。然後取。週歲孩輕兩隻。鑪上烘極熱。輪熨。熨至膏硬。再易膏貼。再綁三時。熨至愈而止。然後用紫厚朴三觔。帶皮生薑二觔。切片。以水五升煮透。去薑留朴。火上焙乾。再用生草二兩。乾薑四兩。依前煮之。去草留薑。連前所煎之朴。炒燥共爲細粉。另以黑棗頭一斤。用生薑二兩。同棗煮熟。取棗去皮核搗爛。和藥末爲丸。晒乾。每日早晚各服三錢。白湯送下。服完不發。

翻胃初起

用陳皮土炒。色黃香脆爲度。研爲末。每服三錢。水煎飲之神效。

腸紅

取花椒子炒磨粉。黃糖拌。每服三錢。白湯送下。服至愈止。

水瀉

用炒焦蒼朮、車前子各二錢焙。查炭、厚朴、土炒陳皮各一錢。煎服立愈。小兒減半。

小便閉

此症乃氣閉。非大小便不分也。醫家每以澤瀉、木通、車前、猪苓等藥。全無一效。余遇此症。以歸身一兩。川芎五錢。柴胡、升麻各二錢半。水二碗。煎八分。一服即通。曾救多人。或孕婦及老年之人。加人參一錢。

馬曰。方極妥善。

大便燥結

老年人或患癰毒。大便燥結。以四仁湯服之立效。

尿血頭裂

當歸一兩。以陳酒一升煎之。一次服下即愈。

白濁

牛舌頭草根。即野甜菜。又名禿菜根。近水池處最多。取根煎湯當茶飲。或以湯煮粥食。至愈乃止。或用生白果三枚搗爛。滾豆腐漿沖服。

夢遺

六味湯內減去澤瀉。增龍骨三錢。研細水飛。蓮鬚一兩。芡實二兩。線膠四兩。用牡蠣粉炒成珠。共研爲末蜜丸。每日早晚各取四錢。鹿含草煎湯送服。

烏痧脹

丁香、雄精、蒼朮、硃砂各等分爲末。取蟾酥亦等分切片。酒浸研漿。和前末搗爲丸。如芥子細。晒乾瓶貯。每取七粒。溫茶送嚥立甦。

小兒病症

面黃腹大不瀉。得食易吐。名曰冷疳。以丁香七枚爲末。人乳調蒸三四次。薑湯送服可愈。若吐瀉兼者。橘紅、丁香等分爲末蜜丸。米湯送下。若不瀉而頻吐不止者。加薑半夏末。麵漿糊丸。薑湯送下。

疳膨食積

取鷄內金三十個。忌經水。瓦上炙無臭氣。成炭存性研爲末。再用炒車前子四兩



研粉。二物和勻。以錫鑊鎔化與食。食完全愈。忌食炒豆熬油結硬等物。若遲治傷目。或用田雞白水煮熟。加薑末少許淡食。至愈乃止。

### 小兒蟲症

凡患蟲症。當分別治之。治紅蟲。以烏梅兩個。花椒三十粒。煮湯服之。然後用檳榔六兩。黑丑。白丑各二兩。共爲細末。每取二錢。黑糖拌食。幼孩服錢半。蟲可祛盡。治肉鼈寸蟲。以棟樹根肉青皮蒸透。曬乾再蒸。每服一錢。白糖拌食。幼孩服六分。其蟲自絕。

馬曰。必實見蟲症方可用。

### 小兒夜啼

因穿蓋過暖。遏熱所致。諺云。若要小兒安。常帶三分飢與寒。取雞屎塗臍中。男雌女雄最妙。或用真犀黃。飛辰砂各五釐。研末塗舌上立止。

### 急慢驚風

辰砂。輕粉各一錢。僵蠶七條。全蠍三個。共研細。用青蒿節內蟲。搗和爲丸。如綠豆大。臨用取一丸。研細。人乳調服。



馬曰。方頗效驗。

啞驚

天竺黃二錢。麝香、犀黃各四分。雄黃、殭蠶各一錢。琥珀六分。陳膽星四錢。各爲末。用甘草、勾藤、鉤煎膏爲丸。硃砂一錢爲衣。外加赤金。每料均作四十丸。每服一丸。用燈心炭四錢。薄荷煎湯送下。或捉大蜘蛛一個。炙存性研粉。猪乳調服一半。徐徐灌下。

馬曰。一粒金丹亦驗。然不可多服。

馬評  
陶批  
外科全生集

卷二


諸藥法製及藥性

夫用藥如用兵也。兵有勇猛。藥有燥烈。烈藥經製則純。勇兵經練則精。兵精破賊不難。藥純治病易愈。苟炮製不妥。猶勇兵之武藝未備也。今人不精於製。而視性之烈燥者。畏之如虎。反諉之曰。非徒無益。惟恐有害。予初讀藥性。繼攻炮製。然藥之性。古今之議未遠。炮製之法。却有不同。予留心四十餘年。深得其法。用之功靈效速。萬無一失。始悉烈藥之力如勇兵。製藥之方如演武也。因古書獨於烈藥之

清 清 清

鄞縣 會稽 孟河 洞庭

曹 陶祥忻階臣批  
赤電炳章校



評 纂

處未詳。是以錄登是集。爲炮製之補遺云爾。

甘草

切三寸一段。水浸透。放鐵篩上。炭火慢炙。炙至汁將出。卽取離火。暫冷再炙。炙至草熟。去皮切片。熟者健脾和中。甘平之品。乃九土之精。生者化百毒。和藥性。潤肺。解瘡疽胎毒。利咽喉。

人參

補氣。獨入肺經。肺主諸氣。肺旺則四臟皆旺。精自生而形自盛。補中益氣。一切虛症要品。

黃耆

去心。蜜水潤炙。如入補腎藥。以鹽水潤炙切片。炙爲補氣藥。生有托毒功。

白朮 於朮

浸一宿切片。土拌蒸透。去土勿炒。於朮浸刮去皮。飯上蒸。日晒數次。如棗黑。黃土炒。於朮之功。勝於白朮。乃中宮和氣補脾之藥。

蒼朮

泔水浸。去粗皮。切片晒乾。土炒炭。治脾胃寒溼。消痰逐水。不伏水土。止瀉痢霍亂。久服延年。

### 當歸

酒浸晒乾切片。上部用頭。中部用身。下部用梢。頭身活血。梢破血。全用定血。引血歸經。除頭痛。和血補血。潤腸胃。筋骨皮膚。排膿止痛。

### 白芍

外科用酒炒。固腠收斂。

### 赤芍

消癰腫。破堅積惡血。下氣生肌止痛。

### 厚朴

去皮切片。每觔取帶皮生薑四兩。切片同煮汁乾。炒透去薑。溫中消痰。厚腸胃。除積冷宿血宿食。

### 丹參

色赤酒潤炒。血分藥也。補心血。養神志。生新血。安生胎。落死胎。爲胎前產後要藥。



每晚酒送末二錢。連服四十日。可療痛經。即孕。

元參

蒸晒。忌銅器。消癰。滋陰降火。利咽喉。通小便。

地黃

生用性寒。涼血滋陰解熱。水煮至中心透黑。然後每觔入滾陳酒半觔。炒砂仁末一錢。再煮。煮至汁盡。瀝起晒乾。所瀝原汁。仍入收盡。再晒乾。忌經鐵器。補陰壯真氣。生肌填髓。同肉桂引火歸元。療陰分虛虧。

牛膝

產川者佳。酒拌蒸則補。生用亦效。補腎強四肢。產懷者下行。

麥冬

去心酒浸則補。湯泡則微寒。祛熱毒浮腫。洩肺中伏火。安臟心腹。

天冬

去心酒潤。治陽物不起。潤五臟。咳嗽消痰降火。去風熱煩悶。

茯神

安魂魄。養心血。治心神不安。

赤茯苓

破結氣。瀉心小腸膀胱溼熱。行竅行水。

白茯苓

蒸透切。逐水暖脾。生津止洩。除虛熱。開腠裏。

穀芽

啓脾進食。寬中消食。

麥芽

開胃消食。和中。

苡仁

補肺益脾。去溼消水腫。理脚氣。

芡實

炒。治遺精濁帶。益精。助胃氣明目。

杜仲

去皮。每觔用蜜三兩塗炙。蜜盡爲度。肝經藥也。補中益腎。補肝虛。堅筋強志。

肉桂

純陽之品。引火歸元。解陰寒凝結。去皮曰桂心。更純。桂枝性橫。走手臂發表。

官桂

理陰分。解凝結。愈瘧疾。行血分。通毛竅。

川附子

昔產深山有毒。今民家栽種無毒。用水浸一二日。每宿易清水。浸去鹹味。麵裹火煨。切片曬乾。補腎肝陰虛。治中風癱瘓。陰陽疝氣。

大黃

每觔用陳酒五觔。煮爛曬乾。名熟軍。治燥結熱毒。清實火。下宿積。化停食。生熟功同。熟者純。

黃連

大寒治實火。凡痢疾目疾非實火。誤服致命。爲倒胃之藥。惟驚能療。解巴豆輕粉之毒。胡黃連性同。

黃芩

苦寒。風痰骨蒸。喉膈癰毒。養陰退陽。

香附

去皮。童便浸。水洗晒搗。醋鹽水拌炒。解鬱消癰。積聚痰飲。調經。

琥珀

用側柏子末。入瓦鍋煮。有異光取起。入燈心對分。研爲粉。清肺利小腸。安五臟。定魂魄。消瘀血。明目。

冰片

苦寒。治舌口咽喉火毒。研水調吞。治難產。

沙參

清肺火益心。治久嗽肺痿。消癰排膿。

苦參

泔水浸。蒸切晒乾。主風熱蟲症。腸風血精。下痢。治大麻風。虛弱忌服。

松子仁



潤肺。治燥結咳嗽。同柏子仁治虛閉。

柏子仁

甘平無毒。興陽道。益壽元。潤腸安神。

杏仁

去皮尖。除肺熱氣逆。潤大腸氣閉。

大麻仁

利大腸。熱燥。大便熱結。

乳香

每觔用燈心四兩同炒。炒至圓脆可粉爲度。扇去燈心。磨粉用。消癰止痛。托裏護心。治遺精難產。

沒藥

製法與乳香同。破堅敗惡血。消腫生肌。墮胎去翳。

芸香

亦名白膠香

水煮三度。俟湯溫。手扯油淨。冷卽硬。磨粉。解疽毒止痛。輕粉對研。猪油調敷爛孔。

樟腦

每兩用碗對合。溼紙封口。火昇半時。則成樟冰。治中邪腹痛。風痰。加花椒同昇。殺牙蟲。止牙疼。

丁香

辛溫。治霍亂痞塊。吹鼻愈腦疳。反胃開膈關。腹中腫毒。鼻中息肉。乳頭裂破。

沉香

乾研末。或酒磨。以煎劑沖服。治腫毒。心腹痛。調中補臟。益精神壯陽。

松香

先取胡葱煎湯。去葱。以湯分三次煮香。每俟湯溫。在湯內手扯洗。其油去盡。冷凝磨粉。搽療溼瘋。治白禿。生入膏生肌。

木香

下降療腫毒。止吐痢。消積止腹痛。統理氣分。

草烏

有烈毒。去皮取白肉。每觔用綠豆半升同煮。豆開花。去豆取烏。切晒磨粉。治風痰。

手足拘攣。逐凝結。追筋絡寒痰。開腠裏。以黑皮炙研醋調。治蛙髮癬。

川烏

功同附子。性緩助陽。補命門不足。破積冷痢。

巴豆仁

研壓數次。油盡如粉。名巴霜。拔毒。孕婦忌用。

枳實 枳殼

卽細皮香圓。六月摘者實。八月摘者殼。陳蛀者佳。並去瓢核以麵炒。實寒消食積。開胸結。殼亦寒。健脾開胃。止吐消痰。除裏急後重。

青皮

順逆氣開鬱。解疔毒。

檳榔

健脾破結。療痢。裏急後重。截瘧。

神麴

消食健脾。暖胃。止瀉吐。破堅結。

山查

浸透去淨其核。晒乾炒炭。除產後惡血。消肉積。積滯宿食。

廣陳皮

治脾不化穀。膀胱熱。利小便。殺寸白蟲。去白名橘紅。消痰止洩咳。開胃治吐清水。腸閉解大毒。

枸橘

陳者佳。全用療子癰。炙存性研。陳酒送服。療疝氣。核治腸風下血。方中橘核卽此。每有以爛橘核誤用者。蘇城醫家尙未認得枸橘。

浮麥

止虛汗。盜汗。虛熱。

高良薑

土炒。療寒邪痞癖。瘴瘧宿積。

生薑

溫中去穢。除風邪暖胃。消寒痰。解食菜毒。乾用止嗽嘔。炒成炭。性純陽。如誤服寒



劑。非此不解。

水紅花子

研損用。尅堅消痞。痰積惡滯。

車前子

酒拌炒研損。分理陰陽。利小便。止暑溼瀉痢。益精養肝肺。強陰止痛。

馬鞭草

苦微寒。熬膏。空心酒服半杯。治癰瘰殺蟲。通經活血。塗癰癰。煎湯熏洗陰腫。洗楊梅惡毒。

連翹

瀉心火。脾胃溼熱。結熱腫毒。心家客熱通經。

牛蒡子

酒拌焙乾研損。達肺利陰。消痘疹毒。根莖葉苦寒無毒。混名氣殺醫生草。生搗塗消一切癰毒。塗軟一切堅肛。入爛孔拔毒生肌。入膏煎貼癰癰。煎湯洗楊梅等毒。

蒼耳子

去毛敲損。治黃疸脾溼。

麻黃

連根發表。用梗不表。甘溫。開腠裏。凝滯閉塞。

桔梗

去頭枝浮皮。泔水浸一宿。切片微炒。清利肺經。消痰理咳。清上焦熱。治咽喉排膿。口鼻諸症。

知母

去尾切片。上行酒潤焙。下行鹽水潤焙。瀉有餘之相火。多服令人洩。

天麻

酒浸透。以粗紙黏餘酒裹煨。切片焙用。治風溼四肢拘攣。助陽通血脈。利腰膝強筋。頭風眩暈。

地榆

水洗去骨。切晒磨粉。愈惡肉。燙火膿血。犬傷。

白芨

療瘡嚼塗手足燥裂。

山漆

止血定痛。癰腫蛇傷。

秦艽

去毛浸一宿。晒乾切片。搜肝膽伏風。養血榮筋。理肢節酸麻不遂。大便滑泄者忌用。

柴胡

去皮切。忌經火。苦寒。行兩脇入膽經。暢氣血。肩背痛。銀柴胡亦同。勞羸者尤宜。根上升。梢下行。

前胡

去淨皮鬚。入竹瀝內。浸潤晒乾切用。微寒。肝膽中風痰。非此不療。柴胡主升。前胡主降。散風祛熱。消痰下氣。開胃化食。止嘔喘嗽。安胎。治小兒夜啼。

防風

甘溫。走膀胱。瀉肺實火。頭風眼淚。祛溼。而黃耆得之。其功愈大。乃相畏而相使也。

獨羌二活

去皮焙用。治一切痛風。散癰毒惡血。腎間邪風。

升麻

內白外黑者佳。治脫肛遺濁。小便閉塞。用此提氣。下元虛者忌用。

元胡索

破血利氣。通經止痛。

貝母

去心糯米炒黃。治肺家燥痰。敷惡瘡。浙貝去心炒。消癰疽毒痰。

龍膽草

去頭鬚切細。甘草湯拌晒。味瀋大寒。相火寄在肝膽。瀉肝膽膀胱之熱火。療咽喉。

茅根

甘寒入胃。治內熱煩渴。利小便。止喘黃疸。

細辛

去頭爪。水浸一宿。切晒。治牙疼。頭風。通疔竅。



白芷

水浸去灰切炒。消癰蝕膿。頭風中風。解砒毒。

川芎

不油者佳。忌獨用。主一身氣血。開鬱去瘀血。調經種子。排膿生肌。頭風目淚。多涕去溼。

丹皮

酒拌蒸。產後要藥。治骨蒸。麵裹煨熟。厚大腸。

藿香

治腫毒。去惡氣。止霍亂。溫中快氣吐逆。

澤蘭

治癰疔。通九竅。利關節。破宿血。生肌利小腸。

荊芥

散風熱。清頭目風。利咽喉。瘡腫賊風。

薄荷

治賊風發汗。利咽喉口齒。瘰癧結核。

紫蘇

葉發汗。梗安胎。子消痰喘。葉、梗爲末。治囊脫。

白甘菊

治目風熱。梗、枝、葉解癰疔毒。煎湯洗結毒。

陳艾

用粉糊漿晒透。杵去粉并葉屑。則成白絨。謂之熟艾。調經加硫黃少許。作圓。灸百病。

茵陳

治黃疸溼熱。通關節。去滯熱。利小便。

夏枯草

性寒。以治瘰癧。從無一效。久服則成瘰癧。

燈心

利小便。清心火。取活竹一段。兩頭留節。中開一眼。以心塞實。外以原刻下竹。仍填

原眼。外加泥裹入。糠火內煨。至竹成一炭。取出去泥。俟冷去竹炭。內是燈心炭也。治骨鯁。敷陰疳。入護心散。

蜀葵

根水煎服。可愈白帶。花一兩搗爛。麝香五分子。水一大碗煎服。可愈二便閉。無花時根亦可。子催生落胎。花末酒服。可下橫生倒產。

半夏

選肥者。生薑明礬湯浸透。煮透。切片曬乾。消痰墮胎。生研細末。立療刀斧跌破止血。

紫花地丁

癰疔用之。可療軟堅肛。稻麥芒黏咽喉。嚼爛嚥下即安。

仙人對坐草

四季梗葉長青。凌冬不衰。毒蛇咬。搗汁飲。以渣塗立愈。

五味子

鹽水拌蒸。滋腎水不足。強陰固精。主收斂。

早休即紫河車草

去皮毛切焙。微寒。治乳癰疔毒。

黑白牽牛仁

酒拌晒。除溼熱壅結。通大腸閉。殺蟲祛積。

天花粉

治癰熱。脣乾口燥。愈熱癰排膿。

防己

寒酒潤。治膀胱蓄熱。利二便。療下部紅癰。

木通

微寒。開通閉塞經水。利小便。和血脈。清伏熱。散癰腫。下乳。

金銀花

消癰毒。取活藤煎膏。以花拌入收曬。其解毒之功。勝花百倍。暑天日取錢許。滾湯沖當茶。

澤瀉



通利小便。走腎膀胱。有洩濁者忌用。

海藻 昆布

性寒。稱治瘰癧聖藥者却謬。當禁用。

楝樹根

去皮取白肉。殺腹內諸蟲。皮赤者忌用。

角刺

五月初。取嫩者搗爛。醋煎膏療癬。生用穿癰。無醋可療橫痃。

淡竹葉

解煩熱利竅。治中風口瘡目痛。胸痰熱毒。藥鋪有賣。葉如竹葉甚薄。梗如柴心甚細。七寸長者。是今醫家以草開綠花者。誤用可歎。

天竹黃

治小兒驚痰。每取二錢。加雄黃、牽牛末各一錢。研勻麵和爲丸。粟米大。每服五丸。薄荷湯送下。治失音不語。

吳茱萸

浸熱湯七次。去淨苦烈。治瘡生炒研用。

### 白芥子

炒研。皮裏膜外陰寒之痰。非此不消。

### 益母草

女科諸症皆良。活血破血。調經止痛。下水消腫。

### 紅花

酒洒焙。少用通經活血。多用破血。去瘀血。

### 續斷

酒浸炒。性微溫。入肝家。續筋骨。助血氣。消血結。胎產跌撲。行血止血。

### 金鈴子

即川楝子

酒拌透蒸去皮。入丸用核搥細。不用肉。入煎用肉。不用核。苦寒有小毒。川產者佳。本地者細。入火燒存性。能托毒水。治久潰爛孔。

### 桑白皮

取白肉切焙。瀉肝火。降大小腸氣。散惡血。

柘樹

取皮裏白肉。甘溫無毒。治血結。補損處。

血竭

散滯血。止諸痛。生肌。

阿魏

酒拌曬研。殺蟲解臭消痞。解死獸肉毒肉積。

密陀僧

研。水浸煮澄。去水曬乾。入膏消痞殺蟲。

蒲公英

又名乳汁草。甘平無毒。書載療乳癰結核。實無效驗。炙脆存性。火酒送服。療胃脘痛。

白欵

苦平無毒。生肌止痛。解狼毒蟲毒。

土茯苓

清熱泄瀉。瀉骨蒸。利關節。兼治楊梅結毒。聖靈丹以此煎湯調。

### 番木鱉

水浸半月。入鍋煮數滾。再浸熱湯中數日。刮去皮心。入香油鍋中煮。至油沫盡。再煮百滾。透心黑脆。以鐵絲篩撈出。卽入當日炒透土基細粉內拌。拌至土粉有油氣。入粗篩。篩去油土。再換炒紅土粉拌一時。再篩去土。如此三次。油淨。以木鱉同細土鍋內再炒。入盆中拌罨一夜。取鱉去土。磨粉入藥。獨有木鱉之功。而無一毫之害。能搜筋骨入髓之風溼。祛皮裏膜外凝結之痰毒。取煎之油。俟煎膏藥入用。

### 甘遂

每觔用甘草四兩。煎湯浸三日。湯黑去湯。河水淘洗。取清水日淘日浸。每日換水數次。三日後去心再淘。浸四五日。取一撮。入白磁盆內隔一宿。次日盆中水無異。色乃妥。再淘三四次。瀝乾。以麵裹如團。入糠火煨。煨至麵團四面皆黃。內藥熟透。取出曬乾。入鍋炒透磨粉。其苦寒之毒。經製則淨。不苦而甜。不寒而溫。耑消堅結痰塊毒核。

### 常山



生用損神喪氣。切薄片曬乾。每一觔用陳酒對浸。浸透取瀝曬乾。收盡觔酒曬透。炒至焦脆。瘡痰非此不消。愛甘草對分。截瘡聖藥。

大戟

苦寒有毒。去附枝。水煮透去骨。切晒。消頸腋痰塊癥結。下痞墮胎。治鼓脹。利二便。

商陸

有毒。忌鐵器。搗敷石疽。消尿哽。通二便。疏洩水腫。有排山倒岳之力。腰腹背忌敷貼。

硫黃

敲細粒。以蘿蔔搗爛絞汁煮。再換紫背浮萍湯煮。再煎角刺湯飛過。去盡毒臭。晒干研粉。色白。取猪臟淡煮爛熟。每日早晚各取一段。蘸粉分餘食。治久痢滑瀉。命門不足。虛損洩精。壯陽道。補筋骨。殺臟蟲。長肌肉。治陰蝕。生用殺瘡蟲。愈瘟鷄。

雄黃

名腰黃。透明者佳。水飛。治惡瘡死肌。消癰毒。化腹中瘀血。

藤黃

酸澇有毒。蛀齒點之便落。忌喫烟。

### 白明礬

透明者佳。蝕惡肉固齒。以橄欖蘸食味佳。愈癩症。解腸中毒。治癰痔頑痰。

### 綠礬

即阜

療疳黃胖燥脾溼化痰。

### 砒石

經製無毒。不傷人畜。同鉛入器內。砒放鉛底。火熔烟盡爲度。鉛上刮下者。名金頂砒。取香油一兩。生砒一錢。研入油煎。沫盡烟絕。擦鵝掌瘋。取紅棗去核。以砒代核。髮紮入炭火煨。至烟盡。取研細粉。名赤霜。治走馬牙疳。久潰不斂者。撒上數次收功。生者可療冷哮。不傷人者。

### 硃砂

研粉水飛。養神安魄。除中惡腹痛。驚癇胎毒。

### 水銀

應依方製。用有微毒。治惡瘡白禿。下死胎。

銀硃

有微毒。療疥癬。殺蟲止癢。殺虱。

銅青

酸平微毒。治惡瘡疔瘡。殺蟲吐風痰。

鐵鏽

殺疥蟲。

鉛粉

酸冷無毒。消中風痰。止驚吐逆。

輕粉

無毒。除爛孔毒根。驚癇瘈瘲。惡瘡癩癬。

滑石

丹皮對分煮透。取石研水飛。通九竅。利六腑。生津液。分水道。行積滯。逐凝血。降心火。解暑熱。

硼砂

性暖止嗽。療喉去翳。口齒諸瘡。閃頸促腰。津蘸點目立愈。

元精石

鹹溫無毒。治小兒驚癇。硬舌。

寒水石

性寒。火煨用。治潮熱中暑。牙疼。

伏龍肝

即竈心土。再燒紅。研。水飛晒乾。乳調。立療湯火爛孔。

東丹

臨用炒紫色。篩入膏內。生肌療溼。殺疥癬蟲。

皮脂膠即烟

硝皮鋪刮下諸皮之膜。入鍋炒炭。磨粉。生肌肉。療溼風膿窠溼爛等瘡。

葶麻子

辛熱有毒。研粉去淨油方妥。拔毒。孕婦忌用。

山梔炭



苦寒無毒。熱厥頭痛。疝氣湯火。

黃肉

選淨。補精益腎。

紅麴

炒。消食活血。健脾胃。療痢。酒服。除產後惡血。

白豆豉

解砒毒。除痰咳。同生砒爲丸。療冷哮。

砂仁

順氣。開鬱結。炒研安胎。產後停惡露。小腹作痛。生研六錢。滾水沖蓋。溫服立療。

山藥

開朦。補精血。健脾胃。

橄欖

形尖入心經。清心火。解魚鱉毒。生津止渴。蘸明礬食味佳。豁痰。

小黑豆

同甘草除瘰。胃中脾熱。臟中結積。

大紅棗

解烏頭、附子、天雄毒。和陰陽。調榮衛。生津液。

甘蔗

甜寒絞汁。可療小兒衣多罨熱之病。

烏梅

酸瀹斂肺。安三蟲。拔毒根。

蓮鬚

固精烏髮。悅色。益血止血。

橙子

患惡核瘰癧痰症者食之。患成不治。愈後食者復發。

楊梅

患疔病者忌食。燒酒同食致斃。

頭髮

壯年人者佳。以皂角煎湯。洗淨晒乾。同油煮成餅。浮起枯色爲度。入膏生肌長肉止血。

指甲

瓦上土炒成炭存性。研粉。吹止鼻紅。加冰片吹。治咽喉。塵屑入目。以津磨甲膩。點睛立愈。

人中黃

臘月取孩結糞。陰乾泥裏煨炭。治熱狂痘毒。脚麻。麻至小腹而死。或頭麻。麻至心口而死者。一日死甦幾次。取末三錢。豆腐漿調服立愈。

人中白

係夫婦之精。入馬桶歸坑。凝於底者是。俗名坑凝。蘇松常鎮所屬人家。多有以缸作坑者。雖取之甚便。然僧寡婦家中之坑。所產坑凝不妥。入火煨。烟盡悶熄。研用。治咽喉口齒瘡疳。諸竅出血。血汗。

象皮

炙成糰。存性研粉。生肌肉。

龍骨

白淨沾舌者佳。捉燕子破腹。棄腸。以骨填腹懸井內。離水尺許。候準一週時。取出生研。水飛晒乾用。蓋龍有病。食燕而愈。得水而騰。忌經火。生肌斂瘡。治鼻紅。

穿山甲

尾上細甲良。同土炒至鬆脆研。通經絡竅。殺蟲消癰。逐邪風。祛積滯。愈痔。

蛇脫

豎脫不經地者佳。泥裹火煨。去泥研粉。治疔腫。以蛇脫不煨煎汁。敷白點瘋。洗惡瘡。

白花蛇即斷

鼻向上。有方勝花紋者佳。去頭尾酒浸。除皮骨。炙則不蛀。治溼痒。

山羊血

解鮮菌河豚毒。傷損惡血。

山羊屎

晒乾炒成炭存性。入罈悶熄磨粉。療潰爛生肌。酒送二錢。療雷頭風。水粉各一升。



浸一夜。絞汁頓熟。每午刻服。疳痢欲死者。三服全愈。

貓屎

在屋上晒白者多收。以土裹火煨研粉。黃糖拌食。治童子癆。傳尸癆。真仙丹。曾愈多人。

鼠屎

尖者佳。要揀淨。恐有蛇蟲毒屎混入。炒透研粉。治易症。療爛孔。追毒水。

麝香

定神療驚。解果毒。消癰疽。開經絡竅。墮胎。

石首魚即白鰲

開胃益氣。首中腦石燒研。入冰片。治害耳膿出。患肺疽者。終身戒食。

線膠

剪細。同牡蠣粉炒如珠。去蠣為粉。性溫。補腎益精。止遺精白濁。

雞內金

炙透磨粉。消久停宿食。療疳膨。

珍珠

入豆腐煮一炷香。取出。與燈心同研極細。去心。除翳障。安魂魄。療驚逐痰。止遺精白濁。解痘疔毒。下死胎包衣。生肌肉。

牡蠣

童便浸七日。硫黃末醋調塗。黃土裏煨。止夢遺赤白濁。補腎安神。除盜汗消痰塊。

白丁香

卽麻雀屎。雀身細頭圓。翅長者乃雄。入籠取尿。冬月佳。甘草湯冷浸一宿。焙研咬癬。拔疔毒。

五靈脂

研末酒飛晒乾。止經水過多。赤帶不絕。男女一應瘀血凝結齒痛。

蚯蚓糞

入火煨紅。每兩入輕粉一錢。研至粉內無星爲度。取活紫花地丁。搗爛絞汁。調塗爛腿。日洗日塗。數日愈。以甘草煎汁調塗。小孩陰囊腫痛。

蚯蚓

藥鋪有賣。破腹去泥。酒洗晒乾。每四兩。配糯米、花椒各一兩。同炒。炒至米黃透爲度。去椒。米磨粉。治歷節風痛。手足不仁。疽毒卵腫。

蜈蚣

取活者香油浸死。治蛀髮癬。搗爛塗足指雞眼。一宿脫落。愈而不發。

蟪團即老蟪

大者佳。生用填爛孔拔深毒。遠年久毒肛。取酥。捉老蟪仰天。以其頭入戥殼內。取戥箍箍上。蟪之腦中放出白漿是。去蟪以戥殼晒乾。刮下配藥。消癰拔疔。止牙疼絞腸痧脹。

田螺

搗爛塗結硬痰核。塗命門。通小便。入冰片愈痔。如入膏內煎。必預敲碎其殼。以防油爆。爆則近人受燙沾衣。

朱鼈

大如錢。腹赤如血。又名金錢鼈。出深山石澗中。廣德州最多。甘無毒。炙存性研粉。能消漏管。

蠍子

水洗三次。去鹹味。炙研用。治驚中風。

蟬殼

滾湯洗去泥翅足。晒乾。治目昏翳障。痘疹疔腫。

五倍子

斂肺生津。消酒毒。收溼。療脫肛。

殭蠶

糯米泔水洗淨炒研。治中風喉痺。散風痰。消癰癰。風瘡陰癢。療驚。愈疔毒痔瘡。

蜂房

露天有蜂子在內者佳。炙研。能拔毒。療久潰。止痛。同頭髮蛇脫燒灰。日以酒送錢許。治臟腑歷節。惡疽疔毒。以炙存性。酒拌服。治失禁遺尿。煎湯洗毒孔。無蜂者不效。

土蜂窠

在巖凍大雪中。以布袋袋之能取。取入蒸桶蒸死。連窠炙研。以醋調塗癰癰即消。



以蛇脫同煨。治疔毒走黃。乳調服。療小兒吐瀉。

青蒿蟲

九月中。節內生紅蟲。取出以輕粉、硃砂和入。搗爲丸。如粟粒大。每丸裹以金箔。每歲一粒。乳汁送服。療治急慢驚風。

蜘蛛

炙研粉。猪乳調。治啞驚。

捕屎蟲即蟯

五月晴日。有蟲捕人糞一團。如推車者是。火炙研粉。如和乾薑末。可以敷出多骨。忌經水。如生搗爲丸。塞肛門。引痔蟲出盡永瘥。

馬評  
陶批  
外科全生集

清	清	清
鄞縣	會稽	洞庭
曹赤電炳章校	陶祥忻階臣批	王維德洪緒纂
	馬文植培之評	

卷四

煎劑類

陽和湯 治鶴膝風。貼骨疽。及一切陰疽。如治乳癖乳岩。加土貝五錢。

熟地一兩 肉桂一錢去粉 麻黃五分 鹿角膠三錢

白芥子二錢 薑炭五分 生甘草一錢

煎服。

馬曰。此方治陰症。無出其右。用之得當。應手而愈。乳岩萬不可用。陰虛有熱。

及破潰日久者。不可沾膏。

二陳湯 治流注初起。

橘 紅五錢

半 夏二錢

白芥子二錢 妙研

茯苓一錢

生甘草三分

加陽和丸同煎服。

千金內托湯 治乳岩潰者。并治一切潰爛紅癰最效。陰症忌服。

黨參或用 人參

黃耆

防風

官桂

川朴

白芷

川芎

桔梗

當歸

生甘草

分兩隨時斟酌。煎服。

敗毒湯 治紅腫成癰。初起立消。

花粉

黃芩

連翹

赤芍

銀花

歸身各二錢

生甘草節一錢

水酒各半。煎好。以醒消丸送下。立消。惟疔忌用酒煎。

奪命湯 治一切疔毒。一切癰腫。

銀花

金線重樓即車草

黃連

赤芍

澤蘭

細辛

僵蠶

蟬脫

青皮

甘草

羌活

獨活

防風

分兩隨時斟酌。煎服。

四仁湯 治大便燥結。

叭喀杏仁

火麻仁

松子仁

柏子仁各三錢  
各研末

滾水冲蓋。俟溫當茶飲。如熱重加甘蔗汁半酒盃。

瀉熱湯 治囊脫。

黃連六分

黃芩

歸尾

連翹各一錢半

木通

甘草各一錢

煎服。

桂薑湯 治喉痛頃刻而起。前無毫恙者。此虛寒陰火之症也。并治喉痺一切危



急之症。

肉桂

炮薑

甘草各五分各研極細末

滾水冲掉。將碗頓於滾水內。再掉。慢以嚥下。立愈。但先以鵝毛蘸桐油。入喉捲痰。痰出服藥更效。又法。以生川附切片。塗以白蜜。火炙透黑。收貯磁瓶。臨用取如糝大一粒。口含嚥津立愈。

枸橘湯 治子癰。

枸橘全枚

川棟

秦艽

陳皮

防風

澤瀉

赤芍

甘草各一錢五分

煎服。

龍膽瀉肝湯 治牙癰。

龍膽草

歸尾各二錢

銀花

花粉

連翹

黃芩各一錢半

丹皮

防風

木通

知母

甘草各一錢

煎服。

馬曰。能瀉肝火解毒。

清暑湯 治一切暑熱。頭面生石癰。

連翹

花粉

赤芍

銀花

甘草

滑石

車前

澤瀉各等分

煎服。外貼洞天膏。初起即消。潰者亦斂。

紫銀茶 治楊梅結毒。惡瘡復發者。

牛蒡子

忍冬藤

紫花地丁草

白甘菊各等分

煎服。

六味地黃湯 治遺精。并治一切潰爛。不能斂口者立效。

熟地

山藥

萸肉

澤瀉

丹皮

雲苓

煎服。如治遺精。刪去澤瀉。加入龍骨、線魚膠二味。

十全大補湯 外症潰後。老年虛弱者服。

黨參

黃耆

白芍

冬朮

肉桂

雲苓

歸身

熟地

川芎

甘草  
或生或炙時議

分兩隨酌煎服。

加味四物湯 治毒根。與保元湯同服更妙。

原方

川芎

白芍

歸身

熟地

今加

人參

肉桂

炒白芷

五味子

雲苓

生甘草

分兩隨酌煎服。

加味保元湯 治解凝斂口。并治毒根。與四物湯同服。

原方

人參

炙草

炙耆

今加

肉桂

耆

草宜用生忌炙

分兩隨酌煎服。

蘇前湯 治纏喉風并治一切喉症。

蘇子

前胡

赤芍錢各二

甘草

桔梗錢各一

元參

連翹

浙貝各錢半

煎服。

馬曰。治風火喉症可用。

赤荆湯 治纏喉風并治一切喉症。先服蘇前湯。次服此方。

川連

甘草錢各一

蘇梗

牛蒡

元參

赤芍

荆芥

連翹

黃芩

花粉

麝干

防風錢各半

煎服。

銀荷湯 治纏喉風并治一切喉症。

連翹

黃芩

防風

荆芥



麝干錢各一

銀花半錢

薄荷八分

黃連

甘草各五分

煎服。

雙砂湯 治骨鯁。

縮砂

草果

葳靈仙各等分

加砂糖少許。清水煎服。

金烏湯 治赤眼淹纏。

杜仲

厚朴

桑白皮

檳榔各一

不落水雄雞肝一枚。去紅筋入白酒釀六兩。隔湯頓熟去渣。以湯與肝食。隔兩日再服一劑立愈。

丸散類

陽和丸 治一切陰疽初起。如紅癰腫痛者忌服。

肉桂一錢

麻黃五分

薑炭研細末各

黃米飯搗爛為丸服之。

犀黃丸 治乳岩、橫痃、瘰癧、痰核、流注、肺癰、小腸癰等症。

犀黃三分 麝香半錢 乳香

沒藥各去油各一兩 黃米飯一兩

搗爛為丸。忌火烘。晒乾。陳酒送下三錢。患生上部臨臥服。下部空心服。

馬曰。犀黃丸久服必損胃氣。有虛火者勿宜。肺癰萬不可用。乳岩、瘰癧、痰核等症亦不宜用。

醒消丸 治癰腫聖藥。立能消腫止痛。并治魚肚癰。及翻花起肛。久爛不堪者。

乳香 沒藥各去油各一兩 麝香半錢 雄精五錢各

黃米飯一兩

搗爛為丸。如萊菔子大。忌火烘。晒乾。每服陳酒送下三錢。醉蓋取汗立愈。

馬曰。已成膿者萬不可用。

小金丹 治一應流注、痰核、瘰癧、乳岩、橫痃、貼骨疽、善癩頭等症。

白膠香 草烏 五靈脂 地龍

木

驚

各一兩五錢  
俱為細末

乳香

沒

藥各去  
油

歸

身

七錢半  
各

麝香

墨炭

二錢

亦各研細末。用糯米粉一兩二錢。同右藥末。糊厚。千槌打融為丸。如芡實大。每

料約二百五十粒。臨用陳酒送下一丸。醉蓋取汗如流。注將瀆及瀆久者。以十

丸均作五日服完。以杜流走不定。可絕增入者。如小兒不能服煎劑。以一丸研

碎。酒調服之。但丸內有五靈脂。與人參相反。斷不可與參劑同日服也。

馬曰。實症可用。夾虛者不宜。

又曰。此丹化痰祛溼。去瘀通絡。極效。

五通丸 凡大癰生於要緊穴道處。將在發威之際。服此甚效。如與三黃丸間服

更妙。并治肚癰。

廣木香

五靈脂

麻黃

乳香

沒

藥各等分  
俱去油

各研細末。黃米飯打和為丸。如梧子仁大。臨用以川芎、當歸、赤芍、連翹、甘草煎

服。送下五錢。忌用參劑。

三黃丸 治紅腫熱毒。疼痛大癰懸癰。楊梅廣瘡結毒等症。

製 軍三兩酒浸隔水蒸軟打爛如泥 乳 香 沒 藥俱去油各一兩

雄 精五錢 麝 香錢半 犀 黃三分

各為細末。千槌為丸。如梧仁大。晒乾。每服五錢。連服十次立愈。

馬曰。懸癰。肛癰。初起時。用此最宜。若先患咳嗽而後生者。則非所宜。

子龍丸 治瘰癧初起。并治橫痃。貼骨疽。如瘰癧。淡薑湯送下。

甘 遂 大 戟俱研細粉 白芥子炒研細粉各等分

煉蜜為細丸。每日服三次。每次服三分。但甘遂與甘草相反。斷不可同日服之。

馬曰。子龍丸即古方之控涎丹。祇可施於壯實之人。二三服後。痰行即止。久

服必致泄利不食。傷氣傷脾。慎之。

梅花點舌丹 治紅腫癰癤初起。一丸即消。

熊 膽 冰 片 腰 黃 礪 砂

血 竭 葶 蘆 沉 香 乳 香

沒 藥錢各一 破大珠子三錢 牛 黃 麝 香



蟾酥化乳 硃砂各二錢

各研細末為丸。如胖綠豆大。金箔為衣。每服一九。以葱白打碎。陳酒送下。醉蓋取汗。

飛龍丹 即蟾酥丸。小癰立愈。白疽忌用。

寒水石 蟾酥酒化 蜈蚣去足各三錢 血竭

乳香 沒藥 雄精 膽礬

銅青 殭蠶 全蠍酒炒 穿山甲各一錢

紅砒 枯礬 硃砂 冰片

角刺 輕粉各三分 蝸牛個廿一

各研細末。以酒化蟾酥為丸。金箔作衣。大如綠豆。葱白包一九。酒送。醉蓋取汗。

代刀散 立穿一切外症。

角刺 炒黃耆各一兩 生甘草 乳香各五錢

各研細末。陳酒送下。每服三錢。

嶸峒丸 治跌打損傷。腫毒危重之症。內服外敷皆效。嶸峒二字。外國地名。

牛黃

冰

片各二錢半

阿魏

雄

黃各一兩

生軍

乳

香

沒藥

兒

茶

天竺黃

血

竭

參三七

各二兩

各研細末。以山羊血五錢。拌晒乾透。再磨為粉。加藤黃二兩。隔水煮透。去淨浮膩。丸如芡實大。晒乾忌火烘。以黃蠟為殼包裹。臨用以一丸。陳酒送服。

馬曰。不及西洋十寶丹。

護心散 治毒氣攻心。并治狗咬。

綠豆粉一兩

乳

香五錢去油

燈心炭三錢

共研細末。生甘草一兩。煎濃汁。攪調藥末。令病者時刻呷嚥。嚥至大半。自然止嘔。邪氣清爽。接服醒消丸立愈。

角刺粥 治橫痃。

角刺末六錢

糯

米二合

布袋同盛煮粥。如有鮮角膏者。當用膏二錢。同糯米煮粥。日食至愈。鮮角膏。見敷藥門。

白芷散 治乳癰乳癖。

乳香

沒藥各去

白芷

浙貝

歸身各等

為末。陳酒調服。每服五錢。醉蓋取汗。

洞天救苦丹 治一應久爛不堪并瘰癧乳癰乳岩潰爛不堪者。

有子蜂窠露天者佳

尖鼠糞

棟樹子立冬後者佳

青皮各等

炙研細末。每服三錢。陳酒送下。隔二日再服愈。

馬曰。此丹治藜蘆之輩則可。然潰爛不堪者亦不相宜。

大棗丸 治久爛不堪。將見內腑者服之立效。并治瘰癧。

山羊屎炒存性

大棗頭去皮核

和勻。分兩以好丸為度。每服四錢。用黑棗湯送下。

神仙棗 治患瘡日久。體虛如瘡最重者。外敷瘡藥。內服此方。更為速效。

銀花

歸身各一兩

甘草三錢

乳香去油

五倍子

黃耆

白殭蠶

白芷各五錢

用水六碗。煎剩一半。取渣。再以水六碗。煎至一半。共成六碗。去渣代水。以紅棗二斤。煮熟。均四五日食完。

紅棗丸 治瘡。皰。

大紅棗子四兩去皮核

先煮三滾。以棗湯洗淨。殭蠶。晒乾。淨末二兩。二味打和為丸。以紅棗湯送下。愈瘡。棗 治瘡症。

紅棗三斤 猪板油一斤 陳酒三斤

共入砂鍋煮乾。加水三斤。煎至一半。不時取食。暑天均五六次煮。

雪梅丸 治喉癰。

冰片 犀黃各一分 膽礬三分 雄精

硼砂 山豆根 兒茶各八分 白梅二枚

共打為丸。均含十日。

聖靈丹 治楊梅。結毒。廣瘡等症。

珍珠 犀黃 冰片各一錢 的乳石二錢



琥珀四錢

劈砂三錢  
研粉

飛麵四兩

各研極細勻和。每服五分。土茯苓湯調含。再以湯送下。

馬曰。方雖平淡。而有奇功。

回疔散 治一切疔走黃。

有子土蜂窠一兩

蛇脫一條不經地上者佳

泥裹煨存性。研細末。白湯送下二錢。

馬曰。回疔散能攻毒外出。

杜痔丸 治外痔。

地骨皮

生地各三兩

黃芩

丹皮各一兩半

槐花

焦蒼朮各一兩

焦黃柏

甘草各五錢

共為細末。白蜜為丸。早晚每次每服五錢。白湯送下。

雙驚丸 治痔管使其自出。

苦參四兩

川連二兩酒炒

當歸

槐花

萆澄茄各一兩

五倍子五錢

六味共爲細末。另以馬蹄驚二枚。每重八九兩。柿餅四兩。二味水煮。去驚骨。搗爛入前藥末。打和爲丸。空心每服四錢。白湯送下。其管自出。  
退管散 治漏管自出。或服雙驚丸亦可。  
黃荊條上子。炙燥爲末。每服五錢。拌黑糖。陳酒送下。至管出乃止。

### 敷藥類

一筆消 治癰癤。白疽忌用。

大黃二兩

藤黃一兩

明礬

蟾酥各五錢

麝香

沒藥

乳香各二錢

用蝸牛打爛作錠。晒乾滴醋研磨。以新筆蘸藥控患頂。圈圍患處。至消乃止。

拔疔線 治一切疔毒。

番砂

白丁香

輕粉

乳香

蜈蚣各一錢

血竭

麝香各二錢

金頂砒六分

均研細末。以蟾酥一錢酒化和。打爲丸。作短線形。刺疔出血。插入疔孔。

平安餅 治毒根凸起。

烏梅肉一錢 輕粉五分

同研。不見粉亮爲度。如硬用津潤之。斷不可用水。研至成膏。照患口大小。作薄餅幾個。以貼毒根。外用膏掩。日易一次。俟毒根不痛。落下乃止。

雄腦散 治癰瘰敷藥。

樟腦 腰黃各等分

共研細末。麻油調敷。每日以荊芥根煎湯洗。

合掌散 治遍身癰疥瘡毒。并治陰囊癢。繡毬風。

硫黃一兩 鐵鏽一錢 紅砒六分

共研極細如麵。以葱汁調和。塗入大碗內。勿使厚薄。以碗覆於瓦上。取艾置碗下熏藥。熏乾。敲碗聲與空碗無異爲度。將藥刮下。再研極細。臨用以右手中指羅門拈滿香油。在包內粘藥。塗入左手中。兩手合掌數摩。止有藥氣。不見藥形。以兩手掌擦瘡。每日早晚二次。三日掃光。再擦三四日。永不復發。

二美散 治癰疥膿窠間雜者。

吳茱萸焙

硫黃各等分

研極細如麵。照前合掌散法。以香油蘸藥。入左手心。合掌摩擦。每日二次。愈後再擦三四日不發。

五美散 治膿窠坐板。濕毒臙瘡。猢猻疔等症。

炒透東丹

皮脂各一兩

硫黃

雄精各三錢

輕粉一錢

共為細末。入洞天嫩膏調敷。外以棉紙掩幫。不可動揭。五日後揭下。再敷二次全愈。如濕毒癢極。先以金銀散敷上。次以前膏加敷。

金銀散 治惡瘡極癢。

硫黃一兩入銅器化 銀硃五錢入

離火倒油紙上。冷透取研極細。滴醋調敷止癢。如破爛爛孔癢極者。白蜜調敷。

掃雪散 治臘梨瘡。

獨核肥皂分開去核以洋糖填入

巴豆仁每升加二粒半

將皂仍舊合好。紮緊泥裏。入火煨。取出去泥研細。加入輕粉、檳榔末各八分。再



研香油調敷。剃頭後。以滾灰湯洗。以藥敷。至愈乃止。

金霜散 亦名杏仁散。治不癢惡瘡。

杏 仁三錢去尖 雄 黃半錢

輕 粉一錢

研末。猪苦膽調敷。

癬酒 治一切諸癬。

本地白槿皮

南 星

檳 榔各一兩

樟 腦

生木鱉各五錢

斑 蝥三十個

蟾 酥三錢

右藥浸滴花燒酒一斤。凡癬症三日一剃一拂。至愈乃止。

蜈蚣油 治蛙髮癬。

活蜈蚣三條

菜油浸三四日。先取生木鱉片浸數日。入鍋煮透。取湯洗髮。洗後取蜈蚣油搽頭。至愈方止。或取草烏切片。炙脆研細。醋調日搽三次。數日全愈。

結子油 治頭面肥瘡。

白明礬研粉。鋪棉紙上。捲作長條。打成結子幾個。入菜油內浸透。取油結子放

鐵篩上。用火燒。結子內所滴下油。仍滴於所浸油碗內。燒至焦枯。以諸結研粉。加製松香末約一半。共調油內。日以拂瘡。早晚兩次。五六日愈。戒食猪肉蝦蟹。并忌煎炒熬油發毒等物。食則延開難愈。

錦線油 治湯火燙。

當歸

生軍 各一

共為細末。麻油調敷立愈。

紅油 治鵝掌瘋及一切瘋症。

紅砒 一錢

敲細如糝。以麻油一兩。煎至砒枯烟絕為度。去砒留油。凡有瘋之處。每日以烘油擦二三次乃愈。

刻歡丸 治風火牙痛。亦名過街笑。

蟾

酥 酒化

五靈脂

麝

香 各一

研和為丸。約二百粒。新紬包好。絲線紮緊。固藏勿洩香氣。每取一九。咬於痛牙。丸化即愈。

香清餅 治小兒口疳。

生香附

生半夏各等分

共研細末。蛋白調作餅。貼男左女右湧泉穴。一週時愈。如小兒口內生毒塊。不能食乳。俗名螳螂子。用生地酒浸。打爛塗男左女右足心。自愈。

水金散

治舌上出血。并治鼻衄。

茅柴根

車前子

血餘各等分

爲末。吹擦即止。以此煎服。治尿血。鼻衄加龍骨末吹鼻。立止。

五寶散 治生肌長肉。

人指甲五錢

紅棗去核。逐枚包入指甲。以長髮五錢細紮。同象皮薄片。瓦上炙成圓脆。存性取出研粉。加麝香一錢。冰片三分。研細和勻。磁器固貯。臨用以少許摻膏上神效。

推車散 治多骨自出。

推車蟲

即蜣螂炙研末

每一錢。入乾薑末五分。再研極細。吹入孔內。次日骨出。若吹過週時不痛者。無骨出矣。則知內無多骨也。

山蓮散 治潰爛不堪者。

大活鯽魚肚一條去雜

以山羊屎填實瓦上慢火炙乾。存性研末。加麝香一錢再研。固貯。如潰爛不堪。與內腑止隔一膜者。摻上立效。

象皮散 治爛孔極大者。并治刀傷跌損。血出不止者。

猪身蹄扇骨十兩炭研粉

象皮炭研末一兩

和勻固貯。凡爛孔如掌大者。摻上收小。後用六和散敷。六和散 治爛孔收小者。

海螵蛸

水飛龍齒

象皮炭研極細 血竭

乳香

輕粉各等分

共研細末收貯。或乾摻。或用雞蛋熬油調拂。

紫金錠 消癰腫通節竅。消熱痰。



山茹菰去皮淨

文

蛤去末淨

麝

香二錢

千金子去油淨

大戟洗淨焙

共為極細末。老米糊勻。入白千杵。成膏作錠。好醋磨塗。并化服。  
勝金散 治潰爛。并斧破傷。

人參三七

研極細末。塗患處。消腫止痛。患濕者乾摻。

五音錠 治紅腫惡毒。白疽忌用。

雄黃

熊膽

京墨

硃砂各一錢

麝香五分

牛黃一分

各研細末。先將京墨。用酒少許化之。再入熊膽研膩。後入諸末。共研作錠。臨用以清水磨。以新筆蘸藥。空頭圍患處全消。無不神效。  
觀音救苦丹 治小癰疼痛。

硫黃三錢

硃砂二錢

共研細末。入銅器鎔化。離火加入麝香一錢調和。澆油紙上。取作為米粒大。如

遇小瘡。取一粒放患頂。以燃火點。立刻燒過。膏掩次日愈。

拔毒散 拔一切毒。

巴霜

雄黃

麝香各一錢

冰片五分

共為細末。摻膏上貼之。則毒氣盡拔。便無後患。胎前產後之婦忌用。

消管方 治漏管。

角刺尖炙

柘樹膜各淨末五錢炙

紅腹金錢鱉炙淨末三錢

蟾酥

榆麵各一錢

研極細末。臨用以棉紙作條子。量其管之深淺。以津拌藥末捲上。塞入管中。乃愈。

枯痔藥 治痔漏。

明礬一兩

紅砒

白砒各三錢

共入陽城罐內。外圍炭火。燒至礬鎔烟起。即砒毒忌立上風聞氣。俟烟盡礬枯去炭。次日取出研粉。每取一錢。加水飛硃砂一分。再研和勻。臨用以津調藥。時拂乃愈。

馬曰。不必用。

槐梅膏 治外痔。

蘇合油

槐花粉

各一兩

狸膽

冰

片

各五錢

研和加嫩膏一兩五錢。再研。封固。勿使洩氣。臨用塗患處。痛息。日塗兩次。內服杜痔丸。方見丸散門。

鮮角膏

治陰頑惡癬。并治橫痃。

五月初旬。取鮮皂角數斤。打爛入鍋。煮湯煎濃。瀝出易水。再煎。二三度出渣。以汁共歸一鍋。漫煎成膏。治橫痃。煮糯米粥飲。治頑癬。加醋熬至稠膩。洗剃後塗。日剃日塗。神效異常。

四妙膏

治甲疽。

狼

毒一兩

黃

耆二兩

醋浸一宿。入猪油五兩。微火煎熬。取二兩絞去渣。退火氣。以封患口。日易三次。毒銷口斂。

麝蘇膏 治一切大癰。

麝香當門子更佳

五靈脂

雄黃

乳香

沒藥各一兩

蘇合油二兩

蟾酥五錢

洞天嫩膏八兩

各藥研為細末。與蘇合油嫩膏攪勻極和。空頭塗圍患處。如乾以雞毛潤酒拂之神效。內服醒消丸立愈。

紫藥 治癰腫。能拔毒止痛。惟紅痛非常者。不得已而用之。白疽忌用。

草麻仁打爛如泥。以絹包好。紮於患處。惟無孕婦人及男子患陽症者可紮。痛止即去。他如千槌膏有草麻仁。鯽魚膏有巴豆。二物提拔之力甚狠。孕婦貼則墜胎。白疽貼則成患。

敷藥 治楊梅結毒。

人指甲

血餘

瓦上炙存性研細。每粉一兩。加麝香一錢再研。日敷。如初發以三黃丸。每日五鼓時取四錢。熱陳酒送下。醉蓋取汗。或以瀉肝湯。每日早晚輪服。馬曰。此方能長肉收口極效。然火毒甚時。早用之反有損。

吹藥類



壁錢散 治熱症喉痛。

六七月中取有子壁蟾窠七個。老壁蟾二個。以髮紮好。用明礬七分鎔化。將紮好之壁蟾入鎔礬中粘足。燈火炙透。研粉。吹喉立愈。

珍珠散 治牙疳。牙根紅腫。口喉等症。

硼砂

雄精

川連

兒茶

人中白

冰片

薄荷

黃柏各等分

大破珠減半

各為極細末。以刀點之。吹之立效。

赤霜散 治走馬牙疳。延爛穿腮。不堪危險者。

紅棗一枚

入如黃豆大紅砒一粒。絲線紮好。放瓦上炙。烟盡為度。取以悶熄。冷透研細。加入冰片一分再研。吹之速效。久爛之孔。生肌亦速。

馬蹄散 治同赤霜散。

白馬前蹄。刮下脚皮。炙炭存性。加冰片少許吹之。

南星散 治牙蝕。因患骨槽風所致。并透骨穿腮。

南星一枚

挖空。入雄黃一塊。麵白糊固。火炙。俟雄鎔。以杯合定。冷透去麵。加麝香少許。共研細。拂患處。數日愈。

固齒散 治齒牙搖動。

用鼠之頭骨及鼠牙。鹽煨存性。研細擦之。即收上。最固最利也。

馬曰。須用全鼠一個。連皮肉炙枯存性。入片少許。治虛火牙疼神驗。且能固齒亦奇方也。

取齒丹 取牙立落。

活鯽魚十一條

白砒一錢入

懸之無貓犬及無風雨處。七日後。魚身發白毛。雞羽拂下。以膏藥滋少許收拌。每遇病牙。以膏藥少許。貼於患齒。片刻落下。淨湯漱口。

馬曰。取齒靈驗。

四黃散 治口舌之症。後二冬犀黃散。亦皆治口舌。

荊芥

山梔

大力

黃連

黃芩

連翹

薄荷

木通

蒲黃錢各一

燈心一撮

甘草四分

共研細末。擦患處立愈。

二冬散 治口舌生疳。久患不愈。

天冬

麥冬各去心

元參各等分

研細末爲丸。含齒舌間。丸化即愈。

犀黃散 治舌硬生衣。牙關不開。

犀黃一分

硃砂一分

元精石二兩

和勻研極細末。吹之立愈。

燈心散 治骨鯁立愈。

活竹一段。留兩頭節。一節上刻一眼。以燈心塞實。仍封固眼。裹濕草紙。火煨取出。俟冷。剖開去竹炭。取燈心炭研細。吹三四次即愈。再服雙砂湯更妙。方見煎劑門。

聾耳散 治耳內有膿作痛。

鮮鯉魚腦中枕骨。俗呼鯉魚牙齒。煨研。每一兩重。加冰片一錢。先捲乾膿水。吹三四次立愈。

### 膏藥類

陽和解凝膏 治一應陰疽流注。潰爛不堪。及凍瘡毒根等症。未潰者。一夜全消。已潰者。三張全愈。瘡疾貼背心立愈。

鮮大力子梗葉根三斤。活白鳳仙梗四兩。大麻油十斤。先煎至枯去渣。次日用川附、桂枝、大黃、當歸、肉桂、官桂、草烏、川烏、地龍、殭蠶、赤芍、白芷、白藜、白芨各二兩。川芎、續斷、防風、荆芥、五靈脂、木香、香櫟、陳皮各一兩。再煎藥枯。瀝渣隔宿油冷。見過斤兩。每油一斤。用炒透桃丹七兩攪和。明日文火再熬。至滴水成珠。不黏指爲度。以濕草紙罨火。移鍋放冷處。將乳香、沒藥末各二兩。蘇合油四兩。麝香一兩。研細入膏。攪和極勻。出火氣。半月後攤貼。

洞天鮮草膏 治一切熱毒癰癤。乳癰。乳癰等症。



大麻油三斤。先熬壯年頭髮一斤。熬至髮枯浮。去渣。再用活牛蒡、甘菊、蒼耳草根葉、忍冬藤、馬鞭草、仙人對坐草各鮮草各一斤。再另用油十斤。將各草熬枯。瀝出。再以白芷、甘草、五靈脂、當歸各八兩。入鍋熬至藥枯出渣。俟冷。併入前煎頭髮油。每油一斤。用當時炒透桃丹七兩。加入攪勻。熬至滴水成珠。不黏指爲度。離火俟退火氣。以油紙攤貼。○嫩膏每油一斤。入炒透桃丹四兩。熬至黑色爲度。

白玉夾紙膏

治夾棍瘡、杖傷、刀斧傷、鎗棍損傷。爲效甚速。

麻油四兩。熬成珠。加製好松香五錢。白蠟、黃蠟各二錢半。再熬去烟沫。用絹瀝清。一加輕粉一兩。研細。二加冰片三分。三加麝香三分。隨攪隨加。勻極。增雞蛋白一個。再攪勻。磁瓶貯。蠟封口聽用。如過兩月後。藥乾無用矣。

化核膏

治療癰結核惡核。貼之即消。倘毒根不除。必以子龍丸日服三次。外貼此膏。方可除根。以杜後發。

壁虎十四條。蜘蛛廿八個。蝸牛三十六枚。大麻油四斤。熬枯三物。浮於油面。撈去。再入首烏、藤葉、甘菊根、薄荷、牛蒡、蒼耳等草。俱用鮮者。各半斤。武火熬至草

枯。出渣俟冷。再入連翹、元參、苦參、白蔞、白芥子、殭蠶、水紅子仁。各打碎。大黃、荆芥、防風各四兩。浸一宿。再熬至黑枯。以油瀝清。見過斤兩。熬至滴水不散。將另製木鱉油歸入。配炒透東丹。慢入慢攪。攪勻。文火再熬。熬至滴水成珠。加入丁香油一錢。麝香二錢。蘇合油一兩。攪勻。退火氣攤貼。

### 白花膏

治癢極。見骨者。并膿瘡孔內發癢者。

香油一斤。青槐枝一百段。次第入油。熬枯去枝。俟至滴水不散。加入黃蠟、定粉各一兩五錢。離火溫時。再下製淨乳香、沒藥、兒茶、白花蛇各三錢。潮腦一兩。麝香一錢。同油攪勻成膏。浸水內一宿。攤貼。

### 紫微膏

治生肌收口。

香油四兩。燭油一兩五錢。黃蠟一兩五錢。熬至滴水不散。離火入炒鉛粉三兩。再入輕粉、乳香、沒藥、阿魏、白蠟、雄黃、龍骨、珍珠各五錢。兒茶六錢。攪勻。遠火再入麝香五錢。成膏聽用。以此生肌收口最效。

### 咬頭膏

咬穿毒頭神效。

銅青

松香

乳香

沒藥

杏仁

生木鱉粉

草麻仁各等分

巴豆倍用 不去油

共打成膏。每兩膏內加入白砒一分。再攪勻。臨用取綠豆大一粒。放患頂。用膏掩之。潰即揭下。洗淨換膏貼之。胎前產後忌用。

烏金膏 治爛腿日久不愈者。

烏鉛每一斤。用白砒三錢鎔化。次日鉛面刮下者。名曰金頂砒。再以鉛鎔澆薄如紙片。照患孔大小。剪如膏藥一方。針刺二三十眼。取光面貼孔上。每日煎紫花地丁草湯洗孔。并洗膏二次。三日內毒水流盡。色變紅活。以水飛伏龍散摻上。仍用前膏貼外。戒多立行走房事。食毒物。凡婦人須待月信之後貼起。

馬曰。以上各方皆平穩可用。

此書治病方法。皆是神妙異常。方有活鴨、鰻團、田螺、鯽魚、蜘蛛、蜈蚣等物。因不得已而用之。或病勢不甚重者。不必用此活物。可免殺生之孽。



# 新增馬氏試驗祕方

白金丸 治喉風乳蛾。

白礬研細 川鬱金研細

右等分。共和勻。皂角汁爲丸。

喉科祕藥 治咽喉七十二症。俱用此吹之神效。

黃柏焙 黃芩焙 梔子焙

川黃連焙 蘇薄荷 防風 綿黃耆晒

元參 連翹殼 細辛 香白芷

川芎 羌活 獨活 三奈

檳榔 川厚朴 苦參 粉甘草

木通 製半夏 川烏 草烏

茅蒼朮 麻黃 赤芍 升麻

大黃 僵蠶 牛膝 桔梗



射干

乾葛

皂角刺

車前子

桑白皮

五加皮

鼠粘子

地骨皮

莧麥冬

山豆根

杏仁

大生地

當歸尾

天花粉

天南星

金銀花

川槿皮

參三七

各一兩。揀上好潔淨。咀片。用好新缸一隻。將藥入內。加清水浸之。日晒夜露。四十九日。取起濾去渣。用銅鍋煎之。將藥水逐漸加入。用文武火熬。不住手用槐柳枝攪之。煎稠如糊。再加入後開各藥。

雄黃五錢

青礞石童便煨七次

乳香炙去

沒藥炙

熊膽焙

龍骨煨

元明粉

血竭

石燕醋煨七次

海螵蛸紙包煨

蘆甘石童便煨七次

青黛各五分

枯礬

兒茶各一錢

輕粉

黃丹水飛各三分

桑枝灰三錢

硼砂七分

右爲細末。入煎膏內和勻。做成小餅。如指頭大。晒露七曉夜。放地上。以瓦盆蓋。

之。一日翻一次。七日取起。置透風處陰乾。收藏瓦罐內。三個月方可用之。用時為極細末。每二分。加後七味。

大梅片

濂珠

珊瑚各四分

麝香

犀牛黃各二分

輕粉一釐

硼砂二分

共為末和勻。密收小罐。以烏金紙塞罐口。每以銅吹筒取藥少許。吹患上咽喉諸症。皆獲神效。

又方加鮮車前草、紫背天葵草、骨牌草、金星草、五爪龍草、土牛膝草、地丁草各二兩。土牛膝草用四兩。同黃柏等藥。浸缸內。

洋十寶散

一、治刃傷并各器械傷。皮破出血者。以藥沒摻上包固。不可見風。血止即愈。  
一、治鐵打損傷。皮肉青腫未破者。用陳醋調敷患處。腫消即愈。  
一、治內傷骨碎。或骨已斷折。先將骨節湊準。用陳醋調敷患處。以紙包裹。外加老棉絮包好。再用薄板片夾護。將繩慢慢細緊。不可移動。藥性一到。骨自接矣。須靜百日。勿犯房事。犯則必成殘疾。

一、治刃傷深重。未致透膜者。先用桑皮紙線縫好。多糝藥末於上。以活鷄皮急急調護如前。骨損養法即愈。

一、治跌打昏迷不醒。急用一錢。同陳酒沖服。自然醒轉。以便調治。

此方神奇。雖遇至重之傷。鮮有不起死回生者。照方醫治調養。勿臥熱炕。定有奇效。寶之。

真血竭

六錢

明雄黃

四錢

上紅花

四錢

淨兒茶

二錢

辰州砂

二錢

淨乳香

二錢

當歸尾

一兩

淨沒藥

四錢

當門子

三釐

大梅片

二釐

右十味。共為細末。入乳鉢研至無聲。收入磁瓶。黃蠟封口。勿令洩氣。

香鯽膏 專治黃疸。

為背鯽魚一尾。須活者。約重三四兩。連腸雜鱗翅。入石臼內搗爛。加當門子三分。再搗勻。攤布上。貼肚臍眼上。次日取下。重者貼二三枚。貼後即有黃水流出。為妙。

回生丹 專治跌打。有起死回生之功。

活地鱉瓦上炙微黃

自然銅瓦上煨紅醋淬

滴乳香一兩用燈心研取二錢同炒

真血竭水飛二錢 硃砂水飛二錢

巴豆霜用白巴豆去殼紙包壓淨

當門子三分

以上研和瓶貯勿洩氣。大人每服一分五釐。小兒七釐。酒冲服。牙關緊者挖開

灌之即活。再下一服即愈。

### 大麻風湯藥方

陳皮 海桐皮

秦艽 薏仁米

苦參 香白芷

牛膝 防風

川續斷 荊芥

羌活 風藤

當歸 蒼朮

連翹殼 生甘草

廣木香錢各一

入薑棗煎服。

### 九藥方

大胡麻念兩

小胡麻念兩

牛膝四兩

蒺藜念兩



苦參十六兩

防風八兩

荊芥八兩

全當歸六兩

蒼朮六兩

薏仁米四兩

川續斷四兩

共研細末。水泛爲丸。毛尖茶下。每早午晚各一服。每服三錢。或二錢。另加後丸。

楓子膏方

大楓子去殼。銅鍋炒。至三分紅色。七分黑色。太過無力。不及傷目。炒後研膏。入紅糖等分。熬四五滾。倒紙上。放地上。出火氣。每丸藥一錢。春秋用膏八釐。夏六釐。冬一分。同吞服。

〔清〕

唐芹洲

輯著

# 外科選要

中國醫學大成

外科選要提要

清、唐鑑撰。字芹洲。崑山人。乾隆丙申輯成是書。集陳毓仁外科正宗。祁廣生外科大成。王宇泰瘍醫準繩。擇其簡要易明者。彙集成帙。計分二卷。以爲初學之階梯。再讀外科金鑑心法。便可升堂入室。事半功倍矣。察其內容。蒐羅正宗者爲最多。十二經藥品。及分汗下渴等。分證治法。頗多發明。初學先讀此書。再求深造。庶乎近矣。

# 自序

余素不知醫。每於鄉僻處。敬遵御纂醫宗金鑑施治。其外科心法。更爲響應。已錄要付梓。第恐初學未易入門。故於乾隆丙申秋。復將陳毓仁外科正宗。祁廣生外科大成。王宇泰瘍醫準繩。輯其簡要易明者。彙爲成帙。計二卷。名曰外科選要。庶初學得近階梯。更研究金鑑心法。可以升堂入室。不但具活人之心。而亦得養生之半矣。因并付梓。附於外科心法之後。

崑山芹洲氏唐鑾謹識



外科選要自序

# 外科選要目錄

## 卷上

癰疽原委論·····	一
癰疽治法總論·····	九
治病則例歌·····	二六
癰疽灸法併禁灸瘡穴·····	二九
論病生死法·····	三一
察形色順逆·····	三二
病有三因受病主治不同	

論·····	三三
調理須知·····	三四
雜忌須知·····	三六
瘡瘍看法·····	三七
腫瘍治法·····	三七
潰瘍治法·····	三八
癰疽諸症瘡名十律·····	三九
煉元明粉法·····	四一
取蟾酥法·····	四三

製附子法……………四三

製炒諸藥……………四四

仙方活命飲古今不同論…………四七

醫家五戒……………四七

醫家十要……………四八

## 卷下

經絡……………一

十二經補瀉藥品……………二

散品……………一五

走品……………一六

標使治宜……………一七

汗……………一八

下……………一八

渴……………一九

嘔……………二六

痛……………二八

托裏消毒散加減法……………二九

出血……………三〇

僵肉……………三一

瘡癰急牽陰入腹……………三一

寒熱……………三一

飲食·····	三二
藥忌·····	三二
辨舌·····	三三
內陷·····	三三
生肌·····	三三
驗膜·····	三四
陽症變陰·····	三四
陰症變陽·····	三五
潰瘍外治附·····	三五
腫瘍針口治法·····	三五
瘡口去腐肉法·····	三五

瘡潰口中有黑疔治法·····	三六
頑肉不去治法·····	三六
瘡口努肉治法·····	三六
瘡不生肌治法·····	三七
瘡不收口·····	三七
瘡口皮嫩·····	三八
瘡潰誤入毒水·····	三八
馬汗入瘡·····	三八
用針勿忌尻神·····	四〇
油紙法·····	四一
補遺方	



托裏黃耆湯	一
托裏養榮湯	一
黃耆六一湯	二
七味白朮散	二
竹葉石膏湯	三
元參散	三
葛根散	三
乾葛飲	四
五味子湯	四
加減八味地黃丸	五
橘半胃苓湯	五

加減托裏消毒散	五
托裏健中湯	六
托裏益中湯	六
托裏抑青湯	六
托裏清中湯	七
托裏益黃湯	七
托裏越鞠湯	七
人參理中湯	八
加味解毒湯	八
當歸和血散	九
迴瘡金銀花散	九

郭氏定痛托裏散·····	九
乳香止痛散·····	一〇
人參內托散·····	一〇
乳香丸·····	一一
乳香定痛散·····	一一
乳香膏·····	一二
又乳香膏·····	一二
東垣聖愈湯·····	一三
濟生犀角地黃丸·····	一三
托裏消毒散加減法·····	一三
內消沃雪湯·····	一四

二蛟散·····	一五
解毒木通湯·····	一五
天漿散·····	一六
黃耆湯·····	一七
獨參湯·····	一七
神應異功散·····	一八
參朮膏·····	一九
清咽利膈湯·····	二〇
人參五味湯·····	二〇
人中白散·····	二一
珍珠散·····	二一

普濟消毒飲	一二二
六和湯	一二三
嘉禾散	一二四
遠志酒	一二五
替針丸	一二五
漏蘆湯	一二六
破棺丹	一二六
萬金散	一二七
牛膠散	一二七
會膿散	一二八
生脈散	一二八

香連丸	二二九
滋腎丸	二二九
小柴胡湯	三〇
加味逍遙散	三一
三品錠子	三一
如神千金方	三三
透骨丹	三四
金銀花酒	三五
烏金膏	三五
車螯散	三六
蠟蟾丸	三六

五香連翹湯·····	三七
隔皮取膿法·····	三八
滴滴金·····	三九
拔黃藥·····	三九
追膿錠子·····	三九
治疔破棺丹·····	三九
治暑天癰瘡方·····	四〇
小兒走馬牙疳·····	四〇

---



外科選要目錄

# 外科選要

清 崑山 唐 巽芹洲 輯著

鄞縣 曹赤電 炳章 圈校

## 卷上

### 癰疽原委論

癰疽發背爲何生。好好身軀出此形。

凡人處世而無疾病者。水升火降。精祕血盈也。養生篇曰。毋搖爾精。毋勞爾形。飯心靜默。可以長生。此皆遠世俗。忘名利。無貪嗔。却疾病。惟修身保命之志士所能。今人豈能及哉。蓋謂靜則生水。動則生火。水能生萬物。火能尅萬物。故百

病由火而生。火既生。七情六慾。皆隨應而入之。既入之後。百病發焉。發於內者。爲風勞蠱膈。痰喘內傷。發於外者。成癰疽發背。對口疔瘡。此皆言其大略也。故成癰者壅也。爲陽屬六腑。毒騰于外。其發暴而所患浮淺。故易腫易膿。易腐易斂。誠爲不傷筋骨。易治之症也。疽者沮也。爲陰屬五臟。毒攻於內。其發緩而所患深沉。故爲傷筋蝕骨。難治之症也。凡年壯氣血勝毒則順。年老毒勝氣血則險。

內被七情干臟腑。憂愁思慮總關心。

七情者。喜傷心。怒傷肝。憂傷肺。思傷脾。悲傷於魂魄。恐傷腎。驚傷膽。六慾者。耳聽聲音。眼觀物色。鼻聞香氣。舌貪滋味。心帷大地。意幄萬方。

外有六淫傷氣血。風寒暑溼火相臨。

六淫者。風、寒、暑、溼、燥、火。是也。皆從外而入之。體實之人。遇而不中者有。體弱之

人感而隨發者多。又有感之不發。邪氣客於臟腑經絡關節之內。積襲日久。或待內傷。或因外感。邪氣觸而發之。既發之後。當參寒熱溫涼。邪正勝負而治之。膏粱厚味多無忌。勞傷房慾致虧陰。

膏粱者。醇酒肥鮮。炙燂之物也。惟取快意于一時。不覺陰消于平日。況生是疾者。不起于藜藿。盡屬于膏粱。誰識膏粱味短。不及藜藿味長。

故將五臟多乖變。自然六腑不調勻。

五臟屬五行。金木水火土是也。相順相生。相反相尅。所謂相生者昌。相尅者亡。五臟不和。則六腑不通。九竅疲癢。留結爲癰。蓋癰疽必出于臟腑乖變。關竅不得宣通而發也。治當寒邪而痛者。以溫熱散之。溼腫強痛者。滲而導之。燥搐攣痛者。滋而潤之。泄而痛者溫之。塞而痛者通之。虛而痛者補之。實而痛者瀉之。陰陽不和者調變之。經絡秘澀者沖和之。膿脹而痛者開之。惡肉侵蝕者去之。



勞而痛者逸之。損而痛者續之。此等皆爲活法。惟在用者詳之。發於心上多危險。五臟相干事可明。

五臟者。心肝脾肺。四臟皆係於背。惟腎經一臟。獨居於下。其精華津液。元氣元神。盡行灌溉。榮注於上。故四臟之火。皆賴一臟之水以濟之。所謂五臟根本。皆係於腎。卽此意也。凡發癰疽者。未有不先傷五臟而後發之。且背乃太陽膀胱督脈所主。太陽者。六經之首領也。督脈者。十二經絡之統脈也。況心乃君主之位。豈容毒相犯之。凡發於此者。危險難治之症。

心之以下多成順。六腑之因亦許評。

凡瘡生於心之以下者。除腎俞一穴外。皆爲緩。六腑者。足陽明胃經。手太陽小腸經。足太陽膀胱經。手厥陰心包絡經。手少陽三焦經。足少陽膽經。此六經屬腑。其形在下。其氣主表。其病爲癰。故發於六經者爲輕。

脾家積毒生肩脊。

飲食膏粱積毒所致。高腫鮮明。根脚不過兩肩者爲順。先宜解毒護心爲主。次宜內托清心爲要。間用蠟製九。護心散。防毒攻心。如腫平堅硬。漸大漸開。攻注兩肩胸項。腫而不痛者危。

心經火毒對心臨。

對心發者。乃心火妄動。熱極而發之也。況心爲主宰。周身蘊熱。流會于此。其結爲患。最易傷人。刑截督經。害非輕淺。況背脊多坑。固難起發。瘡形落陷。腫不高尖。治當大降心火。急疎蘊熱。頂用針通。隨行拔法。使毒氣內外疎通。庶不內攻。方爲成守。保至十五日後。內無變症。得膿爲解。如變症漸生。堅硬漸大。不作膿者。死在二十二朝先後。但此症貴在早治。十中可保其三四也。

兩肩左右雙生發。肺肝積受不虛名。

左搭屬肝。右搭屬肺。俱生於左右肩骨移動之處。爲可治。有此症者。先用萬靈丹發汗。疎通內外。次以清肝解鬱湯。柴胡清肝湯。氣用四君子湯。血用四物湯。潰後入珍湯。參而調治。誠爲妥當。但此症原起於痰凝氣滯火鬱。氣血不調而生。正謂鬱者開之。滯者行之。如誤用瘡科解毒泄氣。誤補誤攻之藥。必致多危。蓮子蜂窠防毒陷。

蜂窠蓮子二發。多生於背。與心相近。與脊中平。輕者形長高腫。或偏半背。重者形斜平塌。兩脇俱傷。孔似蜂窠。突如蓮子。瘡形雖畏。常能多險多生。老弱不堪。反取常安常穩。大規只怕不純陽。治法何妨瘡勢惡。護心護膜丸丹。須要調停。執藥執方。活法在乎醫意。機參總論。法決存亡。

腰間腎俞發難生。

腎俞發者。生於兩腰陷肉之間。或正中亦發。凡生於此者。最爲險候。蓋內腎爲



性命之本。藏精藏氣藏神。又謂受命先天。育女育男育壽。此等皆出於腎臟也。是疾房勞過度。氣竭精傷。其臟必虛。諸火諸邪。乘虛而入。既入之後。渾結爲瘡。如本臟稍有真陰制火。瘡形自可紅活。高腫爲膿。治以人參養榮湯。加山萸、五味子、黃柏、知母、及加減八味丸。以救其源也。若瘡形紫黑乾枯堅硬。不作膿者。爲真陰內敗。再無可生之理。

督脈經虛從項發。俗名對口故相稱。

對口有偏正之不同。發於正者。屬督脈所主。發於偏者。乃太陽膀胱所司。二者皆起於溼熱上攻。凝結而成也。督脈發瘡易治。因督脈起於下。而貫脊行於上。故毒氣得之。反能沖突高腫。膀胱者發瘡雖偏。而每爲難治。蓋膀胱之脈。起於巔頂。貫項兩傍。順下而行。乃與瘡毒交會下流。故瘡多平塌。又太陽膀胱主司寒水。其質多冷多沉。故瘡於此多難起發。形色多難紅活。堅硬難潰。又易流注。



兩肩胸項作腫。十五日外無膿者。必然變黑歸陰。故多不治。治以黃連消毒飲主之。餘皆降火化痰。解毒清心。托裏爲要也。

何期耳後多生發。天疽銳毒本非輕。

發生於耳後一寸三分。致命之處。誠爲險惡之候。左爲天疽屬肝木。右爲銳毒屬肺金。二者皆起於積想在心。謀慮不決。致火旺而又鬱。鬱而又旺。以成此疾也。故形多堅硬。頭多隱伏。未潰先黑。未膿先腐。臭穢易生。元氣易敗。凡生此瘡。毒氣多致不得外發。後必內攻而死。但此症初生。起於隱微。令人多不知覺。及其知覺。毒已入內矣。如紅活高腫。易膿易腐者。俱無妨。

又有脫疽生手足。丹房補術孽根因。

脫疽初生如粟。色似棗形。漸開漸大。筋骨伶仃。烏烏黑黑。痛割傷心。殘殘敗敗。污氣吞人。延至踝骨。性命將傾。此非天命。自喪其身。古人有法。截割可生。今人

誰肯割截爲名。治法雖有。詳在後文。

漫腫難治。焮腫易。總論中間法可憑。

漫腫者。肉腫瘡不腫是也。焮腫者。瘡腫肉不腫是也。瘡之初起。理當升發。潰膿之後。不可內消。宜用托藥。如不應者。乃毒勝氣血。死在旬日。或已發出而不腐潰。根脚堅硬。或軟而散大者。急投托藥。大補脾胃。不應。死在二旬。若已潰而色不變紅活。亦不生肌收斂。瘡口暈大。腫痛不減。胃氣不回。急須峻補。不應者。乃脾崩。死在月餘。

諸瘡另自分門說。豈許輕於紊此呈。

## 癰疽治法總論

癰疽發背。怎生醫。不論陰陽。先灸之。不痛灸至痛。疼灸不痛時。

凡看癰疽腦項等發大瘡。先要從容立定主意。以見標日期爲始。到今幾日。看瘡形與日期可否相對。相應則多吉。不應則多險。次看受病之源。發於何臟腑。出於何部位。但身體有上下。部位有險否。形色辨順逆。精神論有無。再看年紀老壯。氣血盛衰。發陰發陽。毒深毒淺。以陽爲易治者多生。以陰爲難治者多死。方診脈之虛實。可知順險。以決其終。凡瘡未潰前。脈要太過一二至。已潰後。又宜不及二三分。此爲脈病相應。首尾自無變症。如其相反。恐防不測。但看法全在目力精巧。與心相應。一一參明。表裏透徹。然後方定治法。凡瘡七日以前。形勢未成。元氣未弱。不論陰陽表裏。寒熱虛實。俱先當灸。輕者使毒氣隨火而散。重者拔引鬱毒。通徹內外。火引毒氣混合爲陽。方能發腫作痛。然後可汗可攻。或消或托。兼求標本。悉治。必以脈合藥。以藥合病。如此治之。自然無錯矣。故藥難執方。全在活法。大抵關節首尾。俱不可損傷元氣脾胃爲要。



內服蟾酥丸一服。外將神火照三枚。

凡瘡初起。七日之前。或已灸之後。未服他藥。宜用蟾酥丸一服。得汗解爲妙。或萬靈丹發汗亦可。所謂毒氣隨汗而散。最爲捷徑。如二藥服後。發汗不出。此乃表裏閉密之故。毒亦不輕。當神妙拔根方施治。神燈照法。亦不可用之太早。如瘡四五日之間。形未聚。毒未出。若早用之。恐留鬱在內。毒反難出。須用在八九日之後。瘡勢已定。毒氣已聚。未成膿腐之時。用此照之。已成者自高。未成者自消。不潰者自潰。不脫者自脫。亦且解毒活血消腫散瘀之良法也。

用膏貼頂上。敷藥四邊圍。

凡瘡最忌風寒所襲。初起之時。或已灸之後。俱當用太乙膏蓋貼頂上。功效在於拔毒。提頂提膿。防禦風寒不入。如焮痛高腫。陽瘡七日之後。瘡頭自有黃色。稠膿相粘膏上。餘腫紅色光亮鮮明。每日宜用葱湯洗淨。換膏貼之。其正膿定



在十一日前後出也。此爲易治易安之症。如七日之後。瘡不大腫高。四邊又不  
焮痛。瘡頭亦無膿意相粘。此爲陰陽相等之症。宜用化腐紫霞膏塗瘡頂上。外  
以膏藥蓋之。換至十日外。瘡頂漸腐。餘腫漸高。似有膿意之象。其正膿只在十  
五日之後可出也。此爲以險成順之症。至於二十日以後無膿者。乃純陰之症。  
縱治亦無效矣。又如瘡之四圍根脚餘腫。其功又在敷藥收束根本。庶不開大。  
初起時宜用金黃散敷於四邊。拔毒消腫止痛。既潰後當用鐵桶膏箍之。庶瘡  
根漸收漸緊。但諸瘡原因。氣血凝滯而成。切不可純用涼藥。冰凝肌肉。多致難  
腐難斂。必當溫暖。散滯行瘀。拔毒活血藥用之。方爲妥當也。

氣盛兮頂自高而突起。血盛兮根脚束而無疑。

氣血者。人之所原稟。老者尙或有餘。少者亦有不足。人之命脈。全賴於此。況百  
病生焉。失此豈能無變。獨瘡科尤關係不淺。但腫瘍時。若無正氣沖托。則瘡頂

不能高腫。亦不能熈痛潰膿。則無真陰相滋。瘡根不能收束。色亦不能紅活收斂。凡瘡頂高根活。不論老少。氣血有餘。俱可無妨。又宜交會明白。交會者。瘡根與好肉交界之處。高低自然分別。明白者。瘡形與好形。各無混雜。以此觀之。了然明白矣。

高腫起者。忌用攻利之藥。以傷元氣。平塌漫者。宜投補托之劑。以益其虛。

凡瘡初發高起者。內臟原無深毒。毒發於表。便得托裏。以速其膿。忌內消攻伐。以傷脾氣。膿反難成。多致不能潰斂。又瘡初起不高不赤。平塌漫者。元氣本虛。急宜托裏溫中健脾。催托毒氣外發。庶無變症矣。

內熱甚者。量加消毒清劑。便秘燥者。必須通利相宜。使臟腑得宣通。俾氣血自流利。

腫瘍時內熱口乾。脈實煩躁。便秘喜冷者。此爲邪毒在裏。急與寒涼攻利。宜內

疎黃連湯。四順清涼飲。內消沃雪湯。俱可選用。又兼有表症。防風通聖散。去麻黃。或雙解散。加桔梗。天花粉。又或小便不利者。兼入天水散。五苓散。俱可合用。務使二便通利。以杜其源。又有元氣素虛者。恐不勝前藥。以托裏消毒散。加蜜炒大黃。或兼猪膽導法。必得通利爲度。首尾俱要閉而不結。通而不泄。得臟腑和平。表裏透徹。方可托裏排膿。內補之藥。又如潰瘍時。雖有口乾便閉。臟腑不利等症。此因潰後膿水出多。內亡津液。氣血虛耗。不能榮潤臟腑所致。其人必脈細而數。口和而乾。飲食減少。好飲熱湯。此乃虛陽之火爲病。非前有餘可比。只宜養氣血。滋津液。和臟腑。如此治之。則二便自和。亦無變症。常有誤行攻利。多致不救者矣。

十日之間瘡尙堅。必用拔針。當頭點破。

凡瘡十日以後。自當腐潰爲膿。如不作膿腐。仍尙堅硬者。此屬陰陽相半之症。



瘡根必多深固。若不將針當頭點入寸許。開竅發泄。使毒氣無從而出。必致內攻也。倘內有膿。又便易出。此爲開戶逐賊之意也。亦有十日外。瘡雖不腐潰。形尙紅活。焮熱腫痛。此雖膿遲。後必有出。此又不必針之。蓋緣元氣不能充足。或失用補托之藥。又誤用寒涼。或蓋覆未暖。多致膿遲。有此症者。宜用補中健脾。大補托藥。以得膿爲效。又以十五日至二十一日爲期。過此外者。縱有稀膿。但元氣被毒相拒。日久必致耗散。誠難歸結也。

半月之後膿亦少。須將藥筒對頂拔提。有膿血之交粘。必腐肉之易脫。

如瘡半月後仍不腐潰。不作膿者。毒必內陷。急用披針品字樣。當原頂寸許。點開三孔。隨瘡之深淺。一寸二寸皆可入之。入針不痛。再深入不妨。隨將藥筒預先煮熱。對孔竅合之良久。候溫取下。如拔出之物。血要紅而微紫。膿要黃而帶鮮。此爲血氣營運活瘡。其人必多活。又謂膿血交粘。用藥可全。色鮮紅活。腐肉



易脫。如拔出瘀血紫黑。色敗氣穢。稀水無膿者。此爲氣血內敗死瘡。所謂氣敗血衰。神仙歎哉。此等之瘡難矣。其人必在月終亡。

且如斯時。內有膿而不得外發者。以針鉤向正面鉤起頑肉。用刀剪。當原頂剪開寸餘。使膿管得通流。庶瘡頭無閉塞。

已用藥筒拔膿之後。外既有孔。內竅亦通。瘡期又當大膿發泄之後。如膿尙少。亦非自然得出。故瘡頭必有瘀腐塗塞。內肉亦有頑膜阻隔。多致膿管不通。自難出也。須用針鉤起瘡頂頑肉。以拔針利剪。隨便取去寸餘頑硬之肉。取之微痛血出。俱自不妨。隨用兩手輕重得宜。從瘡根焮處。漸漸捺至中間。剪出膿管處。內有聚膿。自然湧出。以黃色稠厚爲吉。其膿日漸多者爲輕。反此爲慮。此功務使塗塞者開之。令膿毒外發也。

頻將湯洗。切忌風吹。

凡瘡未潰前。或已用照藥後。俱要煎葱艾湯每日淋洗瘡上一次。甚者早晚二次。使氣血疎通。易於潰散。又已潰時。及藥筒提拔之後。尤宜避風。先去舊藥。用方盤瘡下靠身放定。隨用猪蹄湯以軟絹淋湯瘡上。併入孔內。輕手捺淨內膿。庶敗腐宿膿隨湯而出。以淨爲度。再以軟帛疊成七八重。勿令太乾。帶湯覆於瘡上。兩手輕盈旋按片時。帛溫再換。如此洗按四五次。使氣血得疎通。患者自然爽快。毒氣得解。腐肉易脫。疼痛得減。此手法之要。大瘡不可缺也。候腐脫已見紅肉時。洗後隨用紅玉膏挑於手心捺化。捺新舊肉上。外用膏蓋。四邊根脚已消。不必箍藥。每日如此。不數日。膿盡腐脫。新肉頓生。更加內補。調理得宜。輕瘡只在月餘。大瘡不過七十日。必完口而愈。

關節在於斯時。變生出於此候。

關節者。陽瘡以十四日爲關。陰瘡以二十一日爲節。此時務要出膿勢定。不可

過釀。但膿出方自腐脫。腐脫方自肌生。肌生方自收斂。收斂方自瘡平。如斯時不得膿者。後必有變。爲一關順。後必多順。一關逆。後必多逆。

治當大補。得全收斂之功。切忌寒涼。致取變生之局。

凡瘡潰後。五臟虧損。氣血大虛。外形雖似有餘。而內臟不足。法當純補。乃至多生。已潰時發熱惡寒。膿多自汗作痛者。十全大補湯。虛熱少睡。飲食不甘者。黃耆人參湯。皮寒虛熱。咳嗽有痰者。托裏清中湯。四肢倦怠。肌肉消瘦。面黃短氣者。人參養榮湯。膿多心煩。少食發躁不睡者。聖愈湯。脾虧氣弱。身涼脈細。大便溏泄者。托裏溫中湯。飲食不甘。惡心嘔吐者。香砂六君子湯。脾虛下陷。食少虛熱間作者。補中益氣湯。腎虛作渴。不能相制心火者。加減八味丸。倣此選用。蓋托裏則氣血盛而脾胃旺。使膿穢自排。毒氣自解。死肉自去。新肉自生。飲食自進。瘡口自斂。若不務補托。而誤用寒涼。謂之真氣虛而益虛。邪氣實而益實。多



致瘡毒內陷。膿多臭穢。甚則脈洪大渴。面紅氣短。此真氣虛而死矣。

蓋瘡全賴脾土。調理必要端詳。

脾爲倉廩之官。胃爲水穀之海。胃主司納。脾主消導。一表一裏。一納一消。運行不息。生化無窮。五臟六腑。藉以生養。又謂得土者昌。失土者亡。蓋脾胃盛者。則多食而易飢。其人多肥。氣血亦壯。脾胃弱者。則少食而難化。其人多瘦。氣血亦衰。所以命賴以安。病賴以安。況外科尤關緊要。善養脾胃者。節飲食。調寒暑。戒喜怒。省勞役。如不然。則精神氣血由此而日虧。臟腑脈絡由此而日損。肌肉形體由此而日削。所謂調理一失。百病生焉。故脾胃不可不詳也。

冬要溫牀暖室。夏宜淨几明窓。

人之氣血。喜暖而惡寒。又謂遇寒則結。遇熱則散。況瘡乃肌肉破綻之病。若不防禦。風寒最爲易襲。凡看瘡時。冬要圍爐暖室。逼盡餘寒。夏宜淨几明窓。庶外



風不入。然後方可揭膏洗貼。

飲食何須戒口。冷硬膩物休飧。

人之病中。腫痛時自然痛傷胃氣。諸味不喜。直待潰後。膿毒一出。胃氣便回。方欲思食。彼時但所喜者。便可與之。接補脾胃。如所思之物不與。此爲逆其胃氣。反致不能食也。切要不可太過。惟恐生冷傷脾難化。硬物肥膩滑腸。故禁之。

癰疽雖屬外科。用藥卽同內傷。

古之以外科推爲雜病之先。蓋此傷人迅速。關係不淺。故特設於前也。且如癰疽腦項疔毒大瘡。形勢雖出於外。而受病之源。實因于內也。及其所治。豈可捨於內而治外乎。所以外不起者。內加托藥。表熱甚者。內必清解。血虛宜用四物湯。氣虛宜用四君子湯。脈虛足冷溫中。脈實身熱涼膈。以此推之。內外自無互異。

病要論久新。要法在於寬治猛治。

病有新久。勢有緩急。如受病之初。元氣未弱。治當隨症迎刃而解。若懼行霸道。猛劑。定不能決效於危急時也。用藥中病。如表症盛者。用萬靈丹。大加表散。裏症急者。以內疎黃連湯。急與通行。又如受病日久。邪正相拒。其元氣未有不衰弱者。縱有餘症雜症壞症。俱當先固其本。而後調之和之散之。使病氣漸退。元氣漸醒。飲食漸進。根本漸實。則餘患再無不愈之理。

藥必求標本。功莫別於先醫後醫。若一概之攻補。恐兩途之誤用。

物理皆有標本。而病之標本。尤莫切焉。身體之標本。五臟爲本。六腑爲標。五臟主裏主血。六腑屬表屬氣。疾病標本。以初病爲本。以傳病爲標。又以元氣爲本。病氣爲標。此所以寒熱表裏緩急之病。應汗下補瀉和解之方。凡治病者。必先治其本。後治其標。若先治其標。後治其本。使邪氣滋甚。其病益增。又謂緩則治

其本。急則治其標。假如先得瘡疾。而後得泄瀉嘔吐食少等症。宜捨本從標之。法治之。候瀉止嘔定食進。方再治瘡。餘皆倣此。

又說陽變爲陰。內外被寒涼尅伐。

瘡本發於陽者。爲癰。爲熱。爲實。爲疼。此症易治。患者不覺。以爲小恙。不早求治。反又外受風寒。內傷生冷。或再被醫者失於補托。而又以涼藥敷圍。以圖內消。合病家之意。多致氣血冰凝。脾胃傷敗。使瘡毒變在十一日未出膿之前。形勢與好肉相平。不疼不熱。軟慢相兼。瘡孔止流清稀肥水。更兼身體不熱。脈亦細微。飲食厭飧。精神昏短。有此症者。變入真陰。雖強投溫中健脾之劑。不應者。百無一生。如瘡變在十五日之後。已出膿時。毒氣已將外發。如有調攝失宜。誤食冷物。忽變爲陰者。急投托裏溫中湯。十二味異功散。輕者十全大補湯。俱倍加參耆桂附以救之。須得瘡熱作痛。膿出身溫。脈起食進者爲吉。但瘡原本於陽。



其人故得多生者有矣。

豈期陰變爲陽。首尾得辛熱扶衰。病分真似。理究陰陽。

瘡本發於陰者。爲疽爲冷。爲硬爲虛。此症難治。患者知覺欲生。而故將辛香酒煎大方熱藥以助之。醫者又欲患處高腫。熨熱作膿。敷以熱藥。圖其起發。故瘡得藥性大熱。轉陰爲陽。其瘡雖得微腫微熱微痛微膿。但瘡形終不似真陽紅活。不得真厚黃膿。如此者不久復歸陰矣。但瘡原本於陰。其人多死。凡值此症。若患者方寸不雜。托信於醫。而醫者又得機關透徹。治法得宜。內外融和。每每中節。其中亦有可生者。十中一二矣。

既有針工之異說。豈無線藥之品詳。

凡瘡毒既成。當托其膿。膿既成。當用針通。此舉世自然之良規也。必當驗其生。熟淺深上下而針之。假如腫高而軟者。發於肌肉。膿熟用針。只針四五分。腫下



而堅者。發於筋脈。膿熟用針。只在六七分。腫平肉色不變者。毒氣附於骨也。膿熟用針。必須深入寸許。方得見膿。又輕按熱甚便痛者。有膿且淺且稠。重按微熱方痛者。有膿且深且稀。按之陷而不起者。膿未成。按之軟而復起者。膿已成。按之都硬不痛者。非膿卽瘀血也。或溼水也。所謂有膿卽當針。膿孔宜順下。若膿生而用針。氣血反泄。膿反難成。若膿熟而不針。腐潰益深。瘡口難斂。若膿深而針淺。內膿不出。外血反泄。膿淺而針深。內膿雖出。良肉受傷。元氣虛者。必先補而後針。症隨膿退。又有氣癭腫而綿軟不痛者。血癭腫而內疊成塊者。頑毒結之日久。皮膚肉紫。根硬四邊紅絲纏繞者。以及結核之症。漸大漸痛漸腐者。已上四症。俱不可輕用針刀掘破。若妄用之。定然出血不止者立危。但用針之法。妙在膿隨針出。而寂然無所知覺也。至於癭瘤瘰癧諸痔諸漏。疔毒堅硬頑瘡。此等症者。若非線藥之功。亦不能刻期取效。夫線藥乃有五六種。難以概說。

與其各病相應者。亦隨症而善用之。

湯散丸丹。要在發而必中。神聖工巧。誠爲學者機關。

醫善用方。如將善用兵。善於水者。涉海潛波。渡津破浪。善於陸者。穿山越嶺。附葛攀藤。奇偶者。鼓舞飛揚。蹊徑者。浮沉鑽鑿。弱者可守。強者當敵。此爲將用兵之大法。凡爲醫者。理皆倣此。其要在知人之強弱。識病之內外。究病之淺深。察時之順逆。然後可汗可攻。或吐或下。或宜和解。或宜補益。又知某湯善汗。某散善攻。某丸善和。某丹善補。因其病而用其方。如矢發機。投之必中。中之必勝。勝之則病無不愈之理。此爲用方之大法也。又如望聞問切。神聖智巧。亦可兼之。所謂望其形而通其神。聞其聲而明其聖。問其由而得其工。切其脈而續其巧。此四者。誠爲初學之繩墨也。

至於千方百症。難將說盡短長。

方不在多。心契則靈。症不在難。意會則明。方不心契。症不意會。如疎淡之交。寡遊之地。性情形勢不切。何以便托用哉。故藥不應病。病不應藥。卽此據也。

治在活法。貴在審詳。

動靜世務不同。勞逸機關亦異。昔之受病。從外而來。今之受病。從內而發。又古者多實。設方宜散宜宣。今者多虛。治法宜滋宜補。若醫者不識古知今。一概施與。必多致其夭亡者也。

用之必得其當。醫斯可以稱良。

### 治病則例歌

外科之瘡有治例。說與君家須切記。病端百出別根因。方法一囊豈同類。熱與寒。通與秘。其中消息知端的。通多不足秘多餘。熱實寒虛分症治。陽似陰。陰似陽。其



中妙理要推詳。不分表裏一例治。輕變重而重變亡。醫者貴乎多應變。不可偏執。用其方。且如表症惡寒。宜用荆防敗毒散。裏症發熱。可將內疎黃連湯。瘡勢已成。托裏消毒散。誠爲正法。內膿將潰。十全大補湯。最得相當。人參養榮湯。治潰後虛熱發作。木香流氣飲。散結腫寒溼爲殃。飲食不甘。定用香砂開胃。精神怯少。須將參朮回陽。陰虛陽虛。須入珍最爲要領。盜汗自汗。得獨參一味可強。潰後多疼。乳香定痛散。功奇莫緩。脾虛下陷。補中益氣湯。功效尤良。口燥譫言。瀉實火須黃連解毒湯。心煩衄血。理虛陽必犀角地黃湯。古法治癰疽。稱述仙方活命飲。今時醫發背。還期神授衛生湯。蟾酥丸。在外科稱爲獨品。護心散。解內毒號曰無雙。詎知蠟礬丸。護膜護心。可羨淡中有味。還讚玉紅膏。生肌生肉。堪誇壞裏呈祥。身涼自汗。腹痛腸鳴嘔逆。豈逃異功散。睡臥不寧。虛陽發躁。膿多。定用聖愈湯。生脈散。接虛羸。音脈來微細。歸脾湯。除驚悸。睡得安康。竹葉石膏湯。治虛煩身熱者。何須疑。



慮。麥冬清肺飲。除膈熱有痰者。無待商量。金鯉湯。治肺癰吐膿氣急。元龜丹。攻結毒臭腐頑瘡。風熱生瘡通聖散。瘡瘍狂躁破棺丹。小柴胡湯。除客邪往來潮熱。大防風湯。攻腿膝寒溼爲殃。咽腫咽疼。定用清咽利膈散。斑紅斑紫。豈逃化斑解毒湯。八味丸。解口乾妙藥。二神丸。治脾泄奇方。香連丸。爲臟腑瀉痢通用。甘露飲。治口齒腐爛相當。六和湯。和脾止吐瀉。雙解散。解表裏內傷。逍遙散。善治女人諸病。保元湯。常扶赤子多傷。皮膚毛髮乾焦。蘆薈丸。效應甚捷。咽喉口齒腫痛。冰硼散。功實非常。滋腎丸。治下元腎虛不固。涼膈散。解上焦膈熱多煩。九龍丹。消魚口。吞之滅跡。二蚊散。行溼腫。服下安康。呂祖一枝梅。止痢定驚。稱爲仙藥。真君妙貼。飲消疼止痛。號曰神方。痔漏癭瘤疔毒。古誇三品錠。癰疽流注諸風。今羨萬靈丹。柴胡清肝湯。治鬚疽肝膽有效。黃連消毒飲。醫對口督脈尤良。小兒口內生疳。必用人中白散。大人咽喉腫痛。須將金鎖匙湯。下疳新久珍珠散。小便淋澀木通湯。玉

真散破傷風有效。復元湯療跌撲稱強。提肩散治肘膊強直作痛。拈痛湯除痛腿風溼相傷。小便生疳。龍膽瀉肝服可羨。大頭腫痛。普濟消毒飲何妨。便毒懸癰。內消散吞何足慮。臀癰腿病。耆柴湯下自無殃。又有女子陰瘡。能腫能疼。能至癢。在人活法。或消或補。或蟲妨。蓋夫男子之囊癰。瀉肝經之溼熱。小兒赤遊丹。解毒兼砭血。凡治楊梅瘡。戒熏爲至切。舌下發痰包。利剪方能泄。出如雞蛋清。消痰是真訣。結毒與頑瘡。紫金膏可設。風瘡徹骨癢。雄黃散效絕。疔瘡先刺血。內毒宜汗泄。禁灸不禁針。怕綿陷也。綿者毒也不怕鐵。鐵者入針也又有失榮腫。堅硬如岩凸。強陰失道症。形狀要分別。婦人之乳岩。此中一例決。未破肉增稜。已潰流臭血。如此幾般症。古今無治說。瘡有數百種。難以都陳白。惟在一點心。何須三寸舌。學者若精靈。萬事皆通徹。此爲癰疽歌。可譏亦可閱。

## 癰疽灸法併禁灸瘡穴

凡瘡初起。除項之以上。餘皆用艾火。隨瘡勢大小。灸艾壯之多少。用蒜切成薄片。安於瘡頂上。着艾炷點火三壯。一換蒜片。初灸覺痛。以不痛似癢爲止。初灸不痛。以知痛癢爲住。如初灸全然不覺痛癢。宜去蒜。當明灸之。又陰瘡日數多者。艾炷不及其事。以蒜搗爛鋪於瘡上。艾亦鋪蒜上。點火灸之。必知痛甚爲效。此爲火氣方得入裏。知痛處方是好肉。蓋艾火拔引鬱毒。透通瘡竅。使內毒有路而外發。誠爲瘡科第一法也。貴在乎早灸爲佳。又有禁灸數症。頭乃諸陽之首。純陽無陰之處。凡生瘡腫。俱是亢陽熱極所致。如再加艾火。使毒氣熾甚。隨後反加大腫。最能引動內痰。發之必死。面生疔毒亦然。又有腎俞一穴。在於兩腰脊傍。係內腎命根所係之處。此穴發瘡。多因房勞素虧。腎水枯竭而成。若再加艾灸。以爍其源。必致內外乾涸。多成黑陷。昏悶而死。又有患者元氣素虛。發瘡多不高腫。其人體必倦怠。精神必短而昏。脈必浮散空虛。數而不鼓。此內無真氣抵當火氣。如灸之。其人



必致昏憤而死。常謂艾火不虧人。此言誤之多矣。醫者亦宜詳察之。

### 論病生死法

初生如粟。裏可容穀。外面如麻。裏面如瓜。外面如錢。裏可容拳。起勢大。終無害。末老先白頭。無膿軟陷休。瘡從疔瘡起。有膿方腫潰。氣昂昂。不治自安康。根高頂又高。八十壽還饒。焮腫易腐爛。任大終無恙。瘡高熱焮疼。雖苦必然生。瘡軟無神氣。應補方爲益。肉腫瘡不腫。畢竟生疑恐。膿穢不進食。泄瀉黃泉客。瘡色猪肝紫。無膿必定死。綿潰不腐爛。內怕葡萄嵌。仰臥不知疼。陰症命難生。腐盡有敗氣。笑裏終生戾。散根瘡平塌。神仙無治法。久病目露神。必定命難存。面忽似塗脂。十日後分離。敗中有紅肉。雖重生門路。新肉如板片。不食終須變。手足皮枯槁。血敗身難保。脣白眼無神。腹脹瀉將傾。醃氣不滄氣。雖重多生意。眼眶黑氣濃。癰疽怕此逢。



房中香馥馥。是病終爲福。瘡熱身微熱。輕病何須說。生死此中求。片言一可決。

### 察形色順逆

凡看人之病。兼視其形色。後與脈病相參。誠識於始。以決其終。百無一失矣。何以知之。陰病見陽色。腮顴紅顯。陽病見陰色。指甲呈青。此二者俱死。又身熱脈細。脣吻反青。目珠直視者死。面如塗脂。色若土黃。油膩黑氣塗抹者死。脣舌乾焦。鼻生烟煤。眼神透露者死。形容憔悴。精神昏短。身形縮小者死。喘麤氣短。鼻掀睛露。語言譏妄者死。循衣摸床。遺尿失禁。撮空者死。頭低項軟。眼視無神。吸吸短氣者死。皮破無血。肉綻爛斑。麻木不知痛癢者死。齒黃色如煮豆。脣白皮理無紋。耳黑枯焦不聽。人中縮而坦平。口張氣出無回閉。鼻煽相隨呼吸行。汗出如珠不散。痰若膠而堅凝。口血紅如肺色。指甲彎而帶青。神昏神浮。神亂神離。緇衣生滿面。黑氣

慘天庭。逢之都沒命。法在此中評。

### 病有二因受病主治不同論

三因者。內因、外因、不內外因。此說從於先古。其詞意尙有發而未盡者。內因起於七情蘊結於內。又兼厚味膏粱。熏蒸臟腑。房慾勞傷。虧損元氣。乃五臟受之。其病由此而發者多。在富貴肥胖者十有八九。其見症形多堅硬。根蒂深固。二便不調。飲食少進。外軟內堅。平陷無膿。表實裏虛。毒多難出。此卽內傷之症也。故曰內因。外因者。皆起於六淫體虛之人。夏秋露臥。當風取涼。坐眠溼地。以致風寒溼氣襲於經絡。又有房事後得之。其寒毒乘虛深入骨髓。與氣血相凝者尤重。或外感風邪。發散未盡。遂成腫痛。此肌肉血脈筋骨受之。其病由此外來者。發之多在不善調攝。跌撲勞碌人十有八九。症多寒熱交作。筋骨疼痛。步履艱辛。溼痰流毒。以及

諸風癱瘓。口眼歪斜。半身不遂。風溼風溫。天行時毒等症。此卽疾病之外感也。故曰外因。又有不內外因。內無七情平內。外無六淫傷外。何由來也。其病得於饑飽勞役。喜怒不常。飲食者冷熱不調。動作者勤勞不惜。以致臟腑不和。榮衛不順。脾胃受傷。經絡凝滯。故爲疾者。外無六經形症。內無便溺阻隔。其病多生於肌膚之間。似癰癤痰注氣痞癭瘤之屬。治法不必發表攻裏。只當養氣血。調經脈。健脾和中。行痰開鬱治之。法爲最善。

### 調理須知

凡人無病時。不善調理。致生百病。況旣病之後。不加調攝。而病豈能得愈乎。其調治有法。初起病時。先看病者元氣虛實。次看瘡之陰陽險否。然後用藥調治。當攻卽攻。可補便補。不可因循耽誤。以致變症不測也。且患者又當安定心神。相忘諸



念。毋使倉皇。乃保神氣。不得變亂也。再順天時。假如夏熱。坐臥不可當風。忌置水於榻前牀下。冬寒常要溫和。非柴火不可。開瘡看視。倘有寒侵。致生多變。又未潰之先。毒氣內作。有口乾渴症者。涼物類當少少與之。以滋蘊熱。至膿潰之後。生冷硬物。一概禁之。不然。傷脾損胃。膿必難成。致瘡軟陷。又難收斂。飲食須當香燥甘甜。粥飯隨其喜惡。毋食過飽。宜少宜熱宜濃。方無停滯。又得易化故也。如大瘡潰後。氣血兩虛。脾胃並弱。必製八仙糕。早晚隨食數餅。接補真元。培助根本。再熬參朮膏。如患者脾胃俱虛。飲食減少。胸膈不寬。飲食無味者。用白朮膏三匙。人參膏二匙。清米湯空心化服。喜飲者酒化亦可。若精神短少。昏沉多睡。自汗勞倦。懶於動作者。用人參膏三匙。白朮膏二匙。亦酒化服。如肌膚羸澀。面蒼不澤。或大便血出虛秘。以及皮乾髮槁者。同地黃膏各二匙和服。或飲陽春酒更妙。其功強健精神。頓生氣血。開胃助脾。潤肌榮骨。此二藥其功非小。大瘡不可缺之。實非草藥之



比。病者當信用之。乃無更變。視者又多反覆不常。故有易愈難愈之態。實在乎得此失此之規也。

### 雜忌須知

凡病雖在於用藥調理。而又要關於雜禁之法。先要灑掃房屋潔淨。冬必溫幃。夏宜涼帳。庶防蒼蠅蜈蚣之屬侵之。一切尼僧孝服。經行婦女。及遠客生人。開瘡時俱當忌見。牛犬腥羶醃臘熏藏之物。俱能作渴生乾。瓜果梨柿菱棗生冷等類。又能損胃傷胃。雞鵝羊肉鴿子蚌蛤河豚蝦蟹海腥之屬。並能動風發癢。油膩煎炒烹炙鹹酸厚味等件。最能助火生痰。赤豆蕎麥。動氣發病。惱怒急暴。多生痞滿。飲食太過。必致脾殃。瘡愈之後。勞役太早。乃爲羸音症。入房太早。後必損壽。不避風寒。復生流毒。不減口味。後必瘡癢無度。大瘡須忌半年。小瘡當禁百日。誠爲知命

君子也。

### 瘡瘍看法

初起頂高。根活色赤。發熱焮腫疼痛。日漸高腫者順。已成焮痛。皮薄光亮。飲食如常。二便調和。身溫者順。已潰膿稠。色鮮不臭。腐肉自脫。焮腫易消。身輕者順。潰後膿厚稠黃。新肉易生。瘡口易斂。飲食漸進者順。初起頂平根散。色暗微腫。不熱不疼。身體倦怠者逆。已成腫堅。色紫。不作膿。不腐潰。惟口乾多煩躁者逆。已潰皮爛。內堅不腐。腫仍不消。痛仍不減。心煩者逆。潰後膿水清稀。腐肉雖脫。新肉不生。色敗臭穢者死。

### 腫瘍治法

起初知痛或不痛。起發或不發。毋論陰陽表裏。日數遠近。但未見膿者。俱宜灸之。既灸不知痛癢。明灸之。焮腫發熱。疼痛有時。脈來浮數。無便秘者。宜藥托之。身體拘急。脈緊惡寒。飲熱就暖者。邪在表也。宜汗之。腫硬痛深。口乾便秘。身熱脈實者。邪在裏也。宜下之。焮痛勢甚。煩躁飲冷。舌乾口燥者。火在上也。宜清之。腫痛堅硬。背如負石。惡心乾嘔。邪毒在內。解毒拔之。腫痛日深。內膿不出。瘀肉塗塞。瘡口者。急宜開割之。軟慢不作膿。及不腐潰者。陽氣虛也。壯脾胃。助陽氣。身涼自汗。手足並冷。六脈虛細。便泄陽脫也。急溫之。

### 潰瘍治法

膿熟不潰。瘡不焮熱。食少便溏者。脾虛也。補托溫中。膿清或多。瘡口散大。不生肌者。裏虛欲變症。峻補之。腐肉雖脫。新肉生遲。如凍色者。肉冷肌寒。大溫氣血。潰後

食少。心煩不睡。發熱作渴。脾弱陰虛。補中益氣。身涼脈細。倦怠懶言。食不知味者。脾弱也。醒脾助胃。風寒襲於瘡口。皮白綻而不收斂者。外照而內溫補。潰後面黃肌瘦。膿水清稀。瘡色淡白者。當香燥助脾。脈大無力。細瀋微沉。自汗身涼者。氣血俱虛。峻補之。出血或膿多。五心煩熱。燥甚不眠者。亡陽也。急補之。瘡口已合。經犯房勞。或值急暴。復崩潰者。仍助氣血。

### 癰疽諸症瘡名十律

背之左右謂疽癰。手膀肩臂亦相同。肺疽居右癰居左。蜂癰左右近喉嚨。耳後右爲銳毒看。天疽左耳後相逢。左右兩肩名搭手。井疽止發在心中。流注牽藤六七成。發於心上止臍平。脇疽生在脇臑下。陰疽大體近箕門。穿踝疽穿姑拐下。脚氣原來脚底生。左爲便毒右魚口。鶴膝風從膝眼成。



肩下臍癰腋下疽。喉嚨上下氣癰醫。當脈兌疽君可記。三寸相離穿骨基。  
紅絲疔從手上起。蛾子喉風口內隨。腎疽當腎生左右。三里穴發附陰疽。  
離臍四寸爲嚇癰。再高三寸號幽癰。腸癰還從臍突起。胸疽乳子心肺中。  
合谷一疔名虎口。蛇頭魚腹指頭逢。腦後一疽名玉枕。莫作如常一樣同。  
肩疽樂疽居右手。石榴離肘上三分。左元陰右襠疽發。咬骨陰包穴上生。  
淵疽腎上腿附骨。佛頂疽生腦頂門。人世毒瘡當切記。敢教患者卽安生。  
顴骨爲疔脣上疽。鬢邊所發亦疽醫。眉中鳳眉傍侵腦。黑疔耳內不爲奇。  
鼻内生疔當速療。透腦原來髮際基。眉毛瘰疽能大毒。頰疔魚眼近腮齊。  
馬刀瘰癧氣癰瘡。一氣生來在頸項。火毒龍泉脣上下。對口原來髮下藏。  
牙根脣上癰莫異。牙下生之疔一行。頂牙縫突爲疔治。休作人間容易瘡。  
心肝脾肺腎癰疽。當看胸中穴道醫。更有黃頭并白泡。發無定處速如飛。

左爲坐馬。右下馬。尾骨頭尖。顴口疑。此物殺人能致命。火急攻醫切莫遲。婦人之乳有數種。高腫爲癰。堅硬疽。還有乳岩。真惡症。腫如頑石。破如墟。鈕扣之風。生頸項。褐帶風。瘡脚下需。又有溼。臙瘡等疾。總生下腿上安居。嬰兒走馬。爛牙疳。黑腐沿開。臭不堪。赤遊丹毒。渾身到。鵝口瘡。苔滿口。漫風。瘡奶癬。多搔癢。血灌膿。窠痛。欠安。還有心脾諸熱症。口疳。重舌。一般看。

### 煉元明粉法

冬至後。用潔淨朴硝十斤。用水一斗五升。白蘿蔔五斤。打碎。同硝入鍋內煮化。候湯滾足。撈去蘿蔔。將竹絲箕以綿紙二層。攤鋪箕內。架在新缸上。以硝湯徐入箕內。候折再添。以湯濾盡爲度。將缸搭在天井。露三日。其硝結在缸邊。傾去餘水。瀝乾爲止。將硝取下。再用砂鍋頓炭爐上。將硝一碗。化開煎滾。以銅匙鏟攪。將成凝

結時。鑊入小罐內。上空寸許。再下硝煉。如此已畢。每一罐下用三釘品字樣釘入土地。上留寸半在外。將罐浮頓釘頭上。用瓦片蓋口。周圍用段磚砌百眼爐圍繞。離罐寸半許。將着炭火入爐內。四圍底火頂火。一概相護。候罐硝紅爲度。次日取出硝來。預用大綿紙攤在潔淨陰土地上。將硝碾細。用絹篩篩在紙上一錢厚。再不許多。將門榻俱已關閉。不許與人見之。三日後其硝自然復活。色白如粉。輕虛成片。將鉢盛收紙蓋之。上再用亂紙蓋之。上再用亂紙寸許。以收潮氣。庶不凝結。此品最能降火化痰。清利臟腑。怪症服之可蠲。狂燥用之卽愈。搜除百病。安斂心神。況此服之。不傷元氣。惟久病瀉痢者不宜。大人每服三四錢。小兒五分至一錢皆可。俱用白滾湯。或葱湯空心化服。候行二三次。隨飲稀粥。自然爽健精神。調和臟腑。津液頓生。百病如失。又煨過硝石六兩。加硃砂三錢。青黛一錢。冰片一錢五分。共碾細末。照前篩紙上。再用紙蓋一層。四邊以戒尺壓緊。勿令走氣。候三日外



取起密收。又名陽春紫雪。最治失心忘志。顛癇健忘。小兒急驚。大人異症。每服五分至一錢。俱用淡竹葉燈心湯化服。屢有奇效。不可盡述。元明粉乃神仙保命服食。每一斤。加生熟甘草末一兩。葱湯化服二三錢。令人悅澤容顏。輕身耐老矣。

### 取蟾酥法

用蟾不拘大小。其酥俱有。用闊銅鑷。鑷蟾眉稜高肉上微緊。拔出酥來。凝聚鑷裏。多則指下。陰乾聽用。其取過之蟾。避風二日。仍送青草園中。自然不傷其生。如取之便見風下水。俱成破傷風。顛獺而死。

### 製附子法

大附子一兩外方用。隨數幾枚。以童便浸渰三寸。每日換便。浸至夏三冬五。再換



童便。煮盡二香爲度。去皮臍。線穿陰乾。或日中晒硬亦可。收藏聽用。

製炒諸藥

人參	潤色明亮堅實 爲主輕泡不堪	天門冬	泡去心	麥冬	去心
生地	酒浸	熟地	酒蒸	白朮	米泔炒
黃耆	蜜水拌炒	甘草	生用補托 消毒炙熟	酸棗仁	炒研
五味子	炒研	肉苁蓉	去鱗洗	牛膝	酒洗
當歸	酒洗	白芍	微炒 黃色	白蒺藜	去刺
香附	童便浸炒	柴胡	去蘆	黃芩	酒炒
龍膽草	酒炒	知母	鹽水拌炒	瓜蒌仁	去殼
陳皮	去裏	桔梗	微炒	防風	去蘆
				乾薑	炒黑
				黃連	解毒生用止 嘔薑汁拌炒
				貝母	去心
				元參	去根
				破故紙	炒
				遠志	微炒 泡去心
				蒼朮	米泔炒

附	子 <small>童便浸</small>	半	夏 <small>薑汁</small>	川	烏 <small>皮炮去</small>	草	烏 <small>皮尖去</small>
巴	戟 <small>微焙去心</small>	南	星 <small>煨有為末</small>	威靈仙 <small>去根</small>	仙	茅 <small>米泔浸</small>	
三	稜 <small>泡</small>	澤	瀉 <small>蒸</small>	大	黃 <small>實人炙生用</small>	海	藻 <small>酒洗</small>
昆	布 <small>酒洗切絲</small>	牡丹皮 <small>去梗</small>	王不留行 <small>炒礮</small>	牛蒡子 <small>炒礮</small>	地骨皮 <small>去梗</small>	山	梔 <small>焦炒</small>
連	翹 <small>去梗</small>	金銀花 <small>去梗</small>	牽	牛 <small>生用</small>	山	茱萸 <small>去核</small>	
肉	桂 <small>去麋</small>	茯	苓 <small>去麋皮</small>	枸	杞 <small>去蒂</small>	山	梔 <small>焦炒</small>
琥	珀 <small>布包煨研如麵細心</small>	桑	皮 <small>蜜水拌炒</small>	辛	夷 <small>去蒂</small>	乳	香 <small>去油</small>
杜	仲 <small>鹽水拌炒斷絲</small>	枳	殼 <small>麸炒</small>	厚	朴 <small>薑汁製炒</small>	巴	豆 <small>去油</small>
沒	藥 <small>去油</small>	五倍子 <small>去蛙</small>	蓮	肉 <small>皮心去</small>	山	查 <small>去核</small>	
皂	角 <small>去皮弦</small>	桃	仁 <small>泡去尖</small>	芒	硝 <small>淨</small>	石	膏 <small>末</small>

雄黃透黃紅 硫黃去腳 硃砂淨白 硼砂透白

砒石白色明兩用者 自然銅醋煨七次 黃丹水飛 龍骨生用

牛黃輕虛 麝香去皮 犀角鎔末 羚羊角鎔末

龍齒煨存 蜂蜜煉去 蟬蛻去土 斑蝥米炒去

殭蠶去絲 全蠍酒洗 蜈蚣炙去 蚯蚓翻去

田螺去殼 牡蠣煨研 石決明煨 人中白煨研

珍珠豆腐內煨數滾布包 紅鉛法註

藥品應製炒泡炙者錄之。不泡炙者未錄。

凡藥必遵雷公泡炙。入藥乃效。如未製生藥入煎。不為治病。反為無益。譬如人食銷饌。不用烹庖生食者。豈不害人。當熟思之。

仙方活命飲古今不同論

古人樸實。七情干涉者少。而從風寒暑溼。外感凝滯者多。故設仙方活命飲。攻散所滯之腫。服此得效者。十常八九。乃患者五臟不虛耳。今人穿鑿太過。七情煩攪之甚。而內臟無有不傷。每見此症。曾服過此藥。其瘡必不起發。脾胃再無不損。若瘡不起。脾胃傷敗。患者豈有得生。至此自于天命。今之治法。不論首尾標本。必先固脾。次行托藥。謂本立而道生。病無不活。予見如此。幸同道者察焉。

### 醫家五戒

一戒、凡病家大小貧富人等請視者。便可往之。勿得遲延厭棄。欲往而不往。不爲平易。藥金毋論輕重有無。當盡力一例施治。自然生意日增。毋傷方寸。

二戒、凡視婦女。及孀婦尼僧人等。必候侍者在傍。然後入房診視。倘傍無伴。不可自看。設有不便之患。更宜真誠窺視。雖對內人。亦不可談。此因閨闔故也。



三戒、不得出脫病家珠珀珍貴等物。送家合藥。以虛存假換。如果該用。令彼自製入之。倘服不效。自無疑謗。亦不得稱讚彼家物色之好。凡此等非君子也。

四戒、凡爲醫者。不可行樂登山。攜酒遊玩。又不可片時離去。凡有抱病至者。必當親視。用意發藥。又要依經寫出藥帖。不可杜撰藥方。受人駁問。

五戒、凡娼妓及私夥家請看。亦當正己。視如良家子女。不可任意兒戲。以取不正。視畢便回。貧家者藥金可璧。看病回。只可與藥。不可再去。以圖邪淫之報。

醫家十要

一要、先知儒理。然後方知醫業。或內或外。勤讀先古明醫確論之書。須旦夕手不釋卷。一一參明。融化機變。印之在心。慧之於目。凡臨症時。自無差謬矣。

二要、選買藥品。必遵雷公炮炙。藥有依方修合者。又有因病隨時加減者。湯散宜

近備。丸丹須預製。膏藥愈久愈靈。線藥越陳越異。藥不吝珍。終久必濟。

三要、凡鄉井同道之士。不可輕侮傲慢。交接切要謙和謹慎。年尊者恭敬之。有學者師視之。驕傲者遜讓之。不及者薦拔之。如此自無謗怨。信和爲貴也。

四要、治家與治病同。人之不惜元氣。斲喪太過。百病生焉。輕則支離身體。重則喪命。治家若不固根本而奢華。費用太過。流蕩日生。輕則無積。重則貧窘。

五要、人之受命於天。不可負天之命。凡欲進取。當知彼心願否。體認天道順逆。順取人緣相慶。逆取子孫不吉。爲人何不輕利遠害。以防還報之業也。

六要、凡里中親友人情。除婚喪疾病慶賀外。其餘家務。至於饋送來往之禮。不可求奇好勝。飯食只可一魚一菜。一則省費。二則惜祿。謂廣求不如儉用。

七要、貧窘之家。及遊食僧道。衙門差役人等。凡求看病。不可要他藥錢。只當奉藥。再遇貧難者。當量力微贈。方爲仁術。不然。有藥而無火食者。其命難保。

八要、凡有所蓄。隨其大小便當。置買產業。以爲根本。不可收買玩器。及不緊物件。浪費錢財。又不可做入銀會酒會。有妨生意。必當一例禁之。自絕謗怨。

九要、凡應用各樣物具。俱要精備齊整。不得臨時缺少。又古今前賢書籍。及近時名公新刊醫理詞說。必購備參閱。以進學問。此誠爲醫之本務也。

十要、凡奉官衙所請。必當速去。毋得怠緩。要誠意恭敬。告明病源。開具方藥。病愈之後。不得圖求匾禮。亦不得言說民情。致生罪戾。閑不近公。自當守法。

以上五戒十要。乃保身保家。守成之法。故直言而不文。當置於座右。朝夕一覽。若有賢能子孫。倘遵而行之。則可以成家立業。若不聽信。必有飢寒不足之憂。凡人何不預聽。直待臨時追悔。進退兩難。將何及矣。

# 外科選要

清 崑山 唐 巽芹洲 輯著

鄞縣 曹赤電 炳章 圈校

## 卷下

### 經絡

人身之有經絡。猶地理之有界分。治病不知經絡。猶捕盜不知界分。其能無誅伐無過之咎乎。岐黃問答。以經絡爲主。惟經絡一明。然後知症。見何經用何經之藥以治之。了然無謬。如古之善射御者。自有得心應手之妙焉。



陀云。癰疽之作。其行也有處。其主也有歸。如心之發於喉舌。肺之發於皮膚。脾之發於肌肉。肝之發於筋肋。腎之發於骨髓是也。陰毒發於下。陽毒發於上。腑之發於外。臟之發於內。發於下者得之緩。發於上者得之速。感於腑者易治。感於臟者難療。故內曰壞。外曰潰。上曰從。下曰逆。近骨者多冷。久而不愈。化血生蟲。蟲則多癢。少疼。或先癢後疼。近膚者多熱。久而不愈。傳氣成漏。漏則多疼。少癢。或不疼不癢。發於虛處者多險。發於節而相應者不治。應爲內外通瀉也

十二經補瀉藥品

手少陰心經

補 當歸

生地黃

茯神

遠志

酸棗仁

麥門冬

柏子仁

山藥

蓮肉  
圓眼肉  
人參  
紅藍花

瀉  
黃連  
枳實  
木香  
貝母

天竺黃  
鬱金  
赤茯苓  
元胡索

溫  
石菖蒲  
藿香  
沉香  
木香

桂枝  
麻黃  
沉香  
木香

涼  
連翹  
丹參  
石蓮子  
梔子

犀角  
牛黃  
硃砂  
石膏

引經  
獨活  
細辛  
燈心  
圓眼

手厥陰心包絡經

補  
人參  
黃耆  
肉桂  
沉香

兔絲子  
破故紙

瀉

大黃

朴硝

梔子

烏藥

溫

大附子

肉桂

乾薑

沉香

川芎

白豆蔻

柏子仁

烏藥

涼

黃連

梔子

丹皮

柴胡

薄荷

滑石

引經

柴胡

桂佐

川芎

青皮

手太陽小腸經

補

石斛

牡蠣

甘草梢

瀉

木通

赤茯苓

車前子

紫蘇

羌活

藁本

檳榔

大黃

瞿麥

溫 巴戟天 茴香 烏藥 砂仁

益智仁

涼 滑石 木通 梔子 茅根

車前子 豬苓 澤瀉 芒硝

引經 羌活 藁本 黃柏

足厥陰肝經

補 當歸 熟地黃 酸棗仁 阿膠

木瓜 沙參 薏苡仁 枸杞子

兔絲子 山茱萸 白朮 蓮肉

甘草 蒺藜

瀉 白芍藥 赤芍藥 柴胡 青皮



外科選要卷下 十二經補瀉藥品

六

枳實

青黛

羌活

木賊

甘菊

蒲黃

桃仁

蔓荊子

常山

五靈脂

益母草

前胡

溫

木香

肉桂

香附子

涼

黃連

黃柏

胡黃連

龍膽草

草決明

牛黃

羚羊角

車前子

甘菊花

地榆

引經 川芎行上

青皮行下

柴胡

烏梅

足少陽膽經

補 當歸

酸棗仁

山茱萸

五味子

瀉 柴胡

青皮

黃連

白芍藥

川芎

貝母

瓜蒌

鉤藤

天竺黃

溫

乾薑

肉桂

陳皮

半夏

涼

黃連

黃芩

柴胡

竹茹

甘草

引經川芎行上

青皮行下

柴胡

足太陰脾經

補人參

白朮

茯苓

甘草

白芍藥

山藥

蓮肉

白扁豆

木瓜

蒺藜

當歸

黃耆

薏苡仁

芡實

陳皮

大棗

圓眼肉

瀉

枳實

大腹皮

山查

麥芽

神麴

半夏

南星

檳榔

三稜

萊菔子

升麻

防風

石膏

猪苓

元胡索

桑寄生

溫

砂仁

白豆蔻

藿香

破故紙

黑乾薑

官桂

大附子

蘇葉

肉果

木瓜

蒼朮

吳茱萸

丁香

涼

黃連

元明粉

竹瀝

連翹

大黃

引經白芍

麻黃

大棗

蓮肉

足陽明胃經

補人參

白朮

黃耆

石斛

山藥

蓮子

芡實

薏苡仁

糯米

白糖

瀉

枳實

厚朴

大腹皮

前胡

三稜

莪朮

檳榔

大黃

溫

肉桂

肉果

大附子

砂仁

藿香

半夏

蒼朮

白豆蔻

川芎

香附

乾薑



涼

葛根

知母

石蓮子

梔子

滑石

竹茹

胡黃連

引經

葛根

升麻

白芷

手太陰肺經

補

人參

沙參

黃耆

麥冬

阿膠

五味子

紫苑

百部

知母

款冬花

木瓜

山藥

茯苓

蒺藜

瀉

防風

蘇梗

羌活

前胡

生薑

桑白皮

蘇子

橘紅

石膏

杏仁

貝母

瓜蒌

引經	涼				溫			
	南星	白芍	萊菔子	乾薑	縮砂	香附	枯芩	羚羊角
	枳殼	元胡索	香薷	生薑	木香	麻黃	竹葉	馬兜鈴
	薄荷	葶藶	荊芥	半夏	藿香		竹瀝	山梔
	白芥子	鼠粘子		白豆蔻	桂枝	童便	天門冬	枇杷葉
								地骨皮
								桔梗
								元參
								元明粉
								白芷
								升麻
								葱白
								生薑

手陽明大腸經

補 蓮肉

糯米

白砂糖

薏苡仁

栗殼

木香

肉豆蔻

龍骨

牡蠣

瀉 大黃

芒硝

枳實

桃仁

檳榔

葱白

麻仁

溫 人參

乾薑

半夏

肉桂

吳茱萸

涼 黃芩

槐花

大黃

地榆

胡黃連

連翹

石膏

秦艽

引經 葛根

升麻

白芷

足少陰腎經

補 杜仲

兔絲子

蒺藜

破故紙

山茱萸

山藥

石斛

巴戟天

人參

白朮

當歸

熟地

枸杞

五味

牛膝

龜板

淫羊藿

何首烏

鱉甲

鹿茸

鹿角

龍骨

牡蠣

續斷

肉蓯蓉

韭子

覆盆子

瀉

澤瀉

猪苓

知母

元胡索

甘草

茯苓

木通

溫

大附子

桂心

破故紙

黑乾薑



縮砂

仙茅

沉香

涼

黃柏

知母

丹皮

天門冬

地骨皮

山梔

元參

竹瀝

引經

獨活

肉桂

牛膝

鹽酒

足太陽膀胱經

補

龍骨

續斷

益智仁

橘核

瀉

猪苓

澤瀉

滑石

車前子

木通

瞿麥

茯苓

溫

茴香

烏藥

沉香

山茱萸

桂枝

麻黃

縮砂

涼

膽草

石蓮子

防風

羌活

蔓荊子

茵陳

葶藶

大黃

黃柏

石膏

引經 藁本

羌活

黃柏

手少陽三焦經

補 人參

黃耆

白朮

藿香

瀉 柴胡

枳殼

枳實

青皮

山慈菇

溫 大附子

厚朴

乾薑

沉香

涼 連翹

滑石

膽草

地骨皮

引經 柴胡

川芎

青皮

散口叩

凡藥之性輕虛者。諸臟腑皆能發散。是以不屬經絡也。

羌活

獨活

升麻

防風

荊芥

細辛

藁本

麻黃

秦艽

防己

牛蒡子

香薷

夏枯草

山豆根

五靈脂

射干

青蒿

葱白頭

漏蘆

蟬蛻

走品

凡藥之體重濁者。諸臟腑皆能走瀉。是以不屬經絡也。

川烏

草烏

三稜

莪朮

威靈仙

穿山甲

葶藶

海藻

昆布 青黛

五加皮 巴豆

撫芎 益母草

常山 桑寄生

### 標使治宜

如腫瘍初起。審症處分。必以一藥爲標使。如神授衛生散。用金銀花、當歸、蒼朮。復煎散。用蒼朮。十全大補湯。用夏枯草。蠟礬丸。用菊花湯。通聖散。用漏蘆之類。每用一兩煎湯。復煎羣藥。其應如響。此飛霞子之祕訣也。丹溪云。阿膠飲。牛膠丸。屬金屬土。補肺氣。實大腸。壯胃止瀉。黃蠟丸入大腸有補。國老膏。化毒行經。遠志酒。金銀花酒。皆有補性。歸血歸心。善用者以之配入。腫瘍之散結。潰瘍之補虛。亦奏捷效。宜觸類而長之可也。又如諸毒生於巔頂者。諸藥俱宜酒浸、酒炒、酒煎、酒服。爲使爲因。所爲在上者。因而越之也。



汗

書云。汗之則瘡已。爲外有六經之形症。內無便溺之阻隔。飲食如故。兩便自調。知不在裏也。左脈洪緩。關脈帶弦。外感客邪也。故宜汗之。使榮衛通。邪氣去矣。如冬月寒綴腠理。必用辛溫之劑以托之。如托裏溫中湯。紺珠丹之類。又云。助表不以取汗爲功。爲蟾酥硃砂雄黃等解毒之類。乃取汗之峻劑也。又云。瘡家雖身疼痛。不可發汗。汗之則瘳。爲無表症也。卽有表症。然亦不可大汗。大汗則表虛不膿。後必難治。汗出不利小便。汗止則陽氣復。小便自利也。

下

腫瘍時見五實者。爲邪氣在裏。宜寒涼藥攻利之。如內疎黃連湯之類。次以托裏排膿之藥補之。潰瘍時雖有口乾便閉等症。由內亡津液所致。必脈細而數。口和而乾。食少喜熱。乃虛火也。惟補氣血。養津液。健脾胃。則二便自和。庶無變

症。如小便閉。雖腫瘍時不必猪苓澤瀉以導水。惟用參耆歸芍。及托裏消毒散。消息之自效。瘡瘍面赤。火鬱也。發之。見風脈風症者。散之。大便燥急者。潤之。鬱冒者。爲昏迷也。俱宜汗之。以上之症。慎不可下。是以瘡瘍惟在閉而不結。通而不瀉爲規。

## 渴

瘡瘍作渴。不問腫潰。但脈數發熱而渴。用竹葉黃耆湯。脈不數。不發熱。或脈數無力而渴。或口乾。用補中益氣湯。若脈數便秘。用清涼飲。尺脈洪大。按之無力而渴。用加減八味丸。若治口燥舌黃。飲水不歇。此丸尤妙。大法

瘡瘍作渴。若焮痛發熱。便利調和者。上焦熱也。用竹葉石膏湯。腫痛發熱。大便秘澀者。內臟熱也。用四順清涼飲。焮腫痛甚者。熱毒蘊結也。用仙方活命飲。漫腫微痛者。氣血虛壅也。用補中益氣湯。若因胃火消燄。而津液短少者。用竹葉黃耆湯。

若因胃氣虛而不能生津液者。用補中益氣湯。若因胃氣傷而內亡津液者。用七味白朮散。若因腎水乾枯作渴。或口舌乾燥者。用加減八味丸。或先口乾作渴。小便頻數。而後患疽。或疽愈後。作渴飲水。或舌黃乾硬。小便數而疽生者。尤惡候也。苟能逆知其因。預服加減八味丸。補中益氣湯。以滋化源。可免後患。薛氏

癰疽發渴。乃氣血兩虛。用參耆以補氣。歸芍以養血。或忍冬丸。黃耆六一湯。丹溪瘡作渴甚急。與神仙追毒丸。取下惡毒。清腫湯。千金漏蘆湯。五香連翹湯。六味車螯散。萬金散。皆可選用。利後仍渴。却用生津補氣藥。津液生。氣血完。渴自止。伍氏大渴而與利藥。非明示脈證。何以知其當下。後言利後仍渴。却用補藥。又不明示脈證。恐是但有大渴。必下。下後尚渴。方與補藥。古人治未病如此。用藥可乎。況渴屬上焦。當腫瘍時。猶或可用。若潰後渴。多因氣血之虛。何待利後方議其虛也。丹溪



口乾與口渴不同。不宜用丹溪鎮墜。用之其禍如反掌。用桑枝煎。五味湯。以救陰水。精要丹溪曰。此妙方也。而不言食味起火。怒氣生火。房勞激火。吾恐渴亦未易除也。

病疽愈後發渴。多致不救。惟加減八味丸最妙。蓋癰疽多因虛而得。疽安而渴者。服此丸則渴止。安而未渴者。服此丸永不發渴。或未疽而先渴者。服此不惟渴止。疽亦不作。李氏

前證屬腎水枯涸。虛火上炎。口乾作渴。飲水無度。或舌黃作裂。小便頻數。或痰氣上壅。煩躁不寧。或二三年先作渴飲水。或口舌生瘡。兩足發熱。痰氣上壅。或瘡愈三四年。而口乾作渴。小便頻數。急用前藥。多有復生者。能逆知其因。預服前丸。可免此患。若兼手足厥冷。真陽虛也。宜服八味丸。大凡瘡後審其腎水不足。用加減八味丸。中氣虛弱。用補中益氣湯。氣血虛弱。用十全大補湯。陽氣虛寒。加薑桂。如



不應。用八味丸。薛氏

托裏消毒散加減法

飲冷作渴。熱毒也。加赤小豆知母。如不應。暫用竹葉黃耆湯。善食作渴。胃火也。加石膏山梔天花粉。如不應。暫用竹葉石膏湯。食少體倦作渴。胃氣虛也。去連翹金銀花。加人參白朮。如不應。暫用補中益氣湯。膿多作渴。氣血虛也。去三味。加熟地五味子。如不應。暫用十全大補湯。加五味子麥門冬。口乾舌燥。腎氣虛也。去三味。加熟地山茱萸山藥。如不應。兼六味丸。又不應。佐以補中益氣湯。自汗內熱口乾。胃氣虛也。去三味。加參耆歸朮。如不應。暫用六君子湯。盜汗內熱口乾。陰血虛也。去三味。加熟地麥冬五味子。如不應。暫用當歸六黃湯。

竹葉黃耆湯 治癰疽大渴。發熱或瀉。或小便如淋。薛氏曰。渴乃七惡中之一也。

此方治之。其功甚捷。亦有左手脈浮大而熱。或渴者。宜發散表邪。右手脈沉實而熱。或渴者。宜疎去內邪。若潰後作渴。或小便如淋。或脈大無力者。屬氣血虛也。宜大補氣血。亦有潰後熱不止。或作渴。遂以爲敗證不治。若素有胃火。或胃經熱毒未盡。胃脈尙數者。仍宜服前湯。服而脈反大。熱渴愈作。斯爲敗證。蓋因真氣虛而邪氣實也。今之潰瘍。畏石膏黃芩二藥性冷。多不肯服。若胃脈未靜。非此藥莫能治也。若因循日久。煎熬氣血。膿血愈多。氣血愈虛。反成敗證矣。治者當捨證從脈可也。大抵瘡瘍之證。七惡內見一二惡者。甚爲可畏。虛中見惡證者不治。實證無惡候者自愈。

### 托裏黃耆湯

薛氏曰。愚用此方。治氣虛作渴甚效。若氣血俱虛。或膿血大泄作渴。或兼發熱者。宜托裏養榮湯。

托裏養榮湯

黃耆六一湯 常服終身可免癰疽。實治渴補虛之要劑也。

七味白朮散 治胃氣虛。或因尅伐。或吐瀉。口乾作渴。飲食少思。

竹葉石膏湯 治癰疽胃火盛。腫痛作渴。

元參散 治癰疽成膿水。不能下食。心煩口乾。煩渴飲水。四肢羸瘦。

葛根散 治癰腫熱盛。口乾煩渴。或時乾嘔。

乾葛飲 治發背作渴。

忍冬丸 治渴疾既愈。預防發疽。先將忍冬草入瓶內。後入無灰酒。微火煨一宿。

取出晒乾。少加甘草。俱爲末。又以所浸餘酒糊丸。如梧桐子大。每服六七十丸。

溫酒下。又治五痔諸癰。

桑枝方。大治口渴。取嫩桑枝細切一升炒。以水三升。煎一升。日服五七劑。更多尤

妙。抱朴子云。療風痺乾燥。臂痛脚氣。四肢拘攣。上氣眩暈。久服補肺消食。利小便。輕身聰明。令人光澤。其功不能盡述。

薛氏曰。桑枝補血氣。生津液。輕身明目。補肺腎之良劑也。

五味子湯 治腎水枯涸。口燥舌乾。

薛氏曰。此方乃六一湯生脈散之複方。滋化源之良劑。若腎水既涸。虛火上炎。而口燥作渴者。須佐以加減八味丸。

加減八味地黃丸

李氏曰。一貴人病疽。未安而渴作。日飲水數升。予用前方。諸醫大笑云。此藥若能止渴。我輩不復業醫矣。仍用木瓜、烏梅、百藥煎等。渴愈。不得已用此丸。三日渴止。久服氣血益壯。飲食加倍。

嘔



精要云。嘔逆有二證。一證爲初發不曾服內托散。伏熱在心。一證爲氣虛脾氣不正。其伏熱在心者。與內托散三兩貼。氣虛者宜嘉禾散。有寒熱宜正氣散。兼與山藥丸以補腎。丹溪曰。諸逆衝上嘔噦。皆屬於火。內托散性涼。故有降火之理。若嘉禾散。補力已少。徒溫煖以助火耳。山藥丸補腎以壯下焦之陰。粗爲近理。然治嘔須分先後。腫瘍時當作毒氣上攻治之。潰瘍後當作陰虛治之。若年老因疽潰後。嘔逆不食者。宜參朮膏峻補取效。佐使藥隨時隨證加減。恐用山藥丸。緩急未易得力。河間謂瘡瘍嘔者。淫氣侵胃也。藥中宜倍加白朮。瘡瘍作嘔。不可泥於毒氣內攻。而概用敗毒等藥。如熱甚。熇痛。邪氣實也。仙方活命飲解之。作膿。熇痛。胃氣虛也。托裏消毒散補之。膿熟脹痛。氣血虛也。先用托裏散。後用針以泄之。熇痛便秘。熱蘊於內也。內疎黃連湯導之。若因寒藥傷胃而嘔者。托裏健中湯。胃寒少食而嘔者。托裏益中湯。中虛寒淫而嘔者。托裏溫中湯。肝

木乘脾土而嘔者。托裏抑青湯。胃脘停痰而嘔者。托裏清中湯。脾虛自病而嘔者。托裏益黃湯。鬱結傷脾而嘔者。托裏越鞠湯。若不詳究其源。而妄用攻毒之藥。則腫者不能潰。潰者不能斂矣。薛氏 丹溪雖云。腫瘍當作毒氣攻心治之。潰瘍當作陰虛治之。亦大概之言耳。今之熱毒內攻而嘔者寡。脾胃虛寒而嘔者多。豈可膠柱而鼓瑟哉。又曰。欲嘔作嘔。或外搽內服寒涼。或痛甚。或感寒邪穢氣而嘔。皆胃氣虛也。托裏消毒散。去三味。加藿香。倍參朮。三味。連翹、白芷、銀花。熱盛脈數。精要與漏蘆湯。單煮大黃湯等。若不甚熱。脈緩弱。只投五香連翹。多熱盛脈數。去死已近。豈湯。丹溪曰。熱盛脈數。若腫瘍時。臟腑秘而體實者。猶可與也。若潰瘍膿血出。可下乎。緩弱之脈。古人皆以爲邪毒已散。五香之飛走升散。其可用乎。準繩上 瘡瘍作嘔。不問已潰未潰。惟以脈實而數。喜飲冷者。爲毒氣內攻。下之。脈弱而喜溫者。爲陽氣不足。補之。大成

# 痛

夫瘡瘍之證候不同。寒熱虛實。皆能爲痛。止痛之法。殊非一端。世人皆謂乳段可以止痛。殊不知因病制宜。自有活法。故因熱而痛者。以寒涼之劑折其熱。則痛自止也。因寒而痛者。以溫熱之藥熨其寒。則痛自除也。因風而痛者。除其風。因溼而痛者。除其溼。燥而痛者。潤之。寒而痛者。通之。虛而痛者。補之。實而痛者。瀉之。膿鬱而閉者。開之。惡肉浸漬者。引之。陰陽不和者。調之。經絡滯澀者。利之。憂愁者。遠志酒飲之。虛寒而痛者。乳香沒藥止之。大抵癰疽不可不痛。不可大痛。若大痛悶亂者危。

薛新甫云。瘡瘍之作。由六淫七情所傷。其痛也。因氣血凝滯所致。假如熱毒在內。便秘而作痛者。內疎黃連湯導之。熱毒熾盛。焮腫而作痛者。黃連解毒散治之。不應。仙方活命飲解之。瘀血凝滯而作痛者。乳香定痛散和之。作膿而痛者。



托裏消毒散排之。膿脹而痛者針之。膿潰而痛者補之。若因氣虛而痛。四君加歸耆。血虛而痛。四物加參耆。腎虛而痛。六味地黃丸。口乾作渴。小便頻數者。加減八味丸。此皆止痛之法也。

### 托裏消毒散加減法

若高腫焮痛。熱毒也。加黃連。漫腫微痛。氣虛也。去金銀花連翹。加參朮。腫赤作痛。血凝滯也。加乳香沒藥。如不應。暫用仙方活命飲。膿出反痛。氣血虛也。去金銀花連翹白芷。加參耆歸地。漫腫不痛。或肉死不潰。脾氣虛也。去三味。加入參白朮。如不應。加薑桂。更不應。急加附子。準銀花連翹三味金寒熱虛實。皆能爲痛。止痛之法。殊非一端。隨症施之。其痛自止。不必拘拘於乳沒也。又瘡瘍不可不痛。不痛爲胃氣虛極也。不治。不可大痛。兼煩悶者。不治。再麻



癢者更爲惡候。大成

出血

瘡瘍出血。因五臟之氣虧損。虛火而錯經妄行也。當求其經。審其因而治之。若肝熱而血妄行者。四物炒山梔丹皮苓朮。肝虛而不能藏血者。六味地黃丸。心虛而不能主血者。四物炒連丹皮苓朮。脾虛熱而不能統血者。四君炒梔丹皮。若脾經鬱結。用歸脾湯加五味子。脾肺氣虛。用補中益氣加五味子。氣血俱虛。用十全大補湯。陰火動。用六味丸加五味子。大凡失血過多。見煩熱發渴等證。勿論其脈。急用獨參湯以補氣。經云。血生於氣。苟非參耆歸朮甘溫等劑。以生心肝之血。決不能愈。若發熱脈大者不治。凡患血症。皆當以犀角地黃湯爲主。

芹洲氏云失血症有瘀者寒涼慎用

僵肉

治背瘡肉長疾。皮不及裏。見風卽成僵。以寒水石燒研。爲細末敷瘡上。再用銅綠細末上之。肉卽不作僵矣。梅

### 瘡攣急牽陰入腹

古方療惡瘡癰腫。或連陰髀間疼痛急攣。牽入小腹不可忍。一宿則殺人。用茴香苗葉。搗取汁一升服之。日三四。用其滓以貼腫上。冬月根亦可用。此外國方。永嘉以來用之。起死神效。圖經

### 寒熱

身熱而欲衣者。熱在皮毛。寒在骨髓。溫之。身不熱而欲去衣者。寒在皮毛。熱在骨髓。清之。

### 飲食

腫時不食。爲痛傷胃氣。潰後痛止。自能食也。垣云。瘡瘍食肉。反補胃氣。乃自棄也。此禁之膏粱丹石之變。非藜藿及虛弱者之通論也。若脾胃弱者。卽有所禁忌。亦當少與之。不與則逆其胃氣。反不思食。禁忌之要在生冷傷脾。硬物難化。肥膩滑腸。惟宜斟酌與之可也。又服藥後。忌飲冷水。犯之效遲。膿必再作。

### 藥忌

用藥之法。如執權衡。若大勢已退。仍用悍霸之藥。爲誅伐無過。失內經之旨矣。如敗毒散。有表症者宜之。多則損氣。流氣飲。氣結胸滿者宜之。多則敗血。內補十宣散。在冬月可助內托之功。能移深居淺。然燥榮瀉衛之藥太多。在夏月及虛之甚者勿用。五香散腫瘍時用之。似有暢達之理。潰瘍時用之。則犯重虛之戒。護心散能解丹石之毒。若不因此。及老年病深症。僊者禁用。蟾酥等丸。皆有砒礞之輩。乃取汗之峻劑也。治初起寒熱拘急。疼痛脈沉細者。爲

毒氣內陷者宜用。若身熱脈洪。及已潰者。禁與。玉樞丹爲下毒之藥。無取膿之功。而體虛者已成者。勿用。垣云。一經受病。止責其一經。不可干擾餘經。如流氣飲通行十二經。則諸經皆爲所損矣。禁之。

### 辨舌

舌紅溼潤如常者吉。青黃赤白黑胎者重。乾燥碎裂疼痛者死。

### 內陷

始則高腫。至十數日內外忽平塌者。此內攻之候也。急宜托裏。

### 生肌

肌肉者脾胃之所主。收斂遲速。由氣血之盛衰。惟補脾胃。此內治也。瘀腐不盡。不可以生肌。如驟用生肌。反增潰爛。務令毒盡。則肌自生。加生肌藥。此外治也。如肌生如榴子紅艷。或有白膜爲善。若肌白而平。且無紋理。或膿清氣穢。爲毒



連五臟。氣血枯竭也。危。

### 驗膜

潰瘍驗膜。用軟薄綿紙封瘡口。令患者用意呼吸之。紙不動者。未透膜也。忌用嚏法。恐鼓破膜不救。

### 陽症變陰

陽症變而爲陰者。草醫涼藥之過也。於十一日之前未有膿時。投溫中健脾之藥。如不應。爲純陰不治。至十五日之後。已出膿時。投托裏溫中湯。及十二味異功散。輕者十全大補湯。倍加參耆桂附以救之。須得瘡熱作痛膿出。食進身溫。脈起爲吉。所爲原本於陽者。故生。

### 陰症變陽

陰症變而爲陽者。大方熱藥之驟也。雖得微腫微紅。微痛微膿。終不似真陽紅。

活。亦不得稠厚黃膿。其瘡不久復歸陰矣。所爲原本於陰者。故死。

### 潰瘍外治附

#### 腫瘍針口治法

腫瘍初潰。或已開針。恐針口易合。隨用綿紙撚蘸元珠膏插之。或用黃蠟化開。入香油少許。作撚如釘。須裹線一條爲心。將蠟撚插入針口內。留線頭在外。以膏蓋之。次日換插如前。

#### 瘡口去腐肉法

瘡口腐肉不出者。用綿紙做撚。取撚毛頭於腐上絞之。絞住瘀肉。徐徐拔出。如未淨。再取之。次塗元珠膏。如腐已淨。塗絳珠膏。四圍腫處。貼紺珠膏。瘀膿壅腫不出。搗大蒜調松香末敷之。

瘡潰口中有黑疔治法

瘡已潰爛。中有黑疔。突兀如筋頭。堅痛不可忍者。用紫絳真香剉豆大。炒焦黑爲末。摻疔上。其四圍潰處。用蘭雪散摻之。黑膏蓋之。三二次。則疔盡去。次換生肌藥。

頑肉不去治法

頑腐不去。壯實者。用生南星末。加冰片摻之。膏蓋過宿。去腐如井。隨換生肌等藥。虛弱者。用人參末摻之。過宿洗之。三二次。腐肉自脫。且易收斂。

瘡口努肉治法

瘡口努出如蛇頭者有四。著風、著水、著怒、著手擠。皆能致之。風邪乘襲者。補中益氣湯。加防風天麻。風寒凝滯者。十宣散。加羌活天麻。肝火血燥生風者。加味逍遙散。加羌活天麻。如小兒其母肝火生風者。加味小柴胡湯。次用加

味逍遙散。加漏蘆天麻。更外兼熨法。或用烏梅煨存性。加輕粉少許摻之。即收。有翻花如石榴者。用銀針於珠上刺去黑血。三五次即收平復。

### 瘡不生肌治法

頑瘡、疔瘡、賺瘡、杖瘡。久不生肌者。瘡有膜也。用玉簪花根於石臼內杵爛敷之。紮緊。三日一換。五七次而愈。

### 瘡不收口

瘡不收口。因於虛者。須大補之。外用人參珍珠等分爲末。摻之即癒。凡生肌藥必用人參湯浸過晒乾。再用人乳浸過。其功始捷。

### 瘡口皮嫩

瘡雖收口而皮嫩。外惡風寒者。用小米煮飯。乘熱盛碗內。以絹帛罩之。覆於患處蒸之。三五次愈。



瘡潰誤入毒水

瘡潰時。誤入毒水。或誤入刺至骨。腫痛者。用皂角子七箇。大乾蝦蟆一箇。胡椒十五粒。入鍋內瓦蓋。文火煨。烟盡取出爲末。先用溫水洗淨。拭乾摻之。膏蓋良久。毒水盡出。有刺者自見。一用黃丹蛤粉等分。炒變色摻之。誤入一切毒水。及皂角水。驢馬尿糞。以致疼痛者。用糯米粉砂糖各三兩。生甘草一分。爲膏貼之。毒水自出。

馬汗入瘡

馬汗入瘡。腫痛者。用馬鞭子。取手執處。燒灰存性爲末。和諸膏塗之。或猪脂和塗。或用冬瓜皮陰乾爲末敷之。

張景岳云。凡癰毒。焮腫赤痛甚者。雖內治之法已具。然煎劑功緩。而急痛難當者。必須外用敷藥。既欲止其痛。又欲散其毒。則無如降癰散之神妙也。

降癰散

新方

治癰疽諸毒。消腫止痛散毒。未成者即消。已成者斂毒速潰可愈。

若陽毒熾盛而疼痛。勢凶者宜先用此方。其解毒散毒之功。神效最速。若堅頑深固者。宜用後方。

薄

荷辛者佳  
用葉

野菊花連根葉  
各一握

土貝母半握

茅根一握

右乾者可爲末。鮮者可搗爛。同貝母研勻。外將茅根煎濃湯。去渣用。調前末。乘熱敷患處。仍留前剩湯頓煖。不時潤於藥上。但不可用冷湯。冷則不散不行。反能爲痛。約敷半日。即宜換之。真妙方也。後方。凡疽毒堅頑深固。及結核痰滯。宜用此方。

薄

荷倍用

半南星

土貝母

朴

硝各等分

石

灰風化者亦倍用  
或倍倍用之

右同爲末。用鹽酒調杵稠粘。敷患處。經宿乾即易之。不必留頭。若膿成者。留頭

亦可。或炒熱攤絹上。隔絹貼之亦可。或用麻油調。或用熱茅根湯調亦可。若欲止痛速效。加麝香或冰片少許。更妙。

芹洲氏云。古方治疔瘡。俱用野菊花。余每治類疔毒瘡。單用野菊花。內服外敷。甚效。陰寒症忌之。益母膏。活血散瘀效。

### 用針勿忌尻神

立齋曰。針灸之法。有太乙人神。周身血忌。逐年尻神。逐日人神。而其穴有禁針禁灸之論。犯者其病難瘳。理固然也。但瘡瘍氣血已傷。肌肉已壞。急宜迎而奪之。順而取之。非平人針灸之比。何忌之有。外科精義云。瘡瘍之症。毒氣無從而解。膿瘀無從而泄。反攻於內。內既消敗。欲望其生。豈可得乎。危惡之證。發於致命之處。禍在反掌。腹癰囊癰。二便不通。胸腹脹悶。唇疔喉痺。咽喉腫塞。其禍尤速。患者審之。

薛氏治鄰人手指患疔。麻癢寒熱惡心。左半體皆麻。脈數。用奪命丹不應。又用解毒之劑。麻癢始去。乃作腫痛。欲針而值尻神。病家不從。愈腫。強針之。諸證頓退。又用解毒之劑而愈。

### 油紙法

一用天麻子仁數粒。鉛粉錢許。研爛入桐油碗許。打勻。棉花蘸刷令遍。與不油紙相間。鋪之壓之。須頻揭換不粘。一以生桐油熟猪油平兌。如法油紙。





# 外科選要

清 崑山 唐 饒芹洲 輯著

鄞縣 曹赤電 炳章 圈校

## 補遺方

竹葉黃耆湯 見心法腫潰門

托裏黃耆湯

黃耆 炒六錢

甘草 炙

栝樓根 各一錢

水二鍾。煎八分。頻服之。加人參一錢尤妙。

托裏養榮湯

人參

黃耆炙

當歸酒拌

芍藥炒

熟地黃

麥門冬去心

川芎

白朮各一錢

五味子研

炙甘草各五分

水二鍾。薑三片。棗二枚。煎八分。食遠服。

黃耆六一湯

綿黃耆六兩用淡鹽水  
燉飯上蒸焙乾

甘草生一兩一分

每剉一兩。水二鍾。煎八分。食遠服。

或為細末。每服二錢。早晨日午。白湯調服。

或加人參尤妙。

七味白朮散

白朮

茯苓去皮

人參各七錢

甘草一兩五分

木香二錢五分

藿香葉

葛根半兩

右爲細末。每服三五錢。白湯調下。

竹葉石膏湯

淡竹葉

石膏

桔梗

木通

薄荷

甘草炙

右薑水煎服。

元參散

元參

黃連去鬚

土瓜根

麥門冬去心

赤芍藥

白蘚皮各一兩

升麻七分

火麻仁

川朴硝

川大黃各一兩  
剉炒

右剉。每服三錢。水一盞。入生地黃一錢細切。同煎。至六分。不拘時服。

葛根散



葛根

黃耆

升麻

麥門冬

瓜蒌根

赤芍藥

梔子仁

生地黄各一

黃芩七錢

甘草生半兩

右剉。每服四錢。水一鍾。煎六分。去滓。無時溫服。

乾葛飲

黃芩

朴

硝各一兩二錢半

乾葛一兩

右剉散。每服三錢。用枇杷葉。去背上白毛。淨洗。同煎。不拘時服。

五味子湯

黃耆三錢

人參二兩

五味子

麥門冬各一兩

粉甘草五錢

每服五錢。水煎。日夜服五七劑。

加減八味地黃丸

熟地黃蒸八兩

乾山藥

山茱萸肉

五味子各四兩

牡丹皮

白茯苓

澤瀉各三兩酒浸蒸焙

肉桂二兩

右各另爲末。入地黃和勻。加煉蜜丸。如梧桐子大。每服七八十丸。空心食前白湯下。

橘半胃苓湯

橘

半

夏薑各一錢製

蒼

朮米泔炒

白

朮炒

厚

朴薑製

甘

草炙

茯

苓

人

參

澤

瀉

茅

根各二錢

薑

汁數匙

水二鍾。煎一鍾。入薑汁。一二沸。作十餘次飲之。

加減托裏消毒散

胃氣虛者。去白芷連翹金銀花。加參朮藿香。

托裏健中湯

人參

白朮

茯苓各二錢

半夏

炮薑各一錢

炙甘草五分

黃耆一錢五分

肉桂三分

右薑棗水煎服。

托裏益中湯

人參

白朮

陳皮

半夏

茯苓

炮薑各一錢

木香

炙甘草各五分

右薑棗水煎服。

托裏抑青湯

人參

白朮

茯苓

半夏各一錢

芍藥

柴胡

甘草各五分

陳皮一錢

右薑棗水煎服。

托裏清中湯

人參

白朮

陳皮

茯苓各一錢

半夏八分

桔梗七分

甘草五分

右薑棗水煎服。

托裏益黃湯

人參

白朮

陳皮

茯苓

半夏錢各一

丁香

甘草炙

炮薑各五分

右薑棗水煎服。

托裏越鞠湯



外科選要補遺方

八

人參

白朮錢各二

陳皮

半夏錢各一

山梔

川芎

香附米

蒼朮錢各七

炙甘草五分

右薑棗水煎服。

人參理中湯

白朮

人參

乾薑

甘草錢各等

右薑棗水煎服。

加味解毒湯

黃耆水炒鹽拌

黃連炒

黃芩炒

黃蘗炒

連翹

當歸酒各七分拌

甘草炙

白芍藥

梔子仁錢各一炒

作一劑。水二鍾。煎七分服之。藥下痛即止。

內補黃耆湯見心法腫潰門

當歸和血散

當歸二錢

乳香半錢

沒藥半錢

白芍藥三錢

右爲細末。每服一錢。水一盞。煎七分。和滓溫服。

迴瘡金銀花散

金銀花連枝葉俱用剉研二兩

黃耆四兩

甘草一兩

右咬咀。用酒一升。同入壺瓶內。閉口。重湯煮三兩時辰。取出去滓。頓服之。又一方。無黃耆。

郭氏定痛托裏散

栗殼二兩去蒂炒

當歸

白芍藥

川芎各五錢

乳香

沒藥

桂枝各三錢

右咬咀。每服五錢。水煎。

乳香止痛散

栗殼

製六兩

白芷

三兩

陳皮

甘草炙各兩半

乳香

沒藥

各一兩

丁香五錢

右咬咀。每服三錢。水一盞半煎。

乳香黃耆散見心法腫潰門

人參內托散

人參

黃耆

當歸

川芎

厚朴

防風

桔梗

白芷

官桂

紫草

木香

甘草

右入糯米一撮。水煎服。

### 乳香丸

乳香另研

沒藥另研

羌活

五靈脂各三錢

當歸

真萊豆粉

交趾桂各兩半

獨活三錢

川芎

川白芷

白膠香各兩半

右爲細末。煉蜜丸。如彈子大。每服一丸。細嚼。薄荷湯送下。手足損痛。不能起者。加草烏。用木瓜鹽湯送下。

### 乳香定痛散

乳香

沒藥各五錢

寒水石

滑石各一兩

冰片一錢

右爲細末。擦患處。痛卽止。



豆豉餅見心法

乳香膏

乳香一兩 另研

食鹽

松脂

杏仁去皮尖研

生地取汁 三合

白羊腎脂半斤 黃蠟三兩

右先熬脂令沸。下杏仁地黃汁蠟煎。候蠟鎔盡。入香鹽松枝煎。以柳筭攪令勻。稀稠得所。磁盒盛。

又乳香膏

木鱉子去殼 細剉

當歸各一兩

柳枝二八寸 剉同 以清油四兩煎令黑色 次用後藥

乳香

沒藥各半兩

白膠香油明淨者 四兩同研細入 煎化用棉子濾之

右煉藥鐵銚令極淨。再傾前藥油蠟在內。候溫入黃丹一兩半。以兩柳枝攪極得所。再上火煎。不住手攪。候油沸起。住攪。注在水中。成珠不散為度。秋冬欲軟。

春夏欲堅。傾在水中出火毒。搜成劑收之。

東垣聖愈湯

熟地

生地各三錢

歸身錢半

川芎二錢

黃耆五分

人參三分

右咬咀。都作一服。水一盞半。煎至一盞。去滓稍熱服。無時。

濟生犀角地黄丸

犀角鎊末

生地

赤芍

牡丹皮各錢半

升麻

黃芩各一錢炒

右水煎熟。入犀角末服。

獨參湯見心法腫瀆門

托裏消毒散加減法

膿多帶赤。血虛也。去金銀花、連翹、白芷。加歸、地、參、朮。如不應。用八珍湯。加牡丹皮。

內消沃雪湯

治發背。並五臟內癰。尻臀諸腫。大小腸癰。肛門臟毒。初起但未出膿。堅硬疼痛。不可忍者並服。

青皮

川山甲

貝母

陳皮

連翹

白芍

乳香

沒藥

黃耆

甘草節

白芷

射干

天花粉

金銀花

皂角刺各八分

木香四分

當歸

大黃各二錢

水酒各一碗。煎八分。量病上下。食前後服之。

## 二蛟散

治生冷惱怒傷脾。致胸膈不寬。小水不利。面目四肢浮腫。諸藥不效。用三年老黃米炒焦黃色爲末。提淨芒硝三兩。鍋內鎔化。炒乾爲末。每料一平杯和勻。再碾極細。大人壯實者。每服三錢。小兒十歲上下者。一錢二分。俱赤砂糖三茶匙。和白滾水半茶鍾。空心調服。至午大便一次。至晚便一次。其疾先從眼胞消起。日久元氣虛者。與加味胃苓湯。間服。至重者不過五服愈。

## 解毒木通湯

治男婦房術。熱藥所傷。致玉莖陰戶癢痛。小水澀痛。白濁滑精。至夜陽物興舉。不得眠者服之。

木通

黃連

龍膽草

瞿麥

滑石

山梔

黃柏

知母各一錢



蘆薈

甘草各五

水二鍾。燈心二根。煎八分。食前服。

天漿散

治腦疽積毒日深。堅腫木痛。口燥舌乾。惡心煩渴。六脈沉實有力。大便閉結不通者。並宜服之。

石決明生研

殭蠶

川山甲土炒

防風

連翹

羌活

乳香

金銀花

黃連

歸尾各一錢

大黃三錢

天花粉新鮮未晒者四兩。石臼內搗爛。投水一碗。攪勻。絞去渣用。

右花粉淨汁一碗半。同藥煎至八分。入酒一杯。空心熱服。行過三次。方用飲食。忌食煎炒發物。

黃耆湯

治溼熱。腿內近膝股患癰。或附骨癰。初起腫痛。此太陽厥陰之分也。脈細而弦。按之洪緩有力。

黃耆鹽水拌炒

當歸

柴胡

木瓜

連翹各一錢

羌活

肉桂

生地黃

黃柏各五分

水酒各一鍾。煎一半。空心熱服。

獨參湯

治潰瘍膿水出多。血氣虛極。或惡寒。或自汗。冷汗。手足指甲青冷。或身涼脈細。並宜。

人參二兩切片

作二劑。水二鍾。棗十枚。煎一鍾。徐徐服之。若煎至稠厚。卽爲膏矣。作三次。用好溫酒化服亦可。

神應異功散

治潰瘍陰盛陽虛。發熱作渴。手足並冷。脈虛無力。大便自利。至飲沸湯而不知其熱者。必服之。

木香

官桂

當歸

人參

茯苓

陳皮

白朮錢各一

半夏

丁香

肉豆蔻

附子

厚朴各五分

水二鍾。薑五片。棗三枚。煎八分。不拘時服。此方癰疽陰症。凡雜症陽氣脫陷。與寒氣逼陽於外者。發熱煩燥。口乾作渴。投以薑桂附子之類。津液頓生。煩熱頓退。其應如響。人但不習而察之。

# 參朮膏

治癰疽發背等症。大膿後氣血大虛。急宜用此。

上好人參

半觔切片用水五大碗銀鍋內慢火熬至三碗將渣再煎汁一碗共用蜜絹濾清復熬稠厚磁碗內收貯聽用

雲片白朮

六兩

懷慶熟地

六兩俱熬同上法

以上三膏各熬完畢。各用磁碗盛之。頓入水中。待冷取起。蓋勿泄氣。如患者精神短少。懶於言動。短氣自汗者。以人參膏三匙。白朮膏二匙。地黃膏二匙。俱用無灰好酒一杯。頓熱化服。如脾氣虛弱。飲食減少。或飲食不化者。用白朮膏三匙。人參膏二匙。地黃膏一匙。好熱酒化服。如患者腰膝酸軟。腿脚無力。皮膚手足羸澀枯槁者。用地黃膏三匙。人參白朮膏各三匙。化服。如氣血脾胃相等。無偏勝負者。三膏每各二匙。熱酒化服。此膏用於清晨。並臨睡時。各進一次。自然強健。精神頓生。氣血新肉易生。瘡口易合。若瘡危險。勢大膿多者。可保終無變。



症。夏天炎熱。恐膏易變。分作二次熬用亦好。愈後能服。鬚髮變黑。返老還童。  
清咽利膈湯

治積熱。咽喉腫痛。痰涎壅盛。及乳蛾喉痺。喉癰重舌。或胸膈不利。煩躁飲冷。大便秘結等症。

連翹

黃芩

甘草

桔梗

荊芥

防風

黨參錢各一

大黃

朴硝錢各二

水二鍾。煎八分。食遠服。

人參五味湯

治氣血勞傷。咳膿。或咯血。寒熱往來。羸瘦困乏。一切虛損之症。並效。

人參

五味子

前胡

陳皮

白朮

桔梗

當歸

茯苓

熟地

甘草各一錢

黃耆

地骨皮

桑白皮

枳殼

柴胡各五分

水二鍾。薑三片。煎八分。食後服。

### 人中白散

治小兒口疳走馬疳。及牙齦腐爛黑臭者。極效。

人中白溺壺者佳煨紅二兩

孩兒茶一兩

黃柏

青黛各末六錢冰片五分

共研極細。先用溫湯漱淨。吹藥疳上。日用六七次。藥涎從外流為吉。內收涎毒入裏為凶。

### 珍珠散

治下疳皮損腐爛。痛極難忍。及諸瘡新肉已滿。不能生皮。又湯潑火燒。皮損肉爛。疼痛不止者。

青缸花

五分如無用頭刀錠花輕虛色翠者代之終不及缸花爲妙

珍珠一錢不拘大小以新白爲上真輕粉一兩

右三味。共研千轉。細如飛麵。方入罐收貯。凡下疳初起。皮損搽之即愈。腐爛疼痛者。甘草湯洗淨。猪脊髓調搽。如諸瘡不生皮者。用此乾搽。即可生皮。又婦人陰蝕瘡。或新嫁內傷痛甚者。亦用此搽極效。湯潑火燒痛甚者。用紅膏調搽之。普濟消毒飲

治疫癘憎寒壯熱。頭面腫盛。目不能開。上喘咽喉不利。口乾舌燥。俗云大頭瘟病。諸藥不效。元泰和二年。東垣製以濟人。活甚衆。時人皆曰天方。

黃芩酒炒

黃連酒炒各五錢

人參三錢

橘紅

元參

生甘草

桔梗

柴胡各二錢

薄荷葉

連翹

牛蒡子

馬屁勃錢各一

白殭蠶炒

升麻各七

右爲細末。半用湯調。時時服之。半用蜜丸。噙化服盡良愈。或加

防風

川芎

當歸

薄荷

細辛

水二鍾。煎一鍾。食遠稍熱服。如大便艱。加酒蒸大黃一二錢以利之。或熱腫甚者。以針砭刺出血。

### 六和湯

治夏秋暑溼傷脾。或飲冷乘風。多食瓜果。以致客寒犯胃。食留不化。遂成痞膈。霍亂嘔吐。及廣南夏月瘴疾。寒熱等證。



半夏

人參

炙甘草

砂仁

杏仁錢各一

赤茯苓

扁豆

藿香

木瓜錢各二

右咬咀。每服五錢。水二鍾。生薑三片。棗二枚。煎溫服。一方有白朮、香薷、厚朴、各一錢。名六和半夏湯。

嘉禾散一名穀神散

治脾胃不和。胸膈痞悶。氣逆生痰。不進飲食。五膈五噎。

白茯苓

砂仁

薏仁炒

枇杷葉去毛  
薑炙

桑白皮炒

沉香磨汁

五味子

白豆蔻

炙甘草

丁香

人參

白朮各五  
分

木香磨汁

青皮

陳皮

杜仲薑汁  
炒

穀芽炒

藿香

大腹皮洗

石斛酒炒

半夏夏炒

神麴炒

隨風子

檳榔各三

右水二鍾。薑三片。棗二枚。煎八分。食遠服。五噎入柿乾一個。膈氣吐逆。入韭白三寸。棗五枚同煎。

遠志酒 能托散諸毒。治女人乳癰尤效。

遠志 不拘多少。用米泔浸洗。槌去心。

右爲末。每服三錢。用好酒一鍾調。少頃澄清飲之。以滓敷患處。

替針丸

治膿成不潰者。

白丁香

礞砂另研

真沒藥

乳香各一

糯米即江四十粒。先以礞灰拳大一塊。置磁碗內。量入井水。待熱氣將息。以米

排入灰中良久。候米如水晶狀。取去用之。如米未就。再用灰製。右各另爲末。然後和勻收貯。用時以飯丸麥粒大。每用一粒。水溼粘瘡頭上。其膿自出。凡瘡瘍血氣壯實。膿成不潰者。宜用此藥以洩其毒。則肌肉易生。瘡口易斂。若氣血虧損者。須用甘溫之劑。以培根本。否則不惟不潰。且難收斂。若附骨疽及緊要之地。當及時針砭爲善。

### 漏蘆湯

治腦疽癰疽。毒盛實者。

漏蘆

黃耆

甘草

連翹

沉香各五錢

大黃一兩微炒

右每服四五錢。薑棗水煎服。

### 破棺丹

治瘡瘍熱極汗多。大渴便秘。譫語發狂。

大黃生三兩半半芒硝甘草各二兩

右爲末。煉蜜九。彈子大。每服一丸。童便酒化下。白湯亦可。

萬金散 一名內托散

治癰疽已潰未潰者。有消毒破血之功。

栝樓一枚碎沒藥一錢大甘草節二錢

右酒二碗。煎去一碗。後入沒藥服。

牛膠散

治癰疽。使毒不內攻。不傳惡證。有益無損。

牛皮膠廣中明者四兩

右用酒一碗。重湯煮化。加酒服至醉。不能飲者加白湯。



會膿散

治惡毒便毒初起妙方。

白芷

殭

蠶炒

川山甲煨各二錢

大黃四錢

乳香

沒

藥錢各一

右爲末。以當歸四錢。用酒水各二鍾。煎一鍾。去渣。量人強弱。或全用。或一半。調服之。此藥若嫌太多。則咬咀爲飲。大黃生加煎服之尤妙。

生脈散

治瘡瘍胃氣虧損。陰火上衝。口乾喘促。或肢體倦怠。肌肉消瘦。面色痿黃。汲汲短氣。汗出不止。食少作渴。或膿水出多。氣血俱虛。煩躁不安。睡臥不寧。或溼熱大行。火土合病。脾胃虛弱。身重氣短。或金爲火制。絕寒水生化之源。肢體痿軟。脚欹眼黑等症。

人參五錢

五味子

麥冬各二錢

水煎服。

### 香連丸

治熱瀉痢疾。赤白膿血。溼熱侵脾。裏急後重。

黃連淨十兩

切如豆粒。用淨吳茱萸五兩。二味用熱水拌和。入磁罐內。置蒸湯中。頓一日。炒至黃連紫色爲度。去茱萸不用。

木香

每製淨黃連一兩。木香二錢半。

右爲末。醋糊丸。桐子大。每服七十丸。食前空心米飲下。

### 滋腎丸

降腎火。桂與火邪同體。此寒熱用法也。凡不渴者。病在下焦。宜用之。良方云。或腎虛足熱。小便不利。肚腹腫脹。皮膚脹裂。眼睛突出。此神劑也。

黃柏二兩酒拌陰乾 知母同上 肉桂二錢

右爲細末。熟水爲丸。百沸湯空心送下二百丸。

### 小柴胡湯

治邪在肝膽。半表半裏之間。寒熱往來喜嘔。或日晡發熱。脇痛耳聾。鬱怒痰瘧等證。按古方較重。今方減用。

柴胡錢二三 半夏 人參 黃芩各一錢

生薑 甘草五分七 大棗五枚七

水煎溫服。若胸中煩而不嘔。去半夏。人參。加栝樓實。若渴者。去半夏。加人參。栝樓根。若腹中痛者。去黃芩。加芍藥。若脇下痞硬。去大棗。加牡蠣。若心下悸。小便

不利者。去黃芩。加茯苓。若不渴。外有微熱者。去人參。加肉桂。溫覆取微汗愈。若  
欬者。去人參。大棗。生薑。加五味子。乾薑。

加味逍遙散

治瘡瘍肝脾血虛。內熱發熱。或遍身搔癢寒熱。或肢體作痛。頭目昏重。或怔忡  
煩赤。口燥咽乾。或發熱盜汗。食少不寐。或口舌耳內作痛。或胸乳腹脹。小便不  
利。

當歸

芍藥

白朮

茯苓

丹皮

柴胡各等分

甘草

梔子各七分

薑水煎服。

三品錠子

上品 去十八種痔。



白明礬二兩

白砒五錢

乳香

沒藥各半

牛黃三錢

中品 去五漏。及翻花瘤氣核。

白明礬二兩

白砒三錢

乳香

沒藥各半

牛黃二錢

下品 治療癰氣核。疔瘡發背。腦疽諸惡證。

白明礬二兩

白砒半兩

乳香

沒藥各半

牛黃三分

右將砒末入紫泥罐內。次用礬末蓋之。以炭火煅令烟盡取出。並各藥俱研極細末。用糯米糊和爲挺子。狀如線香。陰乾。絰瘡內三四次。年深者五六次。其根自腐。如瘡露在外。更用蜜水調搽。乾上亦可。

嘗有一老嫗。用此治療癰。索重價始肯治。其方法乃是中品錠子。經瘡內。以膏藥貼之。其根自腐。未盡再用。去盡更搽生肌藥。數日即愈。人多異之。凡見其治氣血不虛者果驗。惟氣血虛者。雖潰去亦不能愈。蓋此與必效散相為表裏。皆攻毒去邪之藥也。

### 如神千金方

治痔無有不效。

好信石

黃明者三錢打如豆粒

明白礬

一兩為末

好黃丹

飛炒五錢

蠟

梢上七個洗淨瓦焙乾為末

草

烏生光實者去皮研五錢

右用紫泥罐。先將炭火煨紅。放冷拭淨。先下明礬燒令沸。次下信入礬內拌勻。文武火煨。候沸再攪勻。次看罐通紅烟起為度。將罐掇下。待冷取研為末。方入黃丹草烏蠟梢三味。再同研極細。以磁罐收貯。如欲敷藥。先煎甘草湯或葱椒

湯洗淨患處。然後用生麻油調前藥。以鵝毛掃藥痔上。每日敷藥三次。必去黃水如膠汁。則痔頭漸消。其年遠者。不出十日可取盡。日近者俱化為黃水。連根去淨。更搽生肌之藥。凡五痔皆可去之。此乃臨安曹五方為高宗取痔。封曹官至察使。

透骨丹

此潰膿藥。外科不可缺。

蟾酥

礪砂

輕粉

巴豆各五錢

蝸牛二個

麝香一分

右先將巴豆研如泥。次入蝸牛麝香再研。後入各藥研極細。以小磁瓶收藏。每用少許。以乳汁化開。先用針輕輕撥破毒頭。挑藥米粒許。納於瘡口。外用清涼膏貼之。

金銀花酒

治一切癰疽發背。疔瘡喉痺等證。

金銀花藤葉搗爛。取汁半鍾。和熱酒半鍾溫服。甚者不過三五服。可保無虞。

烏金膏

治發背中央肉死。塗之即腐。未死塗之即生。若初起腫痛。用點數處。則解毒頓消。若瘀肉腐黑。塗之即潰。若惡瘡頑瘡。元氣無虧。久不收斂者。內有毒根。以紙撚蘸絛其內。有等發背。因元氣虛弱。或因尅伐。元氣虧損。毒氣散漫。中黯外赤。不腐不潰。須服大補之劑。中塗三四寸許。至五六日間。赤黯之界。自有裂紋如刀劃之狀。中央漸潰腐脫。內用純陽之藥。以接元氣。庶能收斂。若妄用刀鍼去肉出血。則陽隨陰散。元氣愈傷。或塗涼藥。則毒氣不解。氣血愈虛。非徒無益。適以害之矣。其方用巴豆肉炒黑。研爲膏。點腫處。或塗瘀肉上。則自化。或加乳



香少許亦可。如塗瘡肉。或加香油少許。調稀可用。若餘毒不斂者。以此絰之。不致成痛。

車螯散

治癰疽初發腫痛。或少年熱盛。發背等症。急宜宣毒。利下熱退為度。大人小兒。四季皆可服之。

紫背車螯一隻鹽泥固臍火煨通紅地上出火毒用

輕粉

甘草各二錢

大黃五錢

黃芩

漏蘆去鬚

瓜根各半兩

右為末。每服二錢。薄荷湯下。速利。酒亦可。

蠟礬丸

服過一兩以上。無不取效。最止疼痛。不傷臟腑。活人不可勝數。

白礬一兩

黃蠟半兩

白蜜二錢

右和丸。如桐子大。每服十九丸。加至五十丸。溫酒送下。如未破即消。已破即合。一日服百粒。則有效能。防毒氣內攻。尤能護膜。始終須服半觔。瘡愈後服之尤佳。治蛇咬。溶化白礬。乘熱滴傷處。痛即止。一方用明礬飛過研細。以雞子二個取清。調礬末稀稠如糊。用無灰陳好酒放開服之。膿未成者即消。已成者從大。小便出。神效。其功大勝黃礬丸。

### 五香連翹湯

治諸瘡腫。初覺一二日。便厥逆。咽喉塞。發寒熱。

沉香

木香

麝香

丁香各一兩

乳香二兩

連翹

射干

升麻

獨活

桑寄生

甘草炙各一兩

大黃半兩

木通二兩

右咬咀。每服五錢。水鍾半。煎七分。溫服取利。按丹溪曰。精要第一論云。不問癰疽瘡癤。虛熱冷熱。先與內托散。五香連翹湯。沉麝湯等諸方。不冷不熱。不問老幼少壯。陰陽虛實冷熱。多服爲妙。夫癰疽瘡癤。臟腑陰陽。有淺深虛實冷熱。用藥有補瀉溫涼。老幼少壯。其稟受厚薄。形志苦樂。隨年而增損。奈何欲以不冷不熱。四五方而通治之。又以多服爲妙。此不能無疑也。學者當審經絡。察病機而處治。豈可仗此爲通治之法乎。

隔皮取膿法

治諸般腫毒。

驢蹄細切一兩

蕎麥麵一兩

白鹽半兩

草烏四錢

右爲末。水調作餅子。慢火炙黃。出火毒。研。米醋調成膏。用白紙攤貼患處。毒自毛竅而出。其腫自退。

滴滴金 治疔瘡

硃砂

輕粉

人言

雄黃

硃砂

麝香少許

右爲細末。每用些少。先以針刺開瘡頭貼藥。黃水出效。

拔黃藥

治疔瘡走黃。

用蟾酥飛羅麵爲丸。梧桐子大。可將一丸放在面前舌下。卽時黃出。

追膿錠子藏海膿內潰不出。此藥追之。

雄黃二錢

巴豆肉半一錢

輕粉一字

共爲細末。飯和成錠。

治疔破棺丹



疔瘡走黃不止。

當歸

赤芍藥

山梔子

牽牛各二兩半

連翹

牡蠣

金銀花

紫花地丁

京三稜

甘草各二兩

便秘加大黃三兩

右爲細末。煉蜜和丸。如彈子大。每服一丸。食前用童便化開服。忌飲酒及生冷硬物。

治暑天癰瘡方

朴硝開水泡洗。三二次愈。

小兒走馬牙疳

桑樹白汁。擦之自愈。永不再發。

外科選要終

〔清〕

張貞庵

著輯

外科醫鏡

中國醫學大成

## 外科醫鏡提要

清、張正撰。正字貞庵。浙江嵯縣人。嘗蒐集其生平外科治驗諸症。一切癰毒陰疽。濕痰流注。骨槽風。對口。喉癰。眼生障翳。陰虛目痛。鼻淵腦漏。鼻內生疔。反脣疔毒。虛實牙痛。舌癰。舌上出血。懸癰時毒。喉痛陰虛咽瘡。陰火喉痺。婦人各乳病。臂癰。指疔。大小腸癰。男女二陰諸瘡。腳氣足疔。孕婦陰疽。產後癰毒陰疽。痘後癰疽。湯傷。金瘡破傷風。癩狗毒。毒蛇咬。膏藥類方。隔蒜灸法等。著成外科醫鏡一卷。凡緊要外瘍。俱已論列。惟瘡有變證。方宜化裁。善在心領神會。方能藥到病除耳。

## 表序

醫之道下儕於藝。上通乎儒。與天地權生息之機。爲國家培治與之本。貴綦重焉。事綦難焉。內科然。外科亦何獨不然。余先嚴以儒理究心方脈。頗行世。粵孽旣清。後。命余旁通醫術。謂可全己全人。爾時雲程思渴。喜習科舉文。未遑讀刀圭書。遂不果。迄今年近甲籙。蓆帽依然。二十年來。走俗抗塵。毫無寸進。惟是閒覽方書。學范文正公之存心。不取值。不誇功。求診者亦絡繹戶外。至談醫則不敢知。誠重之也。誠難之也。張君貞庵。世業儒。上承祖硯。積學能文。行醫非其志。緣母氏患臀疽外症。遂習外科。雖未必擅湔腸刮骨之能。著理腦解顱之效。而五行明理。六氣辨淫。膏丹精潔。應手卽瘥。董仙之名頗譟。有時採摭前賢之精義。考驗心得之元微。自成一家言。以儒爲醫。析理若鏡。名曰外科醫鏡。謂鏡吾之得失焉可。卽謂鏡人



之死生焉亦無不可。夫祕術不宜者。庸醫之窄量也。著書行世者。良醫之苦心也。張君玉字親編。金鍼暗度。雖僅寸鱗片爪。而同春妙手。已見一斑。余縱不習見張君之醫。明鏡不疲屢照。而卽此爲母學醫孝也。以醫濟世仁也。仁孝性成。其視余之重拂親心。老大而仍不知醫者。相去何如耶。書旣成。將付剞劂。問序於余。夫余之於是科。固東坡所云扣槃捫燭者也。烏乎序。然張君旣抱道而隱於醫。對症檢方。高懸醫鏡。倪日廣其所傳。以作救世慈航。行見消疹氣之流行。躋斯民於仁壽。必有不僅以醫名世者。是編特其嚆矢焉耳。余之敏。樂援筆而爲之序。

時光緒癸未季秋下澣歲進士候選訓導侍生裴光照日林氏題贈

# 自序

予不幸幼失怙。承大父訓。習舉業。思以儒自見。歲戊午秋。慈親患臀疽。診之諸方家。悉急外治。於本原上並不究心。綿延幾一歲。不能效。母氏頗憤甚。顧謂予曰。若輩誤我。兒其幹此事。無使患是者受母苦。余思醫不任醫。猶誤人於此。則儒不任儒。其誤天下。當如何耶。遂危儒術。從母命。日萃靈素內典。下逮百家諸書。凡外形者。必洞其內蘊。於虛實陰陽。毋少昧。後散施其技於人。人往往得少治。余故檢經驗數過者。無論古所有。今所創。悉哀成一帙。簽之曰醫鏡。蓋實欲自鏡其得失焉。予客春患咯血瀕危。奉母氏祝天發願。公是書。遂霍然愈。余意病適當愈耳。不則必母氏誠感也。豈天竟欲使予以此術見邪。余於是書固不吝。特恐余之誤人不自知者。轉使人復誤人也。則與向之業儒不任儒。卒以誤天下也何異。余是以躊

躋至今也。適宋君子雲見之。力勸余成母志。今因自署其顛末。竊又願世之不余誤者。并能匡余所誤焉。幸甚。

時光緒癸未仲秋清河貞庵氏書於剡山麓之鶴年堂

# 外科醫鏡目錄

癰疽提綱	一
癰疽真假例論	二
降癰活命飲	三
托裏散	三
托裏無憂散	四
托裏十宣散	四
轉陽化毒湯	四
補正理癰湯	五
陽和湯	五

陽和救急湯	六
十補保真湯	五
固本異功煎	七
陽和二陳湯	七
陽和化堅湯	八
陽和救絕湯	八
茄蒂飲	八
托裏化毒散	九
敷藥方	九



七聖湯·····	九
扶危固本湯·····	九
化毒漏蘆飲·····	一〇
消障救目湯·····	一〇
碧雲散·····	一一
滋陰養目湯·····	一一
經驗方·····	一一
參茸地黃湯·····	一二
化疔漏蘆湯·····	一二
救脣湯·····	一三
化疔救脣湯·····	一三

玉女煎·····	一三
清胃飲·····	一三
滋陰地黃湯·····	一四
救舌湯·····	一四
涼血四神煎·····	一五
解毒地黃湯·····	一五
荊芥敗毒散·····	一五
涼膈散·····	一六
犀角消毒飲·····	一六
普濟消毒飲·····	一六
調理方·····	一七

增補消毒飲	一七
又神方	一八
鎮陰地黃湯	一八
引火湯	一九
抑火湯	一九
調理方	一九
增補引火湯	二〇
清露飲	二〇
引陽潛陰湯	二一
瓜蔓散	二一
又方	二一

一粒仙丹	二二
和乳養營煎	二二
通乳湯	二二
解懸湯	二三
陽和化毒湯	二三
完臂湯	二三
衛臂散	二四
銀花解毒湯	二四
又新方	二五
又方	二五
滌腸湯	二五

五利大黃湯	二六
又方	二六
泄毒八正散	二六
疏濬飲	二六
又方	二七
理疝至奇湯	二七
又新方	二七
宣毒散	二七
祛毒至神湯	二八
提肛湯	二八
泄毒救莖湯	二八

五寶散	二九
暗治飲	二九
逍遙八物湯	二九
漏癢湯	三〇
仙遺糧湯	三〇
升氣去濕湯	三〇
顧足湯	三一
順導湯	三一
全趾飲	三一
托裏完趾湯	三一
扶正驅邪散	三一

加減補中益氣湯	三二
陽和湯	三三
消癰護產湯	三三
回陽救產湯	三四
大溫中飲	三四
荆防地黃湯	三五
解毒至神湯	三五
又方	三六
潑火湯	三六
祛痛散	三六
又方	三七

勝靈丹	三七
二妙膏	三七
玉真散	三七
奪命飲	三八
地榆敗毒散	三八
捷徑方	四〇
祛毒散	四〇
百順膏	四〇
清和膏	四一
靈應膏	四二
紫金膏	四二



外科醫鏡 目錄

隔蒜灸法……………四三

洗心滌慮良方……………四四

---

# 外科醫鏡

清 嵯縣 張 正貞庵著輯

鄞縣 曹赤電炳章圈點

## 癰疽提綱

內經曰。諸痛癢瘡。皆屬於心。蓋心主血而行氣。氣血凝滯而發毒。治宜先辨陰陽。若腫焮痛甚。煩渴飲冷。發熱便閉。脈洪數而實者。爲陽證。雖嚴冬必用清涼。以解熱毒。若不腫不痛。脈細惡寒。嘔吐不食。泄瀉盜汗。四肢厥冷。是爲陰證。雖盛夏必用辛熱。以助陽氣。若微腫微痛。似潰不潰。時出清膿者。爲半陰半陽之證。亦用辛熱以補胃氣。此治法之大要也。又有用寒違寒。用熱違熱。假者反之。雖違其時。必

從其證。若執常法。無不誤矣。癰疽二毒。陰陽各殊。紅癰乃陽實之證。氣血寒而毒凝。斯二證判。若霄壤。治法一誤。不啻冰炭之相投。予歷閱方書。多以癰疽並治。蒙混之極。貽害無窮。業是科者。可不審諸。今將癰疽類方。臚列於左。

### 癰疽真假例論

前篇言陰陽者。有表裏虛實寒熱之變。雖病情已見其梗概。而陰陽之中。又有真證假證之辨焉。真

者陽也。皆火毒也。而或有似陰之象。假者陰也。皆寒疽也。而或有似陽之象。因遇此易疑。故再悉其蘊於左。

一瘡口高突。作疼止有一點。黃頭露形者。此真象也。

一瘡口作癢。既而變痛。今世俗傳說癰癢痛。謂陰證癢。陽者非也。旁出無數小頭。大勢平陂。而無高突

之狀。止現圓圓一線之紅影。或脈來急數者。此假象也。凡患虛甚者。脈多數此。當以表裏虛實辨陰陽。

不可因其脈數誤認熱證。○數與速同。

一膿出紅黃而作痛者。真象也。

一膿出不多。形色紫黑。或瘡口作黯淡之狀。不痛不癢者。此假象也。

一瘡將收口。雲蒸霧起。肉擁皮皺。雖或有膿。而黃紅中有膿。旁無膿者。此真象也。

一坎陷色滯。膿少血多。兩旁皮膚全無潤澤之氣。或外邊皮肉生滿。而中央仍復作疼。或中不滿而作癢。旁反痛者。皆假象也。

降癰活命飲<sup>新方</sup>

治一切癰毒。

發背及無名等證初起即消已成即潰百發百中此余新定首方也

金銀花 一兩

當歸 五錢

生黃耆 三錢

甘草 二錢

乳香 二錢去油

沒藥 一錢去油

白芷 一錢

防風 七分

山甲 三片炒

黃明膠

五錢即牛皮膠用蛤粉拌炒成珠此味較古之蠟鑿丸更勝

酒水各半煎服。

托裏散<sup>新方</sup>

治同前證。

已成未潰者服之不傳惡證

人參 三錢

生黃耆 五錢

當歸 三錢

甘草 二錢

製乳香 一錢

製沒藥 一錢

山甲 三片炒

牛皮膠

五錢黃明者佳用牡蠣粉

炒成珠

酒水煎服。



外科醫鏡 托裏無憂散 托裏十宣散 轉陽化毒湯

四

托裏無憂散<sup>方新</sup> 治同前證。

金銀花 一兩

人參 五錢

生黃耆 五錢

黃明膠<sup>五錢炒成珠</sup>

甘草<sup>三錢</sup>

山甲<sup>三片</sup>

當歸 三錢

酒水煎服。

托裏十宣散<sup>方新</sup>

治同前證。<sup>外因風寒感冒內因氣血虛損</sup>

人參 三錢

生黃耆 五錢

當歸 三錢

官桂 五分

川芎 八分

防風 一錢

白芷 一錢

山甲<sup>三片</sup>

黃明膠<sup>五錢炒珠</sup>

甘草<sup>二錢</sup>

酒水煎服。

轉陽化毒湯<sup>方新</sup>

治前證已潰。<sup>誤服涼劑傳</sup>

人參 五錢

黃耆<sup>五錢</sup>

遠志 三錢

金銀花 一兩

生甘草 三錢

肉桂<sup>一錢寒甚倍用</sup>

黃明膠<sup>五錢炒成珠</sup>

水煎服。<sup>年一孔連茹背</sup>

<sup>患一毒膿出反疼醫者不解涼劑罔效再加大黃下之變證蜂起延予診視</sup>  
<sup>瘡色灰陷泄瀉不止予曰潰後臟腑已腐復為誤下所傷耳遂以前方倍用</sup>

肉桂與服一劑而痛止十劑諸證悉愈陳良甫曰續後一毫涼毒不可喫朱丹溪又曰補托元氣為主此古法昭然若輩竟置之不論視人命如草菅可也慨也

補正理癰湯方新

治同前證。氣血虧損膿水淋漓久而不愈者。○歸人血脈虛弱尤屬相宜

人參三錢

當歸三錢

炒白朮三錢改用山藥

茯苓二錢

甘草二錢

黃耆五錢鹽水拌炒

肉桂一錢

川芎八分

熟地五錢

牛皮膠五錢炒珠

薑引水煎服。愈後立

牛肉切切

陽和湯許真君

治一切陰疽。發背對口流注痰核癰瘰失榮乳癖橫痃附骨石疽等證此第一神方也

懷熟地一兩

鹿角膠三錢

白芥子二錢

生甘草此一味俗本方無

上搖桂一錢

炮薑五分

淨麻黃五分

酒水各半煎。去滓用鹿角膠化溶。和搖桂冲服。或隨量再飲酒數盃。謹戒房

事服至病愈為止。無論冬夏皆宜。不可妄行增減。若體虛極者。肉桂、炮薑可加一二倍用。或加附子更妙。按瘍科別錄所載陰疽諸方。皆不及此。存心濟世者宜寶之。

陽和救急湯

方新

治前證發背。已潰膿腐。或誤服涼劑。傳

大熟地一兩

鹿角膠三錢

白芥子二錢

上瑤桂二錢

附子錢一二

炮薑錢一二

人參錢三五

當歸三錢便溏改用冬朮

水煎服。如大便溏泄者。加北五味。粒廿

十補保真湯

方新

治同前證。膿血大潰。精神耗損。或年邁素稟虛弱。或涼藥剋伐。太甚。瘡形瀉慘。陰寒至極。等證。〇痛叶匹莧切音警。

肉枯貌

大熟地一兩

山藥三錢

枸杞三錢

山萸肉三錢

鹿角膠三錢

白芥子二錢

人參錢三五

當歸三錢便溏者忌之或改用

冬亦可

搖桂錢一二

附子錢二三

水煎服。如便泄甚者。

加補骨脂。三錢酒炒

固本異功煎<sup>新方</sup> 治同前證。續爛不堪氣血虧損或因涼藥尅伐嘔吐泄瀉形狀狼狽危極等證此參天救本之功有難以盡述者也

大熟地五錢

白朮三錢

山藥三錢

人參三錢

生黃耆三錢

枸杞三錢

萸肉三錢

補骨脂二錢

棗仁<sup>二錢炒</sup>

甘草<sup>二錢生</sup>

上搖桂二錢

淡附子一錢

或加炮薑一錢

水煎服。

陽和二陳湯

治濕痰流注。耳後陰疽骨槽風乳疽等證少腹緩疽尤驗

半夏<sup>三錢九製佳</sup>

廣橘紅三分

白芥子<sup>二錢骨槽風改用殭蠶</sup>

茯苓二錢

甘草<sup>一錢生</sup>

上搖桂一錢

炮薑五分



外科醫鏡 陽和化堅湯 陽和救絕湯 茄蒂飲

八

淨麻黃三分

水煎服。取陽和丸以配二陳湯故名之

陽和化堅湯方新

治骨槽風證。

鹿角膠五錢

炒殭蠶搜風二錢

白芥子二錢

甘草生一錢

上搖桂一錢

炮薑五分

麻黃三分

酒水煎服。

陽和救絕湯方新

治同前證。誤服涼劑致肌肉堅凝腐臭者

人參三錢

白朮三錢

茯苓三錢

製半夏三錢

廣橘紅三分

殭蠶炒二錢

甘草生一錢

上搖桂一錢

炮薑五分

淨麻黃三分

水煎服。

茄蒂飲 治對口癰毒。

鮮茄蒂七個白種更佳

鮮何首烏一兩

水煎服。二三劑。未成即消。已破能拔膿

生肌收口。雖患盤八九寸大者亦效。

托裏化毒散<sup>方新</sup> 治同前證

鮮何首烏一兩 當歸三錢 甘草<sup>二錢生</sup> 沒藥一錢

乳香一錢 茄蒂<sup>七個乾者倍用</sup> 人參三錢 黃耆<sup>五錢生</sup>

水煎服。

敷藥方 治同前證。

活鯽魚<sup>一尾去腹雜與鱗</sup> 百齒霜<sup>三錢即婦人髮垢</sup> 或加獨核肥皂<sup>一個去核弦筋無則用雄猪眼梢肉亦可</sup>

共搗爛。厚敷患處。不論初起已潰。留一孔出氣。一二日即愈。

七聖湯<sup>方新</sup> 治對口陰疽。<sup>俗云落頭疽也</sup>

人參五錢 黃耆<sup>五錢生</sup> 當歸三錢 何首烏一兩

白芥子二錢 上猺桂一錢 鹿角膠五錢 水煎服。

扶危固本湯<sup>方新</sup> 治同前證。<sup>爛延纏頸歷久不愈者</sup>

大熟地五錢

何首烏五錢

當歸三錢○便糖改用  
山藥或冬朮亦可

人參三錢

黃耆三錢生

枸杞三錢

山萸肉三錢

鹿角膠三錢

白芥子二錢

生甘草二錢

上瑤桂二錢

淡附子二錢

炮薑一錢

水煎服。

化毒漏蘆飲新方

治喉外生癰。與喉內  
癰同治。

漏蘆二錢

連翹二錢

元參二錢

牛蒡子二錢

大黃隨證  
酌用

生甘草八分

犀角一錢此味不可  
用升麻代之

黃芩一錢

藍葉或青黛  
亦可

水煎服。如腫熱甚。加芒硝。

消障救目湯王普

治眼生障翳。

石蟹錢半生  
研末

連翹錢半

羚羊角一錢

草決明一錢

白蒺藜一錢

防己一錢

羌蔚子一錢

龍膽草五分  
酒炒

木賊草五分

甘菊花八分

水煎服。無論努肉及紅筋白膜雲翳等

眼證。驗試如神。百發百中之秘方也。惟體虛者忌服

碧雲散 治同前證。

鵝不食草二錢 石胡荽一錢

川芎一錢

共為細末。令患者先

含溫水一口。將藥少許嚥入鼻中。或新白布泡水蘸藥入鼻中亦可以淚出為度。數次即愈。

滋陰養目湯 治陰虛目痛。

大熟地五錢

山萸肉五錢

葳蕤五錢 玉竹一錢

枸杞子三錢

甘菊花三錢

當歸三錢

白芍三錢

柴胡五分

車前子二錢

白芥子二錢

水煎服。

經驗方 治鼻淵腦漏。是證也鼻流濁涕不止名曰鼻淵乃風熱燥腦而液下移此腎虛之證也經曰腦滲為涕又曰腦移熱於腦原病式

日如以火燥金熱極則化為水然究不得下降併於孔竅轉為濁涕津液為之無所畏上迫肺金由是津液之氣不降併於孔竅轉為濁涕津液為之



逆流矣治當  
以此方主之

刀豆子一名挾劍豆味甘平無毒煨存性爲末。用酒白湯亦可調服三錢。甚者不過三服即愈。

此方取其納氣歸元而漏自止也

參茸地黃湯方新 治前證久漏。

懷熟地 一兩

山萸肉 四錢

山藥 四錢

白茯苓 三錢

丹皮 三錢

澤瀉 三錢

人參 二錢

鹿茸 二錢或用鹿角膠亦可

水煎服。

化疔漏蘆湯方新 治鼻內生疔。

漏蘆 錢半

白藜 一錢

黃芩 一錢

連翹 一錢

犀角 一錢

赤芍 一錢

桔梗 一錢

甘草 八分

水煎服。

救唇湯 治反唇疔毒。

紫花地丁一兩

金銀花一兩

白果去廿個

桔梗二錢

甘草生二錢

知母一錢

水煎服。此方並治頭面口角疔不論已潰未潰皆效

化疔救唇湯方新 治同前證。

金銀花五錢

鮮生地三錢

白果去十個

桔梗二錢

當歸二錢

赤芍一錢

犀角一錢

生甘草一錢

水煎服。心法曰凡疔生唇上即看腿彎委中穴有紫筋起者急用銀鍼刺出血亦愈因並錄以備參用

玉女煎 治實火牙痛。

石膏五錢

知母二錢

元參二錢

生地三錢

麥冬三錢

水煎服。

清胃飲方新 治同前證。

元參三錢

生地五錢

麥冬三錢

骨碎補一錢

山藥三錢

茯苓三錢

丹皮二錢

天花粉八分

水煎服。

滋陰地黃湯 治虛火牙痛。

大熟地一兩

毛薑四錢即骨碎補

山藥四錢

茯苓三錢

牡丹皮三錢

澤瀉三錢

麥冬三錢

北五味一錢

肉桂隨宜加用

水煎服。

救舌湯 治舌上生癰。

鮮生地四錢

赤芍錢半

牡丹皮一錢

犀角一錢

連翹一錢

麥冬一錢

黑山梔一錢

木通一錢

川連六分

甘草生八分

水煎服。消大便閉實加大黃。

涼血四神煎新方 治舌上出血。

槐花三錢

生地四錢

丹皮二錢

茯苓二錢

水煎服。此方並治重舌甚效

解毒地黃湯新方 治上齟懸癰。

鮮生地四錢功專散血與乾地黃從治稍別

赤芍錢半

丹皮一錢

犀角一錢

黃芩一錢

黃柏一錢

梔子一錢

川連六分

甘草八分生

水煎服。

荊芥敗毒散任瀾

治時毒喉痛。斑疹頭腫藥治風痰咳嗽發熱等證

荊芥錢半

防風錢半

桔梗錢半

赤芍錢半

牛蒡子二錢

金銀花二錢

浙貝母二錢

連翹二錢

薄荷一錢

生甘草八分

青果一個

水煎服。如病勢甚者。



加羚羊角半錢、萬年青一錢、腮腫加馬屁勃錢一、咳嗽加杏仁三錢、痰多加橘紅錢一。

涼膈散任瀾

治前證內陷邪者。

大黃五錢錦文佳

芒硝三錢

連翹三錢

梔子二錢

薄荷一錢

川連六分

甘草八分

水煎服。如火甚者加

羚羊角或犀角。隨宜用之。

犀角消毒飲任瀾

治同前證。喉痛丹痧井項腫如蝦蟆瘟者。

牛蒡子二錢

金銀花二錢

連翹二錢

梔子二錢

荊芥錢半

赤芍錢半

僵蠶錢半

生甘草八分

犀角一錢

柴胡一錢

萬年青一葉

水煎服。如大便閉結。

加生大黃錢四

利之。

普濟消毒飲任瀾

治同前證。井二便閉結若通利而病勢重者亦宜之。

羚羊角三錢 知母三錢 連翹三錢 生大黃三錢  
 牛蒡子二錢 僵蠶二錢 薄荷錢半 川連六分  
 馬屁勃八分 生甘草八分 水煎服。如病勢甚者。即加犀角、牛蒡子、大黃。  
 用倍或加金汁更妙。凡時毒愈後再宜養陰調理兼清涼解毒為  
 主。大忌油麵辛辣及一切發物。調理方見下

調理方任選

小生地四錢 地骨皮三錢 元參三錢 生甘草八分  
 白芍二錢 麥冬去心二錢 丹皮二錢 忍冬藤五錢  
 水煎服。

增補消毒飲 治同前證。

牛蒡子二錢 金銀花二錢 連翹二錢 元參二錢  
 荊芥錢半 僵蠶錢半 桔梗錢半 薄荷一錢

外科醫鏡 又神方 鎮陰地黃湯

一八

板藍根一錢

馬屁勃八分

生甘草八分

水煎服。如病甚便秘

者。去桔梗加生軍。三錢即大黃

又神方

任濕波

治同前證。

荆芥錢半

薄荷錢半

連翹二錢

蟬退一錢

人中黃三錢

西湖柳一兩

忍冬藤一兩

萬年青一葉

水煎服。一二劑後。如病勢不退。即加犀角。錢一生大黃。錢三下之自愈。妙不盡述。

小兒分兩酌量減用

鎮陰地黃湯

章虛谷

治陰火喉痺。

大熟地一兩

山萸肉四錢

山藥四錢

茯苓三錢

丹皮三錢

澤瀉三錢

淡附子一錢

上瑤桂一錢

淮牛膝三錢

牡蠣三錢

水煎冷服。

一儒者年甫卅齡病陰虛喉痛諸醫皆用辛涼之藥不效

此予診之其脈沉細而數大便日行二三予曰此相火上騰兩足必冷察之果然遂以前湯服之一劑知十劑已倘不治其本而妄事從標清理其有幾希矣

引火湯雷真君治同前證。

懷熟地三兩 山萸肉一兩 麥冬去心五錢 北五味二錢

上搖桂二錢或嫌味辣改用附子亦可 淮牛膝三錢 車前子三錢

水煎冷服。倘證純係虛寒而無假陽之候不必冷服恐促亡陽也

抑火湯方新治同前證。

熟地一兩 山萸肉五錢 麥冬五錢 北五味二錢

山藥五錢 茯苓五錢 紫石英三錢 上搖桂一錢

水煎服。

調理方即三陸同補湯 陳建公治同前證。

外科醫鏡 引火湯 抑火湯 調理方



熟地一兩

山萸肉五錢

麥冬五錢

北五味二錢

薏仁五錢

上搖桂二錢

人參一錢

白芥子三錢

茯苓五錢

白朮五錢

水煎服。

增補引火湯 治同前證。

懷熟地三兩

巴戟天一兩

麥冬一兩

五味子二錢

茯苓五錢

水煎服。

清露飲

治陰虛咽瘡。

鄭樞扶曰咽瘡一證乃真陰虧竭相火無制上客咽喉是

也斯時若以六味補水則真水不能驟生以生脈保肺而久炎之肺又非葭麥能療以八味降火而喉中關陝難受桂附之性以滋腎丸互治水火而非葭火不能既濟惟急用此方治之使水火各司乃職得以審其源而安其流能導龍歸海使五行各有相生之象然後再按前方施治自能獲效患者亟宜早圖遲則病入膏肓雖虛扁亦莫如之何矣

熟地二錢

生地一錢

天冬一錢

麥冬一錢

釵石斛八分

枳殼入分

桔梗八分

甘草六分

枇杷葉去毛片

水煎服。

引陽潛陰湯 治同前證。脈弦數尺部獨大者宜之

熟地石粉海

金石斛三錢

北沙參三錢

麥冬三錢

生白芍三錢

龜版五錢

山藥五錢

白茯苓三錢

水煎服。凡陰虛咽瘡不必兼用外治。恐吹藥辛散反增腐爛也。

瓜蒌散新方 治婦人乳癰。又名妒乳

瓜蒌一個

當歸三錢

甘草二錢

乳香一錢

沒藥製一錢

青皮一錢

柴胡八分

遠志錢半

酒水煎服。

又方 治同前證。

外科醫鏡 一粒仙丹 和乳養營煎 通乳湯

二二

土貝母三錢

白芷錢半

乳香一錢

沒藥一錢

歸身二錢

酒水煎服。

一粒仙丹 治同前證。吹乳

巴豆一粒

冰片少許

用飯粘捏成丸。雄黃爲衣。將丸捏扁。貼

印堂。即眉

外以百順膏如錢大蓋之。夏貼三個時辰。春秋冬貼一日。揭去之。

神驗無匹。

和乳養營煎方新 治前證久潰。

當歸三錢

白芍三錢

冬朮三錢

熟地五錢

人參二錢

茯苓二錢

川芎錢半

甘草一錢

香附三錢

夏枯草三錢

水煎服。

通乳湯方新

治乳汁不通。或經絡凝滯將成癰腫者

牡蠣三錢

川貝二錢  
去心

胡桃肉一個

水煎加酒服。

解懸湯 治產婦乳懸。

人參五錢

當歸一兩

川芎五錢

荆芥一錢  
炒黑

益母草五錢

麥冬三錢

炮薑五分

水煎服。

陽和化蟲湯方新 治婦人乳蟲。  
不破則治

鹿角膠五錢  
消聖藥

土貝三錢

白芥子二錢

甘草一錢  
生

上瑤桂一錢

炮薑炭五分

麻黃三錢

胡桃肉三個

酒水煎服。

完臂湯方新 治兩臂生癰。

當歸五錢

白芍五錢

柴胡二錢

羌活二錢

半夏二錢  
製

白芥子二錢

陳皮一錢

秦艽二錢



附子三分 水煎服。

衛臂散 治前證已潰。

黃耆生一兩

當歸五錢

防風一錢

白芥子三錢

白芍五錢

茯苓五錢

熟地五錢

枸杞三錢

薏仁三錢

水煎服。

銀花解毒湯<sup>新方</sup> 治手指疔毒。

金銀花五錢

鮮生地三錢

當歸二錢

赤芍五錢

天花粉二錢

柴胡一錢

黃芩一錢

升麻一錢

犀角一錢

麥冬一錢

知母一錢

生甘草一錢

水煎服。一醫之爲道死生攸係如服我之藥不效或反增劇則必自深痛懲求得病情庶可補過以立功耳歲光緒辛巳春同里史姓婦指患脫

疽狀類疔瘡余一時膚見議進前湯一劑次日復診其腫痛轉甚始悟此屬疽也注當大反前轍改用陽和湯服之一劑知五劑已若醫者立意膠柱竟

無轉計必至禍不旋踵。○陽和湯方見前。

又新方 治同前證。

鮮生地 五錢

麥冬 三錢

紫花地丁 五錢

當歸 三錢

金銀花 一兩

知母 二錢

甘草 二錢

水煎服。外治割切不可。

恐致殞命

又方 治同前證。

雄猪膽 取一個

白礬末 用五分或雄黃

共入鷄蛋殼內攪勻。套患指上。即止痛。

如神。但須擇好雄猪膽。切勿誤用瘟猪及母猪者。

滌腸湯

新方 治大腸生癰。是此證。右足屈即。

大黃 六錢 錦文佳

歸尾 三錢

赤芍 三錢

桃仁 廿粒 去尖

延胡索 二錢

紅花 一錢

木香 八分

冬瓜子 三錢 或肥皂 枝仁亦

外科醫鏡 又新方 又方 滌腸湯

可取其性主滑  
應能滌腸垢也 水煎服。

五利大黃湯方新 治同前證。

大黃六錢 丹皮三錢 冬瓜子三錢 桃仁廿粒

滑石三錢十劑曰滑可去着此味是也 水煎服。如下後虛乏者。宜參用參耆地黃湯。方未載

又方 治同前證。

滑石三錢 皂刺三錢 大黃六錢 水煎服。

泄毒八正散方新 治小腸生癰。左足屈卽是此症

滑石六錢 大黃三錢剉炒 劉寄奴三錢 琥珀末一錢

木通一錢 車前子三錢 甘草三錢生 肉桂用一分不宜多

入膀胱從水道出也 水煎服。

疏濬飲方新 治同前證。

大黃三錢

劉寄奴三錢

琥珀末一錢

生甘草一錢

水煎服。

又方 治同前證。

大黃三錢

皂刺三錢

滑石六錢

水煎服。

理疝至奇湯<sup>新方</sup> 治小腸疝氣。

沙參一兩

白芍三錢

柴胡一錢

橘核一錢

肉桂一錢

穀樹葉<sup>三月三日或五月五日採取陰乾要擇如雲版式者四錢</sup>

水煎服。

又新方 治同前證。

穀樹葉四錢

胡盧巴三錢

蒔蘿小苗香一錢

水煎服。

宣毒散<sup>新方</sup> 治下部便毒。<sup>騎馬癰等證初起膿未成者宜急服之</sup>

外科醫鏡 又方 理疝至奇湯 又新方 宣毒散



外科醫鏡 祛毒至神湯 提肛湯 泄毒救莖湯

二八

大黃生五錢

白芷二錢

山甲炒三片

黃明膠五錢

酒水各半煎服。

祛毒至神湯方新 治騎馬懸癰。

金銀花二兩

人參五錢

當歸五錢

甘草生三錢

牛皮膠五錢

山甲炒三片

大黃五錢 泄瀉真氣後忌用

水煎服。

提肛湯方新 治脫肛下墜。

熟地五錢

黃耆三錢 蜜炙

西黨參三錢

冬朮二錢 土炒

當歸身二錢

茯苓二錢

川芎一錢

白芍一錢

升麻五分

柴胡五分

水煎服。

泄毒救莖湯方新 治陰莖疳蝕。

滑石二錢 甘草梢一錢能緩 扁蓄四錢 水煎服。

五寶散方新 治同前證。

橄欖核二錢 寒水石二錢 上冰片一分 西牛黃一分

廉珠三分無則用煨石決明代之 右共研勻。收儲磁瓶。弗令洩氣。臨時用

麻油調搽。則如濕處神效無比。

暗治飲方新 治婦人陰蝕。又名

當歸五錢 白芍三錢 茯苓三錢 炒梔子錢半

柴胡八分 海螵蛸二錢即 水煎服。

逍遙八物湯方新 治同前證。

人參二錢 柴胡一錢 白芍三錢 歸身三錢

海螵蛸三錢 山藥三錢 茯苓三錢 甘草一錢

外科醫鏡 五寶散 暗治飲 逍遙八物湯 二九

外科醫鏡 漏瘻湯 仙遺糧湯 升氣去濕湯

三〇

肉桂隨宜加用 水煎服。

漏瘻湯 治同前證。

蛇床子一兩 川椒三錢 白礬三錢

水煎乘熱熏之。溫則

洗之。數日即愈。其效如神。宜珍之。

仙遺糧湯 治楊梅毒瘡。

土茯苓一兩 金銀花五錢 薏仁二錢 僵蠶二錢

宣木瓜二錢 白蘚皮一錢 木通一錢 肥皂核去殼七粒按別錄載用皂

角子亦其類也 水煎服。無論久近輕重。潰爛穿頂。及誤用輕粉致害者。悉

能治之。忌食諸物未載

升氣去濕湯 治脚氣下注。

人參三錢 白朮三錢 黃耆生一兩 防風一錢

肉桂一錢 薏仁五錢 芡實五錢 陳皮五分

柴胡一錢 茯苓五錢 半夏二錢 水煎服。

顧足湯 治同前證。

黃耆一兩 薏仁一兩 芡實五錢 白朮一兩

茯苓五錢 肉桂五分 防風五分 車前子五錢

白芥子三錢 水煎服。

順導湯<sup>方新</sup> 治脚氣衝心。此證狀類傷寒切勿誤治

茯苓五錢 澤瀉五錢 肉桂三分 木瓜一錢

吳茱萸一錢 車前子三錢 水煎服。

全趾飲<sup>方新</sup> 治足趾疔毒。趾作指亦

淮牛膝三錢 鮮石斛三錢 金銀花一兩 元參五錢



外科醫鏡 托裏完趾湯 扶正驅邪散 加減補中益氣湯 三二

甘菊花五錢 當歸五錢 茯苓三錢 生甘草二錢

水煎服。

托裏完趾湯<sup>方新</sup> 治前證已潰。

人參二錢 黃耆<sup>五錢生</sup> 遠志<sup>三錢去心</sup> 金銀花一兩

茯苓三錢 牛膝三錢 釵石斛三錢 水煎服。

扶正驅邪散<sup>方新</sup> 治孕婦足腫。<sup>一名子氣非水也俟分挽後勿藥亦愈</sup>

白朮二錢 當歸二錢 人參一錢 香附<sup>一錢炒</sup>

烏藥一錢 木瓜一錢 茯苓一錢 陳皮五分

紫蘇五分 甘草<sup>五分炙用</sup> 生薑三片 水煎服。如脾氣虛弱

者。宜後方補中益氣湯。

加減補中益氣湯 治同前證。

人參五錢 白朮五錢 當歸三錢 生黃耆三錢

甘草五分 柴胡一錢 升麻三分 陳皮三分

茯苓一兩 水煎服。

### 陽和湯 治孕婦陰疽。

熟地一兩護胎聖藥 鹿角膠三錢 白芥子二錢 甘草一錢

上搖桂一錢 炮薑五分以上二味本草註明墮胎之患經所謂有故無殞是也

麻黃五分 水煎服。予診之脈遲而弱此陰寒沉困之候議用前湯治

之馬某駭曰婦人重身輒用麻黃發表及薑桂熱藥得毋有礙於胎乎余曰有故無殞何必過慮某曾猶豫莫決卽另延數醫皆曰以保胎爲主薑桂大非所宜竟襲安胎之劑與服直至腰痠腹痛胎動不安復延予診閱其前醫方案而戒之曰藥與病相違何能濟事仍令服陽和湯一劑胎安五劑膿潰十劑痊癒內經所謂治病必求其本洵哉斯言

### 消癰護產湯方新 治產後癰毒。

歸一兩

川芎五錢

金銀花五錢

蒲公英三錢

荆芥一錢

生甘草二錢

水煎服。

回陽救產湯方新

治產後陰疽。

人參三錢

當歸一兩

川芎五錢

荆芥一錢

上搖桂一錢

益母草三錢

水煎服。

大溫中飲

治痘後陰疽。

經云痘稟於陰而後成於陽譬之種豆必賴天氣陽和地上溫暖而後發生人身之痘亦猶是也痘之

將出全仗真陽托送斯時總宜培補氣血疎通經絡毒氣盡化為膿痘後無餘毒矣痘師不明此理皆謂涼藥可以解毒豈知痘乃胎中陰毒得陽氣則行得涼藥則滯毒氣因涼藥留滯於肌肉之間痘後所以發為大疽名曰痘毒皮色不變者居多當以此方治之其色紅而帶紫者用荆防地黃湯愈之然陰證多陽證少痘後並未見有陽證之毒也

熟地五錢

冬朮三錢

山藥三錢

西黨參三錢

生黃耆二錢

白芥子一錢原方用柴胡恐其清利故易之

甘草生一錢

上搖桂一錢

炮薑五分

淨麻黃五分

水煎服。一滿頭潰爛名後

日虛陽貫頂又曰髮疽清膿血水經年不愈此乃出痘時誤服涼藥中宮受寒陽無所依上衝頭頂譬之火爐中以水澆之則熱氣必上衝其理一也宜

用大溫中飲與大補元煎相間服之引火歸元十劑可愈○大補元煎方未載

荆防地黃湯莊在田

治痘後癰毒。此證不多見方亦備參

熟地四錢

山藥二錢

丹皮一錢

茯苓一錢

山萸肉一錢

荆芥一錢

防風一錢

甘草一錢

水煎服。

解毒至神湯方新

治漆瘡腫腐。木形人每患此證

元參二錢

知母二錢

石膏二錢

連翹二錢

牛蒡子二錢

大黃二錢

枳殼一錢

川連六分

甘草八分

淡竹葉廿片

水煎服。如火甚者加芒硝。



外科醫鏡 又方 潑火湯 祛痛散

三六

又方 治同前證。

白果樹葉亦可

煎湯洗浴。立刻消腫。倘愈後不守禁忌。瘡疤復萌。變為頑

瘋癰癩者。急用旱蓮草。一名禮腸。如前洗數次亦愈。忌浴熱水。兼戒口味為要。

潑火湯方新 治湯火灼傷。

當歸五錢

丹皮三錢

生地五錢

甘草一錢

地榆三錢

槐花二錢

茯苓五錢

水煎服。或用白蘿蔔

搗取自然汁。亦可便串服。如傷重便秘者。再加生軍。五錢。倘山居僻陋。倉卒無藥。

止飲蘿蔔汁亦效。昔有錦衣楊永興。廚下夜遭同僚。凡睡此房者。或已死。或將死。灌以生蘿蔔汁。良久悉愈。其效如斯。特錄。

祛痛散 治同前證。

地榆研細末

用麻油調敷傷處。若遇已破。即以乾末摻上。立效如神。或

生大黃末。用桐油調敷亦可。

又方 治同前證。

生鴉片烟即烏

敷之。立刻清涼止痛。有人被火藥燒傷。百藥不效。後用此

方而愈。

勝靈丹 治金瘡出血。

龍眼核皮去黑

研極細末摻之。即止血定痛收口。為金瘡第一藥也。西平氏云

此藥係西素巴里坤營中救愈多人。按龍眼核治金刃傷之功效甚驗。查本草綱目及別集本草俱未紀載。可知世間有用之材。自古迄今。經綬者不可惜哉。勝計矣。

二妙膏 治同前證。或跌磕出血。功效甚速。並無留瘀之弊。

白 蠟一兩

藤 黃三錢

右用麻油兩。溶化。塗傷處立愈。此方定

痛止血。及湯火傷皆效。腳跟擦破亦治。

玉真散 治破傷中風。是證也因破傷皮肉被風邪襲入。經絡初起。寒熱交作。牙關緊急。甚則角弓反張。口吐涎沫。傷處變為乾陷。其毒內

攻使然當以此方治之如或不效用奪命飲下之使風從大便而出庶幾得生矣

南星薑汁炒

防風

白芷

天

蟲即殭蠶炒斷絲

右藥等分。研極細末。每服三錢。童便和好酒調下。或改作煎劑亦可凡跌打損傷。內有瘀血者亦效。

奪命飲新方 治同前證。

當歸二錢

白芷二錢

殭蠶二錢炒

明天麻二錢

蟬蛻二錢

大黃五錢

桃仁廿粒

羌活二錢

防風一錢

南星錢半製

麻黃五分

水煎服。甚者五劑痊

愈。如未愈去外以清和膏蓋之。

地榆敗毒散沈雨蒼

治中癩犬毒。

癩犬之患大抵自驚蟄後蛇蟲出洞霜降後蛇蟲入洞出必吁氣入必吸氣吐納之毒氣常留

於洞口犬性喜嗅其毒從口鼻吸入遂發癩名獼犬頭硬頭低耳垂尾繚直向前行不返身顧後若人觸其毒急則七日發作緩則七七或至百日發

作卒病心腹痛神識不清痛極無聊自咬肌肉甚至嚼瓷器衣服慘狀難言欲辨是證用蒲扇向病人重扇見風即身縮戰慄畏懼又或鳴鑼聞聲亦驚惕不安皆其驗也

西黨參三錢

羌活三錢

獨活三錢

柴胡三錢

前胡三錢

甘草三錢

茯苓三錢

枳殼炒用二錢

撫芎二錢

桔梗二錢

生地榆一兩

紫竹根一把

生薑三片

水煎服。歲道光丙午冬路經湘潭見米船夥卒病心腹刺痛煩躁欲死百藥罔效醫亦不識何疾適同舟體

陵客以蒲扇向病人一搨大呼曰殆哉此癩犬略發乃死證也速用地榆敗毒散大劑濃煎如牙關緊閉以烏梅肉擦之自開急灌一劑而神識清再劑

其病若失此目擊經驗者

據體客云凡遇癩犬不及趨避或被咬啣衣即中毒氣但覺畏風情形或在七日進藥一劑如病人頭上有紅髮宜拔去之至二七日嚼生黃豆如口覺腥味心惡欲嘔是毒已淨不必再服否則必有留毒未淨急再進一劑至三七日仍用豆照前嚼試服至三劑留毒盡化為膿血從大便而出永保無虞○孕婦亦可服



捷徑方 治同前證。

萬年青

今花盆內多栽之其葉闊約一二寸高約八九寸老而且厚者是也連根搗取汁服一二碗許即腹中

毒氣已成血塊。從大便出。無論久近皆效。一切不忌。亦仙方也。俗謂產小兒

不足信也

祛毒散 治毒蛇咬傷。

白芷五錢

麥冬去心一兩

水煎服。滓敷傷處。雖垂死者亦活。此蛇

齧第一方也。

鄰村丁全齡被毒蛇咬傷臂腫如股少刻身脹黃黑色勢已瀕危照此方煎湯灌之覺腹中聲響惡水自傷口流出腫消神清

次日全愈予乃記之每治蛇咬多驗

百順膏

方新

治癰疽發背。及一切無名腫毒。初起者消。已潰者愈。並頑惡疥瘡。輒

皆奇效。誠瘍科之寶藥也。

大蝦蟆

二隻即老蟾酥多者佳

木芙蓉葉

三兩重陽日採用或根皮或花俱妙

右藥用麻油一觔。照常熬枯。濾去渣。將油稱準。凡藥油兩入炒過鉛粉如一兩。  
算以桑枝攪勻。熬至滴水取丸不黏指爲度。按別錄載滴水成珠一說。不傾  
入水中。去火性。凡遇頑惡爛瘡。先用葱椒湯洗淨貼之。既善拔膿。又能止痛。  
且易生肌也。此予獨得之祕。百發百中。故取義百順。愈後立誓戒食蝦蟆井  
抵物命底不負陰  
騰也貞庵氏又識

清和膏新方 治癰疽發背。及陰陽不和等毒。初起能活血定痛。散瘀消腫。潰後即

拔膿去腐。生肌長肉。誠外科之祕方也。

木芙蓉五兩重陽日採葉或根皮或花俱妙

紫荊皮三兩

獨活二兩

南星兩半

赤芍兩半

白芷一兩

右藥用麻油觔二熬枯。

濾去渣。將油再熬沸。徐徐投入炒飛黃丹。觔一或鉛粉亦可。按別錄皆云。下黃至

丹非是今依許楮君據古法校正以桑枝攪勻。至滴水取丸不黏指爲度。傾入水中去火性。

攤用。

靈應膏<sup>方新</sup>

治癰疽發背。及一切潰爛等瘡。功能長肉生肌收口。誠外科之妙藥

也。

象皮陸錢

穿山甲六錢

男子髮二錢

牛蒡草三兩

血竭二錢

兒茶二錢

白膠香四錢即芸香去油研末

右藥用麻油二觔。將象皮、山甲、男髮、牛蒡草煎枯。濾去渣。將油稱準。凡藥油一觔入炒飛黃丹八兩。攪勻熬至滴水取丸不黏指爲度。離火再入血竭、兒茶、芸香等末攪勻。傾水中去火性。臨用重湯燉攤。

紫金膏<sup>方新</sup>

治癰疽發背。對口大毒。潰爛不堪。洞見內膜者。膿出如蟹吐沫者用

此填塞瘡孔。即能拔毒去肌收口。誠瘍科之要藥也。

當歸二兩

白芷五錢

癩蝦蟆一隻眼紅腹無八字紋者勿用



牛蒡草三兩根 莖葉

右藥用麻油一觔。浸五日。入銅杓內慢火熬至藥枯。瀝去

渣。將油再熬沸。下白蠟二兩溶化。次下血竭四錢末攪勻。離火半冷。再下白膠香。

油錢末攪成膏。收儲磁器。浸水中三日。拔去火性。聽用。愈陳愈佳。凡瘡口深

陷。以新棉絮蘸塗此膏塞之。仍食調補氣血內服藥餌

隔蒜灸法 治一切癰疽惡瘡。先宜對證服托裏煎劑免致火毒內攻

獨頭蒜切片約二錢厚安瘡頭上。用艾壯灸之。若瘡發勢大。以蒜搗爛攤患處。將

艾鋪上燒之。蒜敗再易。不計壯數。總要痛者灸至不痛。不痛者灸至痛為止。

凡癰疽諸瘡。皆因寒邪客於經絡。營衛壅遏不行。以致寒熱相搏。用艾蒜灸

之一。使毒氣解散。二使好肉不壞。三瘡口易斂。直一舉而三善備矣。李迅曰

灸勝於用藥。但頭上及腰旁陷中皆當禁忌。恐以火濟火反貽害也。

歌曰瘍科隔蒜灸稱奇 傳與醫人莫浪施  
頭屬六陽腰屬腎 此為禁忌總宜知



洗心滌慮良方 治不忠不孝。無仁無義。恨天怨地。謗聖毀賢。瞞心昧己。刻剝成家。刁唆爭訟。向背乖宜。妒人親近。妄說是非。逞兇橫行。恃勢凌善。及一切奸盜邪淫等證。依方修治。無不應驗。

孝 順十分

陰 隲全用

恩 惠隨施

慎 言一味

仔 細十分

忠 直一塊

安 分時用

戒 淫去心

仁 義廣用

老 實一個

好 心一片

小 心一點

戒 賭洗淨

信 行全用

和 氣一團

方 便不拘

熱 腸一條

忍 耐百個

右藥用心細研。加波羅蜜為丸。如菩提

子大。隨時引用益友三個。平心湯徐徐溫服。切忌笑裏刀。暗中箭。平地風波。

歲光緒丙子春予往杭州探藥偶憩西陵路亭見貼應驗良方一張載云其方來自化人府勸人縣靈山會上大藏經中端治一切性情之病惜其字頗殘缺因揭歸每於缺處補以己意特附卷末仰體先哲一片婆心以博濟於無窮也然則後之閱是方者更當何如樂善耶又予之所厚望也貞庵氏謹

識

歌曰紫府仙人授寶方  
世間用得諸般藥

洗心條處養真湯  
萬禍千災化吉祥

# 外科醫鏡終

外科醫鏡 洗心條處良方

外科醫鏡

四六

〔清〕

梁柘軒

著

癰科全書

中國醫學大成



## 癰科全書提要

清梁柘軒著。柘軒字希曾。嘉應人。先生對於癰癰一科。夙有研究。以爲症候可分爲十五。原因雖非一類。然皆由於體質痿弱。血液乾枯。陰虧火鑠。氣滯痰凝。其毒久伏於臟腑。一旦發於肢體。遂根深蒂固。牢不可拔。先生主外用點癰藥。內服湯丸消散。以潛移默化。首辨癰症之原理。次辨癰症之證治。再次列點癰之藥方。點藥之用法。癰症食物之忌宜。足爲癰科證治之專書。據炳章診察之經驗以觀。近世癰癰症之多。皆以治法不當。每致潰爛而夭。爰將是書與李子毅痰癰法門合刊一冊。俾世之治療癰癰痰核症者。有所取法。

## 侯序

醫之爲任重矣。天下之業醫者多矣。善醫者。固藥到回春。如響斯應。有回生起死之功。不善醫者。往往操庸劣手段。以嘗試。而卒以殺人。間有一二醫者。得一最靈驗之奇方。則秘而不肯示人。藉口以方傳不效。其實持金錢主義。藉是方以博取人財。惟吾鄉柘軒梁先生。人本儒素。術妙岐黃。金匱玉函。悉心研究。凡遇內外奇難諸症。靡不應手奏效。而於癰瘰一科。尤爲獨具手眼。具徵心得。夫癰分三十六症。雖內傷外感。原因不一。類皆由於質體痿弱。血液乾枯。陰虧火鑠。氣滯痰凝。其毒久伏於臟腑。而一旦發於肢體。根深蒂固。牢不可拔。中醫多用吊丹。西醫多用剖割。徒欲以霸術取速效。卒之愈吊而毒終不散。愈割而癰總叢生。駸駸然。臟腑內蝕。肢體外潰。遂致十癰而終不得一生。是非死於症。實死於醫耳。先生於是症。

則神乎其技。外治則頻以藥點之。化朽腐爲神奇。具見手法之高。內治則審其寒熱虛實以施治。取其潛消默化於無形。尤徵心法之妙。今復將其治癰全科。先論症。後列方。源源本本。朗若列眉。俾天下後世之業醫者。知所則效。而天下後世之患癰者。亦得所生全。蓋先生久以醫術名中外。初則駐上海。駐香港。繼則游歷南洋十餘島。今則寄跡鮀江。微特雪晨雨夜。暑日炎天。有請則輒應。從不過取人錢物。且每日必限數點鐘。以盡贈醫義務。論者謂先生造福於人者大。而天之錫福於先生者亦宏。春回壽寓。種佈福田。先生哲嗣銳元。以十二齡之童子。果見賞於名公。現入京師高等學堂肄業。試輒高列前茅。他日學成。爲國家用。將大有造於天下。是則父爲良醫。子爲良相。利濟同功。食報正未有艾也。噫。先生絞腦汁費心血而成是書。先生濟世之心苦矣。適遇敝族蘭汀。由暹回國。慨然擔任付梓。以傳世。先生濟世之心慰矣。先生濟世之功亦不朽矣。用是不揣譴陋。聊弁數言。以爲

世之業醫贈醫。兼有祕方者勸。是爲序。

宣統二年春月

古梅侯家驥序於品梅小築



癰科全書 侯序

## 張序

凡病必有治病之方。而知其方者。往往秘而不傳。動曰。傳則方不靈驗。果如所言。則古人傳世之方書。其皆不靈驗矣乎。嗚呼。存射利之心。忍令天下後世之人。抱病而枉死者。弗可勝計。良堪悲痛。吾州梁柘軒先生。夙有不爲良相必爲良醫之志。凡內外各科醫道。莫不悉心研究。而治癰尤爲所長。夫癰危症也。有二十四症。三十六症之名。而大抵由陰虛火盛。挾風痰而成此毒核。其病源久伏於臟腑。根深蒂固。非內外兼治不爲功。時醫不得其治之方。爰有十癰九死之說。先生孜孜求有素。於外治得其獨一無二之點藥法。內治則以辨寒熱虛實。握其大綱。藥到回春。百試百驗。固已中外揚名矣。人本寒儒。而心存濟世。到處行醫。每日必有數點鐘爲贈醫之時。其胞與爲懷。於此可見。今復將其治癰之方法。和盤托出。付諸

手民。爲天下後世之患癰症者。廣開生路。此其種福恩田。釀功德水。實大而遠。懿哉。此舉尤足風世矣。吾聞之。積善必有餘慶。今先生之哲嗣童年飽學。名動公卿。招入京師學堂肄業。試輒領其前鋒。他日學貫中西。蔚爲國器。意中事耳。論者謂此爲先生仁心壽世之報。其信然也。然則利人卽以利己。其利益莫大乎是。合併誌之。以爲業醫者勸。倘天下業醫之人。概如先生以利濟爲心。凡有秘方。悉爲傳世。俾天下後世。同登仁壽。無復有抱病而枉死者。夫非生民之幸福乎哉。夫非生民之幸福乎哉。

宣統元年夏月

嘉應張衡皋序於鮀江八屬會館

## 自序

千古文人之筆。最懼雷同。獨醫學則最患不能雷同耳。未有患是症不用是方。而能療是疾者。歷觀諸名家醫書。多是各立一說。殊少定見。其於花柳頸癰。尤茫無善法。卽西醫亦然。總不出強硬手段。中材以上之人。閱是書尙可活人。中材以下之人。閱是書非第不能活人。甚且誤人多多不少矣。噫。醫之道最微。微則不能不深究。醫之方最廣。廣則不能不小心。差之毫釐。失於千里。孟子云。術之不可不慎。此之謂也。故凡業醫者。不特難以議目前。實則最難辦善後。今人於外科一門。多行霸道。不顧人命。取求近功。離醫之道。益云遠矣。僕之醫則不然。專以王道爲事。如頸癰也。人多用剖割。或用丹出核。僕則專用潛消。奏效雖久。不特形質無損。更可永保無虞。如花柳也。人多用吊丹。或大攻大瀉。僕則專用內解。成功又速。不特



元氣無傷。且無下漏癰瘻牙際湧血之慮。至於內科等症。精微奧蘊。言不勝言。要皆以善後爲本務也。所以僕於花柳頸癰兩門。尤爲細心研究。十餘年來。盡得其  
中奧旨。歷治多人。發無不中。久欲刊行於世。利濟後人。無奈力恆不逮。輒爲中止。  
嗟乎。千古成事之難。類多如是。惟念僕自業醫數十年。皆以方便爲事。凡人之相  
延者。從無貧富之歧視。雖風雨必往。星夜必往。卽嚴寒地凍。酷暑炎天。亦無不往。  
且旦日雖無粒米之炊。亦從未嘗苛取病家分文。此則僕之所可深自信者也。以  
爲持是心。而行僕之醫道。久而必揚。所以在外洋歷經數十島嶼。凡遇此症。莫不  
應效如神。愈人何止千數。從無或誤一人。越至丁未在星嘉坡旅次。果得 欽憲  
楊侍郎士琦。及左總領事秉隆先後品題。獎給匾額。時長男銳元。十有三齡。在星  
洲養正學堂。並得蒙楊侍郎嘉其童稚篤志好學。加恩特色栽培。親提北上。送往  
順天高等學堂讀書。今年僕在汕頭。復蒙馮警長駿委派汕頭檢查驗病所之職。

並兼得同濟延壽兩醫院之聘。其於贈醫施藥之念。益遂初心。嗟乎。爲善之願。豈可忘哉。乃者侯君蘭汀過汕。適僕之所編癰科書告成。見而大悅。慨然出資。爲僕刊板。更得侯孝廉家驥。張孝廉衡皋。合爲更正。卽將是編先行佈告同人。其中絲毫無隱。願以後普天之下。五洲萬國。書史同文。得是書而全是症者。皆遲遲鉅商侯君之所賜。亦侯孝廉張孝廉與僕之所大願也。謹誌數言。以爲天下之有秘方者勸。亦爲天下之富有一方者勸焉。時

宣統元年仲秋之月

古梅梁希曾柘軒氏自序於鮑江之檢查驗病所

# 癰科全書目錄

辨癰症之原理	原名辨癰	一
辨癰症之證治	十五	六
點癰之藥方	原名點	二七
點藥之用法	原名點	二八
癰家之忌食		三一
癰家之宜食		三二

# 癰科全書

清 嘉應 梁希曾 柘軒氏 著

四明 曹赤電 炳章 述鈔

## 辨癰症之原理

一、癰之成症。古人原分有十二經絡。或二十四節。或三十六症等治。此皆醫家各命名義。實不必拘泥其名。要之千種癰症。總不外乎熱痰寒痰。實症虛症而已。其部位原無定體。隨其氣之所阻。血之所凝而成。能辨其寒痰熱痰。實症虛症。則無訛矣。

一、癰之成症。其結核最堅最實。因其積染鬱結至深至遠而成故也。所以治之者。



動輒屢月經年。乃能奏效。大凡內外各症。其發之易者。治亦易。發之難者。治亦難。願患癰症者。毋以其醫治之時日久遠。即輕信人言。或任庸醫。用丹吊核。或任西醫。用刀剖割。不知愈吊愈多。愈割愈衆。竟至纏綿層疊。環頸破爛。腥穢不堪。命在須臾。皆是自誤。

一、癰之成症。其核之生。如竹根焉。如草根焉。非他症結核者之所可比。故其發也。忽左忽右。忽東忽西。忽上忽下。忽前忽後。全無定體。甚至或發連腋下。或發連胸前。或兩手臂等處。種種怪象。實難盡言。時醫不識。則多用吊丹。西醫不明。則專用剖割。以爲其核爲我取去。豈有不善之理。不知此纔取出。彼核又生。纏綿不休。多致環頸皆是。坐而待斃而已。慘何言哉。希曾之醫治癰症。則以潛消爲主。隨起隨去。隨點隨乾。務絕其根蒂。使他不得再蔓延而生。論其藥。亦最淡無味。論其價。亦最賤不貴。無論貧富。皆易施治。誠千古五大洲無過之至寶也。

一、癰之成症。總不外熱痰寒痰兩者。患熱痰者居其六。患寒痰者居其二。其餘如花柳風火並挾他症而生者。亦有二焉。全在審症分明。其治自易。

一、癰之成症。原與癆瘵相表裏者也。同一陰火也。痰也。其痰其火。行之臟腑。初則咳嗽吐血。隨成癆瘵。行之經絡。則爲癰瘰。有由先天而來者。有由後天而來者。先天之損由胎。故其發多在童年幼穉。後天之損由人。故其發雖年至五六十。猶不免焉。是故善治者。只理其肝脾腎三經之陰火而已。

一、癰之成症。多由肝氣鬱結。或暴怒而成。故其發多在兩耳之下。頸之左右。凡患癰症者。最宜戒惱怒。並戒燥火生痰之味。藏養肝氣。勿使其動。動則其癰雖功在垂成之際。必致反劇。驟然腫脹異常。不得怨望醫師之藥力無功。患是症者。切宜戒之。卽房勞亦所當戒。否則治亦無濟。

一、癰之成症。虛實寒熱。須辨分明。何謂熱症實症。望其舌苔黃。脣色紅。顏面有火。

氣切其脈。浮中沉三部俱堅實有力。且其人雄偉異常。全無虛寒體態。則知其症之是由熱痰而起者。何謂虛症寒症。望其舌苔白。脣色淡。顏面無血色。切其脈。浮中沉三部俱沉遲無力。且其懶弱無比。語言坐臥俱無精神。則知其症是由寒痰而起者。

一、癰之成症。除風火癰一症之外。無論初發久發。多不癢不痛。所以人多爲其所誤。以爲不甚關切。每致忽治。及至疊出無窮。或致潰爛。始恍然悔悟。已禍不堪言矣。願患是症者。早爲調治。免貽後患。

一、癰之成症。最忌夜不早眠。不早眠。則必致陰火暴發。其他勞神各事之忌。無須言矣。

一、癰之成症。查古人所立方書。尙茫無善法。多致斃命。其他割割吊丹等法。則益不堪言矣。故諺云。十癰九死。其信然矣。希曾自傳受此外治之方。再爲參考內



治之法。細心研究。百試不差。經希曾親自醫治者。可云十癰十生。縱有不治者。皆彼之自誤耳。噫。希曾今年四十有八矣。恐一旦棄世。此法失傳。千載下猶有憾焉。茲敬將所傳祕術。全盤托出。更將希曾數十年來。自己親臨各症。測準治法。並如何用藥。一一筆之於書。使後人照此醫治。斷無失誤矣。

一、癰之成症。實變化無窮。有可十天八天告愈者。有可二三十天告愈者。有三五閱月而告愈者。有久至期年而告愈者。總在其人之善爲調養。深信希曾此法醫治。斷無不瘳之理。不然。縱醫治至三十年。亦無濟也。

一、癰之成症。內外兩科相較。此最難治。希曾所列宜食品內。有粉藤根、長藤胡練根兩味。和瘦猪肉服食者。此乃治氣血兩種癰症之聖藥。雖然。彼不深信者。斷不可輕易給癰家食之。何也。蓋服此兩種藥根後。必多服按症各丸藥。以固其元氣。庶不致傷損臟腑。若不多服丸藥。將來恐有吐血之病。反爲不美。患癰者



須知之。治癰者須慎之。希曾恐後人不慎。專用此藥根。誤人性命。故特摘出。醫之爲術。可不慎歟。附長藤胡練根說 長藤胡練其葉一與練樹無異惟彼則草相似凡人患惡核驟然紅腫者取此藤連葉搗加赤糖少許貼之奇效并可貼對口瘡

### 辨癰症之證治

(一)氣癰 初起僅二三核。形同檳榔。以指揉之。環轉如丸。愈起愈多。此名氣癰。當用疏氣消核丸。外治照下列點藥法點之。如其人兼有實熱。亦不妨酌加芩、連等味。然必須脈症相對。方爲投之無害。

#### 疏氣消核丸

夏枯草	二兩	桔梗	一兩	柴胡	五錢	廣陳皮	五錢
半夏	八錢	元參	四兩	煅牡蠣		煅龍骨	

天花粉

茯苓各一兩

白芥子

山慈菇各一兩

生甘草五錢

右藥研細末。煉蜜爲丸。如綠豆大。切勿火焙。早晚飯後淡鹽湯送下三錢。加減作湯劑亦可。

(二)血癰 初起僅一二核。形同伏杯。任指揉之。不搖不動。此名血癰。日久失治。雖未見增加粒數。亦必漸次加大。再爲失治。必日加增矣。當用調血化核丸。或用溪黃五錢。和瘦猪肉四兩。水三大碗。煲二點鐘。煲至半碗。停凍。食時再煲熱。去溪黃。將肉并湯。飯後溫食。或三日。或五日。然後再煲食。不妨多食。外治照下點癰法治之。

調血化核丸

當歸

冬葵子

老熟地各二兩

阿膠

白芍

茯苓各半

杭菊花

淡海藻

昆布

煨龍骨

煨牡蠣

山慈菇各一

柴胡四錢

白芥子八錢

右藥研細末。煉蜜爲丸。如綠豆大。勿用火焙。服法同前。臨時加減。水煎亦可。

(三)陰火癰 凡頸際夾起。大如卵形。堅硬異常。或一邊。或兩邊。或帶小核數粒。

此乃寒痰凝結而成。名曰陰火癰。必其人體質羸弱。或後天虧損所致。當以溫補肝腎固脾爲主。如加減六味地黃丸之類。再審其或脣舌常白。面色痿黃。並其脈沉遲無力。必兼用附桂。乃克奏功。外治概如後點法治之。

加減六味地黃丸

熟地四兩

茯苓

枸杞子鹽水炒

萸肉各半

澤瀉

丹皮各八錢

炙甘草

青皮鹽水炒各五錢

半夏 八錢

煨龍骨

煨牡蠣

炒杜仲

白芥子

兩各一

右藥研細末。煉蜜爲丸。如綠豆大。切勿火焙。服法如前。加減作湯劑亦可。

(四)無名癰 亦有驟然紅腫。非色慾所致。卽餐膳不謹。此無定名。隨症皆可致此。急用消腫湯。外治用下點法。如其人素本虛寒。仍當於虛寒症中參酌消息用之。不可拘泥。如腫退後。仍照原症治法治之。

### 消腫湯

夏枯草

元參

花粉 各三錢

山慈菇

煨牡蠣

海藻

昆布

桔梗 各二錢

生甘草

白芥子 各一錢

右藥清水煎服。食後服之。



(五)老鼠癰 凡層疊無窮者。名曰癰癰。俗名老鼠癰。無論已潰未潰。俱隨起隨治。均照下點法隨核點之。未收口者。並貼以拔毒膏。隨其人虛實寒熱而治之。如熱之挾咳嗽者。即於貝母瓜蒌散。或紫苑散內酌加元參、煅牡蠣等消息用之。如挾虛寒咳嗽者。則於二陳湯內隨其症之或陰或陽。酌加四物、四君加減消息用之。各湯劑爲丸亦可。

貝母瓜蒌散

川貝母 二錢

杜膽星

焦山梔

黃芩

橘 紅 各錢半

清水煎服。

紫苑散

北沙參

阿膠

茯苓 各錢三

紫苑

川貝母

桔梗各二錢

炙甘草一錢

五味子廿一粒

四物湯

大熟地四錢

白芍

當歸各三錢

川芎一錢半

四君子湯

黨參二錢半

白朮

茯苓各二錢

炙甘草一錢

二陳湯

半夏

茯苓各二錢

廣皮錢半

炙甘草一錢

(六)童子癰 自襁褓而至成童。旋起旋消。或凝結久而不化。或時大時小。此多由先天虛損所致。或在其母腹內。因飲食不謹而來。此名童子癰。又名乳癰。其  
在三歲以內者。不能施以點核之功。如審其果係熱痰。惟用薑頭搗鹽貼之。或  
黃花墨菜、白花墨菜。或燈籠草。或野菊花。或甜菜子取根葉。和赤糖少許搗貼。

或用蒼朮三黃散。用白酒開塗。內則服黃花墨菜、白花墨菜。和赤糖少許。時時煎咽之。或百合。或花粉。時煲瘦猪肉食之。均宜臨症消息用之。如審其果係寒痰。外則用消腫散。或五將軍散。調白燒酒敷之。其在三歲以上者。則於各條內參酌用之可也。

消腫散

此方可治一切紅腫。並可治天蛇頭等症。

生南星

生半夏

生草烏

凋竹

細辛各五錢

重樓一兩

生甘草三錢

共研細末。燒酒調敷。

蒼朮三黃散

蒼朮

黃芩

黃柏

大黃

生南星各五錢

猪脂粉少許用猪前蹄骨火煨存性研粉用

共研末。燒酒調敷。

此方能治一切溼毒。已破口者。用淨油調。

### 五將軍散

生半夏一撮連根葉共生搗爛

生蚌三四隻如無蚌肉或蛭肉螺肉之屬均可

丁香少許

粗鹽少許

飯粒少許

同搗敷。此方能治一切痰核惡毒等症。

(七)催命癰 無論因何而起。誤被醫師用丹吊核。或因誤被西醫用刀剖核。以致纏綿不休。時而收口。時而破口。環頸皆是。此名催命癰。目見世人被這兩種醫生誤死者。恆不乏人。此症最爲危險。分內外法治之。內治必審其人果屬熱者。則投以清熱化痰之品。若兼咳嗽者。並理咳嗽。兼血症者。並理血症。兼花柳



者。則並解毒。若其人近陽虛者。則於化痰消核之內。重用四君。若近陰虛者。則於化痰消核之內。重用四物。虛寒甚者。則並用附、桂。要皆於前後各症門中消息用之。不拘執。各湯劑爲丸亦可。外治則與上同。用藥粉調酒。週圍點之。其舊痂之大者。並其核之大者。無論痂內核內。俱並點之。卽點其舊痂至爛亦不妨。使他惡核潛消。卽穢濁之水。亦可隨舊痂之口。隨點隨爛。隨爛隨乾。自易收口。倘有穢濁墜下。勢欲腫脹。可將其點核之藥渣點上。立卽破口。隨腫隨破。以抽乾穢濁之水爲止。此等穢濁。核不成核。膿不成膿。水不成水。不能潛消。不能拔毒。不能解化。只得用此隨腫隨破之法。抽乾其水。方能奏效。否則無濟。

(八) 絕命癰 或挾吐血而來者。或因患癰而至吐血者。俱名絕命癰。最爲難治。又兼吐血。則經絡臟腑。內外俱傷。焉得不死。其因寒症吐血而患癰者。多是五臟虛損。須大補氣血。靜養二三年。或有生理。內治則服補元消核丸。切禁黃膏。

蓋黃耆提氣故也。其因熱症吐血而患癰者。多是飲食不禁。或暴怒所致。內治則加減四生丸。或加減生地黃湯。或加減犀角地黃湯。或加減六味地黃丸。凡湯劑爲丸亦可。隨症選用。外治同上。如吐血不止。可用生蓮藕搗汁服之。或正安南桂亦可。

### 補元消核丸

當歸

枸杞

白朮

炒棗仁

鹿角膠各二兩

山藥

茯苓

熟地

煅龍骨

半夏

炒杜仲各一兩

右藥研末。將鹿膠化烱。加煉蜜爲丸。服法同前。

### 加減四生丸

鮮生地五錢

生荷葉

生艾葉

生側柏葉各三錢

真鬱金錢半

清水煎服。

加減生地黃湯

鮮生地五錢

麥冬

白芍

丹參各三錢

元參

懷牛膝

荷葉各二錢

粉丹皮

焦山梔

真鬱金

參三七各錢半

煨牡蠣

煨龍骨各一錢

清水煎服法同前。

犀角地黃湯

黑犀角二錢磨汁

鮮生地四錢

生白芍五錢

百合三錢

麥冬去心

花粉

煨牡蠣

煨龍骨各二錢

粉丹皮錢半

清水煎服法同前。

加減六味地黃丸。方見上陰火癰內

(九)風火癰 初起或在兩耳之下。或環頸皆是。或單在左耳之下。或單在右耳之下。無論核之多少。色帶紅光。卽有欲破之勢。或作痛。或不作痛。或寒熱交作。此多由外感而來。名曰風火癰。失治則潰爛異常。須內外分治。外則用燈籠草。或黃花墨菜。白花墨菜。和赤糖少許。取葉搗爛頻敷。隨將其根連枝和赤糖煎服。未潰者。或用蒼朮三黃散。白燒酒調塗。已潰者。用地棉根葉和赤糖生搗敷上。拔去膿穢。貼收口膏。三五日卽愈。內則服活絡疎肝散。如陽虛潮熱。則服加減五味異功散。陰虛潮熱。則服加減蒿皮四物湯。

活絡疎肝散



柴胡

牛蒡子

淮七

青皮

防風

各錢半

花粉

土茯苓

各錢三

山慈菇

葛根

夏枯草

各錢二

生甘草

一錢

審有實熱。酌加芩連。

五味異功散

黨參

三錢

白朮

茯苓

各錢二

炙甘草

廣皮

各錢一

有潮熱者。酌加丹皮、骨皮等味。

蒿皮四物湯

生地

白芍

各錢三

北沙參

炙鱉甲

各錢二

全當歸

錢半

清水煎服。

蒼朮三黃散。方見上童  
子癰內

(十)真元虛損癰。凡環頸破爛。臭穢不堪。久不收口。愈發愈衆。此乃根本虛極。氣血兩虧之症。名真元虛損癰。外治則如下點法。並貼拔毒生肌膏。或用羊屎丸。並搽羊屎散。內服補天大造丸。或加減十全大補丸。

羊屎丸

用山羊屎一斤。焙研。蜜丸。服法如前。綿羊屎不可用。

羊屎散

用山羊屎四兩。焙研。淨菜油調搽。

加減補天大造丸

黨參

白朮

山藥

茯苓

枸 杞各一兩半

當 歸二兩

炒棗仁八錢

熟 地二兩

龜 膠

鹿角膠

煨龍骨

煨牡蠣各一兩

川附子五錢

炙甘草三錢

安南桂二錢

右研末。蜜丸。不用火焙。服法如前。

加減十全大補丸

熟 地

白 芍

白 朮

黨 參

當 歸各二兩

茯 苓一兩

川 芎八錢

川附子五錢

安南桂二錢

炙甘草三錢

煨龍骨

煨牡蠣各一兩

右藥研細末。煉蜜爲丸。切勿火焙。服如前法。

(十一)傷肝癰 其在婦人。或因姑媳不和。或因夫婦不睦。或因子女不遂。或寡而無耦。憂鬱內傷。初則或經水不調。久而或致閉而不通。陰火上炎。皆能生癰。

凝結不消。此名傷肝癰。百病叢生。極為難治。外治同上。

內服加減逍遙散。兼服加減八珍丸。或加減調經飲。或加減歸脾湯。隨其人消  
息用之。

加減逍遙散

柴胡

丹皮

焦梔子

煨牡蠣

廣皮各錢半

茯苓

白芍各三錢

白朮

當歸

半夏

白芥子各二錢

炙甘草一錢

薄荷葉沖三分

加減八珍丸

熟地

黨參

白朮

白芍各二兩

當歸一兩半

茯苓

煨牡蠣各一兩

山藥一兩半



半夏

川芎各八錢

炙甘草

廣皮各五錢

虛寒者加附桂。

加減調經飲

當歸

生香附各三錢

川牛膝

山查

茯苓

白芥子

半夏各二錢

青皮半錢

白朮二十粒

加減歸脾湯

黨參

白朮

炒棗仁

半夏

煨龍骨

煨牡蠣

龍眼肉各二錢

當歸

白芍各三錢

遠志

廣皮各半錢

炙甘草一錢

清水煎服。

倘經閉氣塞。用丹參一味約五錢。常服奇效。或王不留行子均妙。或用少腹逐瘀湯。

### 少腹逐瘀湯

當歸

蒲黃錢各三

沒藥

赤芍

炒五靈脂錢各二

延胡

川芎

官桂錢各一

炒乾薑一分

炒小茴七分

清水煎服。

(十二)頭風癰 凡挾頭風而來者。名頭風癰。多因肝氣鬱結而成。此症男子少患。女子居多。無論發在何處。外治同上。內服解鬱化痰丸。兼服逍遙散。解鬱化痰丸

夏枯草

白芍錢各三

白芷

羌活

秦 朮

茯苓

半夏

葛 根

煨牡蠣

杭白菊各二錢

天 麻錢半

右研末。爲丸。服法同前。作湯劑亦可。

加減逍遙散方見上傷肝癰內

(十三)傷肺癰 凡因咳嗽日久而來者。名傷肺癰。其症有二。一由外感。一由內傷。由外感而成者。或加減黃芩知母湯。或加減甘桔湯。隨症輕重。斟酌選用。由內傷而成者。或加減八珍湯。或加減左歸飲、右歸飲。隨其症之屬陰屬陽選用。此症多挾氣膈損傷。隨症酌用治傷各味。外治同上。

加減黃芩知母湯

黃 芩

知 母

杏 仁

焦山梔

川貝母

桔 梗

煨牡蠣各二錢

生桑皮

元參

天花粉錢各三

鬱金錢半

生甘草一錢

如挾初感風寒。酌加荊芥、防風。

加減甘桔湯

生甘草一錢

桔梗

川貝母

旋覆花

百部

茯苓錢各二

鬱金錢半

白前錢半

如挾初感風寒。酌加荊芥、防風。

加減左歸飲

熟地

萸肉

枸杞

茯苓

廣皮錢各三

山藥

半夏錢各二

三七

炙甘草錢各

鬱金錢半

清水煎服。



加減右歸飲

熟地

山藥

枸杞

炒杜仲各三錢

半夏

白芨各二錢

鬱金錢半

三七

廣皮各一錢

炙甘草一錢

白芨

黃肉各二錢

附片八分

安桂三分

(十四)頑核癰 無論在頸之左。在頸之右。初起只單一核。圓若彈丸。不癢不痛。雖經八年十年。仍不腫不痛。亦無加增。此名頑核癰。皆因或氣或血。為機觸動凝結而成。不必施治。惟謹戒食燥火生痰之物。並少食雞肉。及一切動肝火。則得之矣。

(十五)花柳癰 凡審其果自花柳而來。無論如何發起。均名花柳癰。內治皆以解毒為先。當用枯草慈菇化毒丸。間服土茯苓膏。如花柳各症。尚未全愈。須兼

服另編花柳丸。並多服解毒湯。如有別症。隨其症之屬陰屬陽。分別酌治。外治同上。如破口。則貼拔毒生肌膏。破口之外。仍用下外治之法點之。如有欲破又未破者。則用所點之藥粉連渣點之。點上少許。其口即破。

### 枯草慈菇化毒丸

夏枯草五兩

川貝母

山慈菇

蒲公英

廣陳皮

全蠍

枳殼

桔梗

山梔

白芷

半夏

柴胡

金銀花各二兩

沉香

生甘草

杜膽星各一兩

共研末。米糊爲丸。如綠豆大。各藥切忌火烘。服法同前。

## 點癰之藥方

點癰藥品列下

新出窰石灰入錢出窰未泡  
水愈新愈佳

乾餅藥四錢又名規砂潔白  
如雪者佳即純驗

明硃砂五釐

右三味。其法取石灰先臨風自化。篩去粗粒。將各藥秤足。貯瓦餅聽用。或預先製備多數。將三味加增和勻封好。切勿近潮濕。隨帶出門。極為方便。至硃砂一味。原取其色紅。易見痕跡。以便復點。非必需之藥也。方中三味。共重一兩二錢零五釐。即加減些亦可。大約每料必如此之多。方見有味。臨時酌用。不必拘泥。以上所列內服各藥品。其輕重亦可隨時隨人加減。神而明之。存乎其人。

點藥之用法

一點時。將各藥秤足。用有蓋釉瓷器盛好。然後取高粱燒酒開化。極力攪勻。至恰

好處。何謂恰好。以藥停脚後。其上面約二分清酒浮出。是爲恰好。然後取小筆桿一枝。蘸起其浮出清酒。在癰之核外離三分處週圍點之。每一點。約亦均離三分。切勿一片塗去。如有酒流下。當用紙圈拭淨。週圍點完。頃刻點乾。照其原點痕處再點。連點至六七次。以痛爲度。初點二三次。卽微作癢。至五六次。卽微作痛。如蟻咬焉。並無大痛。

一、不可並渣點上。如並渣點上。必致破皮。倘破皮。亦無甚妨害。二三日卽自平滿。  
一、不可錯亂點去。須次第照原點之痕處點之。其藥味方能直達。而制服其核外之根株。使他潛消。永久不能再發。

一、首次點後。計首尾足五日。須再依前法點之。使其前次所點之藥力。與後次之藥力。可以相接。方能奏功。如未消盡。越五日再點。點至全消爲止。

一、點時。無分點數。量核之大小而准數焉。核之大者。其點數卽多。核之小者。其點



數卽少。總以週圍點之爲妙。長者照長式點之。圓者照圓樣點之。核之奇正不齊。卽隨其奇正之式點之。倘其核過大。則並核內亦不妨點之。且不妨週圍雙行點之。使藥味猛而有力。點至全消爲度。如其核收小。則點藥亦宜漸次移入步位。勿拘其舊日所點之處也。遇有昔時之破痕破口。亦不妨隨其破痕破口外週圍點之。使他垢穢不再成膿。易以收口。倘其舊痕腫脹不堪。卽痕內亦不妨加點之。其垢穢隨結痂處而乾。亦易收口。倘其痕如有欲破之勢。則將藥渣點上。立卽破口。並貼以拔毒生肌膏。

一、其核之大小長短方圓聯珠。無論如何式樣。皆可散去。惟有舊痕之死核。則不可散去。點者須知。

一、倘無石灰之處。卽用煨蜃灰代之亦可。亦取其鹹能軟堅之意。其藥力雖無石灰之猛。然加之乾餅藥少許。久點亦必自消。

一、倘或鄉曲之處。一時未便有高粱酒。卽用酸醋代之亦可。蓋酒味則取其透徹。經絡。醋味則取其能收斂脛節也。

一點至五六次猶不癢不痛者。必其藥味洩而無力故也。須換過藥粉。仍開酒或醋點之。大約此藥味調酒後。未經點者。仍可久藏。乾後再將酒調開。如已經點者。僅可藏至十五六天。至久一月。卽要更換。大約攪至藥粉成團。酒不能清。卽無味矣。

一、隨其核之大小點之。其核收小。其點亦隨而減少收入。總以離核三分爲妙。不可過遠。過遠。則其藥力不能透其根蒂。

## 癰家之忌食

雞 肉雞性主動動則燥火癰之症多生自肝肝最忌燥故  
雞肉一味爲癰家最忌食雖已全愈仍當切戒焉

鵝 肉有毒燥 飛 禽類多燥 煎 炒忌燥火 魚 蝦生痰燥

陳 腐生痰 羊 肉忌燥火 牛 肉忌燥火 酸 辣傷筋傷經忌

胡椒辛辣等味凡一切 馬 肉忌燥火 猪 肝燥火忌食凡

辛散之味皆當戒也

以上所列忌食各品。不過言其大略。總不外乎其品之近燥火生痰發毒者。皆當切戒焉。癰家謹之。

### 癰家之宜食

猪 肉滋潤宜食 鯉即穿山甲破 貓 肉滋潤除陰

鴨 肉清潤降 甲 魚滋潤降 海 參滋潤宜食破爛

墨 魚滋潤降 蜇 皮滋潤除 鮑 魚滋潤 蟹 肉滋潤

燕窩滋潤除痰宜食 蠔肢宜滋潤食 淡菜滋潤宜食 鴨蛋清潤宜食

海帶除痰宜食和猪瘦肉同煲更妙 鹹蛋清潤宜食 雞蛋清潤宜食

百合清潤宜食 紅豆清解宜食 白豆清解宜食 檸檬除痰宜食

東瓜清解宜食 瓠菜清解宜食 生菜清解宜食 芥菜除痰宜食

蘿蔔清解宜食 苦瓜清解宜食 綠豆清解宜食 黑豆清解宜食

赤豆去溼宜食 土茯苓清解去溼宜食可當茶飲 夏枯草清解平肝可當茶飲

粉藤根化痰解毒消腫化痰核須和猪瘦肉同煲食其法取根約三錢和猪瘦肉四兩水三大碗煲二點鐘至半碗停凍去渣藥根再煲並湯食之

長藤胡練根其性服法一 鳳尾草清解當茶飲 溪黃化痰消核服食之法一如

粉根

以上所列當食各品。大約多近清痰化火之味。至其人虛寒。又當因人服食。臨時酌定可也。無論寒熱各症。上條所列之當戒者。仍當切戒。





〔清〕

李子毅

著

# 痰癰法門

中國醫學大成

## 痰癰法門提要

清、李子毅撰。子毅字慶申。楚北蘄水人。是書首列痰癰總論。大致謂輕微易治者。痰子也。遲重難愈者癰癰也。次述痰癰鑑別法。外治法門。內治法門。禁用須知。如燈火。禁戒須知。如飲食。服藥。宜忌物品。痰癰醫案。末附楊梅驗方。喉蛾捷訣等類。皆從先生平時所得經驗。先辨原因。次詳治法。終述醫案。末附驗方。文義簡當。不感艱澀。與癰科全書合一刊行。相得益彰。誠醫家之寶筏也。

## 自序

毅自髫齡。見梓里中患斯疾者。日至門而呼籲。

先君魚泉公。具活人手眼。審症施治。刻期而愈。不可勝計。其貧困不能購買方藥者。先君恆備囊餌施與。而不求償報。故近鄉之患痰癰者。咸有所恃而不恐。光緒丙戌。先君見背。是時大母在堂。嘗示毅曰。吾家治痰癰。始於汝曾祖。遠峰公患斯症。後求醫於湖南某君。居家診治。數月而愈。遂得其傳授。汝祖汝父。皆知其術。濟人急難。宏慈善之門。汝曹曷取成法而習之。亦紹先人之事也。毅謹遵命。按法施治。罔不取驗。第見近世以來。患者日衆。其經毅醫治者。痊愈不可枚舉。其不知就醫治者。死喪不知凡幾。卽或不死。非成癆瘵。則爲廢疾。哀我人斯。頻罹疾戾。豈不深可憫乎。是以不揣固陋。謹將夙昔所聞見。平時所經驗。先辨論情形。次詳解



治法。終略述醫案。務求平易簡當。俾閱者一覽週知。無質疑問難之苦。將人人得此編。卽人人能治此病。人人能治此病。卽億北京垓之人。咸無是病。斯亦爲羣生。廣開方便法門之意也。故名是編爲痰癰法門。倘內外鴻博之士。於斯症有所發明者。究其得失。不憚斧政改良而進化之。是又所希望於將來也。

民國七年四月十一日

楚北蘄水李慶申子毅謹序

# 痰癰法門目錄

痰癰總論	一
痰癰鑑別法	三
外治法門	六
內治法門	一〇
禁用須知燈火	一四
禁戒須知飲食	一六
服藥	
宜食物品	一八
痰癰醫案	一八
附楊梅驗方	二三

痰癰法門目錄

二

附喉蛾捷訣

二五

# 痰癰法門

清 靳水 李慶申子毅氏著

鄞縣 曹赤電炳章圈校

## 痰癰總論

輕微易治者。痰子也。遲重難愈者。癰癰也。有風痰、熱痰、氣痰。由外感之不同。癰癰、筋癰、痰癰。因內傷之各異。其表面形狀大致相類。故總名曰痰子。而癰癰者。尤痰子中之重症。治之久而難愈也。

風痰者。風濕之毒。伏於經絡。先寒後熱。結核浮腫。二三日內。即發起於頸項間。治宜祛風散濕化痰消堅之類。



熱痰者。天時亢熱。暑中三陽。及內食煎炒厚味。釀結爲患。色紅發熱。結核堅腫。治宜清脾瀉熱之類。

氣痰者。由感觸四時殺厲之氣。於耳項胸腋。驟成腫核。患者寒熱交作。頭眩項強。治宜調氣和血之類。

癰癰者。累累如貫珠。連接三五枚。有數月數年。或十餘年始發者。初則核小不痛。亦不作寒熱。久方知痛。由誤食蟲蟻鼠殘不潔之物。及宿水陳茶內有汗液所致。治宜散堅解毒和血之類。

筋癰者。憂愁抑悶。暴怒傷肝。蓋肝主筋。故令筋縮。結蓄成核。生項側筋間。形如棋子。大小不一。或陷或起。久則虛羸。多生寒熱。勞怒則甚。治宜清肝解鬱之類。

痰癰者。飲食冷熱不調。饑飽喜怒不常。致脾氣不能運輸。遂成結核。初起如梅如李。生及遍身。久則微紅。後必潰破。收斂亦易。治宜豁痰行氣之類。

又有嫠婦尼僧。室女庶妾。或男患失榮失精。皆志不得伸。思不得遂。積想在心。思慮傷脾。脾敗血虧。遍身結核。最爲難治。宜先養心血。次開鬱結。益腎安神。疎肝快膈。如逍遙散、歸脾湯、益氣養榮湯。俱加香附、青皮、山梔、貝母、木香之類是也。

### 痰癰鑑別法

凡頭腦骨。及兩頤骨部位。不生痰癰。其餘頸項以下。及週身。皆可發生。初起寒熱交作。結核紅腫者。痰子也。初起不發寒熱。色白不痛者。瘰癧也。以紅屬陽。白屬陰。陽易治而陰難治。

凡癰疽初起時。旁亦核起。然癰疽之核。按之甚形活動。而痰癰結核。按之則推移不動也。

凡痰癰結核。在皮膜內。初則形如棋子、豌豆、菉豆等粒。起發時寒熱交作。大者如


雞卵。如覆盃。或長形不一。色紅腫而起發速者。皆屬痰子。色白微紅。不甚浮腫。而起發遲者。多屬癰癰。

凡痰癰潰破後。多不結痂。穢水時出。生肌膏藥。此塞彼潰。難於取效。惟用後載火攻之法。收工甚速。且不復發。否則蔓延遍身。至津液枯竭。遂成癆瘵。

凡痰癰結核。多以形狀及部位而定其名。隨舉數者。可以例推。如結核在舌下。即名爲墊舌痰。核在咽喉左右各一枚者。名鐵門拴。耳下八分頰車穴結核者。爲頰車痰。頸項筋間。核長如馬刀者。名馬刀癰。沿頸前面。至兩耳下。核起累累如貫珠者。名馬掛鈴。核在脇眼。突然腫大者。爲夾脇痰。附兩手大骨結核者。爲貼骨痰。核生於胸膈上者。爲氣痰。在腰眼者。名纏腰痰。在兩臀上。形如覆碗者。名煨督痰。在膀內鼠蹊穴。及足上膝骨結核者。亦名貼骨痰。結核此潰彼起。遍身而無定處者。名曰遊痰。其蔓生不已。節節破潰。潰口不收者。名瓜藤癰。然得其大概。即昔人云

七十二種痰症。亦不難辨矣。觀後第一圖。已得概要。

# 第一圖



說明

右第一圖。所誌各小圈。皆痰癰生於人身各部位。因之而定其名。庶治者覘核結


痰癰法門 痰癰鑑別法



何部位。及何形像。即可知之。總之。痰癰多緣骨隙而生。而癰癰純屬陰分。其愈期及治法。亦較痰子難十數倍也。

外治法門

第二圖



- (一)合谷穴 屬手陽明經。
- (二)肘臂穴 屬手少陽經。
- (三)肩頭穴 屬手少陽經。
- (四)頰車穴 屬手陽明經。
- (五)翳風穴 屬手少陽經。

### 說明

合谷穴 亦名虎口。在手表面大指次指歧骨間。

肘臂穴 在肘上直骨中間。穴居消爍穴之下。清冷淵之上。


肩頭穴 在肩頭骨下縫中。雲門穴外邊寸許。

頰車穴 亦名禾髎穴。在耳下八分。

翳風穴 在耳後側。穴與耳下齊。

右第二圖所載。皆上身穴道。凡痰癰等症。核起於上身者。按照上身穴道。用麻油蘸細燈草。先在紙上。將油搓乾燃之。於圖中有定點處。輕微燒之。觸近皮膚。即速提起。凡一、二、三、四、五、五穴。爲有定點。頸項左右有核起者。則左右手五穴。皆用火攻。片面核起者。只於一手五穴用之。此有定點也。其餘無定點。除致命氣門外。則在核起處圍燒之。核大者。頂上三兩點。核小者。頂上一點。此無燒點也。

第三圖



(子)內庭穴	屬足陽明經。
(丑)陷谷穴	屬足陽明經。
(寅)商邱穴	屬足太陰經。
(卯)申脈穴	屬陽蹻。 <small>奇經一入脈之</small>
(辰)膝眼穴	屬足陽明經。
(巳)膝眼穴	屬足陽明經。
(午)委中穴	屬足少陰經。 <small>即膝腕穴</small>
(未)鼠鼷穴	屬足厥陰經。

說明

內庭穴 在足表面大指次指之歧骨間。

陷谷穴 在足背跖陽穴前。去內庭一寸五分。



商邱穴 在內螺螄骨下陷中。

申脈穴 在外螺螄骨下陷中。

膝眼穴 在膝蓋骨左陷中。

膝眼穴 在膝蓋骨右陷中。

委中穴 在膝後腕中。

鼠鼯穴 在胯內大骨盡處。上與橫骨相接之間。

右第三圖所載。皆下身穴道。凡痰癰核起於腰以下者。按照下身穴道。左患攻左。右患攻右。雙方皆患。則左右俱治。如圖所載子、丑、寅、卯、辰、巳、午、未。爲有定點。用麻油蘸細燈草燒之。此有定燒點。若無定點。亦視腫核環燒之。核大者。頂上燒二三點。核小者。頂上燒一點。此無定燒點之要訣也。

內治法門

內治之法。不外審脈用藥。如風痰。脈必兼浮。熱痰。脈必洪數。氣痰。脈濡。癰癰。脈虛弱。筋癰之或弦或濇。痰癰之或弱或滑。尤在臨症時。細察病原。別其青梁藜蘆。觀其寒熱虛實。老幼榮枯。細詢起居嗜好。而知爲何症。當用何方。病機自無遁情矣。茲將平昔試驗之方。縷列於下。

### 風痰主治方

防風

荊芥

連翹

牛蒡子

歸尾

赤芍

生甘

銀花各一錢

土茯苓二錢

燈蕊十七

### 熱痰主治方

連翹二錢

當歸

山梔

桔梗

條芩

花粉

僵蠶各一錢

生石膏二錢

痰癰法門 內治法門

痰癰法門 內治法門

一二

竹茹

甘草各五分

氣痰主治方

夏枯草引一錢

藿香二錢

香附

白芷

陳皮

桔梗

茯苓

柴胡

法夏

白朮

厚樸

腹皮

甘草各一錢

癰癰主治方

白芍三錢

當歸三錢

昆布

穿甲

牡蠣

花粉

雲苓

天葵子各二錢

桔梗一錢

山梔

柴胡各五錢

筋癰主治方

痰癰主治方

龜膠	雲苓 <small>各三錢</small>	川貝	白芍
當歸	白朮	柴胡	丹皮
牡蠣 <small>各二錢</small>	山梔 <small>一錢</small>	生甘 <small>一錢</small>	竹葉 <small>廿片</small>

川貝

陳皮

茯苓

花粉

牡蠣

海藻各二錢

牛蒡子錢半

黃芩

連翹

木香

木瓜各一錢

以上各方。凡痰癰在上身者。俱可加入桔梗。在下身者。可加牛膝。以為引經報使。則藥性易達。而收功亦速也。

癰瘰消核丸

穿甲五錢

川貝

茯苓

當歸



殭蠶錢各四

白芍

柴胡

牡蠣

海藻錢各三

橘絡

花粉

丹皮

牛蒡子

地骨皮錢各二

生甘草一錢

右共爲末。煉蜜爲丸。如豌豆大。每服三十九丸。紅棗湯下。上身之症。可加桔梗二錢。下身加牛膝二錢。先服煎藥一二劑後。即可服此丸。以全行消滅爲度。如婦人有身孕者。則以固胎爲主。方中川貝、牡蠣、穿甲、牛蒡等藥。非所宜服。是又不可不知也。

總之。治痰癰各法。屬外治之功。十居八九。屬內治之功。十居一二。若治痰子。純用外治。亦可痊愈。至治療癰。非內外兼治。滋補虛損。調和氣血。內治亦不可偏廢。是神而明之。存乎其人耳。

禁用須知 燈火

諺云。燈火有推山之力。此等陰虛難治之症。非內服藥而外用燈火。固難圖功。然人身有禁用燈火之處。若誤犯之。須臾不救而死。不得不特爲標誌。使學者隨處留心。如咽喉脇眼心窩腰眼少腹臍中等處。不可誤用燈火。然有生於下脘之外皮膚間者。名墊舌痰。鐵門拴在喉兩傍。此於咽喉大有妨礙。夾脇痰生脇眼中。纏腰痰發於腰眼。下部貼骨痰。多生於鼠鼯穴。此於脇眼腰眼少腹。亦有妨礙也。但此等氣門關係緊要處。只宜在核頂上燃燒一二點。而環核外無定燒點處。仍宜禁用火攻。寸步留心。不可稍忽。詎得以生人而反殺人乎。

又用燈火。須七日一次。手續取七日來復之意。不可過急過遲。遲速則無益而反損。以核消盡爲度。當視患症之重輕。定愈期之遲速。予每治癰瘰。患者多不能持久耐勞。中途偶易他醫。用藥複雜。欲速反劇。卒多不治。誠可惜也。不知此病。輕者數日可愈。重者非數月不能爲力。是在病者當依期外用火攻。內服湯丸。不可求

愈過急也。

又用火攻後。一切膏藥敷貼。均可免用。何也。以用過燈火。設燈草上麻油未曾淨盡。燒點皮膚起泡。若貼膏藥於上。恐皮面易潰。且穴道不易審辨。是既用燈火。則膏藥反無補而有害。若潰口不易收斂。亦只以燈火於潰處輕微燒之。或用珍珠砂敷隔於潰處。而後用燈火。自無不驗之理。

### 禁戒須知

#### 飲食類

雞	魚類	蘑菇	香蕈	油菜
葱	大蒜	大椒	胡椒	麵食
韭	酒類	芝蔴	茴香	羊肉

服藥類

梨	蟹	柿	菸
栗子	方瓜	菜油	蝦子
蝦油	桃子	松菰	黃魚
木耳	李子	茄子	野雞
葡萄	蘋果	生薑	笋子

桂枝	細辛	麻黃	南星
附子	大戟	烏頭	黑丑白

以上辛燥發味。及水菓等。皆宜禁食。又禁用冷水浣洗手足。及赤足踏地。冒雨涉水。夜間不寐。夏夜在露地納涼。晝奔馳烈日中。皆能發病。尤宜禁食煎炒。并戒賭博惱怒房勞。食乳小兒。則母宜禁戒。不能禁者。百不一效。或禁戒不能持久。患者每因收效甚遲。半途自棄。全功盡廢。不可勝計。死亡廢疾。比比皆是。誠



堪浩嘆。則欲此病易愈者。於上所列禁戒各項。不可不注意焉。

宜食物品

猪肉	猪肺	猪腎	猪肚	野鴨	海參	淡菜
魷魚	昆布	黃花	豆腐	藕粉	萊豆	甜醬
醬油	豆豉	米醋	猪油	蘿蔔	豇豆	百合
糯米	鱉魚	鱔魚	豆粉	連米	枝元	紅棗
米粉	山藥	豆油	洋糖	家鴨	鴿蛋	斑鳩

以上各物。俱以清燉爲宜。如油煎火薰炙等品。皆在禁忌例。不可食矣。

痰癰醫案

一、余近地十餘里黃袍嶺。孫氏之女。出嫁甫週年。左項癰核。突起如覆盃。大小四十餘粒。潰破者口深三四分。血水淋漓。每潰破時。輒晝夜呼號。其右項核大者如鷄卵。小者亦十餘粒。先遇醫士。以藥止痛。用刀將大核剝出。堅硬異常。外層如骨。用斧槌破。內係玉白粉。是時尙止數枚。後愈發愈多。女父母咸以爲不治之症。迺聞之余。故人劉開甲。延至女家。余診其脈息曰。此癰癰之最重者。幸未成虛勞。尙可爲力。然非數月。不能痊愈。是時女父母只求生全。比喜曰。若能治好。雖一年半載。亦可專心待診。有所禁忌。一依余言。每七日卽遣肩輿來迎。至三四星期。膿血乾而潰口漸收。至月餘。已消去大半。後未及兩月。照內外治法。循序施用。項上各核。漸次消滅。因服歸脾丸、養榮丸之類。人事復原。次年卽產一子。

一、余散步鄂垣平湖門外。見一婦人。在船抱三四歲小孩。號啼不止。因詢之。婦人

曰。小兒昨夜不知患何症。先發寒熱。啼號達旦。雙手向喉間撈拂不止。喉間頗見紅腫。兩傍各有核一枚。現已聲嘶力竭。無可挽回。余曰。是名鐵門拴。爲痰子之一。不速治。則喉關緊閉。氣息不通。可急取蒜油、燈草。先行外治之法。用火攻後。小兒哭能出聲。余曰。已救治而無妨矣。復以天葵子三錢。和冰糖蒸飲。二三日而愈。

一、余同學張次野之如夫人。癸丑歲。次野居省城候補。其如夫人隨之。患瘰癧重症。余是時居省議會。次野迺邀診視。云已懷孕五月。見左右耳門下。皆有核起如雞卵。沿頸小核如棋子者二十餘粒。下脣一核。破潰。飲茶水則流出。兩手肘骨內外。又有核如雞卵者四五枚。余診其脈。沉數而滑。曰此瓜藤癰也。尙可爲力。外用火攻。內用清涼之品。固胎解鬱。方中稍與胎有妨礙者。卽除去之。兩星期後。下脣肉生。飲食如常。而兩肘骨間數核。消去十分之七。又患白喉症。誤服

他醫之藥。致通宵不寐。余曰。白喉症亦忌辛燥發表之劑。犯之所以危險。迺仍服余方。復眠食如常。每星期用火攻一次。未嘗間斷。方以開鬱補脾安胎養血爲要。近兩月而愈。是冬曾產一男。

一、余內兄。其如夫人因正室壺威過重。另居別墅。愁病交縈。遂項生瘰癧。左右各一。余診其脈短而濇。迺曰。此筋癰也。由憂愁所致。宜先解其鬱。再治其病。後治月餘。腫核全消。了無痕跡。然憂思未解。病源難清。後年餘竟以咯血虛火之症而沒。詩云。女子善懷。又曰。言采其芒。芒卽貝母。能化痰開鬱。故貝母亦治痰症之要藥。而女子尤相宜也。

一、縣城內潘氏麵坊。一女年十六七。項下患瘰癧數枚。余診治已消大半。每囑其戒食麵包等。初嘗記憶。後其母以病久未痊。聽他醫之言。不戒口味。且日以麵包與其女食之。余亦有事往麻邑。及下年至縣。詢其鄰里。云其女已因是病而



逝世者月餘矣。噫。若潘氏婦者。何其愛女之淺耶。

一、余族孫婦。項下患瘰癧數枚。大如鷄卵。余診治數次。未能全愈。余詢其故。乃曰。其壻不肯雇替女工。而家常操作。洗衣淘米。冷水不能禁用。致不能愈。余屢勸。而族孫終不聽。後數月復來求診治。是時潮熱骨蒸。逆經咯血。癆瘵已成。潰破處流膿汁不止。余曰。事不可爲矣。無從補救。未及半月而斃。

一、小兒。方在襁褓。其母負至余家求治。然僅耳門下一核。余用外治法。以爲計日可愈。後三四日。其母復來。曰。紅腫如常。且日夜啼哭。未知若何。余曰。汝禁洗冷水否。伊曰。已禁之。惟用菜油炒鮮菜。且減少用之。以爲無害於病。不圖若是之相反。余曰。物之害人。豈在多乎。仍舊施治。囑禁冷水菜油等物。果數夕而愈。故凡食乳小兒。其母卽宜戒淨。治病自無阻滯。

一、農家子。年十四。腰眼起一核。大如雞卵。不紅不腫。右臀上一核。大如覆鉢。起時

寒熱交作。紅而且腫。余曰。此纏腰痰與煨督痰也。治近半月。將欲全愈。是時酷暑如蒸。夜坐簷外納涼。將近半夜。腫痛交作。大熱不退。次晨。其父負之而述其故。予曰。此夜爲露水所傷。復如前治法。兼投去濕之劑。多延兩星期而愈。他如農人夏日。赤足爲常。然用火攻後。足必著履。以防濕氣冷水。免診治徒勞。醫者不可不先告誡也。

### 附楊梅驗方

楊梅者。其瘡三五成顆。紅潰後狀如楊梅也。病由西洋流傳廣東。彼遂綿延各省。有精化氣化之不同。精化者。由交媾傳染而得。先從二陰生瘡。蔓延遍身。上至巔頂髮際。凡有毛孔之處。初起小肉瘤。後漸癢潰。穢水時出。至缺脣爛額。殘廢死亡者。不可勝計。氣化者。由表面傳染。如與有瘡之人同衾共浴之例。其毒皆可傳播。

瘡由上部先見。後亦延及滿身。但毒較精化者稍輕。用藥分量亦可減少。中醫向來治法。每用升藥。致毒上攻。流弊百出。繼以補品。毒愈內錮。攻之不可。下之不去。因而殞命者多矣。余之藥方。得自麻邑程君。專以固脾瀉毒為主。服之不但無弊。而脾健神清。發味均所不禁。刻期而愈。屢試屢驗。誠妙方也。嗟嗟。每見青年有志之士。偶墮迷津。小則有妨健康。大則動關生命。得此亦苦海之舟航云。若東西各國。有醫療警察。防患未然。病院診治。醫於既發。此病所以日見減少也。

楊梅主治方

土茯苓二斤	金銀花八兩	生苡仁四兩	白蘚皮三兩
天花粉二兩	當歸尾二兩	荊芥穗五錢	青連翹一兩
白猪苓二兩	建澤瀉二兩	陳槐角四兩	車前子二兩
焦山梔四錢	牛蒡子五錢	生甘草四兩	淨蟬衣三錢



威靈仙二錢

宣木瓜二兩

木防己一兩

皂角子十粒

以上各味俱傾入鍋內。用柴火煮三次。每次將渣滓用布瀝乾。後渣滓不用。將三次所煮之汁。共貯鍋內。再用火熬。先武後文。以冰糖收成膏。置當風處。以米篩覆之。當茶日服數盃。下黑糞時。其毒始出。重者劑半而愈。輕者一劑可愈。其渣滓亦可煎水洗浴。惟禁麵食與茶。以解茯苓故也。井不用敷藥。若天時地氣人事之不同。方中亦可酌量加減。是則醫者因時制宜。惟不可用參、茸、朮、耆、辛、附等藥。使毒內錮。而不得出耳。近人有專用槐花數升煎汁。服之而愈者。亦去濕熱除毒戾之一法也。

### 附喉蛾捷訣

喉蛾一症。患者亦甚危險。每見發起時。咽痛流涎。內外紅腫。重者喉關緊閉。呼吸



難通。輕者亦疼痛不堪。不能飲食。救急惟用砭刺之法。卽細料磁器打碎。擇有尖鋒者。將筷子劈成四破。夾磁針於中。留鋒尖於外。針後來筷子處。用青線紮緊。以防針脫。令患者張口明亮處。再用筷子一隻。伸入口內。將舌尖往下納住。好視喉內。紅腫者。實症也。白色者。虛症及白喉也。白色不可開針。紅腫者爲喉蛾。須用砭刺。然其間有紫筋者。血脈之貫也。其上不可用針。其餘紅腫之處。用磁針輕輕刺破皮面二三點。以見血爲度。再取溫水漱口。俟痰血吐出。再入吹喉散嚥住。令勿吞下。後服祛痰化痰之藥。其愈甚速。惟藥忌苦寒辛燥之品。及寒冷生滯之食物。犯之則纏綿難愈。尤忌發味火酒之類。患者不可不注意也。若少陰虛火上延。喉亦微痛。但不紅腫。仲景有桔梗湯。臨睡時服之甚驗。至白喉一症。不但不可開針。尤忌辛燥發表之藥。犯之危險難治。別有白喉忌表抉微一書。言之甚悉。

吹喉散

麝香三厘

冰片五厘

硼砂飛

青黛

荊芥炭

熟地炭錢各一

共研細末。用喉鎗送入喉內。如無喉鎗。用小竹管吹入亦可。惟孕婦忌用。

又方

上青黛

製甘石

川貝母

直僵蠶

淨乳香

淨沒藥

飛月石錢各一

梅冰片三厘

青魚膽陰一枚

右共研細末。封固備用。

喉蛾主治方

當歸尾

山豆根

白茯苓錢各二

粉甘草五分

牛蒡子

白桔梗

川貝母

陳廣皮

痰癰法門 附喉蛾捷訣

痰癰法門 附喉蛾捷訣

二八

鮮生地

生蒲黃

茜草

蘇薄荷各一錢

化痰逐瘀湯

當歸尾

浙茯苓

桃仁泥各二錢半

西赤芍

生枳殼

法半夏

陳廣皮各一錢

台烏藥三錢

白桔梗

生甘草各錢半

真谷酒一杯冲入引。

痰癰法門終

## 後記

《正體類要》二卷。明·薛己著。刊于嘉靖八年（公元一五二九年）。薛氏字新甫，號立齋，江蘇吳縣人，約生于公元一四八八至一五五八年。世醫出身，父薛鎧爲當時名醫，官任太醫。立齋以癰疽承家，後乃以內科得名，兼通婦、兒、眼、齒等科，曾任御醫及太醫院使。學術思想受張元素、李杲等醫家影響，重視脾腎；醫雜病，提倡補真陰真陽；治癰瘍，主張審其虛實，以施補瀉；正骨療傷，外敷內服並用，重在內治，強調補氣血、補肝腎爲主，行氣和血爲次。編撰或校注有《內科摘要》、《外科樞要》、《癰瘍機要》、《正體類要》、《女科撮要》、《保嬰粹要》、《口齒類要》、《本草約言》，以及《校注外科精要》、《校注婦人良方》、《校注錢氏小兒直訣》、《校注陳氏痘疹方》、《明醫雜著註》等十餘種，多收載于《薛氏醫案》中。

本書又名《正體驗要》，爲骨傷科專著。上卷記述正骨基本手法十九條，以及撲傷、墜跌、金傷、火湯傷醫案六十四則，下卷載傷科方七十一首，內服外用兼收。全書條理分明，論述精要，用藥簡練，切于實用，對正骨學的發展頗有影響，清代《醫宗金鑑·正骨要旨》一書，即以是書爲藍本編纂而成。

《外科全生集》四卷。清·王維德編著。刊於乾隆五年（公元一七四〇年）。王氏字洪緒，別號林屋散人，又號定定子，江蘇吳縣人，約生活于十七至十



八世紀中葉。幼承曾祖王若谷之學，以外科鳴世，兼通內、婦、兒等科。治癰重視辨證論治，反對「不論陰虛陽實，惟多用引經之藥」及「濫用刀針」，主張「以消爲貴，以托爲畏」，自成一家言。行醫四十餘年，治癰經驗頗爲豐富，所倡用的陽和湯、醒消丸等，至今仍廣爲應用。將祖遺秘術結合自己臨證經驗，編撰成帙。

是書又名《外科證治全生集》，載有外科效方七十五首，內、婦、兒雜病驗方四十八首，記藥物性能及炮制二百餘種，並列載臨證治案。全書內容簡明實用，流傳較廣。清末馬文植氏以本書「重用陽劑，發言過激，非古人和緩之意」，故予以評述，並增其秘方八首於書末。

《外科選要》二卷。清·唐巒編輯。刊於乾隆四十一年（公元一七七六年）。唐氏字芹洲，江蘇崑山人，長於外科，頗有建樹，於《選要》問世之前，尚輯有《外科心法》十卷。

本書主要集陳實功《外科正宗》、祁廣生《外科大成》、王肯堂《瘍醫證治準繩》等書之簡要易懂部分，匯編而成。書中分列十二經補瀉藥品，並按汗、下、渴、嘔、痛等分證治法，頗有發明；載內、外常用方七十四首，用藥精煉。初學者借以入門，再循徑深造，便可升堂入室，以收事半功倍之效。

《外科醫鏡》一卷。清·張正撰。刊於光緒九年（公元一八八三年）。張氏字貞庵，浙江嵊縣人。世業儒，上承祖硯，積學能文，後緣母患臂疽，診之諸方家，近年不效，遂習外科。強調治病先辨陰陽，用寒遠寒，用熱遠熱，

六氣辨淫，假者反之，雖違其時，必從其證，若執常法，無不誤矣。宗《內經》之旨，悉哀前賢論瘍精義，考驗臨證心得元微，析理如明鏡，著成《外科醫鏡》。

本書載外科證方一百另五首，內外用藥或隔蒜艾灸，兼收並蓄；以方帶病，記諸癰疽疔毒，斑疹丹疹，濕痰流注，骨槽風，療癰痰核，失榮石疽，眼生障翳，陰虛目痛，鼻淵腦漏，虛實牙痛，腮腫時毒，舌上出血，舌癰喉癰，陰虛咽瘡，陰火喉痹，大腸生癰，小腸疝氣，少腹緩疽，下部便毒，脫肛下墜，脚氣衝心或下注，楊梅毒瘡，男女疳瘡陰蝕，婦人乳疾，孕婦或產後陰疽癰毒，漆瘡腫腐，痘後癰疽，湯傷金瘡，破傷中風，癩狗毒，蛇咬腫毒等六十餘種，大凡緊要瘡瘍俱已論列。惟瘡有變證，方宜化裁，善在醫者心領神會，隨證變通活用，方得藥中病繁之驗。

《癰科全書》一卷。清·梁柘軒著。刊於宣統二年（公元一九一〇年）。梁氏字希曾，嘉應（廣東梅縣）人。先習儒學，後攻岐黃，悉心研究內外各科，治癰尤爲所長。曾行醫于上海、香港及新加坡等南洋各島，醫名時揚中外。

本書乃癰科之專著。其分症爲十五種，其因雖非一類，然皆由於體質痿弱，血液乾枯，陰虧火鑠，氣滯痰凝，其毒久伏臟腑，一旦發於肢體，遂根深蒂固，牢不可拔。其治，外則頻點癰藥以化朽腐，內則審寒熱虛實而施治，取其潛消默化於無形。全書首辨癰症之原理，次辨癰症之診治，再次列點癰之藥方，點藥之方法，及癰證食物之忌宜，醫理術流，源源本本，朗若列眉。

今之審校重刊，以俾世之治療癰痰核者之法。

《癰瘰法門》一卷。清末民初，李子毅撰。刊於民國七年（公元一九一八年）。李氏字慶申，湖北蘄水人。仰承三世家學，擅長診治痰癰等證。

本書首列痰癰總論，認為輕微易治者為痰，遲重難療者為癰瘰；次述痰癰形證之鑑別，內外治法，飲食服藥宜忌，醫案舉例；未附楊梅驗方，喉蛾捷訣。論述簡明，治法簡便。內治載方七首，外療言灸十三穴，強調火攻優於服藥，自成一家之說。其與《癰科全書》相得益彰，並為論述此類病證之專著。

此次重刊，《正體類要》以一九八三年人民衛生出刊社刊本為主校本，一九五七年上海衛生出版社刊本等為參校本；《癰科全書》以一九五八年上海科學技術出版社刊本為主校本，《三三醫書》、《國醫小叢書》等本為參校本；《外科全生集》以一九五六年上海衛生出版社刊本為主校本，分別進行校勘；《外科選要》、《外科醫鏡》、《癰瘰法門》三書，無由一睹他本而行讀校。諸凡原文有錯訛，句讀不當，及理校文義不通達者，均已適加校正，以方便讀者。

薛秀玲



書目

(一) 黃帝內經素問集註	(二) 黃帝內經靈樞集註	(三) 靈樞識	(四) 傷寒明理論	(五) 傷寒九十論	(六) 陰證略例	(七) 傷寒兼證析義	(八) 傷寒貫珠集	(九) 傷寒六經辨證治法	(十) 張卿子傷寒論	(十一) 傷寒補例	(十二) 傷寒來蘇集	(十三) 重刊金匱玉函經	(十四) 沈註金匱要略	(十五) 金匱要略心典	(十六) 金匱翼	(十七) 脈經	(十八) 玉函經	(十九) 重訂太素脈秘訣	(二十) 脈語	(二十一) 醫燈續焰	(二十二) 脈說	(二十三) 望診遵經	(二十四) 重訂診家直訣	(二十五) 臨證驗舌法	(二十六) 察舌辨證新法	(二十七) 脈學輯要評	(二十八) 脈學論	(二十九) 醫門普度溫疫論	(三十) 張氏溫暑醫旨	(三十一) 溫疫明辨	(三十二) 溫熱暑疫全書	(三十三) 溫證指歸	(三十四) 溫熱病指南集
(一) 痧脹玉衡	(二) 瘧疾論	(三) 溫濕時疫治療法	(四) 增詳傷寒全書	(五) 伏氣解	(六) 伏邪新書	(七) 伏陰論	(八) 羊毛瘟論	(九) 溫熱達源	(十) 隨息居霍亂論	(十一) 霍亂審證要	(十二) 鼠疫快微	(十三) 增補評註溫病條辨	(十四) 十藥神書	(十五) 增訂十藥神書	(十六) 痰火點雪	(十七) 慎柔五書	(十八) 理虛元鑑	(十九) 虛損啓微	(二十) 何氏虛勞心傳	(二十一) 症因脈治	(二十二) 周慎齋遺書	(二十三) 醫原	(二十四) 脈因證治	(二十五) 韓氏醫通	(二十六) 醫林改錯	(二十七) 醫學舉要	(二十八) 一草亭目科全書	(二十九) 異授眼科	(三十) 銀海指南				
(一) 咽喉脈證通論	(二) 喉舌備要秘旨	(三) 包氏喉證家寶	(四) 重訂喉症秘喉書	(五) 正體類要	(六) 外科證治全生集	(七) 外科選要	(八) 外科醫鏡	(九) 外科全書	(十) 瘡癤法門	(十一) 徐評外科正宗	(十二) 盤珠集胎產證治	(十三) 胎產指南	(十四) 重訂產孕集	(十五) 女科切要	(十六) 經效產寶	(十七) 女科經緯	(十八) 校註婦人良方	(十九) 慈幼新書	(二十) 原病要論	(二十一) 痧疹備要方論	(二十二) 活幼心書	(二十三) 幼科直言	(二十四) 小兒衛生總微論方	(二十五) 幼幼集成	(二十六) 針灸甲乙經	(二十七) 針灸素難要旨	(二十八) 眉壽堂方案選存	(二十九) 徐批葉天士晚年方	(三十) 案真本	(三十一) 孫文垣醫案	(三十二) 三家醫案合刻	(三十三) 張曉香醫案	
(一) 聖濟總錄要	(二) 醫方考	(三) 劉涓子鬼遺方	(四) 藥微續編	(五) 重刊本草衍義	(六) 神農本草經	(七) 醫學源流論	(八) 慎疾初言	(九) 醫暇卮言	(十) 醫學心悟	(十一) 珍珠囊補遺藥性賦	(十二) 雷公炮制藥性解	(十三) 醫門普度溫疫論	(十四) 脈學輯要評	(十五) 脈學論	(十六) 醫門普度溫疫論	(十七) 張氏溫暑醫旨	(十八) 溫疫明辨	(十九) 溫熱暑疫全書	(二十) 溫證指歸	(二十一) 溫熱病指南集													